


H E N R I C I
CORNELII AGRIPPÆ
AB NETTESHEYM AR-
MATÆ MILITIÆ EQVITIS
Aurati & V.I.ac Medicinæ
Doct̃oris,

Stephani *nieditorum partem.*
90 *Amplius*
Elenchum pagina sequens Præfationem exhibebit.



LVGDVN I,
PER BERINGOS FRATRES

M. D. C V.

W

2/IV/10

A.243153



EPIGRAMMA

AD DOMINVM AGRIPPAM,

DE INCERTITVDINE ET VANITA-

te scientiarum & artium, atque excellentia ver-

bi Dei declamatorē, quin

potius*artemasticem, be-

nigna sub interpretatione

accipiendum* citra iniu-

riam aut inuidiam aut in

uectiuam lōge absentem,

simulq; alienam Buscono,

*veritatis alumno.

*Artemasticem nouū
vocabulum à Buscono,
ex Latino & Græco cō-
positum, nusquam apud
ceteros Poetas aut Grā-
maticos repertum: quia
miserrimi ingenii esset
semper uti inuentis &
ex seipso nō inuenire no-
ua vocabula.

*Citra iniuriam color est Rhetoricus, quo negat se facere,
quod maxime facit, vocans se Ardelionem, in super periurij
& tergiuersionis à verbo Dei insimulans.

*Veritatis alumno, Si veritatis alumnus esset Busconus,
non tam insigni mulcta punitus fuisset in iudicio apud Bru-
xellas damnatus de commisso crimine falsi.

CLARA sub Agrippa*
probantur dogmata
vafro,

*probantur, pro ex-
probrantur, per figuram
que dicitur ignorantia
poetica.

Et sua sulcat aquas scri-
ptio stultiferas.

Censor enim rigidus nulli
qui parcit honori,

A a Papa

Papa redarguitur, Cæsar
& omne bonum.

Quos fert *erratus titulus
bene *tutat eosdem
Declamans, vario fin-
gere cuique licet.

Fallere cuiq; nefas cur scri-
bere quilibet audet
Audax est verbicopia
vanitoni.

Probrifer est titulus * scitū
qui *vanat amandum.

Eminet insigni certius
arte nihil.

Ars haud sit damnās, mul-
tus licet artis abusus
Fit nitidæ viuens crimi-
ne nemo caret.

Præsignis *bellam denigras
quamlibet author
Artem, scis qui sis, *am-
plus es ardelio.

Nam noscis, nescis, rides,
fles omnia carpis.

Sic proprio ecce tuus co-
dice versus habet.

Sis gemini Doctor iuris
grauitatis amicus.

At *iuramenti quæso me-
mento tui.

* Erratus, pro errata
per locū ab auctoritate,
quia sic loquutus est Re-
uerendus pater, Frater
Magister noster & Ma-
gister hereticorum Iac.
Hochstratus in libro suo
contra Cabalam.

*Tutat, Poetice & Bu-
sconice: nā vulgus Grā-
maticorum dicit tuta-
tur aut tuetur.

*Scitum, pro scientia,
nouus lepos: & sicut pur-
ri in scholis dicūt come-
stū pro cibū meum.

*Vanat, nouū verbum,
& Buscono dignum. Sed
admonitus p illo postea
supposuit. Pungit.

*Bellam artē, Venusta
& rosea elegātia in car-
mine tam spinoso.

*Amplus ardelio ap-
positum epithetū, quem-
admodum dicitur. Am-
plissime pater.

*Iuramenti, Nō intel-
ligitur de iuramento pra-
stito in baptismo, quo
renuntiatur Satana &
artibus eius. Sed de ex-
torto in scholis, quo iu-
ratur in verba magistri.

Quisq;

Quisque tuum laudat librum.
quod verba tonantis
Celsa Dei præfert quem
decus omne decet.

Illa profecto vigent cedri-
nis digna tabellis,
Æternisque tuæ messibus
historiæ.

Quas reprobas artes, aulam
complecteris ipsam.
Verba Dei laudas more
negata tuo.

Leuior ô frater præsentī
parcito pennæ,
Recto forsan ego * nu-
mine motus agor.

Numine, fortassis suo
malo Genio Quippe etiā

mali daemones nonnunquam à Poetis vocantur numina.

REVERENDI PATRIS

F R A T R I S A V R E L I I A B

Aquapendente Augustiniani Epi-
gramma in Busconum Louan.
versificatorem.

EST leuis ardelio, currensq; per omnia nesciē
Sistere, sed petulans fertur in omne genus
Busconis: at cunctas miseratur nescius artes,
Et sic Busconio carmine cuncta tonant.

*Agrippam miseris decerpit morsibus, inde
 Vir grauis esse sibi dicitur ardelio.
 Quid quoque quod gracili volitat super omnia pœna:
 Busconus est igitur maximus ardelio.*

EIVSDEM AVRELII EPI-
gramma in Louanienfes arti-
culatores.

Expectata diu vestra est censura per orbem
*Artibus oppressis spem daret vt reclusus.
 Agrippæ hinc ignem gladiumque minatur & vndas,
 Diis etiam inuitis destinât ille stygem
 Qui tandem exiguum potuistis gignere murem,
 Res versa in risum est, gloria parq; decus.
 Sic decet indoctas, qui torquet spicula musas,
 Vt cadat, vt toto fabula in orbe fiet.
 Ite in Pigmæos conuertite tela gruesq;
 His eritis Cæsar numina magna Deus.*

HENRICI CORN. AGRIPPÆ
Epigramma ad Cæsarem.

Quum me suspectum teneas de crimine Cæsar
*Quod tibi persuasit Monachorum barbara turba.
 Precipis insontem, vt iugulet palinodia librum.
 Sed detractorum vt noscas mendacia & artes
 Siste gradum iustum est, vnâ vt insontibus aurem
 Exhibeas, quam iam primam concesseris hosti.*



REVERENDISSIMO

IN CHRISTO PATRI GENERO-
so domino, domino *Laurentio Campego, tituli S. Mariae
trans Tyberim presbytero Cardinali, Sanctae Romanae
sedis, per Germaniam nuper à latere Legato, domino
& patrono suo semper observandissimo,*
Henricus Corn. Agrippa,

S. D.



V V M me tuæ sublimitati (ob
propensum eius erga me fauorē,
tum ob collata in me beneficia
tum ob patrociniū aduersus
illos qui Cæsarem, totamq; Cæ-
saris aulam in meā perniciem irritarunt, & pro-
pemodum persuaferunt) plurimis maximisque
nominibus obligatum esse cognoscam (pater
reuerendissime) veniam mihi dabis, si grauiori-
bus quoque nominibus cupiam me tibi redde-
re obligatiorem : rursusque te patrem virtute
præstantissimum, & literatura eruditissimum
orem vt in tuendo Agrippa, iam vetere clien-
tulo tuo tui similis esse velis, eademque animi
clementia me suscipere digneris. Quod enim ad
te iterum confugio, author mihi est ignara pu-
doris necessitas, qui iussu Cæsaris, tuoque hor-
tatu cogor me ab impietatis crimine vindicare,

A 4 atque

atque hanc pugnam aggredi, taleque certamen
 suscipere, vt capitale impietatis crimen agno-
 scam, si obticescam: nimiumque obfuturum sit
 famæ meæ si negligam, nimisque periculosum,
 si detrectem pugnare contra fortiter. Quod
 quum sine aduersariorum dolore & vulneribus
 fieri nequeat, periculosum mihi visum est, absq;
 strenuæ eruditionis, pariter & æquissimi iudicij
 patrono, in hanc arenam descendere. En pro-
 dit apologia nostra aduersus Louanienſium ali-
 quot rabinorum calumnias, ad quas quanta cū
 celeritate respondi, nulli meliores testes sunt,
 quam vir ille ornatissimus dominus Lucas Bō-
 ſius, tuæ sublimitatis ſecretarius, qui non im-
 modicam apologiæ nostræ partem vidit legitq;
 Atque venerabilis dominus Bernardus Paltri-
 nerius tuæ amplitudinis Oeconomus, in cuius
 cubiculo dies noctesque importuno studio per-
 egi omni: ita quum datus eſſet mihi libellus ad-
 uersariorum, ad diem decimum quintum De-
 cembriſ, ego Apoſtologiā hanc reddiderim an-
 te vltimas Calēdas Februarij, tradidig; Mechli-
 niensis Senatus Præſidi, non editurus in publicū,
 niſi accepto prius Senatus illius decreto, à quo
 mihi tranſumptum calumnioſorum articulorū
 illorum tranſmiſſum eſſet: quamuis iudicium, &
 ſententiam eius negotij iam pœna anteceſſerit,
 & incognita cauſa, ex ſola ſuſpicionē damnatus
 eſſem ab his, qui poſthabita ſenatus authorita-
 te, ſibi iudicandi libertatem uſurpaſſent: quique
 accuſa-

accusatores quum essent & inimici, non tam iudicandi, quam opprimendi mei causam quærebant. Quia igitur nunc supra annum & mediū frustra expectaui senatus illius decretum, ne honoris mei prodigus, & famæ meæ crudelis, innocentiaque meæ desertor, tam crudelem hæresis, impietatis, & scandali infamiam, quam mihi scelestissimi illi scriptorum meorum falsarij, & perfidi famicidæ impegerunt, silentio meo agnoscere videar, cogor illam vel ante iudicium (paucis recognitam & nonnullis adiectis) in publicum edere. Idque sub tui nominis protectione. Quod quidem eo audentius facio, quod etiam tua amplitudo me adhortata esset, ut responderem, & me de tam horribilibus criminibus purgarem, sed lenitatem mihi iniungens atque modestiam. Vnde ego mihi non promisi tam libere loqui, nec tam vehementer respondere: quam perfide illi calumniatores mei commuerunt. Qui (quod nosti) non istis articulis tantum contra me egerunt, sed innumeris alijs clanculariis insidiis, & capitalibus criminationibus, multisque subornatis sycophantijs, multo aconito conditis, tantum lætalis veneni, in aula Cæsaris, apud principes viros, & in templariis concionibus, apud imperitam multitudinem, aduersum me effuderunt, ut difficilimum sit mihi ad tam proditorias persecutiones, ubique habere bonum stomachum. Quorum calumniæ quædam eius ge-

neris sunt, ut quemuis etiam excelsum animum
possent à tranquillitate dimouere, & ad quas
leuis esse nec possim, nec admodum debeam.
Sicubi ergo in hac Apologia paulo liberius in
malos male loquor, sitque aliquid amaritudi-
nis, meo iure id me facere puto mihi que in il-
los licere arbitror, edito nomine meo, palam
& præcipiente Cæsare, me defendere contra eo-
rum calumnias, detractiones & maledicta, quæ
ipsi præter auctoritatem, tacitis nominibus
suis, clanculum & post terga, & proditorie, in
me sibi licere promiserunt. Certe non ignora-
bam ab initio declamationis meæ, me inuidiam
eruditionis præmium recepturum, quodque
mihi obuiatura essent gymnasiarcharum fero-
citas, sophistarum astus, scholasticorum insi-
diæ, magistrorum nostrorum furor, pseudo-
monachorum doli, & omnia mihi pulchre præ-
diuinaueram, sed arbitrabar illos, eruditorum
& proborum virorum more, aut diuersam par-
tem declamatuos, & aduersus mea scripturos,
aut disputationem publicam indicturos fuisse,
non tot falsæ linguæ apparatus infectatuos,
non tot mendacibus calumniis apud Cæsarem
capitis expetituos. Quod si scripsissent aut dis-
putassent, quid tunc valiturus fuisset, non ia-
cto. Certe eruditionem eorum, non verebar,
violentiam autem pertimescere oportuit, non
ignarus quanto periculo viuerem in ea multi-
tudine, quis quum mihi æternum bellum esset
susce-

susceptum, præsertim quum tanta sit tyrannidis eorum impunitas. Sed qui quondam disputationes indicere solebant scholarum magistri, nunc inscitiae suae conscientia confusi, illas exhorrent, violentiaque damnare prætendunt, quod deberent rationibus convincere. Scio à quorum iudicio pendeat Cæsar, quales illi adsint Theologi, scio quam odiosa, quam periculosa sit veritas: sed iusto sub iudice vincet, nec terrebitur crimine innocens. At dicere causam apud eos, contra quos scripsissem, graue est. Quod si Cæsar nosset totius negotij circumstantias, & quas passus sum iniurias, ac illi pate-
 rent, quæ ego scripsi, fortassis propensior esset illius in me animus, nec me inter postremos numeraret, nisi in aulis regum plerumque plus valeret detractorum improbitas, quam bonorum fauor. Sed quum non solum ille reus sit, qui falsum de alio profert, sed etiam is, qui aurem cito criminibus præbet. Non me admodum læsissent illæ calumniæ, nec cuiquam persuasissent malæ illæ linguæ, si non inuenissent sibi similes aurículas. Sed confido in innocentia mea, quo fit, vt non confundar, nec aliud cupio, quam æquum & intelligentem iudicem, qualis tu es vnus. Propterea nunc iterum atque iterum oro amplitudinem tuam vt non graueris animum tuum, licet plurimis grauissimisq; negotiis occupatissimum, mihi tantisper accommodare, nostraque scripta, & responsa ex-
 pende-

pendere velis, donec causam omnem perdiscas.
 Nec moleste feras, si te (quod forte plerique
 dicturi sunt) tam odioso argumento præficiam
 patronum. Non enim molesta nec odiosa tibi
 fore puto, quæ aduersus perfidos falsarios, &
 impios sycophantas, fidei & pietatis negotia
 tueantur. Faxit Deus, vt Ecclesia sua ab omni
 hæreticorum impietate & sophistarum tenebris
 expurgata, in pristinum splendorem restitua-
 tur, qui te prosperet, & incolumen conser-
 uet & omnibus bonis impleat & re-
 pleat. Vale felicif-
 sime.

NOBI-





NOBILIS VIRI

HENRICI CORNELII AGRI-
PÆ, ARMATÆ MILITIÆ EQVITIS
aurati, ac Vtriusq; Iuris Doctoris, Cæsareæ Ma-
iestatis à Consilijs, & Archiuis Indiciarij. Apo-
logia aduersus calumnias, propter declamatio-
nem de Vanitate scientiarum, & excellen-
tia verbi Dei, sibi per aliquos Loua-
nienses Theologistas in-
tentatas.

*Nolite secundum faciem iudicare, sed rectum
iudicium iudicate.*

EG O Henricus Cornelius Agrippa, superio-
re anno edidi declamationem quandam, quā
de incertitudine & Vanitate scientiarum,
atque excellentia verbi Dei inscripsi. Prasagus reuera,
cum quantis monstrorum generibus propter illam forem
depugnaturus, eoque quum non prodiret edendula, mul-
tos admodum esset offensura. Præ cæteris autem Theo-
logos aliquos & Monachos superciliosum hominum ge-
nus. Hinc primum ex Louaniensi Academia prodierunt,
qui me hæreseos, impietatis & scandali, congestis ali-
quot articulis detulerunt, aliqui Magistri nostri (neque
enim credo totius Theologici ordinis communibus suf-
fragiis hanc rem actam esse: quum compertum habeam
esse in

esse in illorum collegio nonnullos viros candidos, & qui-
 bus illa declamatio nostra non displiceat) volitarunt
 articuli illi clam me, per multorum manus, & plerique
 aulici mystæ, ad hanc calumniam instructi, illos Cæsari
 non semel tantum obtruserunt. Hinc ad priuatum Cæ-
 saris consilium remissi, inde ad Parlamentarum Sena-
 tum Mechliniam relegati, per annum ferme in iudicium
 manibus versabantur, me inscio, & Cæsare aduersum
 me, non sine causa, licet sine ratione, grauius indigna-
 to. Quod tandem vbi rescissem supplicavi apud vtrunque
 Senatum, impetratis etiam literis à Reuerendissimo
 domino Archiepiscopo Panormitano, supremo priuati
 Cæsaris consilii præside, vt mihi articulorum illorum da-
 retur transsumptum, quo illorum admonitione disce-
 rem, quid mihi vel explicandum, vel corrigendum, vel
 emendandum, vel reuocandum esset, paratus cognito
 errore illum Christiana modestia retractare. Datum
 itaque est mihi articulorum illorum transsumptum, die
 15. Decembr. anni millesimi quingentesimi tricesimi pri-
 mi, & per eundem Reuerendissimum dominum Archie-
 piscopum Panormitanum, supremum priuati consilij
 præsidem, edictum, velle Cæsarem, me horum articulo-
 rum publicam palinodiam canere. Verum ego cum illis
 spectarem multa meorum non intellecta, multa item
 deprauata, multa peruersa & perperam interpretata,
 non equum duxi eiusmodi abs me inaudito & indefen-
 so palinodiam postulari, quodque debeam reuocando a-
 gnoscere impietatis crimen, cuius mihi non essem con-
 scijs, de quo non essem conuictus, quicquid sit de vo-
 luntate Cæsaris. Respondeo constanter cum Ambrosio,
 diuina

diuina imperatoria Maieſtati non eſſe ſubieſta. Vrge-
mur praeceptis Regalibus, ſed confirmamur ſcriptura ſer-
monibus. Potuit Caſar credere adumbrata pietatis fu-
co mendacia deferentibus, atque ego non neſcio quan-
ta principum peſtis ſit lingua bonarum rerum, interpres
mala. Potuit Caſar obſequi importune inſtigantibus,
neque ego ignoro, quantum poſſit improbitas inſtigato-
rum fuco pietatis ſeſe venditantium. Diui Athanaſiō
deportatio clare docet, quantum inſimulationes & ca-
lumniae (maxime ſi ab his, qui fide digni habiti ſunt, in-
ferantur) contra innocentes, valeant operari. Tunc etiā
Imperatore (ſed alias eruditiffimo, ſed aequiſſimo cle-
mentiffimoque quippe Conſtantino Magno) per falſos
sacerdotes, ingeſtis calide calumniis, ad tantum ira at-
que furoris aduerſus Athanaſium impulſo, ac ſcleris
conſenſum agente. Scio Caſarem hominem, & ſuis poſ-
ſe agi affectibus, qui mihi obſtare non debent, quo minus
liceat mihi meam tueri innocentiam, praefertim de tam
inexpiabili hereſeos & impietatis crimine, quibus de
cauſis hanc retractionis ſententiam, quā Caſar mādaf-
ſe dicitur, cenſeo non iudicij, non deliberationis fuiſſe, ſed
ſuſpicionis, atque ex inſidioſis aduerſariorum meorum
conſiliis, inconsiderata credulitate proſectam, & me
inauditum & indefenſum illa non teneri. Nam quae in-
audita parte geruntur, nunquam pro iudicio habebun-
tur, quod ſi etiam vel iuſtiſſimam ſententiam, quis
importune, vel aliter vitioſe tulerit, tamen hac nulla
eſt, & pro ſententia non eſt habenda. Mihi ergo
licet, ſemperque licebit, apud Caſarem innocen-
tiam meam tueri, calumnias repellere, male conſulta

con-

contemnere & quod olim licuit apud Philippum Macedonem, & hodie etiam apud Romanos Pontifices, à dormitante ad eundem vigilantem, à male iustructo ad eundem melius instruendum appellare. Non enim Cæsar damnare potest, quem lex non prius iudicarit, ni forte (vt in Actis, ait Apostolus) Iudicans me secundum legem, contra legem iubeat me percuti. At lex (vt est in Euangel.) non iudicat hominem, priusquam interrogauerit ab illo, & cognouerit quid fecerit. Et in Act. cap. 22. Hominem indamnatum non licet flagellare. Et in cap. 25. ait Festus Romanus: Non est consuetudo damnare aliquē, priusquam is qui accusatur præsentis habeat accusatores, locumque defendendi accipiat, ad ablucenda crimina quæ ei obiiciuntur. Nihil enim temere (ait Moses) iudicandum, neque æstimandum, neque credendum est, nondum audita altera parte, hinc ex Atheniensium legibus in duodecim tabulis à Romanis acceptum fuit, similiter ambos audire, vnde de requirendis reis Martianus consul scriptum reliquit, ne inaudita causa quenquam damnemus. Olim ne tyranni quidem iudicarunt incognita causa. Laudatur C. Caligula, qui ambas aures delatori claudebat. Laudatur Alexander qui alteram defensori seruabat. Et diuus Adrianus Aufidio Seuero rescripsit, de suspicionibus non debere aliquem damnari. Non enim debet quis suspectus fieri, sed deprehendi. Et imperator Constantinus ait: Iudex criminis discutiens, non ante sententiam proferat, quam ipse consiteatur, aut per innocentes testes conuincatur. Et beatus Eleutherius Papa dicit: Nihil contra quemlibet accusatum absq̃ idoneo & legitimo accusatore fiat:


Deus

Deus ipse cuius scientia non fallitur, priusquam iudicaret protoplastum, loquutus est illi, & confessionem criminis extorsit; idem iudicaturus ciuitates Sodomorum ait: Descendam & videbo vtrum clamorem, qui venit ad me opere compleuerint, an nū est ita, vt sciam. Quod si mihi concedatur hæc respondendi facultas, ostendam me nihil vnquam assertiue scripsisse, credere, aut tenere, cuius contrarium asserit, credit sentit, & tenet Ecclesia Catholica. Si scripta mea non peruertantur, aut in peruersum sensum, & contra mentem meam interpretentur, quod siue inscitia, siue malitia fiat, non debeo ego pœnitentiam agere alienæ inscitie, aut malitie, quando ostendere potero meliorem sensum. Nonne Rex Abimelech, quod accepit sibi Saram vxorem Abraham, quia dixerat ille soror mea est, grauiter reprehensus est à Deo, & nō imputatur scandalum hoc vitio proferentis Abraham, sed præsumptis Abimelech, quia non fuerat scrutatus mentem verborum Abraham? Quo exemplo, Augustinus, ream linguam non facit, nisi rea mens sit, & habetur in c. queritur. xxxij. qu. ij. Est q³ Iurisconsultorum communis sententia, non solum in his, quæ sunt de foro animæ, sed etiam in his quæ sunt de quasi foro animæ, credendum esse declaranti se, & voluntatem suam confitenti. Vnde Metiano authore, lex promulgata est. In ambiguis orationibus, maxime sententiam spectandum eius esse, qui eas protulisset, præsertim in meliorem partem, vt res valeat potius, quam pereat. Et Vlpianus in libris digestorum de iudiciis, sic ait: Si quis intentione ambigua, vel oratione vsus sit, id quod ei melius est accipiendum est. Et generalis iu-

risperitorum sententia est, quod quando actus aliquis potest dici vel geri, eo modo, quo dicens vel gerens incidat in delictum vel poenam, & eo modo quo non incidat, debet semper interpretari, ut non incidat. Et Hilarius ait, intelligentia dictorum ex causis est assumenda dicendi, quia non sermoni res, sed rei est sermo subiectus. Et Occham Scholasticus Theologus, in suo Dialago, multis rationibus falsum ostendit, quod vulgo dicitur, verba non ex opinionibus singulorum, sed ex communi usu accipienda esse, concludens, quod in verbis ambiguis & multiplicis intelligentie, non sit recurrendum ad communem intelligentiam, sed potius ad intentionem loquentis. Fuit olim B. ille Dionysius Alexandria Episcopus, Iulio Papae, de Ariana heresi delatus, quia filium Dei dixisset creaturam, ille dictum negans, nec dogma defendens, sed mentem suam sinceram declarans, & a suspitione liberans, summa beneuolentia, & commendatione, ab Ecclesiae patribus receptus est, edita insuper (per Athanasium) apologia, pro defensione eius contra detractores, docentem non verba, sed mentem & sententiam iudicandam & explicandam esse, ab ipso quicquid scripserit aut dixerit. Quis enim hominem scit, quae sunt hominis, nisi spiritus hominis, qui est in ipso? Quod si nunc mihi concessum erit, ostendam nihil meorum haereticum, aut impium, aut scandalosum esse, aduersus Ecclesiam Dei, si recte aut candide fuerit intellectum, & non hostilem peruersum, atque id facturum primum bona fide recitabo articulos quos continet libellus aduersariorum, mihi à Mechliniensi senatu transmissus, supplicatione mea ad eundem clarissimum Senatun nuper missa, hic etiam praeposita. Deinde ad singula respondebo,

spondebo, ne meo silentio, quasi culpa conscientia, abuti possent nostri obrectatores, numerisq; in margine adiectis signabo, ad quæ aduersariorum dicta quæq; responsionis meæ verba referantur, ostendamq; adiectis ad articulorum marginem, breuibus scholiis, quibus calumniarum artibus vtantur isti piarum aurium Theologi.

CLARISSIMIS VIRIS
DOMINO PRÆSIDI ET SENATORIBUS Cæsarei Parlamenti apud
Mechliniam.

 VONIAM Louanienfes aliquot Rabbini, ante annū ferme congestos scholastico odio, quosdam ex declamatione mea (de incertitudine & Vanitate scientiarum & artium, atque excellentia verbi Dei) articulos produxerunt, quibus me clanculum, & post terga, erroris, impietatis, scandalī, & forte etiam hæreseos, Cæsareæ Maiestati, & eiusdem priuato consilio, calumniati sunt. Deinde vero, siue veriti, iudicium eius causæ sibi dedecus importaturum, siue satis illis visum sit, quod in exulcerato Cæsaris animo fictum de me crimen infideat, prosecutionem articulorū illorum hætenus deseruerunt. Ego autem qui neq; famę meę crudelis, neq; honoris mei prodigus, nec innocentia meæ desertor esse, nec iniurioso nomine apud Cæsarem & quoscunque

claros & probos viros cenferi volo nec debeo,
 quum articulos illos in vestris manibus iam per
 multos menses desertos, & veluti sepultos iace-
 re eandem intellexissem, claritudini vestræ sup-
 plico, & instanter peto, mihi articulorum illo-
 rum dari transumptum, vestrumque illis inter-
 poni decretum, paratus, si qua errata sunt e-
 mendare, si qua perperam intellecta declarare,
 meamque innocentiam & integritatem ab im-
 pietatis crimine, & calumniantium iniuria vin-
 dicare. quod vt iustum & æquum postulo, ita vos
 illud mihi minime negaturos puto, cæte-
 rum mihi in omnibus iugiter
 percipiendo.

SE-





SEQVUNTUR ARTI- CVLILOVANIENSIVM AV-

tentico transumpto, sed absque vlllo in-
terposito Senatus decreto
transmissi.

ASSERTIONES *Agrippæ.*

Ex quodam libro de Va-
nitate scientiarum.

Prima assertio in fron-
te declamationum post E-
pistolam ad Lectorem; E-
go inquit, aliis generis per-
suasus rationibus, nil per-
niciosius, nil pestilentius
hominum vitæ, anima-
rumq; saluti posse contin-
gere arbitror, quã ipsas ar-
tes, ipsasq; scientias.

Contra hanc assertionē
videtur B. Augustinus in
libris de doctrina Christia-
na, & in scriptis contra
Cresconium Grammaticū
Donatistam.

I. *Falso interpretan-
tur pro Declamatio-
ne Assertionēs.*

II. *Malitiose detrun-
cant titulū obscuran-
tes scopum totius de-
clamationis.*

III. *Ignari Gramma-
tica, pro genitivo alius
legunt aliis.*

IV. *Argumentantur
per verbum videtur.*

Vbi varie demonstrat artes liberales cuilibet Theologo Doctore aut esse necessarias aut maxime conducibiles.

Sunt & ancillæ quas ipsa Dei sapientia, ut vocarent ad artem misit Proverb. 9.

Qui igitur eas damnat, est is, de quo Apostolus dicit 1. Corinth. 2. Animalis homo non percipit ea, quæ sunt Spiritus Dei.

Vnde cautum est ut diversis locis constituentur magistri & Doctores, qui studia literarum artiumq; liberalium doceant.

His artibus declaratur sacra scriptura & confunduntur hæreses.

Vnde Sapiens: Qui elucident me, vitam æternam habebunt.

Non igitur apparet, quomodo nihil scire sit felicissima vita cum dicat Apostolus: Qui ignorat ignorabitur. Et dominus in-

V. *Futilis argumentatio, vel sic vel sic vel nescio.*

VI. *Impertinens & detorta allegoria.*

VII. *Fratralis orthographia, videlicet dampnat cum p. Impertinenter citat Apostolum.*

VIII. *Falsa argumentatio.*

IX. *Falsa assumptio.*

X. *Falsa applicatio.*

XI. *Malitiosa dissimulatio.*

quit;

quit : Propterea captiuus ductus est populus meus, quia non habuit scientiā.

¶ Alia assertio quæ loquitur de scientiarum inuentoribus in eadem declamatione inquit.

Sunt homines aliqui boni, nihil tamē scientiæ ipsæ bonitatis, nihil veritatis habebūt, nisi quantū ab ipsis inuentoribus mutuunt vel acquirunt.

Quasi vellet innuere nullam scientiam habere in se veritatem, sed tantum mutuata ab authore.

Quod est contra Philosophum dicentem, scientiæ sunt de numero bonorum honorabilium.

Et est contra c. Si quis artem. xxxvij. dist.

¶ Sequuntur aliæ propositiones piarum aurium offensiuæ.

Canones sacerdotes sublatis honestis nuptiis, turpiter scortari cōpellunt.

Impudens mendacium.

XII. *Crassa ignorantia nesciunt distinguere bonitatem operatiuā ab essentiali.*

Diuinitio per Quasi.

XIII. *Futilis applicatio.*

XIV. *Impertinens & sufficiens allegatio.*

XV.

XVI. *Ambiguū verbum in peiorem partem accipiunt.*

Volens innuere in effectum Sacerdotes posse contrahere, nisi obstaret iuris dispositio.

Cum tamen à morte Christi non est auditum Sacerdotem duxisse uxorem, nisi quod iam attemptarunt homines plurimum seducti.

In eodem fol. pag. 2. habet hanc propositionem.

Surrexit his temporibus ex Theologorum Schola inuictus hæreticus Lutherus.

Et sequitur quod ideo vos scire volo, ne putetis non etiam Theologos esse lenones.

Et ibidem in fine concludens, quicumque principes, Iudices & Magistratus lupanaria fouent aut permittunt, dicetur illis à domino illud Psalmographi: Si videbas furem, &c.

Quasi permittentes seu

XVII. *Improbitas in potestatem Ecclesiæ scandalosa.*

XVIII. *Mendacium malitiosum.*

XIX. *Perverse accipiunt.*

XX. *Morosi sunt.*

XXI. *Reiiciunt tropos & hyperboles.*

Diuinitio per Quasi. tole-

tolerantes minus malum,
ad vitandum maius pecca-
re censeantur contra sen-
tentiam Augustini, quæ
habetur xxxiiij. q. ij. c. si
quod verius dicitur. Si fa-
cturus est, quod non licet,
faciat adulterium, & non
homicidium.

Sic ergo permittitur
minus malum vt cuitetur
maius, licet faciens non
excusetur.

*Alia propositio sub litera D.
folio 3.*

Mercatores & milites
veram pœnitentiam agere
non possunt.

Alia propositio sub lit. F.

Augustinus & Bernhardus
contra Christi sensum bel-
la permittunt.

Et Christo repugnante
ordo militantium est in
Ecclesia.

*Alia Propositio sub litera I.
folio 4.*

Habere imagines in
templis, non est absque

*Turpi obsequio patrocini-
nantur lupanaribus.*

XXII. Dignum pa-
tella operculum.

XXIII. Malitiose dis-
simulantes authorē,
transferunt in me, q̃
est Augustini.

XXIV. Deprauant
verba mea & sen-
sum.

XXV. Deprauāt ver-
ba mea & senten-
tiam.

XXVI. Malitiose dis-
simulāt, quæ de his Ca-
tholice concludimus.

B 5 Ydo.

Ydolatrie vitio, siue periculo.

Alia propositio sub lit. K.

Diabolus est author cuculle.

Alia Propositio sub lit. R.

Moses, Daud, Apostoli, Euāgelistæ, Prophetæ, homines fuerunt, & à veritate in quibusdam defecerunt, & mendaces in quibusdam inuenti sunt.

Quasi innuat scripturā sacram vna cum aliis scientiis humanis esse ambiguam incertam, & periculo plenam, nisi accedat verbum Dei.

Asserens vltius quod verbum Dei nullas humanas glossas.

Nec Angelicas patitur, sed seipsam exponit.

¶ Contra has assertiones verbum Petri, 2. Pet. 1.

Non enim voluntate humana allata est aliquando Prophetia, sed Spiritu

Ydolatrie per ypsilon, quia Græcū est vocabulum, tam sciunt etiam Græce Magistri nostri.

XXVII. Superciliofa morositate fabellam & iocum trahunt in calumniam.

XXVIII. Deprauant verba & sensum.

XXIX. Diuinitio per Quasi.

XXX. Detrahunt verbo Dei hanc impugnant.

XXXI. Detrahunt Apostolo huic contradicentes.

XXXII.

Malitiose argumentantur & sycophanta sunt.

sancto

sancto inspirati locuti sunt
sancti Dei homines. Item
Prophetia est interdum
comminationis & non e-
uentus, sicut erat de Iona
apud Niniuitas.

Subintelligebatur enim
hæc conditio : Si Niniui-
tæ non pœniterent, vt di-
cit glossa.

Quare non oportet di-
cere Prophetam menda-
cem, quia semper est vnus
sensus verus à Deo intelle-
ctus. In talibus enim di-
ctis subintelligitur sem-
per, nisi Deus aliter dis-
posuerit.

*Alia propositio sub litera R.
folio 3.*

Verbi Dei scientiã nul-
la Philosophorum Schola,
nulla Theologorũ sorbo-
na, nec quorumcunq; gy-
mnasia Scholasticorũ no-
bis tradidere, sed solus De-
us atq; Christus.

Cui nihil addere licet
nihilq; detrachere.

XXXIII. Huic con-
tradicientes impij &
blasphemi sunt.

XXXIV. Huius oppo-
situm asserentes pla-
ne hæretici sunt.
Nulla

Nulla patitur externa
commentaria, nullas hu-
manas aut angelicas glos-
fas.

*Alia Propositio sub lit. S.
folio 3.*

Nulla res Christianæ fi-
dei, & religioni tam repu-
gnat quam scientia, mi-
nusque se inuicem com-
patiuntur.

Alia sub lit. T. fol. 3.

Discedite ab humanarū
traditionum nebulis.

Alia sub litera V. fol. 2.

Cæremonias exteriores
despicit Deus, nec vult
coli actionibus corporali-
bus, & sensibilibus operi-
bus.

Quia, vt inquit, nihil
est apud Deum acceptum
præter fidem, Contra illud
Apostoli: Si fidem habeā:
vt montes transferā, cha-
ritatem autem non ha-
beam, factus sum sicut æs
sonans, &c.

XXXV. Qui huius
contradicunt offen-
dunt in Spiritū San-
ctum.

XXXVI. Malitiose
segregant, quæ accipi-
uebēt coniunctim ad
idem secundum idem
simul & in eodem
tempore.

XXXVII. Malitiose
interpretatur pro do-
gmatibus philosopho-
rū constitutiones hu-
manarum legum.

XXXVIII. Malitiosa
sycophantia verba mea
detruncant, & bene ac
Catholice dicta dissi-
mulant.

XXXIX. Mutilant
verba, peruertunt sen-
tentiam, & crimē falsi
committunt.

Malitiose citāt has scri-
pturas, vt videar illis
contradixisse apud eos
potissime qui nostra nō
legerunt.

Cha-

Charitas igitur excitat
& promouet ad corpora-
les actiones & sensibilia
opera.

Vtcrius concludendo
Vanitatem scientiarum,
videtur asserere, quod sci-
entię capiunt finem in hoc
seculo cuius contrarium
tenet Hieronymus in pro-
logo, dicens: Discamus in
terris quorum scientia no-
bis perseuetet in cœlo.

Et quanquam dicat Ec-
clesiasticus: Vanitas vani-
tatum & omnia vanitas, o-
portet intelligere sapientē
interdum loqui ex sua per-
sona, aliquando eius per-
sonam gerere, qui ea quę
in mundo sunt attonitus
admiratur, interdum in
Persona stultorum, inter-
dū in persona prudentū.

Quamuis igitur Eccle-
siasticus ostendat, quęcun-
que sunt in mundo vani-
tatem esse non tamen o-
mnia damnat, verum re-
prehendit consilia homi-

XL. Diuinitio per-
uidetur.

Falsa applicatio.

XLI. Cur mihi quoq;
nō opitulatur ista di-
stinctio: O malitiosa
sycophanta.

XLII. Fratribus ele-
gantia dampnat.

num

num, qui in hoc mundo
spem suam posuisse viden-
tur.

Et quia author ipse asse-
rit verum in canem, ac
quod nullarum virium sit
ad benedicendum, scripsit-
que volumen cui titulum
fecit de incertitudine &
Vanitate scientiarum, sic
etiam eius Indicio liber est
famosus & contumelio-
sus ac piarum aurium of-
fensiuus.

*Impudens mendacium: quum generalis sermo, teste Hie-
ronymo, ad nullius contumeliam pertineat:*

XLIII. *Morosi sunt
plusquam stoica.
Caveat ambulare sine
fuste, qui à cane im-
petitus est.*

*Insolens praesumptio eius
quod ignorat, videli-
cet quis in iure dica-
tur libellus famo-
sus.*

HIC FINIS ARTICULORVM, FVE-
runtq, subsignati per protogrammateum Par-
lamentarij Senatus Lamberti
Vanderex.

CHO-

C H O R V S.

TANTVM ergo firmamentum isti
continent articuli.

Vt quodcunque documentum illorum
cedat ritui.

Præstet dolus supplementum veritatis
defectui.

ELEN.



E L E N C H V S

Appendicis.

- I. *Apologia pro defensione Declamationis de vanitate scientiarum, & excellentia verbi Dei, contra Theologistas Louanienses.*
- II. *Querela ob eandem Declamationem ipsi, qui ad Caesar. Maieſtat.*
- III. *De beatissima Anna Monogamia, ac vnico puerperio propositiones abbreviatae & articulatae.*
- IV. *Defensio propositionum prænarratarum contra quendam Dominicastrum earundem impugnatorem.*
- V. *Tabula abbreviata in artem breuem Raymundi Lullij.*

RESPON-

R E S P O N S I O
C O R N E L I I A G R I P P Æ
ad prænarratos arti-
culos.

I.

HÆC CINE sunt illæ propositiones, quæ manifestam habituræ sunt hæresim, impietatem, blasphemiam, & scandalum, quas magistri nostri Louanienſes, quasi hæreticas, impias, scandalosas, & piarum aurium offensusas damnarunt? Verum ego adduci vix possum, vt credam istas propositiones, siue vt vocant articulos, totius Theologici Collegij communi consensu editos, sed suspicor iulciis Theologis per Busconum aliquem poetastrum, cui fingere & mentiri in professo est, aut per alium quempiam scholasticum Parasitum confarcinatos, qui sese exercere voluerit in hac harena sub Theologorum Louanienſium nomine. Non enim tantum ocij Theologis illis fuisse crediderim, vt dignarentur nostras nugas legiſſe, quin ipsa etiam ordinis confusio, & frustulata detruncatio, ac falsa applicatio, cum verborum & sententiarum deprauatione ipsa etiam occultatio nominis istius articulatoris: missaq; subscriptio, satis docent, hos articulos proborum Theologorum manibus non fuisse exceptos, quos nec ego tanta Grammaticæ inſcitia teneri arbitror, vt declamatione interpretarentur assertionem, quare tam imperito articulatori, qui hanc in me accusationem instituit, antequam intelligeret huius caput negocij, pro responsione proponendus esset aliquis vocabularius: ex quo discat primum, quid significet declamatio. Est namque declamationis

C

pro-

proprium, in ficto themate, exercendorum studiorum
 gratia, citra veritatis statuendæ regulam, abrogata fide la-
 borare. Qui enim declamationem scribere se proficitur,
 hoc ipso sibi fidem abrogat, nec quicquam asserit, non et-
 iam ea, quæ vera & notoria sunt, & quibus alias extra de-
 clamationem credere, & assentiri teneretur, & de qui-
 bus ambigere nefas est. Vnde non puto tam iniquos fore
 Theologos, ut omnium illorum, quæ declamando di-
 ximus, aut scripsimus, rationes ad Theologicum rigorem
 exigere velint, ni forte subscripserint his articulis, aliqui
 male auspici ingenij vetuli Theologi, qui iniquitate
 temporum suorum, ab imperitis præceptoribus delusi,
 amissis optimarum literarum studiis, per omnem ætatem
 in sordidis sophismatibus educati, insens sunt his studiis,
 quæ ipsi olim iuvenes non attigerunt, tam pertinaces ve-
 terum illorum sordium amatores, quos perinde ac si
 Lydia gleba essent, aut formicarum in India auriferum o-
 pus, tam obstinata religione colunt, ut offendat illos, et-
 iam optimarum rerum novitas, ac præter propositiones
 & corollaria, aliud non admittant, hi forte decrepitis ra-
 tionibus cæcutescentes, declamationis titulum, interpretati
 sunt pro concione Ecclesiastica, sicut olim fecit aduersus
 Erasmus, Louanienſis Academiæ Procancellarius, Io-
 annes Athenſis, sed ille tandem doctus quid esset decla-
 matio, quæ eius qualitates, quæ conditiones, quæ li-
 centia, quæ libertas, errorem suum factus respuit, quod
 factum, non puto Louanienſes Theologos ignorare, pro-
 inde quo maior est Theologorum authoritas, hoc magis
 etiam oportebit illorum censuras esse candidas, iustas, at-
 que veras. Nā qui ad aliena scripta discutienda, non æquo
 iudicio, non veritatis amore, non candido animo accedunt,
 velintq; calumniandi ansam capere, nō dubium, quin et-
 iam Christo & Apostolis calumniam struere possint, neq;
 vero magni artificij est, in alieno opere, quantumvis eru-
 dito, quantumvis circumſpecto, quantumvis pio & vero,
 reperire quod aliqua calumniæ speciei reprehendi possit.
 Vtrumq; igitur indignissimum est, si debeam ego poenam
 dare

dare alienæ siue maliciæ, siue inscitæ, quodq; ego ab his,
 qui sine Grammatica Theologi sunt, impietatis reus pos-
 stuler, propterea quod ipsi non didicerunt quid Latine si-
 gnificet declamatio; neque veto æquum est, ut ego omnia
 illa, quæ in declamatione, sub quocunque genere argu-
 menti, apparenti, verisimili, iocoso aut violenter etiam
 contorto, vel transumpto, dicta, vel quæ sita, vel disputata
 sunt, sic asseruisse iudicet, ut hæc mihi meo periculo de-
 fendenda sint, aut mea ignominia retractanda, ad Theo-
 logorum seria decreta. Certe liber declamationis nostræ
 magno eruditorum applausu exceptus, quorum plurimi
 etiam doctissimi & literatissimi Theologi, mihi & ser-
 mone coram, & absentes per literas gratulati sunt, nec v-
 rius quidem illorum me, aut impietatis, aut hæreseos, aut
 scandali notauit, nisi forte immodicæ cuiusdam & imper-
 teritæ dicendi libertatis. Quod si vitium est, mihi cum
 multis commune est, idque magnis & sanctis viris, nec
 sine illorum exemplo id feci, nec fateri verebor hoc natu-
 ræ meæ vitium, quod adulari nescius; locutus sum alicubi
 liberius, quam forte expediebat delicatis Mydæ atriculis.
 Multos fateor offendi, verum dicens, plerisque curiosa ni-
 mis, inquisitione factus sum onerosus, & sunt forte adhuc
 aliæ causæ, quæ me subiiciunt inuidiæ, quas adhuc aut
 ignoro; aut ignorare volo; in aliud tempus explicandas
 reseruans. si dicere cogar, alias celaturus haud segniter,
 ne noua veritas, nouum mihi odium pariat, tamen in ea
 semper opinione sum, quod impiam mentem, in scriptis
 meis nullus inueniet: esto; sint multa quæ moderatius,
 quæ circumspectius, quæ eruditius tractari potuissent;
 sit etiam à me alicubi nonnihil erratum; scio enim me
 hominē esse & labi posse, semper tamē syncerus animus est;
 & me Catholicū esse profiteor, nec vsq; adeo declamatoriæ
 licentiæ me indulsisse puto, qd ab orthodoxa fide desetue-
 rim, aut meo lapsu scandalū dederim Ecclesiæ; neq; gra-
 tabor, si ubi erraui; magistrorū nostrorū subite censurā, &
 ex eorū monitis, errorē meū corrigere, modo meminert
 ipsi, se quoq; homines esse, & labi posse iudicando, quæ ad-
 modum

dum ego illis videor lapsus in scribendo. Æquum igitur est, ut ipsi me nunc vicissim audiant, permittantque me eorum expandere sententiam.

I I.

DEclamationem nihil asserere iam diximus, & latius de hoc in querela nostra disseruimus, unde licet falsæ & calumniose assertionum titulus istis articulis præponatur, & ego me vno declamationis vocabulo ab his tuendis absolvere possem, licet tamen Theologico nomini hanc reuerentiam habere, & eorum supercilio morem gerere, nec recusabo hac in parte serio respondere, & cum ipsa declamatione mea periclitari, exaquareque quocunque modo, calumniosorum articulorum ordinem, sed prius mihi hoc vnum cum illis expositandum est, quod declamationis meæ titulum detruncarunt, inquiringes: ex quodam libro de Vanitate scientiarum, omittentes alteram partem, atque excellentia verbi Dei, ubi indicatur scopus, & finis, & intentio, totius declamationis, admoneturque Lectores, scientias omnes incertas & vanas esse, si conferantur ad verbum Dei, licet secundum se consideratæ, certæ sint & utiles, sic homines iusti, ad Dei iusticiam collati negantur habere iusticiam, sic Angeli purissimi, immundi dicuntur in conspectu Domini, cuiusmodi hyperbolas multas frequenter obuias habemus in authoribus, quæ simpliciter positæ, non videntur probandæ, tamen condonantur illis collatione aliorum, sicut condonatur Hieronymo, quod matrimonium dixerit malum, ad collationem virginitatis, quam gratiam si nunc etiam mihi cum sacris Doctoribus largiantur, nihil erit in hoc titulo, quod criminari queat, si namque B. Thomas Aquinas in quodlibetis disputat, in Sacramento Eucharistiæ, corpus Christi potius representandum fuisse, carnibus pecudum, quam pane & vino eo, quod ille perfectius representent id quod significant, sunt eius generis alia in eodem libro, quæ blasphemia & scandalosa reprehendi possent, nisi sanctus Doctor librum illum quodlibetarum

(hoc

(hoc est latino vocabulo placitorum) titulo præmunivisset, & hodie adhuc servantur in plerisque Academiis quodlibetarum feræ, quibus cuique in scholis disputare licet quodlibet, præter omnem scandali aut impietatis imputationem, ubi etiam stultissime & absurdissime questiones, sæpe tractantur à gravissimis Theologis, nam licet ibi, quod cuique liber loquatur, credere non est necesse; in omnibus igitur, quæ scribuntur & dicuntur, quorsum spectet mens scribentis dicentisve considerandum est, quæ si feratur ad nullum perverſitatis scopum, meretur simplex & recta authoris intentio. poscitque publica utilitas, ut si qua sint errata, etiam vel pauca pernicioſa admixta; condonentur authoris eruditioni, aliiſve meritis, nec protinus trahantur ad calumniam, sed ad rectum sensum melioribus interpretationibus accommodentur, aut cautionis notula signentur. Leguntur pro orthodoxis Lactantius & Tertullianus, & plerique alij, quos tamen à rectitudine fidei Catholicæ alicubi aberrasse constat, leguntur cum reverentia in Hieronymo, quæ damnata sunt in Tertulliano, legitur & veneratur Magister sententiarum, non paucis locis prolapsus, neque tamè protinus damnatur impietatis & scandali. Divus Augustinus & Innocentius Pontifex atque Zozimus, iudicarunt infantes non posse salvari, nisi post Baptismum accepissent Eucharistiam, docet Thomas ingressum religionis equari baptismo, idem cum suis, docet neminem obligari ad subueniendum proximo, nisi in extrema necessitate, ita tamen ut liceat reposcere, cum ille ad pinguorem fortunam proſectus fuerit, idem contra Scotistas, & ferme omnes Theologos, tenet quod humanitati Christi per se sumptæ debeat adoratio latræ, & in tertio sententiarum dicit, quod cruci Christi in qua pependit, etiam ut rei inanimatæ, debeat adoratio: dicit enim alibi, quod imagini Christi, in quantum est imago, debetur eadem reverentia, quæ debetur ipsi Christo, quæ est adoratio latræ, eo quod dicat Aristoteles libro de memoria & reminiscencia, motum animæ in imaginem in quantum i-

mago, esse vnum, & eundem cum illo, qui est in rem. Adeo
 profecit Doctor ille sanctus, adiutorio male intellecti Ari-
 stotelis, cum ille ibi loquatur de motu recordatiuo, & cō-
 ceptu definitiui, non de motu voluntatis, siue identifica-
 tiui, non dissimile huic est Scoti commentum, imagines
 videlicet eadem adoratione adorandas, qua illi quos re-
 presentant. Tradit idem Scotus, non probari ex scriptu-
 ris illum fidei articulum: Descendit ad inferos, tradit Oc-
 cham ex scripturis non probari, quod ad operandum bo-
 na, opus sit diuina gratia, atque isti Doctores tam pericu-
 lose opinantes, interim habentur Catholici. Iam vero et-
 iam nostro seculo dogmatizarunt Colonienſes Theologi,
 Aristotelem sic esse præcurſorem Christi in naturalibus,
 quemadmodum Ioannes Baptista in gratuitis, Iacobus
 Hochſtratus in ſuo de inuocatione Sanctorum libello,
 hæreticum pronunciauit ad ſcripturam confugere: & al-
 lius quidam Theologus palam concionari non erubuit,
 conſuetudinem potius ſequendam eſſe quam ſcripturam
 diuinam, adhuc prænominatus Hochſtratus hæretico-
 rum (vt vocant) Magiſter, in opere ſuo contra Luthera-
 nos, inquit in hæc verba: Scimus enim conſecratione ſu-
 per debita materia facta Chriſtum eſſe in Sacramento, nō
 autem quod ſub hac vel illa determinata hoſtia Chriſtus
 contineatur, quia vt ſubdit, hæreticum eſt fidem infalli-
 bilem & infulam ad talia particularia per certitudinem
 extendere, eademque ratione concludit, credendam eſ-
 ſe remiſſionem peccatorum in generali, neminem autem
 in particulari ſibi eſſe peccata dimiſſa, an non eſt hoc vere
 Magiſtrum hereticorum eſſe, veſtra hæc ſunt, & adhuc
 aliis depoſcitis igni. Quoties erraſſe conſtat Scholaſti-
 cos Theologos, iſtis ſuis præcocibus articulationibus,
 & doctrinalibus damnationibus. Quot articulos vel-
 ut impios damnauit olim Schola Pariſienſis, quos
 hodie pro veris & Catholicis defendit: eadem olim
 damnauit Occhanum pro hæretico, & excommunica-
 tum proſcripſit Academia, at ille hodie receptus inter
 doctiores & acutioreſ orthodoxos: damnarunt poſterioribus

tribus annis Ioannem Picum Mirandulæ Comitem, cuius conclusiones hodie ob omnibus venerantur Catholice, eadem his recentibus annis determinavit, Papam non posse dispensare, ut frater ducat uxorem fratris mortui sine liberis, atque propterea matrimonium inter Angliæ regem & Cæsaris amitam, veluti contra ius naturale, & divinum, indispensabile, pro incestuoso, abominabili, & sacrilego adulterio damnarunt, magna Sorbonæ infamia. Cum non multis annis ante pro Augustino Furnario Civi ac Patricio Genuensi determinassent oppositum. Censuit in sua pro eodem diuortio determinatione Schola Patavina, illa quæ sunt iuris divini, non subesse Romani Pontificis potestati, nec hunc in illis gerere vicem Dei, sed solum super ea, quæ sunt commissæ iurisdictioni hominum.

Atque tamen hic unus est articulorum, pro quo Lutherus damnatus est hæreticus. Dicite mihi ô Lauanien- ses & Colonien- ses Magistri nostri, quem honorem reportastis contra Capionem, nonne appensi in statera iustitiæ, inuenti estis minus habentes, quam victoriam habuistis contra generosum Comitem Hermannum Nuenarium, nonne calumnias vestras publice reuocare, & mendacia vestra fateri coacti estis, ipsi & facto & iure notorie infames, ac omni veritatis fide destituti, quid lucrati estis aduersus Erasmus Roterodamum, Fabrum Stapulensem, & Petrum Rauennatem, certe numerati sunt dies vestri, & Dominus compleuit illos, victoriæ vestræ cessauerunt, & scholæ vestræ conticuerunt, & splendor sophismatum obsoleuit; declinastis ad interitum plane perituri, quia iam nimium tolerauit mundus, insanibilem inscitiam vestram, iam nimium cognouit fucos & technas vestras, ideo obsoleuerunt in vobis dignitatis insignia, & contumeliosum factum est nomen vestrum, quo gloriabamini nuncupari MAGISTRI NOSTRI, nihil fidei vobis reliquum est, qui quoties deprehen- si estis probis viris palam falsa obiicere, toties benedicta calumniari, toties non intellecta damnare,

toties impegiſſe in manifeſtam veritatem, & tanta nomi-
nis, famæ, honoris iactura, nondum facti eſtis ſapientio-
res, propterea diuiſum eſt à vobis regnum veſtrum, & da-
tum eſt laicis, & mulieribus, & idiotis, qui præcedunt
vos in intelligentia ſcripturarum, abſcondit enim illam
Deus à Sapientibus & Prudentibus veſtris, & reuelauit il-
lam paruulis ſuis. Nonne generoſus dominus Gulielmus
ab Iſenberg, licet homo laicus, & nullis Scholaſticis diſ-
ciplinis imbutus, ocluſit ora Theologorum Colonien-
ſium, & ad deprecandum vltiorem diſputationem ade-
git? Sed & quis credidiſſet, Theologos in rebus fidei &
conſcientiæ, non ſolum amore, odio, inuidia peruerſi,
ſed nonnunquam etiam ſecti conuiuiis, & muneribus
abſoluci à vero, niſi ipſi illius ſceleris fidem feciſſent in An-
glicani matrimonij damnatione, ſed modo reuertamur,
Non tam rigide iudicandum docet Eccleſia, quæ quon-
dam ſub Gelasio Papa diiudicans ſcripta authorum, in-
ter cæteros de Euſebio Cæſarienſi ſic ait: Chronicon Eu-
ſebij Cæſarienſis, & eiufdē Eccleſiaſticæ hiſtoriæ libros,
quamuis in primo narrationis ſuæ libro tenuerit, & poſt
in laudibus atque excuſatione Origenis ſchiſmati, vnum
ſcilicet ſextum librum conſcripſerit, propter horum ta-
men ſingularem noticiam, quæ ad inſtructionem perti-
ner, vſquequaque non ducimus reiiciendos, ita namque
recitat Gratianus in cap. ſancta Romana xv. d. ad hunc
modum, ſi & hodie agerent Theologi, & non ex trun-
catis & fruſtulatis articulis, aut ex leuiter erratis, eruditis
viris tot ſtruerent calumnias, minus haberent tragœdiæ,
nec metuere cogerentur ſchiſmaticos & hæreticos, eos
quoſque perſecuti ſunt adhuc Catholicos & Orthodoxos,
quos cum neque ſchiſmatici neque hæretici eſſent, ob e-
ruditionis inuidiam, rixis & contentionibus expulerunt
ab Eccleſia, in caſtra ſchiſmaticorum & hæreticorum, ſic
Tertullianum refert Hieronymus clericorum inuidia pul-
ſum Eccleſia, ſic Chryſoſtomus, ſic Athanaſius, viri
Chriſtianiffimi, olim propulſi ſunt, ſic Arrius vir doctiſ-
ſimus, ſic Sergius Monachus in Eccleſiæ perniciem exci-
tati

tati sunt, eisdem artibus hodie Lutheranismum malum, ex modica scintilla in vastissimum incendium excreuit, quod ab initio facile sedari potuisset, si Lutherus tractatus fuisset aliquanto civilius, quando non adhuc repugnaret Romanæ Ecclesiæ, sed quorundam monachorum indulgentiarum intolerabili improbitati, atque quorundam prælatorum tyrannidi sese opponeret, qui illum tandem aduersus hanc exagitarunt, melius quieturum, si per illos liquisset, sed reuertar ad meum institutum.

III,

Dico igitur, quam iste articulorum exceptor primam assertionem vocat, nequaquam esse assertionem, sed disputandum, inquirendum & persuadendum thema, totiusque declamationis argumentum, expectans diuersum, ab alio vel alio tempore declamari. Quod autem non sit assertio, ipsa quæ sequuntur verba palam faciunt, ubi ago: Ea autem modestia hanc sententiam meam à vobis accipi volo, ut me nec alios velle reprehendere, qui diuersum sentiunt, nec mihi aliquid arrogare insolentius putetis, in quibus verbis palam significo, me nequaquam omnia & singula, quæ in ea declamatione dicuntur, velle pro veris asserere, & aduersus quæ nulli liceat repugnare, sed me de illis per modum opinionis, cum patientia oppositi, citra veritatis regulam probabiliter velle declamare. Non enim omnis qui dissentit disputando, protinus damnat, neque qui sibi nihil insolenter arrogat, aduersus diuersum sentientes, protinus asserit, aut pertinaciter defendit. Recentiores Theologi sexcentis locis dissident à dogmatibus veterum, & inter se ipsos etiam contrariis opinionibus depugnant, neque tamen sic sua asserunt, quod aduersariorum placita, veluti blasphemia, & hæretica damnent, præsertim in illis conflictationum suarum thematibus, de quibus nihil in vtravispars determinauit Ecclesia.

I V.

CV M igitur istud sit thema declamationis meæ, quod ego multis admodum rationibus, exemplis, & auctoritatibus persuadere aggressus sum, si qui sunt, qui illud improbare volunt, ipsorum erit meas argumentationes primum destruere, non meum erit de nouo causam dicere, nam dare instantiam non est soluere, sed obiecta oportet diluere. Cuperem enim audire solutionem argumentorum illorum, quæ ibidem adfero, atque hic articulatōres isti magis muti sunt quam pisces. Numerant thema hoc inter damnabiles assertiones, nempe detrahunt lucro facultatis, quod timent ne omnino crescat, si persuasa fuerit hæc propositio, rationes autem illius relinquunt omnino intactas. At demus iam assertionem esse, & liceat mihi cum Sophistis sophisticari, tunc dico, esse propositionem indefinitam, ad cuius veritatem sufficit vnā eius singularem esse veram, neque enim negare poterunt, esse plerasque artes & Scientias animarum salutis noxiā, quod si deserta Logica sua, dicant mihi receptum apud iurisperitos, indefinitam æquipollere vniuersali, verum fatebor, nisi non sit eadem ratio & conditio omnium singularium sub illo vniuersali comprehensorum, quia tunc indefinita non æquipollet vniuersali, sicut hoc declarat glossa magna in c. vt circa de electio. lib. 6. & Dinnus sub rubrica, de reg. iur. lib. 6.

V.

SED cum turpe sit Theologis sine scriptura loqui, quas scripturarum machinas expugnando huic themati, (quam falso assertionem vocant) admoueant, nunc discutiamus, vt ita tandem manifesta fiant, illorum doctrina atq; voluntas, aiunt Augustinum demonstrare artes liberales cuilibet Theologo Doctōri, aut esse necessarias, aut maxime conducibiles. Memini ego Augustinum in principio operis sui aduersus Cresconium Donatistam, longo sermone excusare Grammaticam eloquentiam, & Diale-

Dialecticam sibi à Cresconio obiectam, ostendendo multis persuasionibus, si quis illis recte utatur, non officere Theologicæ veritati, conducere autem plurimum ad instructionem, si quis rationum suarum argumenta cum eleganter & ornate, tum recte & ordinate proponat. Idem etiam in doctrina Christiana disputat, non autem veluti fidei articulum statuit, à quo non liceat dissentire. Nam in libro secundo de doctrina Christiana expressè dicit: Absque iactura non perspicì gentilium dogmata, nisi sanguine Christi tingantur, quin & experiri eiusmodi disciplinarum facultatem, vix his largitur, qui scientia sacrarum literarum sunt formati, & iam p̄tra periculum positi, & in opere contra Academicos, palam fatetur, verissimas Philosophiæ disciplinas, non esse Philosophiam huius mundi, quam merito nostra sœra detestantur, sed alterius intelligibilis, qua excitatæ animæ, in semetipsos redire & respicere patriam etiam sine disputatione possent. Quomodo enim Theologiam docuit Christus? quomodo docuerunt Apostoli? quomodo instituebantur Theologi tempore martyrum? Sanctus Anthonius, Sanctus Panutius, & plures Sancti anchoritæ, Theologi fuerunt: item Theologiæ fuerunt, sancta Agnes, sancta Lucia, sancta Anastasia, & pleræque alix Sanctæ virgines & fœminæ, tamen illas artes liberales, & gentilem Philosophiam non didicerunt; nec erat tunc illa Philosophica & contentiosa Theologiæ traditio, quæ hodie in Scholis recepta est, tantum ergo abest, quod artes liberales necessariae sint ad Theologiam, ut qui illis se crediderit, verus Theologus esse non poterit, in quem qui cupit euadere, oportet instructum esse ad pietatem, non ad contentionem, parere scripturis, nō fidere syllogismis, ignorare Aristotelem, & scire Christum. Iam vero ex quo articulator iste aduersum me argumentatur disiunctius, inquiens aut necessariae, aut cōducibiles, non potest me urgere, nisi ad alteram eius partem, utque liberum sit mihi utram velim eligere. Concedam itaque, duntaxat esse conducibiles, sed necessariae constan-

constanter negabo, conducibiles autem, haud aliter, atque venenum in theriaca, quod tamen in se est perniciosissimum, neque aliter de illis sentit Hieronymus, exponens illud, Quomodo captiua ducenda est in coniugem, atque ego in capite de Scholastica Theologia, quæ est ex diuinis eloquiis & Philosophicis rationibus composita, fateor illam & iudicio, & intellectu plenam, & reuincendis hæreticis non parum vtilem, præsertim vbi decretis Philosophiæ & Dialecticis argutiis sic innituntur, vt sint aliqua ingeniosa disputatione constringendi, & tanquam Goliath proprio gladio iugulandi, cæterum nihil pertineant ad negotium fidei Catholicæ, neq; quod aduersus illos dicitur, decet odiose pertrahere ad hæresim.

VI.

QUAS autem huc adducit ex prouerbiis ancillas, his ego expono ex Genesi, eiice ancillam & filium eius foras, sed iam receptum est apud Theologos, argumenta & rationes ex allegoriis deducta, non probare, vel improbare aliquid necessario, & ego de illis dicam paulo inferius.

VII.

PROINDE ex his tam belle productis, infert iste articulator. Qui ergo eas damnat (puta artes liberales) is est, de quo Apostolus dicit: Animalis homo non percipit ea, quæ sunt Spiritus Dei, cui ego respondeo verbo Christi: Vade retro satanas, non intelligis ea, quæ sunt Dei. An soli Magistri nostri, & Scholastici Sophistæ, homines sunt, & spirituales, cæteri omnes, stipites sunt, aut fungi, aut asini, quicunque non sapiunt, quod ipsi sapiunt. Paulus vocat animales homines, qui ducuntur humanis affectibus, vnde Iacobus appellat animalem sapientiam, quæ timet humanarum rationū & syllogismorum fiducia, carens Spiritu Dei, quales sunt qui pro suo affectu citant & torquent, & interpretantur, & applicant scripturas; ex humanis ratiunculis, & Philosophia gentiū, quæ-

quærentes quæ suæ sunt, non quæ sunt Dei, non omnes
 ergo Magistri nostri, non omnes capitiari, & cucullati,
 spirituales sunt, si vitiorum quorumlibet genere fœditi,
 superba hypocrisis, insatiabili avaritia, impudēti calumpnia,
 odio, ira, invidia, & recta cuculla luxuria, postergata imi-
 tatione Christi, affectiones sequuntur animales, quanta-
 cunque licet contentiosa loquacitate præditi sint, & hu-
 manarum scientiarum opinionibus inflati, sed qui ad sa-
 cras scripturas, etiam vitæ, morum, ac fidei rationes ac-
 commodant. Nonne Ægyptij eruditissimi & scientissimi
 erant in omni genere disciplinarum, & tamen in Deutero-
 nomio dicit Moyses, non intellecta ab illis miracula, quæ in
 Ægypto facta sunt, & mari rubro, quia Dominus non de-
 dit eis cor intell'igens opera sua, sic caro quia non suscipit
 verbum Dei, etiam non intelligit opera Dei, quæ solus
 credit & admiratur, qui sentit Spiritum Dei in se operan-
 tem. Vbi ergo didicit iste articulator, artes liberales? & si
 quæ reliquæ sunt humanæ artes & scientiæ, esse Spiritus
 Dei, quum aut omnes, aut plurimæ illarum sint effectus
 peccati, nisi enim peccasset Adam, aut nunquam aut fru-
 stra futuræ fuissent illæ artes atque scientiæ, quæ ex car-
 ne atque sanguine sunt humano studio, & terrena dili-
 gentia conquistæ, non à Spiritu Dei influxæ, quæ etiam
 licet non raro aliquid recte & vere de diuinis differere
 queant, nullam tamen propterea merentur laudem diui-
 nitatis. Nonne confessio Nathanael, similis erat confes-
 sioni Petri, dum diceret Nathanael ad Christum: Rabbi
 tu es filius Dei, tu es Rex Israel, & Petrus dixisset: Tu
 es Christus filius Dei viui, tamen solo Petro dicitur à Chri-
 sto: Beatus es, quia caro & sanguis non renelauit tibi, sed
 Pater meus, qui in cœlis est. Nathanael autem redargu-
 tus est, sicut hæc dilucide declarat Chrysostomus, Homi-
 lia quinquagesima quinta super Marth. Animalis igitur
 homo est, omnis qui ex carne & sanguine, & voluntate
 viri, natus licet in animam viuētem, nondum tamen
 regeneratus ex Deo, Dei filius factus est, nec accepit in-
 habitantem in se spiritum Dei. Hæc autem quæ ad scien-
 tias

tias attinent, ut intelligantur etiam ab eis, qui in Theologica palestra non sunt admodum exercitati paucis verbis explicabimus, dicentes, duplex esse scientiarum genus, unum quod ex principiis naturali intelligentiæ notis eruitur, ut sunt Arithmetica & Geometria, siue quod ex præcedentis scientiæ principiis dimanat; ut Musica & optica ex Arithmetica & Geometria, & ille à Peripateticis proprie dicuntur scientiæ, ad quatum perceptionem opinabilia phantasma à opitulantur, quæ insensu in capiunt, atque ea semper fuit omnium ætatis vnanimis Scholasticorum sententia, ut humano intellectu non capiantur, quæ prius in hominis sensu non fuerunt. Quæ igitur intellectus non capit, de his neque ratio, neque illius discursus quicquam discernere, aut iudicare potest, quæ ergo sensum omnino effugiunt, de his nulla potest esse proprie dicta scientia, quæ autem sensu percipiuntur, infra scientiam sunt, sic quæ nec sensuum apprehensu, nec rationis discursu, nec Logici artificij argumentis acquiruntur, sed nobiliori quadam noticia, à mentis lumine supernæ illi abuntur hæc longe certiora & solidiora supra proprie dictam scientiam sunt. Nam quantum à natura prorsus, & ab omni materia & motu sint essentialiter absoluta, nulla erit eorum proprie dicta scientia, sed alius generis, firmior & validior noticia, cuius possessio, ut fatetur Aristoteles, videtur magis diuinitus illabí, quam humanitus acquiri, unde etiam in resolutionum posteriorum libro dicit, immediatarum scientiarum indemonstrabilem esse, & Beatus Athanasius libro tertio contra Arianos ait: Simplicitatis fides melius est, quam curiositatis persuasiva ratio. Item in opere contra Græcos inquit: Ipsa quidem de cultu diuino, & de vniuersorum veritate cognitio, non tam instituta ab hominibus doctrina eget, sed à superis habet notorium suum, & Gregorius Nazianzenus libro secundo, Theologiæ ait. Non comprehensibile fore humano discursui diuinum, neque totum, quicquid contingit imaginari, & Lucius Aurelius Commodus, in oratione pro Christianis,

coram

eorum Marco Aufelio Antonio habita, ostendit, de diuinis dogmatibus, non eisdem argumentis, quibus de humanis artibus posse persuaderi.

Est enim (vt ait Iob) Deus magnus, vincens omnem scientiam nostram. Cognitio igitur supernaturalium & diuinorum, ab inerrabili mente pendet, non è ratione, quæ potest errare, quæ vt idem fatetur Aristoteles, non minus falsum suscipit quam opinio, his ita præfatis dico scientiam omnem, de qua ego in Declamatione mea loquor, & quam Aristoteles proprie dicit scientiam, scilicet habitum conclusionis per demonstrationem acquisitum, esse animale, carnalem, & erroris admissiuam, quæ non potest comprehendere, quæ sunt Spiritus Dei. Scientia autem, de qua in allegatis per articulatorem scripturis agitur, esse alius generis scientiam, videlicet spirituales, & adeo influxam, de qua alibi ait Ecclesiasticus: Fons sapientie verbum Dei in excelsis, & ingressus illius mandata æterna, quæ ipsa etiam duplex est, vna contemplatiua, in qua lumen Spiritus sancti, cadens super intellectum nostrum, moneat liberam credendi voluntatem, & hæc est, cuius veritas sola est ab auctoritate reuelantis, & in qua nullus dominatur syllogismus, & hæc dicitur sapientia, & domina, & sponsa. Altera est scientia actualis, quæ & actiua, siue practica, siue scientia mandatorum dicitur, & ipsa quidem via est ad spiritualis scientie lumen, per emendationis gratiam, & opera charitatis, promouens intellectum, sicut scriptum est: Beati mundo corde: quoniam ipsi Deum videbunt, & ista bona opera, & virtutes morales, & purgatorie, sunt illæ ancillæ, de quibus loquitur Salomon, in loco ab articulatore citato; non illæ scientie carnales & mundanæ, quæ in eodem loco designantur per mulierem stultam & clamorantem, cuius conuiuium sunt in inferno, de quibus scientiis dictum est per Apostolum. In multa scientia multa indignatio, & quod scientia inflat. Et alibi per Esaiam: Scientia tua, & sapientia tua, ea ipsa decepit te: Et Ecclesiasticus ait: qui

qui addit scientiam, addit dolorem, & Hieremias ait: Stultus factus est omnis homo à scientia, nihil siquidem ad felicitatem consequendam pertinet, (ut ait Augustinus in Enchiridio) scire quæ in naturæ sinu occultantur, causas corporalium motionum, vnde tremor terris, quæ vi maria alta tumescant obicibus ruptis rursusque in seipsa residant. Quod si causæ corporalium motionum noscendæ nobis essent, nullas magis nosse, quam nostræ valetudinis deberemus, quia vero eis ignoratis, Medicos querimus. Quis non videat, reliqua quæ de secretis cœli & terræ nos latent, quanta patientia sint nescienda, huc accedit etiam allegoria Iacob, qui ex ancillis & vxoribus genuit populum Dei, nec adulteratur in ancillis, quia sponte illas obtulerunt vxores, dummodo ipsæ susciperent proles ex ancillis, ita etiam si in rebus creatis speculandis, & inquirendis delectatur homo, nō peccat, modo omnia dirigat in Deum, & in eius contemplationem.

VIII.

SCIO in primitiua Ecclesia institutas fuisse Christianas Scholas, in quibus vtriusque sexus iuuentus, non in humanis artibus, quæ in prophanis Academiis tradebantur, sed in fidei disciplina erudiebatur à senioribus Ecclesiæ, ex quibus scholis deinde tot sacerdotum collegia, tot monachorum monasteria, tot fratrum sodalitia, saluberrima fecunditate pullularunt, quæ nobis priscis illis temporibus, tot sanctissimos pariter & doctissimos Theologos acerrimosque fidei propugnatores dederunt, qui non in Dialecticis contentionibus, & scientijs mundanis incubebant, sed in doctrina Spiritus, & ostensione virtutis, ut Dij prope putarentur, vbi autem posterioribus temporibus, collegiorum præsides, & monasteriorum abbates, aucti opibus, ocio tepercerent, & cura temporalium distraherentur vetere instituto, cautum est à Romanis Pontificibus in suis decretalibus; de Magistris in celebribus Ecclesiarum collegijs conducendis. Verum non qui Poetarum

tarum fabulas, aut Aristotelis contentiosos syllogismos, & Mathematicos labyrinthos, & quæ prophanarum Academicarum professiones sunt doceant, sed qui Grammaticam & linguas doceant, Hebraicam, Græcam, Latinā, Arabicam, Chaldaicam, quod conducant ad intelligentiam scripturarum, & plus quam omnes reliquæ artes & scientiæ, & in Decretis distinct. 9. recitantur Augustini verba, ut veterum librorum fides de Hebræis voluminibus examinanda est, ita nouorum veritas Græci sermonis normam desiderat, hinc Augustinus contra Cresconium Donatistam, iam per articulatorem superius citatum, sese excusans ostendit, sermonis elegantiam, & Græmaticæ noticiam, rectamq; rationandi disciplinam, posse plurimum conferre, atque tamen hunc eloquentiæ ornatum, hancq; linguarū peritiā, hodie Scholastici Theologi iunctis phalangibus tanto odio prosequuntur, ut eas veluti omnium schismatum & hæresum causas, ab omni loco exterminari velint, nec eloquentiam, nec quicquam elegantis disciplinæ pati possunt, introductis vice illarum rixosis sophismatibus, nec se vlllo modo nisi euerfis bonis literis fore incolumes putant, & quum non admittatur ad Theologiam, qui ignorat parua logicalia; admittitur qui nescit Grammaticam, quam si iste articulator didicisset, non fuisset interpretatus pro declamatione assertionem.

I X.

QUOD autem per artes liberales declaratur scripturæ, & confundantur hæreses, hoc ego nunc primum edoctus, hætenus nesciui, fateorque hanc meam profundam dormitantiam, fateor ingenij mei tarditatē, qui hoc non sum assequutus. Heu me ter infelicem, qui crediti faceram scripturam à nullis humanis disciplinis accipere lumen, sed ipsam cæteras omnes illuminare, diiudicare & discernere, putauique hæreses suum robur, & fundamentum habere in scientiis humanis, quod ego per totam illam

lam Declamationem meam, multiplicibus argumentis, rationibus, autoritatibus, testimoniis, exemplis, demonstrare conatus sum. Nam Hieronymus in Psalmum centesimum scribens, syllogisandi artem, Theologiæ applicatam, comparat plagis Ægypti, & in Psalmum 143. interpretatur Dialecticam esse illam latam viam quæ ducit ad mortem, & ad Damasum ait de Hebraicis disputantem, non decet Aristotelis argumenta conquirere, quin & legi Ambrosiū Letaniis addidisse, à Dialecticis, libera nos Domine. Nam garrula Logica, Theologiæ plus obest, quàm confert. His & similium autoritatibus persuasus, putavi non posse fidei Christianæ robur, atq; lumē, aliunde pendere, quam ab ipso verbo Dei, & Iesu Christi, qui est gladius spiritus, & gladius oris Domini, qui solo confunduntur hæreses & interficitur homo peccati.

X.

VERVM Doctores Scholastici, super primum sententiarum scribentes, vbi tractant eam quæstionem, an Theologia sit sui gratia, & an cæteræ scientiæ ad eam ordinentur, communiter concludunt, illam sui causa esse, & ad nullam scientiam externam constitutam, sed cætera omnia scientiarum genera, sic ad eam statuta, vt ipsa sit dominatrix, & rectrix omnium, non quod ipsa à cæteris instruatur, aut elucidetur, egeatq; illarum ministerio, & Augustinus libro secundo, capite trigesimo primo, contra Cresconium Grammaticum, disserit de scripturis sacris, quas Ecclesiæ Canon complectitur, omnino non licere iudicare per humanas scientias, sed secundum eas de cæteris literis & infidelium iudicandum, quod malitiose dissimulauit articulatur, qui Augustinum contra Cresconium hic pro se citauit, nunc si id præstare possunt artes liberales, vt per illas elucidetur scriptura, & confundantur hæreses, longe ego aberravi à scopo, in ea hucusque opinione versatus, hanc esse vnā Theologiæ pestem, ex humanis dogmatibus interpretari diuina, vixque altiter sentire

sentire potuissem, ni iste articulator me reuocaret, ostendens etiam sapientis & Apostoli testimonijs, quod artes liberales, quia elucidant scripturam; vitam æternam habebunt, & qui eas ignorat ignorabitur, quodq; propterea captius ductus est populus, quia non habuit illarum scientiam. An non suaue quippiam est adeo esse diuites scripturarum; quis non miretur sapientiam Louanensium Theologorum; quis tot ac tantis scripturarum testimonijs, tam appositæ citatis, non reuinceretur hæreseos, & ad palinodiam adigeretur. Pudet me vere meorum lapsu, qui hætenus nesciuerim eiusmodi dogmata, certe non habeo, quod ad hæc respondeam, quia nihil in illis habetur responso dignum, quæ & lectione sunt indigna, sed sperabat iste articulator, solis barbaris & ignauis cerebellis loqui, non discreturis, quid veri in rebus, & quid falsi sit, atque ideo sibi licere omnia. Dico igitur quod intellectum sacrarum literarum pendere atque colligi ex artibus liberalibus, nisi Grammaticam intelligamus accipere, error est, nec ostendi potest aliquis, qui scripturam sacræ per Dialecticam & artes liberales sit interpretatus, quodque id illi licuerit, quod qui facere præsumpserit, quemadmodum asina Balaam sonabit, & loquetur, ignorans, quid dicat, nihil enim commercij Christianæ fidei, cum artibus prophanis, nihil Dialecticis argutijs, cum diuinæ sapientiæ mysterijs. Christus illa docet, non Aristoteles, gratia hæc largitur, non ratio cinatio, non afflatus illa præstat, non syllogismus, non à logicis consequentijs nomen habet Theologus, sed à diuinis oraculis, ab ipso inquam verbo Dei. Ad scripturas autem contra me citatas, dico articulatorem esse hæreticum, siquidem hæreticus est, quicumque aliter scripturam intelligit, quam sensus Spiritus sancti efflagitat, ut habetur 24. quæst. 3. hæresis secundum Hieronymum, atque est reuera hæreticum, sacram scripturam obstinate ad hæreticum sensum detorquere, & non bona fide citare.

ITa ne tandem corrui, vetus illud & Græcanicum pro-
 uerbum: Nihil scire foelicissima vita, quod si à me re-
 pertum esset, erat fortasse, quod infelix articulator iste
 contra me succenseret, sed quum videat illius patrocini-
 um suscepisse, quia posui illud in præliminari pagina
 declamationis meæ, experiar si forte commodiore inter-
 pretatione, poterò illud, aut tueri, aut excusare. Neque
 vero hic ingrediar disputationem illam profundissimam,
 de nihilo ex quo cuncta creata sunt adeo, cuius scientia
 proculdubio foelicissima est, sed obsequentes articulatoris
 hebetudini, ignorantiam tuebimur, facit igitur pro illo,
 in primis quod ait alicubi Augustin. Deum videlicet potius
 ignorantia quam scientia attingi. Atque quæ modo
 maior foelicitas, quam attingere Deum? Hinc Dionysius
 ad Caium, ignorantiam perfectissimam scientiam vocat,
 & de ipsa ignorandi scientia, passim in multis locis men-
 tionem facit. Et Philo Hebræus in quæstionibus super
 Genesim ait: Finis scientiæ in Deo reconditus est; quem
 etiam testem anima vocat cum pura conscientia confitea-
 tur suam ignorantiam, sola enim nouit anima, quia nihil
 nouit firmiter. Non est ergo vera & perfecta scientia (ut
 ait Nicolaus de Cusa) qua quis credit se scire, quod scire
 nequit, sed ubi scire est se non posse scire. Nonne cæcus
 aliquis audiens quempiam de Solis claritudine quanta sit,
 multa docentem, arbitrabitur, per hæc ipsa quæ audie-
 rit, habere se aliquam solaris luminis scientiam, quod ta-
 men ignorat, quia lux solo visu attingitur, videns autem,
 quum viderit claritatem solis visum superare, faterur se
 illam penitus ignorare, habetque cum luminis illius ex-
 perientia, etiam ignorantiam scientiam. Cæcus vero, ne-
 que ignorantiam scientiam habet, neque ullam illius, quod
 se scire putat experientiam, sic multi Philosophi & Ma-
 gistri humanis scientiis clari, sed oculo mentis cæci, &
 lux cæcitatæ scientiam non habentes, putantes se videre,
 obdu-

obdurantur in assertionibus suis. Sic multi, qui se Theologos dicunt, cum habent scripturam, in qua veluti in agro absconditus est thesaurus regni Dei, ex sola agri possessione, sese diuites putant, & scripturarum prodigi, quæcunque in patribus alicubi legerunt, ad suas opiniones illustrandas, pro lapidibus præciosis (tanquã de thesauris suis noua & vetera) sine iudicio producunt, putantes se statuere articulos fidei, quum longissime nunquam aberrant à scopo veritatis. Qui autem videt sibi thesaurum agri manere absconditum ab oculis suis, in hoc sapientior est cæteris, quia scit se pauperem, quod illi ignorant; vnde Algazel in sua Methaphysica ait: Quis per probationem necessario cognoscit, & apprehendit impossibilitatem suam, ipse sui est cognitor, & apprehensor, quoniam apprehendit scire ipsum à nullo posse comprehendi; & hæc est fœ icissima illa ignorantia, quæ longissime superexcellit omnem humanam scientiam, quam professus mihi videtur Cotta apud Ciceronem, omnibus fere, inquit, in rebus, quid non sit, quam quid sit dixerò, & sacer ille Dionysius ait, tutiores circa Deum esse negaciones quam affirmationes, quod etiam diuus ille Plato in Parmenide in primis obseruat; & in Epistola ad Dionysium regem seruari iubet, denique de hac ignorandi scientia, multi sancti & mystici Theologi, editis libris profundi locuti sunt, in primis beatus ille Dionysius Areopagita, item Marius Victorinus ad candidum Arrianum. Item Theodotus in eo libro, quem inscripsit clauem Philosophorum. Item Ioannes Scotigena in tomis paraphraseos, & Ioannes Mosbacensis, in commentariis Proculi. Item Maximus monachus, Hugo de sancto Victore. Robertus Linconiensis, & prænominatus Scotigena, commentatores in mysticam Theologiam Beati Dionysij supra dicti. Ex recentioribus vero, Nicolaus de Cusa Cardinalis, de hac doctissimum librum conscripsit, quem de docta ignorantia intulauit, tum etiam in aliis plerisque suis opusculis, de eadem commemorat. Sed condonemus

huic articulatori, suam, non doctam, sed crassam ignorantiam, qui pauca legit, & minus quæ legit, intelligit, & ut sine iudicio patrum autoritate deuorauit, ita incoctas, & indigestas, hic illas contra me euomit, & impotenter deprauando detorsit, ad firmandam calumniam, cui se addicauit, qui quum sit tam doctæ ignorantie incapax, melius imposuisset ori suo silentium, & quod intelligere nequit, admiraretur potius quam morderet.

XII.

NUNC ad secundam assertionem mihi respondendum est, quæ quum de rigore sermonis nullum contineat errorem, addiuinat ille argutulus articulator sensum, quem impugnet, inquires: Quasi vellet innuere, &c. nec aliam scripturam contra me producit, præter Aristotelem, & c. si quis artem. 36. d. in quibus cardinem victoriæ locat, ac si obligarent nos tanquam articuli fidei. Hic ego primo respondeo, quod ad reuincendum aliquem hæreleos, aut impietatis, non valet argumentum à quasi, sed ut inquit Hic onymus ad Ctesiphontem, quod à nobis asseritur, sacrarum scripturarum testimoniis asserendum est, in quibus quotidie credentibus loquitur Deus. Idem Psalmo 98. ait: Omne quod loquimur, debemus affirmare ex scripturis sanctis. Et in Epistolam ad Titum dicit, sine autoritate scripturæ, garrulitas non habet locum, quia ut inquit super 23. cap. Matth. quod de scripturis non habet auctoritatem, eadem facilitate contemnitur, qua probatur. Hinc Origines super Hieremiam homelia prima: Necessè est (inquit) nobis scripturas sanctas in testimonium vocare, sensus quippe nostri, & enarrationes, sine his testibus, non habent fidem. Deinde scire cupio, an hæreticus est, qui contradicit Aristoteli, aut non credit illius somniis. An periculum est, subuersam iri religionem Christianam, si quis alicubi dissentiat ab Aristotele, aut Gratiano, quum secundum Speculatorem; Ioan. Andr. Panorm; Felin. Paul. de Castr. & cæteros Iuriscôn-

risconsultos. Gratianus nunquam habuit auctoritatem quolibet canonisandi, atque ipse Scotus, bonis rationibus motus, dicit, sibi non esse manifestum, quod Canones per Gratianum collecti, omnes obstringant, ego hoc dico, & firmiter assero, non valere consequentiā, hæc propositio siue assertio est contradicta Aristotelis, aut etiam Augustini, aut Gratiani, aut contra alium quemvis Doctorem Ecclesiæ, ergo est hæretica; impia aut scandalosa. Hæreticus nemo pronunciandus est, nisi quia Apostolicis auctoritatibus, erroris contra fidem & Ecclesiam publice conuictus, mutare noluierit insana dogmata. Quod si quis etiam haberet erroneam opinionem, de rebus fidei, adhuc per Ecclesiam non determinatis, modo in voluntate eius nulla sit macula, ille nec peccat mortaliter, nec dicendus est hæreticus.

XIII.

Si calumniandi passio, non incessisset hunc articulatore, Sintelligere poterat, me loqui de bonitate operatiua, quæ est habitus voluntatis, siue voluntas confirmata consuetudine, in operandis bonis, ad quam bonitatem parum aut nihil scientiæ operantur, quod ipse verum fateatur Aristoteles, inquiens, scire parum aut nihil operatur ad virtutem, siquidem in humana anima, voluntas Imperatoris vicem gerit, cui subsunt & parent omnia. Scientiæ vero, & artes, atq; memoria, cæteræq; apprehensiuæ virtutes, consiliariorum vice funguntur, vtilitates & pericula præmonstrantes, nunciantibus sensibus, cæterisq; viribus exequentibus. Manifestum enim est, quod ut res vel bene vel male administrentur, totum hoc a bonitate vel malicia imperatoris illius (voluntatis inquā) pendere. Nam tollatur ab homine bonitas volūtatis, etiam datis & positis illi omnibus scientiis, malus homo dicetur, adsit bonitas voluntatis, etiā ablatis reliquis omnibus, homo bonus erit. Quod autem ad veritatem attinet Petrus Apostolus non aliter probat fidei veritatem, quam & Doctoris certitudine. Cur

non idem licebit de scientiis! & hanc fuisse intentionem meam, facile intelligere potuisset, si iste Aristotelicus Theologus, Magistrorum nostrorum parasitus, amaret veritatem, & integram declamationem meam attente legisset. Oportet enim, qui scribentis in re aliqua mentem inuestigare velit, ut omnia attente legat, & in unam conformem sententiam conferat, facile enim est ex truncatis scripturis, aliquid reperire, quod offendant.

XIV.

VERVM minime hac in re me refellere quibus, sed conectere nugas frustra conaris, quum allegatus per te cano, duntaxat benedicendi & rationandi disciplinas se non improbare dicat, ceteras artes liberales dicat non esse scientias pietatis, esse autem scientias pietatis, nosse legere scripturas, & intelligere Prophetas, Euangelio credere; Apostolos non ignorare. Et ibidem in c. ideo prohibetur, interpretatur ex verbis Isidori, illud Apostoli: Qui ignorat ignorabitur, quod de eo intelligendum sit, qui noluit intelligere, ut bene ageret. Denique tota illa distinctio, cum sequenti, plus aduersatur huic articulo, quam patrocinator. Hæc est illa ignorantia, propter quam captius ductus est populus, sic enim prosequitur hunc sermonem Propheta, inquiens: Abiecerunt enim legem Domini exercituum, & sermonem sancti Israel blasphemauerunt, propterea iratus est furor Domini in populum suum, non exprobratur illis ignorantia artium liberalium, & Philosophiæ, sed ignorantia legis, & sermonum Domini, ipsius inquam verbi Dei.

XV.

POST hæc scientificus articulator, plenus aurarum buccis, colligit magnam congeriem aliarum propositionum, quas omnes vno nomine damnandas, eodemque vase simul in barathrum detrudendas censet, vocans eas piarum aurium offensivas, ex quo probabiliter conficio, priores
il as,

illas, quibus iam respondimus, censerī ab illo hæreticas, & blasphemias, quum ea sit doctrinalis inquisitionis scholastica consuetudo. Primo hæreticas, & schismaticas, deinde scandalosas, & piarum aurium offensivas, per ordinem locare. Nunc ergo propositiones illas, quibus tam impie pias aliquorum Arcadicorum Theologorum aures offendi, examine mus, si prius illos admonuero, ut caueant, ne quando dum putant in meis scriptis offendi, sibi ipsis temere iudicando offendiculi sint auctores.

XVI.

HARVM prima habet, Canones sacerdotes sublaris honestis nuptiis turpiter scortari compellunt. Hic puto offendit verbum compellunt, quod iste articulatur in peiorem partem interpretatur, ac si dixissem: Canones præcipere scortationem, siue illius esse causam, quum hoc verbum compellunt, eo loci positum sit occasionaliter in subiecto, non causaliter in efficiente, aut si malint dicam logico more, occasionaliter in prædicato; non causaliter in subiecto. neque in citra consuetudinem Latini sermonis, etiam Scholasticis Theologis usitatum, ut quum afferunt Deum esse occasionem mali, sed esse causam mali negant, neque aliud sonat hic compellunt: quam incontinentes & yrentes sacerdotes, matrimonio iungi non permittunt.

Loquor enim non de castris sacerdotibus, sed de concubinariis, & turpiter viuentibus, quorum vbique nunc & publica, & magna admodum, turba est, quos melius esset habere vxores, quam tam impuro coelibatu tenere publicas concubinas, conuiuentibus ad hæc aliquibus Pontificibus, & Episcopis, & accepto in singulos annos nummo aureo, ista permittentibus, nec deest huic turpitudini Canonici Iuris priuilegium, quo statuitur concubinam sacerdotis gaudere emunitate, & esse de foro Ecclesiæ, ne à seculari iudice conueniri possit, ut habetur in c. si concubinæ de sen. ex. & Dd. communiter tenent.

D 5 Atq;

XVII.

ATq; ad hanc propositionem, rursus infœlix articulator iste, temere obstrepens, diuinat sensum, quem sibi statuit impugnare, dum inquit, volens innuere, &c. Huic ergo sequimini dulcem parentem porci, sed liceat nunc etiam mihi contra diuinare, quid hoc loci sentiat ipse. Nōne quod cœlibatus sacerdotum sit de iure diuino, ita, vt nihil possit in illo humani iuris dispositio immutare, atq; hoc est falsissimum, & potestati Ecclesiæ derogatiuum, ac scandalosum. Quum cœlibatus sacerdotum, plane sit iuris humani, siue positiui, qui per Pontificem. vel conciliū, pro ratione temporum, locorum, personarum, seu alia quauis graui, seu rationabili causa, potest remitti, mutari, vel omnino tolli. Quinimo, Pium secundum, Romanum Pontificem, olim dixisse constat, ob graues causas, eretas sacerdotibus vxores, sed ob grauiiores, illis fore reddendas.

XVIII.

QUOD autem dicit, à morte Christi nullum Sacerdotem duxisse vxorem, illa sunt adulantis & formidolosi sophistæ deliramenta, quibus tota primitiua Ecclesia, multaque Romanorum Pontificum diplomata reclamant. Quod si Christus & Apostoli vetuissent sacerdotibus matrimonium, non recepisset illa primitiua Ecclesia, nec indulgissent illa Pontifices, quum lex Euangelica, nec reiici possit, nec relaxari, sed ignoscendum huic desidiō articulatori, qui veterum historias non legit, neque etiam vulgatissimam Theologi Antonini summam consuluit. Nunc ergo quid periculi est, si dixissem, pro statu horum temporum, pro honestate clericorum, melius esse, vt sublato rigore iuris, permittantur illis honestæ nuptiæ, potius quam sub certa multa concubinitus: quodque sacerdotes in cœlibatu turpiter libidini seruientes, honesti matrimonij permissione sobleuantur. Neque
vero

vero propterea probo: neque laudo, eos qui his temporibus sacerdotes, putant sibi licere, contrahere matrimonium contra statuta Pontificum & Ecclesiæ, propterea quod multi contra eadem statuta, publice teneant concubinas: neque etiam assentior huic propositioni, quod sacerdoti in sacris constituto, Papa non possit permittere nuptias, quum hæc per scripturam efficaciter probari nō possit, neque per Ecclesiam determinatam sit, illam infallibilem continere veritatem, & quæ ad hanc rem adduci possunt sacræ literæ, magis stant à sententia opposita. Et hodie adhuc Græcorum sacerdotes ducunt vxores, etiam post susceptum ordinem, neque propterea habentur irregulares, aut impij, & Romanorum canon, iubet Sacerdotem, qui vxorem duxerit, suspendi ab officio, & ministerio sacerdotali, non à laqueo, & arboribus, liberumque relinquit, ad officium posse reuerti. Quin constat Romanum Pontificem: aliquando Cardinali cuidam permisisse, vt nuberet, atq; suscepta prole, rediret si vellet, ad pristinam Cardinalitiam dignitatem, non ergo habentur pro impiis, sed pro tempore duntaxat irregulares.

XIX.

PROINDE nunc atrox mihi crimen obiicitur, quod Lutherum vocauerim inuictum hæreticum. Nescio an forte sint, aliqui tam superstitiose Theologi, qui inuideant Luthero nomen hæretici, tanquam illi cum Paulo Apostolo commune, qui in actibus Apostolicis, coram Felice præside, confitetur se seruire Deo, secundum sectam, quam hæresim Iudæi vocant, verum ego non dubito, quin probent Magistri nostri Louanienfes, quod Lutherum vocauerim hæreticum, sed offendit forte, quod dixerim inuictum, quem ipsi cum Colonienfibus complicibus suis, primi omnium doctrinaliter condemnarunt. At ego Lutherum hærescos damnatum non nescio, sed victum non video, quum ille in hunc diem adhuc profa-

proficiat in pugna, regnetque in animis populorum, quos penes tantam fidem auctoritatemque conciliauit illi plurimorum Sacerdotum & Monachorum & Magistrorum nostrorum improbitas, inscitia, malicia, mendacia, de euentu loquor, nō de dogmate, qui etiam si scholasticissime oppugnat⁹ sit, si rigidissime iudicat⁹ sit, si augustissime damnatus sit, omnia tamen infelicitè aduersus illum gesta sunt, nec profuerunt, quo minus grassaretur hoc incendium, cui quo plus à Magistris nostris, etiam à principibus & pontificibus repugnatum est, hoc latius dilatatum est, & iam etiam plerique Principes & Episcopi, & eruditi, & Theologi quam plurimi, & quædam integræ Academicæ in illius dogmata discesserunt, & populus fere plus fauet Luthero, quam Romanæ Ecclesiæ, atq; Pontifici, quod si victus est Lutherus, quid conclamatur ad generale concilium? Quid tantum negotij facessitur, non solum Magistris nostris (qui illum iam non minus metuunt, quam olim contempserunt) sed Pontificibus, & Cæsaribus, summis Christianæ religionis monarchis, Certe oppugnatum quam validissime Lutherum nouimus, victum nondum vidimus.

Primo enim in arenam hanc descenderunt Prierias, Hochstratus, Eckius. Sed ita pugnantes, vt nil præter risum reportarent. Successerunt monachi, apud rudem plebem cōtumeliose contra Lutherum vociferantes, quid egerunt, nisi quod ea quæ hactenus Latino sermonis à doctis intra scholarum parietes agebantur, sparserunt in vulgus, & Lutherum Saxonice scribere impulerunt, facta que est vberima hæresium sementis. Prodierunt postea Academicæ Louaniensis, Coloniensis, Parisiensis, cum suis nudis articulis & doctrinalibus damnationibus, quæ dum fumis & librorum incendiis implerent omnia ac si posset ignis ignem restinguere, Lutheri libros desiderabiliores vendibilioresque reddiderunt. Tandem prodiit terrificæ Leonis bulla, hæc adeo contempta est à Lutheranis, vt non dubitarint illam contumeliosis scholiis & glossematibus,

tibus, sub diuo catamidiandam exponere. Additum est
 diploma Cæsaris nihilo scelicius successit. Porro sequitur
 est hominum carnificina, quid aliud actum quam trun-
 cata Hydræ capita. An hoc est vicisse Lutherum? De e-
 uentu loquor non de dogmate atque utinam non etiam
 religiosius prædicaretur Christus ab aliquibus hæreticis,
 quam à Magistris nostris. An olim victus dicebatur Ar-
 rius, quando plures habebat Ecclesias quam Orthodoxi:
 quando Romanus Pontifex & Imperator, erant Arriani;
 quando vix tres Episcopi superessent orthodoxi, quando
 in concilio Arrianorum, plures sederent Episcopi suum
 dogma probantes, quam in concilio Ecclesiæ, ubi fuerat
 damnatum? An victus dicitur Mahumetes, cuius secta in
 hunc diem latius patet, quam religio Christiana? Iterum
 dico me de euentu loqui, non de dogmate. Quid ergo
 peccaui, si dixero Lutherum inuictum hæreticum, utinam
 mentiar, & Lutherus ab istis doctrinalibus damnatoribus,
 tam sceleratè fuisse deuictus, quam fortiter prouocatus.
 Utinam non solum sit inuictus hæreticus, & non etiam
 hæreticorum victor; magno Magistrorum nostrorum
 dedecore. Quis enim vicit anabaptistas? Quis resistit
 Sacramentariis? Nonne vnus Lutherus? Date vobis vel vnū
 scriptum Academiæ vestræ; quo illos vel digitum
 latum loco moueritis. Quæ utilitas vestra in Ecclesiâ, an
 sufficit dicere: damnamus, quia sic determinauit Eccle-
 sia? (ad cuius decreta tam strenue fugiunt Magistri no-
 stri, quoties vrgentur & hærent in causa, nescientes pro-
 ducere scripturam qua se tueantur.) Certe idem sciunt
 quicumque analphabeti rustici & idiotæ, idem potuissent
 suo tempore dixisse Hieronymus & Augustinus si id satis
 fuisset reuincendis hæreticis. O nunc salutare hæreticū
 Lutherum, qui dormientibus Magistris nostris, & longū
 somnum stertentibus, solus vigilauit pro Ecclesiâ, illam-
 que tam validis, tam violentis anabaptistarum & Sacra-
 mentariorum hæresibus totam pene Germaniam occu-
 paturis liberauit solus. Sed videor hic probare Lutherū,

& in hoc quidem probo. Sed nolite irasci, probo non aliter quam serpentem in teriaca, qui quū ipse sit venenum, in hac etiam venenis est venenum: quod si vos nunc tam expediti sitis, ad illum irrefutabilibus argumentis expugnandum, quam olim prompti fuistis, nudis sententiis condemnandū, & haftenus bene successerit, pergite cum Cæsare in Germaniam, & clamate fortiter Magistri nostri per me non stabit, quo minus vineatur, sed illud vos amice admonitos esse volo, ut præstantioribus argumentis cōtra illum agatis, quam hic aduersum me vtimini, quem auctoritatem scripturæ, ut virtute verbi Dei victum esse oportebit. Quod si opinamini, cum Lutheranis non aliis argumentis pugnandum esse, quam fasciculis, & igne, videte, & cauete, ne ipsi vobis respondeant, & flammis, & ferro. Erumpatque illorum hæresis, in atrociorē tēpestatem Periculose fortassis ista dico, & Lutherānorum patrociniū suscipere videbor, quemadmodum accepturi sint Magistri nostri, horreo, verum ego me non Lutheranum, sed catholicum profiteor, nec in illorum gratiam, nec in istorum odium, neque ob quorumcunque metum fieri volo hæreticus, & si cecidero in errorem aliquem, quod humanum est, pertinaciter perseverare non intendo, sed ita cecidisse me fatebor, ut sciam me honestissime surgere posse.

X X.

SV C C E D I T aliud crimen, quod theologos vocarint Lenones, si ad hoc probandum, exempla adduxero, ex nouellis Bocatii, mox dicturi sunt, illum lusisse iocis, ac si ego hæc dixerim serio, nec liceat mihi, meum iocum alterius ioco redimere, sed quod si ego hoc, de vno atque altero theologo verum faciam, ostendamque qui lenocinio functi sunt, nonne stabit illius indefinite veritas, etiam theologos esse lenones? puto non negabunt, sed dicent theologico nomini iniurium esse, & piarum aurium (quæ de illis tam altum sentiunt) offensiuum, fateor
si se-

in serio, & iniuriandi animo dictum esset, modo quod
 piaculum est, si Theologicum nomen admiscuerim ar-
 gumento iocoso, quod in nullum hominum genus non
 ludit, quod neque principibus, neque pontificibus par-
 cit, neque sanctis Patriarchis & Prophetis, quo forte non
 iniuria reprehendere potuissent, me ineptire ex verbis &
 exemplis sacræ scripturæ, & irreligiosiore ioco ludere.
 Sed quia etiam ipsi Theo'ogi id nonnunquam faciunt, &
 à multis fieri solet citra omnem impietatis notam, iccir-
 co transilientes hoc saxum, ad hunc lapidem cespitant,
 illud in Theologos scandalose dictum, ita ut etiam si ve-
 rum esset, tacuisse oportuerit, ne quid Maiestatis Theo-
 logico nomini decederet. Est enim hodie receptum in
 scholis dogma, à Beda Parisiensi profectum, valde suspe-
 ctum esse de hæresi, quicumque quocunque modo ma-
 le senserit de Theologis & Monachis, aut de illis irreue-
 rentiore sermone loquatur. At quanto irreuerentius isti
 Theologici Magistri nostri, nonnunquam loquuntur de
 Deo, de Christo, de intemerata virgine Maria, quum dis-
 putant illum potuisse suppositare omnem naturam, pu-
 ta Crocodili; Tortuce, Cynocephali, & illum secun-
 dum naturam suam, non minus esse in culina, aut cloaca,
 quam in cœlo? An mater Christi aliquando senserit pri-
 mos naturæ motus, siue carnis pruriginem? & dum his
 obscœniora de Deo, de beatissima virgine, disputare non
 pudet, offenduntur si quis inquirat. An Theologus possit
 agere lenonem? an Theologus possit esse non minus in
 prostibulo, quam in schola?

XXI.

VEREBAR ne post impassibiles offensionum Magi-
 stros nostros, tandem etiam prodirent aduersum me
 meretrices: atque Lenones, & sui scandali articulos pro-
 ducerent. Verum ab hoc metu præter spem liberatus sum,
 vicitque expectationem meam, istius ficulnei Theolo-
 gi peruicacia, (quis enim expectasset, ut Louanienſium
 Theo-

Theologorum maiestas, sese ad meretricum lenonumque patrocinia demitteat) qui pro illis acerrime pugnat, & magna authoritate lupanaria tuetur, dignus profecto, cuius deforme patrocinium, turpi compensetur præmio, qui gratis in Veneris Phano sacrificet, & in Cupidinis hortis donetur ficulnea statua. Olim iocatus Petrus Rauennas, dixerat, scholares Italos: non posse viuere sine meretricibus. Postularunt illum scandali Magistri nostri Colonienſes. Declamaui ego, Rem publ. posse stare sine meretricibus, & me impietatis postulat Louanienſes, & quod illis tunc placuit, nunc istis displicet. Ita ne Magistris nostris, pro tempore, & loco, veritatem & hæresim, & scandala, præsumere licet? forte dicere illis poterimus, sicut ait Christus ad Phariseos: Venit Ioannes, neque manducans, neque bibens, & dicunt Dæmonium habet. Venit filius hominis, manducans & bibens, & dicunt; ecce homo vorax, & potator vini; publicanorum & peccatorum amicus. Quis istis canibus, posset rite lectum sternere, qui accubaturi, huc atq; huc, sic in gyrum voluuntur, vt nescientes, quam in partem casuri sint, etiam nescire cogamur, vbi puluinar illis collocandum sit. Dico autem iterum ego quia omnis potestas desuper adeo est, ad honorem & utilitatem eius, à quo est, exercere debet, & non contra. Quare Principes & Magistratus, tenentur, eos qui in lege Dei palam & publice delinquant, iustis legibus coercere, non publica authoritate fouere, tueri, & publicis theatris hospitari, quemadmodum de publicis vsurariis non admittendis, neque hospitandis, statutum est, per Gregorium X. in concilio Lugdunensi, & habetur in c. vsurarius, de vsur. lib. 6. Simili ratione lupanaria, & scorta publica, fouere non licet, quum sint in Deuteronomio, atque etiam in Euangelio, vtraque diuina lege, vetita, quibus accedit etiam c. meretrices 32. q. 4. Nec vrget me citatus per articulatorem. c. si quod veritas 33. qu. 2. quum Augustinus ibi loquatur de malo deliberato, & inuitabili, de quibus alibi ait Gratian. d. 13. c. duo mala, & c. nerui testiculo.

culorum, & 22. quæst 2. cap. David & aliquot sequentibus. Deinde, licet tolerabilius malum sit adulterium quàm homicidium, & meretricatus quam adulterium, tamē institutum prostibularum, atq; ratio eam turpitudinē publicis indultis & priuilegiis fouēdi, damnabile est. Verū ego hanc sententiam nulla pertinacia defendere præsumo, sed inter illas referri volo, in quibus vnicuiq; in suo sensu abundare concessum est, idq; nō veritatis diffidentia, sed seruandæ modestiæ gratia. Neq; quisquam in hoc scandalizari debet, vbi dissuadentur aut reprehenduntur vitia, si quis amarulentiore hyperbole vtatur, quum eiusmodi in Hieronymo, in August. in Bernardo, in cūctis fere sanctis Patribus legimus, & quotidie Ecclesiasticis concionibus grauiora terculamenta inoffensi audiamus.

XXII.

VERVM, vt solet disputatio disputationem gignere, veniam mihi dabit articulator, ex hoc argumento suo, & citato per illum Canone, aliquid non extra propositum inquirere. Si è duobus malis, quod minus est eligibilius est, tolerabilius est, & quod puto consequi, etiam mitius puniendum est. Quæro, quid faciet sacerdos incontinens, fornicabitur ne, an nubet? vtrobiq; peccatū est, vtrumque vetitum est, hoc quidem lege diuina, illud constitutione Romanæ Ecclesiæ, vtrisque fidem iurauit, Deo & Ecclesiæ, illi in Baptismo, huic in ordine. Quod si fides frangenda est, si iusiurandum soluendum est, si lex præuaricanda est, vtrum illorum duorum malorum eligibilius est, vtrum, tolerabilius est, vtrum mitius puniendum est, fornicari, an nubere? Scimus Paulum dixisse, qui non continet, nubat: Melius est nubere quam vri. Item, vnusquisque vxorem suam habeat, propter euitandam fornicationem. Sed de sacerdote incontinente, quid dicit articulator, an ita, qui non continet sacerdos scortetur, minus malum est scortari, quam nubere. Accedat

E lupa-

lupanaria, prostibula, meretrices, quarum non est numerus, ut non alligatur vni vxori, quoniam polluitur sacerdotium coniugijs, non polluitur meretricibus. Hocce suum argumentum erit, quomodo euadet laqueum, forte est dare aliquod medium, quo neq; meretricetur, neq; nubat, sed soluto aureo habeat concubinam. Facient fortassis pro illo, ex Tolerano concilio, & ex Isidoro, duo illi canones, quos posuit Gratianus 34. d. dicentes: Qui homini Christiano, qui non habet vxorem, loco vxoris liceat habere concubinam, dummodo vnica concubina cōtentus. Neque desunt Theologi, qui opinantur, monachos & sacerdotes non abiurare incontinentiam, sed coniugium, quia non abiuratur, quod nulli permittitur, forte scandalizabit Magistros nostros, hunc casum hic illis propositum, neque ego serio proponerem, nisi articulatoris huius ad hoc me adigeret argumentum. Sed ne ista rursus inter articulos referantur, ego hic nihil assero, sed inquirō: cupioq; doceri huius argumenti solutionem.

XXIII.

Sequitur alia tragica propositio: *Mercatores & milites* veram pœnitentiam agere non posse, quam non dubito à fratribus aliquibus huc insertam, ut qui plurimum soleant à mercatoribus & militibus male partorum portiunculas corradere, dum participant illis sua beneficia & preculas, securas conscientias pollicentes, si illis plurimum prędę in sinum effundatur, in quo habent scientiam quæstuosum. Sed quum sit hæc sententia Augustini, in libro de pœnitent. & ego illum authorem verborum illorum citauerim, non mecum, sed cum Augustino hanc propositionem delitigent.

Necesse enim est, ut aut illum mecum faciant scandalosum, & hæreticum, aut me cum illo pariter absoluant. Sed videamus si forte commoda aliqua interpretatione poterit nobis succurri, atque ego cum Augustino, ab hac sermonis scandalosa impietate liberari, ad quod nescio an opus

opus erit mirifico illo, ex magistrorum nostrorum mysterijs sophismate, quo dicunt, hanc esse veram. Peccatores Deus non exaudit, contra falsam, si dicatur, Deus non exaudit peccatores. Quis Catholicorum dubitat, de nullius peccati pœnitentia desperandum esse? sed ea est patrum loquendi consuetudo, ut sæpe dicant peccatum aliquod impœnitibile, seu inextinguibile, quod difficile expietur. Quemadmodum Ambrosius dixit solutionem quadragesimæ, esse peccatum inextinguibile. Et Petrus ad Symonem inquit: Age pœnitentiam, si forte remittatur tibi cogitatio cordis tui, soli namque Deo in manu est, dare resipiscentiam, siue pœnitentiam peccati. Potest etiam tanta esse malicia, tanta enormitas criminum, tanta continuatio & assuetudo peccandi, in homine, velut in naturam versa, ut Deus hominem illum nolit sua gratia vocare ad pœnitentiam, sicut legitur obdurasse cor Pharaonis. Legat igitur iste articulator Canones, quos Gratianus ex Leone, Chrysostomo, Gregorio, Augustino, Cassiodoro, adducit de mercatoribus, & quæ præterea præfati authores in operibus suis diuersis locis tradiderunt, neque nodum in scyrpo querat. Quod si dicat mihi, oportuisse hæc in Declamatione explicuisse, ego non dogma interpreterabar, sed declamationem scripsi, cuius argumentum non in laude, sed vituperio, non in defensione, sed accusatione versabatur, nec concionabatur apud imperitam plebem, sed scripsi doctis & eruditis, quod si his offenduntur aliqui testamentorum venatores, licet Theologiæ titulo inflentur, imputent suæ infelicitati, qui non didicerunt tropos sermonum & scripturarum, necessarios ad eorum bonam intelligentiam, ac non mox damnent, quicquid suam avaritiam & rapacitatem offendit.

XXIV.

NON sunt hæc verba mea, sed perfidus cauillator, suo more statuit sensum, quæ impugnaret, & scripta mea,

mea, tam in sensu, quam in verbis deprauauit. Ego in capite de arte militari sic scripsi: Augustinus atque Bernardus, Catholici in Ecclesia Doctores hanc alicubi probauerunt, & pontificia decreta illam non improbant, licet Christus & Apostoli longe aliter sentiant. Docet Thomas in quodlibetis, non obligari nos de necessitate salutis credere Ecclesie Doctoribus, neq; etiam ipsi Ecclesie, nisi in his, quæ ad substantiam fidei pertinent, quia in illis Spiritus admonens, docet Ecclesiam omnem veritatem. Atque ipse Augustinus ad Vincentium: Hoc genus literarum, (inquit) ab autoritate canonis distinguendum est, non enim sic leguntur, tanquam ita ex eis testimonium proferatur, ut contra sentire non liceat, sicubi forte aliter sapuerunt, quam veritas postulat. Sic ego Augustini, & Bernardi, & sanctorum Patrum omnium, & quorumcunq; eruditorum authorum scripta, extra canonem Biblicæ posita, debita cum reuerentiâ semper suscipio, non tamen ita autoritate illorum me obligari puto, quod non liceat illis contradicere; aut ab illis alicubi diuersum sentire, aut circa eorum scripta dubitare, nisi probentur per scripturam sacram euidenter expressa, aut per vniuersalem Ecclesiam fuerit determinatum, illa firmam & indubiâ continere veritatem, sicuti de Epistola B. Leonis ad Flavianum, factum legitur, in c. sancta Rom. 15. d. An igitur Augustinus & Bernardus de bello per omnia recte sentiant, ego adhuc dubito, Pontificijs decretis, debitam obedientiam exhibeo, conciliis generalibus plus tribuo, tamen ineffabilem veritatem, circa quam solam versantur, & fides & hæresis. illis non tribuo, quoniam hæc sint solius sacre scripturæ, & sanctionum vniuersalis Ecclesie, in his quæ ad substantiam fidei pertinent, in cæteris Ecclesiam errare posse, etiam scholastici fatentur Theologi, neq; tamen omne quod à Christo & Spiritu sancto non est, hoc ilico illi contrarium est. Multa in scripturis exposuerunt authores, aliena à sensu Spiritu sancti, & inter se pugnant contrariis opinionibus, nonnunquam à seipsis dissident, quum spiritus sibi

repu-

repugnare, & secum dissidere non possit, tamen non protinus contrariantur Spiritui sancto, nec propterea reiiciendum est, omne quod à Spiritu sancto non est, cum teste Hieronymo, nulla interpretatio sit à Spiritu sancto, qui & septuaginta interpretum cellulas pro fabula ridet, tamen non protinus reiiciendæ sunt interpretationes, quantumcunque inter se variæ sint, & dissonantes, ita nec protinus damnantur per me Augustinus & Bernardus, si quid admittant aduersus consilia Euangelica, vbi deest maliciosus illorum contemptus. Nonne Paulus Apostolus consilium dat, quod se dicit non habere à Domino, & habet Domini præceptum, quod tamen non exigit. Scimus quod olim Deus in vetere testamento permiserit bella, neque tamen sinebat suos principes adorare bellum, nisi prius obtulissent pacem, sicut legitur Deuteronomij capite vigesimo secundo. In nouo autem Testamento, promissa est pax perpetuo fœdore conseruanda, sicut in eius recessu dixit testator Christus: Pacem meam do vobis, pacem meam relinquo vobis, cuius doctrina tota est ad charitatem, ad fraternam concordiam, ad patientiam, & dilectionem, non admittens maleuolentiam, odium, iram, bellum, sed docens diligere inimicos, & tollenti tunicam pallium adiacere, & fraudem pati, sicut de his ad Galatas tertio, & prima Corinthiorum sexto, & Matthæi quinto, & plerisque aliis locis docet Euangelica lectio. Nullum ergo inter veros Christianos licitum est bellum, quum omne bellum ex malo sit, & contra Euangelicam perfectionem. Et Hieronymi sententia est, olim Iudæis licuisse bellare, Christianis autem non licere, vnde dico illam propositionem, Christiano vt Christiano non licet bellare, citra omnem hæresis & impietatis notam posse defendi, neque per hoc calumniantur à me Augustinus, & Bernardus: & Ambrosius, & cæteri Doctores, & Pontifices, qui bella permiserunt, quod contra Christum agant sicut neque qui iure permittunt, ilico contra Christum permittunt, quod ille dixerit non iurandum omnino.

Nam quæcunque pro perfectione Evangelica prohibentur, sic prohibita intelliguntur, nisi rationabilis urgeat necessitas, ut ait, cap. ita ergo. 22. quæst. 1. Neque Augustinus, Bernhardus & Ambrosius, bellum simpliciter & indistincte, quantumcunque iusta de causa susceptum probant, nisi simul ex necessitate, atque cum fide, & religionis amore fuerit susceptum, quanquam dicat Ambrosius, neque hoc esse Evangelicæ perfectionis, ipsæque Bernardus, mundanam militiam expresse appellat militiam, ubi qui cadit (inquiens) perit in æternum, qui occidit & vincit, vivit homicida. Itaque licet à perfectis non sit bellandum, docente Apostolo ad Romanos, nobis iam ultra bella non esse carnaliter peragenda, sed animarum certamina, contra spirituales aduersarios desudanda, quod idem ex verbis Gregorij, ostendit Gratianus, in cap. nisi bella. 23. quæst. 1. Propterea tamen non plane prohibetur iustis & necessariis causis belligerari, & si hoc non exceperit Christus, qui nec litigandum coram iudice, nec iurandum docuit, siquidem a Christo priuata vindicta prohibetur, publica quæ legum officio fit, ut iudicia, supplicia, bella non sic prohibetur. Quare non etiam pugnant cum Christo, qui quod ille pro perfectione Evangelica docuit, diuersa ratione tractant de statu civili. Non ergo protinus damnatur princeps qui bellum gerit, sicut nec iudex, qui pronunciat sententiam, quod agat contra Christum, & Euangelium, quum agat ex officio civili, non ut Christianus, neque afflatus Spiritu sancto, sed ut minister humanarum legum. Nonne Christus in totum vetat diuortium, excepta sola causa fornicationis, tamen Romana sedes dirimit matrimonia, multas alias ob causas, à Christo non exceptas. Sic multa conceduntur de foro iudiciali, de consuetudine, de authoritate monacharum, quæ non sunt de perfectione Christianismi. Neque vero omne illud hæreticum est, quicquid extra Euangelium est, nec plane prohibitum est, quicquid infra concilium est. Quod si utrunq; de hæresi suspectum est, utrum

erum propius accedit ad hæresim, dicere in totum esse abstinentium à bello, quod consonat Evangelio & Apostolis, an dicere licitum esse bellare, quod nusquam legitur in Evangelicis literis: certe Theologorum officium est, hortari ad charismata meliora, ad pacem, & tranquillitatem, quæ Christi doctrina est, non ad bella, ad seditiones, ad effusionem sanguinis, quæ sunt Ethnicorum. Nec decet Theologos dissimulare tam aperta Christi & Apostolorum dogmata propter opiniones Augustini, Bernardi, Ambrosij, & aliquot cæterorum, qui licet alicubi bella probant, eadem etiam pluribus locis improbant, & detestantur. Arcuperem videre, ut isti Theologi, qui tam religiose bello patrocinantur, vel unicum Christi verbum, aut Evangelij sensum producerent, bella hæc comprobant, quod si fecerint, & non inique eo detorserint, victum me fatebor, & herbam illis dabo.

XXV.

NEQUE hæc mea verba sunt, nec mea intentio, quod Christo repugnante, ordo militantium est in Ecclesia, sed quod sceleratissimum illud militiæ genus, de quo locutus ibi fueram, prætextu ordinum illorum irrepserit in Ecclesiam, quod si quis negare velit, non deerunt ad manum horum scelestissima exempla, quorum myriadibus vel obrui posset. Proinde quum bellum res sit crudelis magis quam pia, & necessaria plus quam honesta, non adeo decet religiosos, Evangelicam perfectionem professos, quam tolerabile est in hominibus prophanis, nec ipsa eorum militum primordia, vacant reprehensione. Nam quum à Ioanne Patriarcha Alexandrino, primum institutus esset ordo hospitaliariorum, propter peregrinos Hierosolymam petentes, ita ut sacerdotes & fratres instructioni & sacrorum ministerio insisterent, cæteri autem barbati laici, quos conuersos vocant, peregrinos ad spectanda sacra loca ducentes, interpretes agerent, illosque à Saracenorum contumeliis tuerentur,

rum eleemosynarum collectas, dona, cæterasque monasterij temporalia, administrarent. Sed vt solent ex bonis principiis pessima quæque subsequi, quum in immensum creuissent religionis illius diuitiæ prædicti conuersi, qui illarum negociationes & procurationes agebant, licet rudes & imperiti laici essent, in tantam ambitionem elati sunt, quod supra venerandum sacerdotalis dignitatis ordinem, sese extollentes, pro conuersis & seruis, totius ordinis Domini, & Præceptores facti sunt, atque pro hospitalitate, malitiam professi sunt, gratissimum Deo seruitium sese præstare existimantes, si sua manu quâ plurimos infideles occiderent, & in tartara mittentes diablo sacrificarent, dum interea aut nullos, aut paucissimos lucrati sunt Christo, licet hodie longe plus veribus pugnent aduersus capos & perdices, quam lanceis contra infideles. Contra quos acerrime inuehitur diuus Bernardus, & de quibus vere dici potest, malum illud, quod Ecclesiastes vidit sub sole, videlicet seruos in equis, & dominos quasi seruos ambulantes super pedes, quod considerantes Carthusiani, licet contemplatissimi, in hoc suæ posteritati & durationi sapienter consuluerunt, quod suis barbatulis conuersis: temporalium & prouentuum suorum negociationes & procurationes, non committunt, sed seruos seruilia duntaxat curare permittunt.

XXVI.

IN capitulo de statuaria & plastica, de imaginibus & statuis in hæc verba loquutus sum. Quin etiam hæc in tēpla, in sacella, in aras Dei, magnis venerationibus traducimus, non absque idololatriæ periculo, sed hæc latius in religione disputabimus. Nonne ibi expresse fateor, me non assertiue, nec definitiue, sed disputatiue, & inquisitiue loqui, remittens lectorem, ad eius rei ampliorem sermonem posterius de religione requirendum, videlicet in capite proprio de imaginibus, in quo post longam disputa-

putationem, tandem sic assertiue concludo, inquiring: Atque hic vos scire volo, quod quemadmodum exuperans imaginum cultus idololatria est, ita illarum pertinax detestatio hæresis est, de qua olim Philippus & I. eo imperatores dampati sunt. Quis hic non videat huius articulatoriis malitiosam caulationem, qui ista odio malo dissimulans, obtineuit. Quid enim scandali est, si pro euitando scandalo admoneo periculi, quod esse potest, non ex imaginum natura, sed ex immoderato, aut superstitioso cultu, vel ex defectu consilii rudis plebeculæ. (Quum nec hodie vnanimiter, nec sufficienter explicatum sit à theologis, quomodo cultus & veneratio, competant rei inanimatæ) vel ex hypocrisi & auaritia sacerdotum, & monachorum nonnullorum, quibus quæstus acceptior Christi gloria, quique ad eiusmodi plebis errorem conniuent propter lucrum, quod inde solet illis accrescere. Hinc Ægyptiorum more fere nihil non infertur aris, hinc videmus cum Ioba & Bernardo, etiam diabolus traduci in aras Dei, similiter cum Georgio crocodylum, cum Roccho canem, cum Antonio suem. Venerabile Eucharistiæ sacramentum, procul ab aris, ad angulum aliquem detruditur, ante quod vix vna ardet olida lampas, dum insensata illa simulachra, collustrantur innumeris cereis. Quod si quis rem diligenter expendat, comperiet, fortassis in non minorem abusum prolapsa nostra simulachra, quam olim fuerunt idola Ethnicorum. Quis non cultus nostris istis exhibitus est, dum alterum altero augustius adornatum, & appensis omnis generis anathematibus, velut mercimoniarum taberna instructum, ac coempticiis indulgentiis, magis propitium prædicatum admentitisque miraculis, potentius & prope diuinius confectum est, contra qua non contumelia affecta sunt nostra simulachra, si quando nobis minus propitia credita sunt. Quoties vidistis, lætis vitibus, Urbani simulachrum, Bacchi instar frondibus coronatum, fidibus, tibiis, tympanis, præeuntibus; comitante sacerdote, solenni gratulationis pompa, per ciuita-

uitarem humanis humeris delatum, peractisque bacchanalibus, in taberna quapiam vinaria, secerdote & reliquis bene potis, eadem pompa temp'o suo restitutum. Nonne etiam vidistis, si forte gelu, aut pruina, vites aruissent, idem simulachrum, per luta, per sordes, per stercora, laqueos tractum, in super consputum, conspurcatum, & omni contumeliarum genere affectum. Taceo quid vestri agant Hollandi, cum Paulino idolo, si quando in conuersionis eius festo, aut nix ceciderit, aut pluuia, nonne hæc vidistis, & tacuistis, tacendo consensistis, elatis cachinnis arrisistis, & socii sceleris facti estis? Quid socii, imo vos tam perniciosi sacrilegii, detestabiles auctores extitistis, aperuistis insanæ plebi templa, tradidistis conspurcanda simulachra, & caput abominationis fuistis, & cauda. Hic mihi dicite magistri nostri, dicite Pontificum fiscales, dicite Christianitatis decani, dicite hæreticorum inquisitores, & magistri, quem illorum vnquam aut hæreseos, aut scandali postulastis, & nunc (si diis placet) cogar ego de hæresi causam dicere, si quid contra aliquot superstitiosa simulachra, illorumve abusus, vel hiscere ausus fuero, eo quod habetis in illis relligionē quæstuosam, & quæ ad eruditionem rudis plebeculæ, pro signis, vix tandem recepit ecclesia, fecistis vobis instrumenta auaritiæ vestræ, & laqueos irretiendæ pecuniæ. Si qui ergo ex capitulo de plastica, proferunt quod accusent, quia me oderunt, inuenient in capite de imaginibus, vnde me excusent, qui me amant. Non enim improbo imagines, quæ ad notitiam deducunt eorum, quæ in vero vnus Dei cultu conceduntur, sed quando à cultu latriæ vnus Dei abducunt, quasi in ipsis imaginibus & statuis sit aliquid diuinitatis, aut illis alligetur, tunc quia decipiunt, & à veritate auertunt, merito damnandæ sunt, non aliam ob causam, concilium Laodicense, & damnauit, & anathemate percussit, eos qui colerent angelos, quasi tales committerent idololatriam. Atque vtinam plebs imperita hodie non periclitaretur in imaginibus,

& non

& non cum acceptione adoraret, quas indifferenter pro signis colere deberet. Atque sacerdotes non quærerent lucrum, à quibus Deus vitari iussit periculum.

XXXVII.

HÆc est illa execrabilis propositio, nullo satis igne Hexpiabilis, nec in hoc seculo, nec in futuro excusabilis, & velut Erinnis in tragoedia, quæ si in hac declamatione scripta non fuisset, de reliquis omnibus nihil fuisset scandali, sed in sacrosanctam cucullam offendens, omnium cæterorum reus factus sum. O facinus audax, iniquum, & impium, quale hactenus nemo omnium patrauit. Sed inuenirèt hic forte Pilatus, & Herodes, aliquid quo me liberarent, nisi monachi & fratres omnes clamarent: Crucifige, crucifige, blasphemauit, dicens: Diabolus est auctor cucullæ, qua instar alterius baptismi, melius renascuntur Monachi quam priore, qua etiam mortui innoluti, sanctificari traduntur, præcipue si in sacrosancta Franciscanorum cuculla sepeliantur. Sed admiror & valde, si tam sancta sit cuculla, quomodo tot ac tantos operiat calumniatores, à quo solo vitio apud Græcos diabolo nomen est? De hac ergo, quum in capitulo de statuarum & plastica, narraſsem Iepidam fabellam, isti sic referunt in articulum, ac si ego theologum ibi agens, hanc serio credendam concionatus essem apud populum, nec liceat mihi scribere, quod pictoribus liceat palam pingere. Quis hic non videat, quanta calumniandi scabies, teneat istos articulatores, qui etiam à iocis, & salibus veniuntur quod condemnent. Non puto aliquos theologos tam stupidi, tam insensati cerebri esse, aut adeo (vel extremo senio) desipere, ut putent me serio probare, iocum quem hic recito, quodque pro hoc ludicro, me serio respondere velint, quum dicat Augustinus, in questionibus super Genesim, & habetur xxij. qu. ij. quod ait, videlicet quæ non sunt, si non serio, sed ioco dicantur, non deputantur mendacia, neque piarum aurium offensua. Quis non rideret

deret magistros nostros, si ad theologicum rigorem excutere velint, nouellas Bocarii, & facetias Pogii. Forte sunt: liqui, qui ob magnum aliquem fratralis religionis (ne dicam stupiditatis) zelum, non possunt ferre iocum in cucullam, dicentque cum cuculla non fuisse agendum ioco, fateor me ignorasse hunc articulum fidei. Doceat ergo h. e. me primum auctoritate scripturæ sacræ periclitari fidem, si quis quid iocetur in cucullam, aut fortassis de illa minus bene senserit. Hoc vnum scio, euangelium non docere, non præcipere, non consulere, discrimina vestium, neque quod cultus vestium, sicut nec esca, commendet homines Deo, cuius spiritu (vt ait Pau.) transformamur de claritate in claritatem. non de colore in colorem, de cingulo in funem, de calceis in callopodia, de roga in sagum, de veste in vestem, de rustico cucullo in effœminatam cucullam fratrali, ac si perfectio euangelicæ religionis, pendeat à veste & cultu, quæ sunt traditionis hominum. Narrauit mihi his diebus, vir quidam pius iuxta & eruditus theologus, ex familia Franciscanorum, & ex eius ordinis primariis, Franciscanos olim fusca & fere subnigra veste vsos, quo colore adhuc moniales eius ordinis multis locis induuntur, quumque propterea ab Augustinianis nō satis discernentur, qui ipsi nonnunquam etiam funiculis præcingebantur, orta, lite post multas tandem contentiones Augustiniani acceperunt latum illud, & longum pendens, pelliceum cingulum, osse bubalo, aut multis æreis emblematis adornatum, deinde etiam Franciscani lucidiore colore sese ab illis discreuerunt. Cum eisdem Augustinianis, quondam litigarunt Dominicani, coram (si recte memini) sui ordinis Romano pontifice, volentes Augustinianos albam ponere tunicam. Iamque ita fore decreuerat pontifex. comminatus Augustinianorum procuratori, sese pronuntiaturum, vbi rediisset in crastinum (egrediebatur enim urbem) quumque procurator dixisset Pontifici, & si non redieris pater sancte. Respondit ille: Maneat vobis habitus vester cum benedictione Dei, at

Pon-

Pontifex eodem die occidit, sic Augustiniani fruuntur cum benedictione suo habitu inuitis Dominicanis. Non minore discordia, nuper apud Germanos contendebant inter se Franciscani, nam obseruantes aduersus conuentuales instabant, volehntes illos in signum discretionis mutare habitum, quibus à conuentualibus responsum fuit, sat discriminis inter illos fore, si obseruantes dimissis calceis, sua ex Italia assumerēt callopodia. Has atque similes de vestitu, & cultu monachorum contentiones, si omnes recensere vellem, possem amplo volumine insignem cucullomachiam scribere, ad quod si me impuleriat, nec ingenium, nec oratio, nec materia mihi defutura sunt. At vero scimus Christum esse Deum pacis, non contentionis, omnes ergo cultus illos, qui ex contentione sunt, quid piaculi est, si dixerimus esse inuentum diaboli, sed nolo hoc loci serio tueri, quod in declamatione serio non dixi, & ridiculæ fabellæ seriam interpretationem fabricare, sed ostendere volui, istis tam pie articulatis magistris nostris. Quod tametsi iocus sit, tamen non esse vsquequaque falsum, atque licet non sit necessario verus, tamen forte probabilem esse, & qui citra impietatem disputari, & defendi quoquo modo posset, in quodlibetis, vt mihi & in præsens, & in reliquum, de his & similibus, aliquid declamanti, aut scripturienti, æquior sit illorum morositas, & benignior sit illorum iniquitas. Neque iste loquendi modus, rursus offendant magistrorum nostrorum, ac latebricolarum monachorū pias aurículas, nam ego illum ex Thoma Aquinate, & magistro nostro, pariter & monacho accepi, vbi ait: Licet rationabilius sit credere, potentiam creandi, creaturæ communicari non posse, tamen defendi posse, quoquo modo, creaturam posse creare. Ad huius ergo conclusionis imitationem, liceat mihi quodlibetare (vt vestro vocabulo vtar) licet rationabilius sit credere cucullam ex celo religionis instinctu Spiritus sancti institutam, tamen defendi posse, illam quoquo modo, & nonnunquam etiam à diabolo profectam. Utinam tanta esset

esset cucullæ sanctitas, vt omnes monachos & fratres ad veram pietatem inflammaret, & à diabolico calumniæ spiritu emundaret. Vtinam sacrosancta cuculla, haberet tot professionis suæ imitatores, quot habet dignitatis suæ buccinatores. Ego nullos monachorum ordines, ritus, vestes, cæremonias, nullum probatæ vitæ genus insector. Ego vt non sum tam insolens, vt talia serio promittere, aut defendere velim, quæ alicubi in declamationibus, aut placitis, per iocum effutiui, ita nec graues viros decet, quæ ioco dicta sunt, serio reprehendere, ego quantum monachorum ordinem venerer, quantum monastico instituto faueam, ipsa nostra quam scripsi de vita monastica ostendit oratio, & in declamatione nostra, sub capite de sectis monasticis protestatus sum, quæ de malis monachis & eo nomine indignis loquor, me ad ordinum iniuriam nō referre. Similiter in querela mea, bonos semper excipio, vbi cum peruersis mihi res est, qui nihil habēt religionis monasticæ, præter cucullā, & quæ vocant clypeum impudentiæ, ac solo cultu, & cæremoniis, sanctimoniam apud vulgus profitetur, quum eorū vita, & mores, minime respondeāt ornatui, quos tamen vtcunq; ferendos censerē, si tantum male viuerent, nec malos etiam aliōs facerent, & vt est in euangelio, ipsi non ingredientibus regnum cœlorum, etiam alios excluderent. Nemo ergo putet, à me taxari bonos Monachos, dum reprehendo malorum mores, quos in illis etiam pii monachi detestantur, de quibus malo nunc tacere quam multa dicere. Vos autem quosunque pios ac veros Monachos, paulo hinc aures auertere iubeo, donec malis illis satisfecero, ne vos meo sermone læsi, quidpiam de me grauius æstimetis, quanto magis vestram sanctimoniam laudare quam exasperare velim.

XXVIII.

LEGITIMI censoris (qui alterius scripta reprehendere aggreditur) officium est, primum bona fide citare verba & rationes, quæ continere putat, aliquid hæresis
aus

aut impietatis. Deinde validis & nervosis argumentis refellere, quod in illis offendit. Sic Origenes contra Celsum, sic Cyrillus Alexandrinus contra Iulianum, sic antiqui patres & theologi librum aliquem reprehensuri, totum interferebant de verbo ad verbum sermonis contextum, nihil relinquentes, ut ab omni etiam specie mali abstinuissent probarentur. Contra iste versutus articulatur, ex locis frustulatim decerptis, & mala fide recitatis, mihi struit calumniam, ubi quæ præcedunt & sequuntur, si candide & integre narrata essent, facile submoverent errorem. Deinde altutus sycophanta, mutavit verba mea, traducens ea suam ad calumniam, non enim reperitur me dixisse, prophetas & euangelistas mendaces in quibusdam inuentos, sed quod alicubi à veritate defecerunt, & secundum quid fuerunt mendaces, qui quidem loquendi modus, nihil habet impietatis, aut scandali, nisi quod forte alienus est à loquendi apud scholasticos theologos consuetudine. Propterea dignum putavit, qui referretur in articulos, sed ego nunc ostendam huic molinarie bellæ, doctorem, scholasticum pariter & monachum, & Franciscanum, sed virum eruditissimum, & theologum non vulgarem. Is est Franciscus Georgius Venetus, qui in opere de Harmonia mundi, capite secundo, primitoni, secundi cantici, in hæc verba scribit. Defecerunt prophetæ, ex aliqua mutatione facta in iis quibus prophetaverunt, adeo quod ipsorum omnium vaticinia reperiiebantur aliquando conditionata, & visi sunt, & secundum quid fuerunt mendaces. Hunc & ego imitatus, dixi prophetas alicubi à veritate defecisse, & secundum quid fuisse mendaces, quæ etiam si dicta essent sermone improprio, tamen sensu pio, ipsa monstrat addita illis declaratio, omne scandalum tollens, unde tenent domini de rota in decisione D C C C L X X I I. in antiquis, standum esse intentioni, non verbis. Non enim intentio verbis, sed verba intentioni deservire debent, etiamsi proferens videatur talis animi fuisse, qualia verba sonant, tamen si ex circumstantiis, vel aliis appareat

contrarium, non statur verbis, sed intentioni. Quod si de mente verborum dubitatur, semper recepta fuit dicentis declaratio, à cuius animo verba dependebant, nulla impediēte temporis præscriptione. Sed hanc declarationem, dissimulata conscientia, transit callidus hic calumniator, & aliam substituit, quam tamen elicit per rationem Quasi.

XXIX.

IAM vero, quum non ego sic interpretatus sum, sed sic calumniatus est iste calearius (debui dicere quasarius) quæreretamen libet, illi morem gerens, si sacra scriptura nihil habet ambiguitatis, vnde tam varie, & sæpe sibi repugnantes authorum interpretationes, si nullum est ex ea periculum, quomodo Paulus dicit: Litera occidit, si nihil incerti, vnde tot scripturæ libri & capita numerantur à plerisque inter apocripha? certe stat firma & inexpugnabilis sententia, scripturæ infallibilitatem, veritatem, sinceritatem, certitudinem, omnem esse à verbo & spiritu Dei, quæ à nullo comprehendatur, nisi cui voluerit ille reuelare. Non enim est homo verax, in quo Deus non loquitur, vt ait Augustinus Psalmo centesimo octauo: Tantumque abest quod hæc propositio sit impia & scandalosa, vt eius opposita (videlicet sacram scripturam habere infallibilem dilucidam, inoffensam veritatem, aliunde quam à verbo Dei) sit non solum scandalosa, impia, piarum aurium offensiuæ, sed plane hæretica, & omnibus fasciculis & ignibus digna. Omnis autem diuinæ scripturæ caligo, non de sui natura accipienda est, sed à nostri intellectus, aut infirmitate, aut peruersitate. Hinc multi excutunt, multi hallucinantur, multi offenduntur, & multi hæreses prolabuntur, non propter scripturam, sed quia confidentes ad inuentionibus suis, ex humano ingenio, & contentionum artibus, illam metiuntur, non ex spiritu verbi Dei, qui solus largitur scientiam diuinorum, & intelligentiam scripturarum, omnibus autem secundum cer-

certainam mensuram, quantum necesse est, & expedit ecclesiae, multa reseruans etiam posteris. Sic multa Spiritus sanctus reuelauit recentioribus theologis, quae antiqui patres, & veteres theologi olim non attigerunt, & sunt adhuc in sacris literis multa nondum explicata, in quibus quum se multi torqueant commentatores, multa in varias sententias disputent Magistri nostri, nullus tamen adhuc illorum ambiguitatem resoluit. Nam quam diu variant opiniones, nondum apud illos comperta est veritas, cuius generis sunt; quaestiones de Genealogia Christi, prorsus inexplicabiles, in quibus adeo variant Origenes, Nazianzenus, Hieronymus, Augustinus, Ambrosius, Lyranus, Burgenfis, & ab illis dissident recentiores quidam vt Annius Viterbiensis, Petrus Galatinus, & Iacobus Faber, & adhuc sub iudice lis est. An in descensu Spiritus sancti, omnium linguis loquuti sunt Apostoli, an vnica loquentes ab omnibus sint intellecti. An in extremo die aliqui immutandi sint, qui non fuerint mortui, quum de hoc diuerso modo legant apud Paulum antiqui patres, alii liberam permittunt vtramuis semper lectionem. Eiusdem generis sunt, quaestiones illae de distinctione personarum diuinarum, de vnione diuinae & humanae naturae in Christo, & quomodo Christus dicatur nescire supremum diem, soli patri Deo cognitum, de peccato in spiritum sanctum non remittendo, & eiusmodi plura, de quibus in hunc diem indecisae quaestionibus theologi conflictantur. Huc pertinent etiam multae admodum difficultates, quae sese nobis in euangelistis offerunt, ex quibus plures colligit Hieronymus, vt illud apud Matthaeum, vbi citat ex Hieremia, & acceperunt triginta argenteos precium appreciati, quod appreciauerunt à filiis Israël, & dederunt eos in agrum figuli, sicut constituit mihi dominus, quod non solum Hieremias non sic intendit, sed neque in forma scripsit, citat etiam Zachariam, in haec verba: Percutiam pastorem & dispergentur oves. Propheta autem non sic ait, sed rogans Deum inquit: Percute pastorem,

storem, ut dispergantur oves. Dicit alibi, ut impleretur quod dictum est per prophetas, quia Nazarenus vocabitur, quod tamen nusquam legitur in prophetis. Et Marcus Evangelista, exorsus euangelii historiam ait, sicut scriptum est in Esaia propheta: Ecce ego mittam angelum meum, quod Esaias neque scripsit, neque formaliter intendit, & Lucas in actibus apostolicis, inducit Stephanum recitantem historiam. Descendit Iacob in Ægyptum, & defunctus est ipse & patres nostri, & translati sunt in Sichem, & positi sunt in sepulchro, quod emit Abraham precio argenti, à filiis Emor, filii Sichem. Verum alio sensu, alia intentione, hæc scripta sunt in Genesi. Dauid quum vellet ædificare templum domino, dixit illi Nathan propheta: Omne quod in corde tuo est, vade & fac, quia dominus tecum est, verum longe aliter loquutus est illi dominus. Quod si quis hic dixerit, euangelistas, & prophetas mendaces secundum quid propterea non arguit illos falsitatis, ita ut mereatur cum Celso, Iuliano, Porphyrio, connumerari inter impios. Sed de his adhuc inferius dicemus latius.

XXX.

QUOD piaculum est, si pono diuinæ scripturæ auctoritatem, superare omnia omnium creaturarum suffragia, an propterea videbor negare sanctos patres, qui ex spiritu sancto in eam commentati sunt? minimè. Ego quoscunque sacrarum literarum expositores, semper vnice veneratus sum, & vereor, sed scio me maiorem reuerentiam debere scripturæ, quam firmiter credo, & scio, sic a Deo præditam, ut sine omni humana industria, certam in semetipsa sui habeat sententiam, & intelligentiam, nec ullis se flecti patiatur externis commentariis: duco autem externa, quæ non sunt ex spiritu sancto, sed ex nostris adinventionibus, cuiusmodi sunt multa Aristotelicæ sophismata, & Scoticæ subtilitates, & Occanicæ argutiae, similiaque peregrina dogmata quæ plerique philosophi, &

phi, & scholastici rabini, sacrorum eloquiorum sapientiæ inuenerunt, quod quam salubriter, quam vtiliter factum sit, viderint magistri nostri. Quoties ergo de sensu scripturæ pugna est, non propterea humano ingenio tribuenda est eius interpretatio, sed dono spiritus, & prophetiæ, ad quod nos hortatur Paulus, vt videlicet non solum linguis loquamur, sed & prophetemus, hoc est, interpretemur sensum scripturarum ex Spiritu sancto, quod prophetiæ donum, nunquam relinquit ecclesiam, sed continuo manet, non in contentiosis magistris nostris, neque in quantumcunque eruditis doctoribus, sed in his qui successerunt in locum Apostolorum, etiamsi nihil habeant humanæ eruditionis, sæpissimeque idiotis existentibus, reuelauit illis Deus, quod multos eruditos celauit. Siquidem quibus dat ordinem, is etiam creditur infundere spiritum iuxta verbum Euangelistæ, de Caipha, qui prophetauit, eo quod esset Pontifex anni illius. Hinc canonistæ cum theologis, communi sensu dicunt: Papam habere hoc ius prophetandi, hoc est, (vt ipsi aiunt) potestatem interpretandi scripturam, & licet multi extiterint prauis pontifices, nullum tamen illorum vnquam aliquam falsitatem in scripturam commisisse compertum est. De hac materia satis amplo sermone disserui, in capite de interpretatiua theologia, & in capite de verbo Dei, vsque in finem Declamationis, vbi submouetur huius articuli calumnia, quæ legisse debuisset piger iste articulator, priusquam ad calumniam se accingeret.

XXXI.

QUOD autem dico nec angelicas, ex Paulo didici, siquidem tam exuperans est scriptura diuina, vt nullius creaturæ industria, nullius intellectus creati ad miniculo subiiciatur, sed sibi ipsi sufficiens, se ipsam (si quis alieubi locus est obscurior) exponit & interpretatur. Vnde veri theologi, nullam de diuinis admittunt ratiocinationem, quæ nitatur humanis commentis, sed solā illam

quæ sumitur ex scripturis diuinis, nec aliter credi sibi volunt sancti patres, & interpretes, nisi quatenus per testimonia scripturæ suæ communiunt, in qua sola est scientia spiritus Dei. Et hæc dicitur expositio literalis, omnium certissima, & potentissima, quando videlicet scriptura per scripturam exponitur, & sensus eius reuincitur, quantum satis est ad æternam salutem, quantumque nos scire & credere vult Spiritus sanctus: neque tamen propterea reliquos expositionum modos, allegoricū, mysticum, morale, tropologicum, naturalem, typicum, anagogicum, & si qui præterea reliqui sunt, contemnendos censeo, quasi non etiam sint à Spiritu sancto. Sed dico illos non esse tam efficaces ad vincendum, si quis repugnet, sed duntaxat ad persuadendum, eis qui dociles sunt, & fideles, quod & ipsi fatentur scholastici theologi, allegorias non probare efficaciter, in disputationibus contentiosis, nisi si quas interpretatus sit Christus, aut Apostoli, hoc est, per ipsammet scripturam expositas.

XXXII.

NE c faciat quicquam contra me, quod iste cauillator citat ex epistola Petri, quodque adfert commentum, de prophetia comminationis quæ omnia in eodem capite de interpretatiua theologia, à me tacta & soluta sunt, licet illa legere noluerit iners pigritia, siue illa dissimulet callida calumnia. Sed spectemus ad quem scopum directæ fuerit tota illius rei disputatio, is sese mox offert, quod omnis homo mendax, quod solus Christus Deus homo expers mendacii, & erroris, nunquam quouis modo repertus est, nec reperietur mendax, cuius verba non mutabuntur neque deficient, cuius oracula nunquam immutabuntur, hoc vt euincerem, si forte prouectus zelo fidei, & calore disputationis, videar minus circumspecte, aut præter scholasticam consuetudinem, de prophetis & euangelistis loquutus esse, non tamen impie, nec scandalose loquutus sum, nec sine grauissimorum auctorum exemplo.

plo. Nonne Hieronymus in dialogis aduersus Pelagium,
 disputans aduersus eos, qui asseriebant hominem posse vi-
 uere absq; peccato, non solum non prophetas, non apo-
 stolos, sed nec ipsam superbeatissimam Dei genitricē sem-
 per virginem Mariam, liberat à peccato, saltem leui, vt
 errore, aut ignorantia, magis quam culpa commissio, ran-
 toque ardore ad id probandum euehitur, vt etiam ab apo-
 cryphis scripturis testimonia petat. Origenes etiam tri-
 buit illi aliquod peccatum actionis: & Theophylactus di-
 cit, illam scandalizatam in morte filii, vbi & Augustinus,
 tribuit illi diffidentiam, licet leuiorem quam discipulis.
 Chrysostomus etiam, reprehensibilem fuisse dicit, quū e-
 uocaret Christum in templo predicantem, & Eusebius at-
 que Anselmus, eosq; sequentes, aiunt: Deum non potuis-
 se facere naturā impeccabilem, quia non potuit facere al-
 lium Deum, quē omnia tamen citra scandalum, eo acius
 inquirunt doctores illi, quia Petrus de solo Christo pro-
 nunciat, quod peccatum non fecit, solum illum designat
 agnum immaculatum, qui solus immunis peccato, abla-
 turus erat omnium peccata. Solent etiam auctores in in-
 quirendo, & disputando, nonnunquam assumere iniqua,
 vt euincant æqua. Sic Dionysius Alexandrinus, aduersus
 Sabellianos, assumit filiū Dei esse creaturam, de qua in sa-
 pientia legitur: Prior omnium creata est sapientia, dicitq;
 eundem esse opus, siue facturam, sicut vitis agricolæ, iuxta
 sermonem euangelii, & etiam Pauli inquentis: Qui fide-
 lis est ei qui fecit illum, quumque in his negasse Homou-
 sion, coram Inlio papa traduceretur, declarans mentem suā,
 & in quem finem sic scripsisset, summa beneuolentia, &
 fidei commendatione, receptus à patribus, etiam ab Atha-
 nasio speciali apologia, contra calumniatores, defensu
 est. Nonne Hieronymus disputans contra Iovinianum,
 iniquior est matrimonio? Nonne Augu. contra Pelagia-
 nos, tam iniquus est libero arbitrio, vt à multis pro Mani-
 chæo calumniatus sit. Æquum est igitur, vt mihi permit-
 tatur, in prophetis & euangelistis, inquirere aliquod ge-

pus mendacii, non quod astu, seu malicia, sed vel igno-
 rantia, vel errore, vel lapsu memoriæ committatur, ve-
 ostendatur solus Deus verax, & omnis homo mendax.
 Facit idem Hieronymus, super Micheam dicens, Aposto-
 los & Euangelistas nonnunquam memoria lapsos. Facit
 idem Augustinus, sentiens apostolos & ignorasse quæ-
 dam & errasse in nonnullis, quinetiam Petrum in fide er-
 rasse, & ob id à Paulo reprehensum. Et in libris de con-
 sensu Euangeistarum, quoties circa obliuionem, circa remi-
 nisceniam, circa ordinem gestorum laborat, ac tandem &
 ibi, & etiam in quæstionibus in Matthæum, sentire cogi-
 tur, euangelistas non secundum veritatem ordinis rerum
 gestarum, sed secundum suæ quisque recordationis fa-
 cultatem, narrationes earum ordinasse, & Euangelistis ve-
 nisse post in mentem, quod multo ante fuerat gestum,
 sed non tunc succurrisse. Simili ratione, excusatur Mat-
 thæus, quia scribit multa corpora sanctorum qui dor-
 mierunt, surrexisse, priusquam narret surrexisse CHRIS-
 TVM, qui tamen fuit primitiæ resurgentium. Idem et-
 iam narrauit Christum lancea perforatum, antequam
 narrasset mortuum, dicente glossa ordinaria super verbo
 apparuit, in cle. prima de summa Trin. & fid. catholica.
 Quod debeat intelligi per anticipationem, quia ante nar-
 rauit Matthæus, quod post factum fuit, Et ne de hoc scân-
 dalum oriretur Ecclesia in concilio Viennensi hunc lo-
 cum correxit, nec dubito, quin liceat Ecclesiæ corrigere
 quædam in sacris voluminibus, non tamen diuersum ita-
 tuendo, aut addendo, aut detrahendo scripturæ, sed de-
 clarando ordinis & intentionis, & auctoritatis veritatem.
 Neque vero scripta apostolorum, & euangelistarum, ob hoc
 tantum habent auctoritatem, quod ab illis tradita sunt,
 sed quod consensu vniuersalis ecclesiæ approbata sunt.
 Multi apostoli & sancti discipuli vt refert Lucas, euange-
 lium scribere olim aggressi sunt, quibus tamen credere
 nõ cogimur, nisi solis illis, quos comprobauit ecclesia, eu-
 angeliæ sententiæ est etiam Augustinus inquit. Se non cre-
 ditur.

diturum euangelio, nisi quatenus illum commoneat ecclesie auctoritas. Magna fateor vis est, magnum numen, unum & idem sentiens ecclesia. Quæ est ergo huius articulatoris perversitas, hoc in me trahere ad suspicionem ambiguitatis, & torquere ad contumeliam ecclesie, quod ego pro gloria & auctoritate illius necessario produxi? nisi forte in hoc peccaui, quod plus tribuam præscriptis ecclesie, quam auctoritati euangelistarum, & apostolorum, qui solam ecclesiam profiteor scripturarum interpreterem, penes quam manet scientia discretionis, & inuiolatus sensus verbi Dei, à quo solo est omnis infallibilis veritas. Si enim tantus consensus ecclesie sine impulsu Spiritus sancti esse non potest, quid est quod de dogmate ecclesie dubitare possumus? quid ergo hic est scandalum, si verbo Dei, si ecclesie, si scripturæ, unicuique tribuo quod suum est?

XXXIII.

In capite de verbo Dei, sic de illo loquutus sum. Huius autem verbi scientia, nulla schola philosophorum, nulla theologorum Sorbona, nec quorumcunque scholasticorum gymnasia nobis tradidere, sed solus Deus, atque Iesus Christus, per Spiritum sanctum, in illis scripturis, quæ canonicæ vocantur, quib. iuxta diuinum præceptum, nihil addere licet; nihilque detrahare. Hanc propositionem articulator iste inter scandalosas, & piarum aurium offensiuas collocauit, non quod à scriptura, aut ecclesia, sed quod à scholis dissentiant, quarum decretum videtur, philosophicas disciplinas esse ad pietatem necessarias, erroreum & impium ducentes, quod non est imaginatus ipsorum Aristoteles, solertissimus causarum, & demonstrationum doctor. Ego dico, meam propositionem non solum non esse hæreticam, neque scandalosam, sed & probabiliorem, & magis orthodoxam, sua opposita. Quod si mea propositio erit scandalosa & impia, oportebit eius contrariam esse orthodoxam, & catholicam, quod videlicet,

verbi Dei scientiam, non solus Deus, atque Christus, sed philosophorum scholæ, theologorum Sorbona, & quæcunque gymnasia, nobis tradiderunt: liceatque contra diuinum præceptum, addere & subtrahere, canonicis Spiritus S. scripturis. Quis crederet adeo desipere, aut tam profundum dormire, Louanienſes theologos, vt hanc propositionem habeant pro catholica? certe ego de illis longe melius ſentio, & aut Buſconium verſificatorem, aut alium quem theologicum paraſitum, aut alium quemuis impium ſophiſtam, qui veritatem verbi Dei, ab Ariſtotelis philoſophia æſtimat, nec niſi ſophiſmata, & parua logicalia habet in pretio, iſtos articulos compilariſſe arbitror. Liceat ergo illis imputare omnia, quæ in Magiſtris noſtris Louanienſibus, ſine inſcitix, & ſtultitix, vel etiam malitix, erroris, aut hæreſis infamia, excuſari non poſſunt. Ego illud intendo, ad diuinorum cognitionem, nõ eſſe opus argutiis philoſophorum, neque ſyllogiſmis dialecticorum, ſed oportet illam haurire ex ſcriptura diuina, quæ eſt regula inſallibilis, ſemper permanens in ſuo vigore nativo. Eſto, valeant philoſophia & dialectica, ad erudiendum theologum, valeant etiam ad reuincendos ſuis armis hæreticos, tamen ad ſcripturæ auctoritatem, inefficax eſt omnis quantumcunque irrefutabilis ſyllogiſmus, niſi accedat auctoritas verbi Dei, per conſenſum vniuerſalis eccleſiæ. Omnia etiam quæ percepit eccleſia, quacunque ſcholæſtica ratiocinatione, & ingenii ſubtilitate, & dialecticis demonſtrationibus, ea inducantur, non propterea vera habentur, ſed quia præſumuntur à Spiritu ſancto eſſe reuelata, non humana ſapientia inuenta, ſicut Imperator Conſtantineſis, de Nycæna ſynodo ſcripſit eccleſiæ Alexandrinæ, inquiens: Quod trecentis ſimul placuit epiſcopis, nihil eſt aliud quam Dei ſententia, maxime ubi Spiritus ſanctus, talium ac tantorum virorum mentibus incumbens, diuinam voluntatem declarauit. Nulla enim maior peſtis quam ſacram ſcripturam ſubiicere placitis philoſophorum, & contentionibus ſophiſtarum, qui plus
ſatis

satis curiosis argumentationibus, veritatem ipsam non
 elucidant, sed in dubium vocant. Nihil ergo ad nos quid
 Philosophi, & Aristoteles de diuinis commenti sunt. Nū
 Christophorus faciemus Aristotelem, Philosophos & So-
 phistas? Absit. Vt talibus quibus illi dogmatibus, & ar-
 gumentis, nostræ fidei firmamenta statuamus. Quamuis
 hodie plerique recentiores theosophistæ, miserabili syl-
 logismorum seruitute captiuati, adhærentes illis velut
 ostrea, Aristotelem sanctius, quam Ægyptij Ibim, aut
 crocodylum colunt, illique veluti Deo, ac principi suo
 primitias, & tributa pendunt. Veri autem Theologi hanc
 armatam, quin potius dicam captiuatam Aristotelicis le-
 gibus Theologiam, non tam serio amplectuntur, quippe
 nullam de diuinis, quæ hominum commentis nitatur,
 recipiunt argumentationem, sed solam illam, quæ est ex
 scripturis diuinis, & quam non Sorbonici magistri nostri,
 de scholastica cathedra, sed quam Christus docuit de
 cruce, iuxta dictum Augustini: Crux Christi patientis,
 fuit cathedra Magistri docentis, quæ crucis scientia nos
 docuit argumentari, inquirere, discernere, & diiudicare,
 de omnibus longe certius, quacunque Dialectica & Rhe-
 thorica. Illa nos docet verbum æternum, & nomen, quod
 est supra omne nomen, quod nullus Grammaticorum ha-
 stenus cognouit. Illius Philosophia, de anima, de spiritu,
 de virtutibus, de fœlicitate, de summo bono, omnes
 omnium traditiones longe superexcedit. Hæc ergo
 est illa scientia crucis, quam qui ignorat, ignorabit illum
 Dominus, & proiciet illum à facie sua.

XXXIV.

Hic iam omissis verbis intermediis, quæ in hac pro-
 positione vnico contextu leguntur, damnat hæc ver-
 ba, cui nihil addere licet, nihilque detrahere. O Moyses, ô
 Salomon, ô Paule, ô Ioannes, ô Christe Deus, ô Christi
 Ecclesia, quis est iste discipulus Sathanæ, qui etiam in
 F 5 verba

verba sacræ scripturæ struit calumniam? Quid respondebit, quando mecum stabit ante tribunal Christi, rationem redditurus, quod impie calumniatus est verbum Dei, certe in die illa, surgent multi ex Magistris nostris, & dicent: Domine, in nomine tuo fortiter calumniati sumus, in nomine tuo acriter disputauius, in nomine tuo multo strenuiter excremauius, in nomine tuo Magistri in diuinitate nuncupari sustinuius. Dicit autem illis Christus: quia nunquam cognoui vos, O impudentem improbitatem, ô inexcusabilem blasphemiam, damnare in meis verbis, ut scandalosum & impium, quod traditum est in sacris literis, quod scandalosum & impium, aut hæreticum, nisi ab hæreticis, impiis & blasphemis, iudicari non potest, cuiusque oppositum, sit plane impium, & hæreticum, & blasphemum, & omnes qui adhærent illi, quum non liceat cuiuis Doctori, quantumcunque sanctissimo, & eruditissimo, ad diuinam scripturam aliquid addere, aut tollere ab ea. Hinc Tertullianus, in libro de prescriptionibus hæreticorum. Nobis (inquit) non licet ex nostro arbitrio indulgere, sed nec eligere, quod aliquis de arbitrio suo induxerit, Apostolos Domini habentes aucthores, qui nec ipsi quicquam de suo arbitrio induxerunt, aut elegerunt, sed acceptam à Christo disciplinam, fideliter nationibus assignarunt. Itaque etiam si angelus de cœlo aliter euangelizaret, anathema diceretur à nobis. Hæc ille. Et Hieronymus super Psalmum vndecimum, exponens illud: Eloquia Domini casta, interpretatur, quia prædicatores de eis nihil vel minuere, vel addere audent, quod pura & munda sunt, non admittentia externas sententias. Quæ enim erit sacræ scripturæ stabilis, & infallibilis veritas, si aut pro ratione temporum, aut locorum, aut rerum, aut personarum recipiat additamentum, aut diminutionem? Nonne scriptum est: Verbum Domini manet in æternum? Nonne ea lex est in Deuteronomio: Non addetis ad verbum, quod ego vobis loquor, nec auferetis ab eo? Et in eodem legitur: Maledictus qui non perma-

permanet in sermonibus legis huius. Et in Apocalypsis: Si quis apposuerit ad hæc, apponet Deus super ipsum plagas scriptas in libro isto, & si quis diminuerit de verbis libri Prophetiæ huius, auferet Deus partem eius de libro vitæ & de ciuitate sancta, & de his quæ scripta sunt in libro isto. Et Salomon, Prouerbiornum tertio ait: Omnis sermo Dei ignitus, clypeus est omnibus sperantibus in se, ne addes quicquam verbis illius, & arguaris inueniarisq; mendax. An non erubescit hic Theologus articulator, in tam scædo, tam impio, tam blasphemus, contra apertam scripturam errore deprehendi, quod inter scandalosos articulos, retulit sententiam sacræ scripturæ, etiam ad verbum in textu positam? Certe cauenda illi erat commonstrata ex diuina, in quam tam turpiter impegit, quum ego veluti digito illi ostendens, de Canonicis scripturis loquutus dixissem, quibus iuxta præceptum Dei nihil addere licet, nihilque detrahere, insuper addens hæc verba: Quisquis enim etiam si angelus de coelo id egerit, anathema est, & à lege Domini maledictus est. Sed hæc priora cum posterioribus verbis improbus calumniator malitiose dissimulauit. Quis non Christum citius inter publicanos & meretrices repererit, quam inter tales Theologos, qui dicunt se fidem & religionem defendere, dum euertunt verbum veritatis, sacram scripturam hæresis vocabulo inquinantes, & de Mose, de Salomone, de Paulo, de Ioanne, de ipso denique Deo, hæreticos facientes. Neque vero hic mihi patientiæ ratio habenda est, vbi non tam contra mea verba agitur, quam contra scripturam diuinam. Meminerit ergo in posterum tam sacrilegi lapsus, thraſonicus iste articulator, qui sibi arrogat censuras in errores alienos.

XXXV.

R V R s v s eandem cantilenam canens, carpit, sacram scripturam nulla pati externa commentaria, nullas humanas aut angelicas glossas, quibus iam in superio-

perioribus responsum est. Quoniam scriptura sacra sibi
 ipsi sufficiens est, & seipsam exponit, sicut apud Ezechie-
 lem cap. 18, præcipiens Deus inquit: Audies de ore meo
 verbum, & ex me annunciaris. Vnde ait Irenæus, osten-
 siones scripturæ, non nisi ex ipsa scriptura ostendi debet,
 cui nihil externum addere licet, nihilque quod sum de-
 trahere. Quomodo enim stabit promissio illa Christi,
 pollicentis nobis os & sapientiam, cui nulli possint resi-
 stere aduersarij, si pro tuendo suo dogmate, ab externis
 commentariis, ab humanis glossis, nobis emendandum
 erit verbum veritatis, ac si imperfecta sit scriptura, & non
 omnem veritatem docuerint Prophetæ, Euangelistæ, &
 Apostoli. Quæ pestifera olim Cataphrygum blasphemia
 fuit, quod dicentes, Augustinus scribens super Psalmum
 108. æquiparat his, qui Christum adhuc in mortali carne
 viuentem occiderunt. Vbi enim dignum aliquod verita-
 tis testimonium reperire poterimus, si à Prophetis, ab Eu-
 angelistis, ab Apostolis discesserimus? num in scholis
 Philosophicorum, qui sunt mancipia errorum, maluntque
 tueri falsum, quam à suis opinionibus decedere? num in
 Sorbona Magistrorum nostrorum Parisiensium, qui post
 innumeras cōtentiones, iam etiam determinationes suas
 venales habent, & in gratiam principum & regum, detor-
 quunt scripturas, & accepta pecunia, peruertunt verbum
 Dei? num apud cætera Scholasticorum Gymnasia, huius
 mundi scribarum & Phariseorum cœnobîa, ac prostibu-
 la hæreticorum? Certe dominus loquutus est in scripu-
 ris populorum & principum, horum qui fuerunt in ea, su-
 per quo dicit Hieronymus, Psalmo 86. Quod exceptis
 Apostolis, quodcūque aliud postea dicitur, abscondatur, nec
 habeat authoritatem. Vnde & Tertulianus ait: Quæ cre-
 dimus, hoc prius oportet nos credere, non esse quod post
 Euangelium credamus. Iterum Augustinus, super illud
 Psalmi 103. De medio petrarum dabunt vocem suam, in-
 quit: Si dixero vobis credite, hoc enim dixit Cicero, hoc
 Plato, hoc Pythagoras, quis vestrum non rideat me? Ero
 enim

enim aus, quæ non de petra emittet vocem suam Et paulo post: Audiantur ergo, qui de petra, quia in illis petra auditur Christus. Solus ergo Deus, atq; Christus, verbi Dei scientiam nobis tradidere, non Philosophi, non Sorbonistæ, non Gymnosophistæ. Nec sumus aliorum sermonum discipuli, nisi cœlestium, ut inquit Origenes, Homil. 9. super Esaiam. Et Cyrillus, super sexto Ioannis capite dicit, vniui solummodo Christum sequendum esse Magistrum, illique soli inhærendum. De illo loquitur Paulus, in prima ad Corinth. cap. 11. inquit: Ego enim accepi à Domino, quod & tradidi vobis. Et ad Galatas 1. ait: Euangelium quod euangelizatum est à me, non est secundum hominem, neque ab homine accepi illud, sed per revelationem Iesu Christi. Et ad Romanos decimo quinto capite ait: Non audeo aliquid loqui eorum, quæ per me non efficit Christus. Stat ergo (inuitis Louaniensibus articulatoribus) firma & inconcussa propositio mea, quod verbi Dei scientiam, nulla errorum architectrix Philosophorum schola, nulla infecta Scholastica lepra, Magistrorum nostrorum Sorbona, nulla opinionum munditiæ Scholasticorum Gymnasia nobis tradiderunt, sed solus Deus, atque Iesus Christus, cuius verbo sub æternæ maledictionis poena nihil addere, nihil detrachere licet, sed sibi sufficiens, omni perfectionis, veritatis, lucisque plenitudine, consummatissimum, nihil externum patitur sibi commisceri, nec vllò creati intellectus eget admitticulo. Estque non solum non impia, non hæretica, non scandalosa, non piarum aurium offensiva hæc propositio mea, sed impius, hæreticus, scandalosus est, hic blasphemus articulator, & quicumq; illam pro impia, hæretica, scandalosa, piarum aurium offensiva, traducere non erubescunt.

XXXVI.

QUOD autem scientia & fides se non compariantur, non video quod piarum aurium scandalum hic somniat iste articulator, quum sit receptissimum scholasticorum

corum dogma, quod in eodem subiecto, & respectu eiusdem veritatis, non possunt simul stare, habitus fidei acquisitæ, & habitus scientiæ per demonstrationem genitæ, quod & ego hic intendo, & sic pie accipi volo, itaq; nullus error hic est, sed mera inuidia, & induratum odium ad calumniandum. Loquebat enim de his, qui euacuantes crucem Christi, fidem nostram, quæ nullam sub artem cadere potest, persuasibilibus humanæ sapientiæ verbis, ad Dialecticorum regulis astringunt, qui quod sola fide credere debemus, conantur syllogisticis demonstrationibus ostendere, ex humanis scientiis philosophorum gentium. Quin extat liber de articulis fidei, cuiusdam eruditissimi viri, qui vniuersum symbolum apostolorum, & singulos illius articulos, probat ex Aristotele, atq; id quidem (facile) quam acutissime, sed non secundum pietatem. Neque ignoro, quod dicit Henricus Gandauensis, acutissimus Scholasticorum Theologorum, dari scilicet lumen quoddam, superius lumine fidei, in quo Theologi videant veritates Theologicæ scientiæ, tamen non est illud lumen naturale, neque dictamen rectæ rationis, neque artes liberales, quas Arcadicus hic articulator, dicit declarare & elucidare sacram scripturam, sed erit lumen inspirationis.

XXXVII.

PROINDE nunc vbi legitur, discedite ab humanarum traditionum nebulis, non satis diuinaturus fueram, huius articuli scandalum, nisi ipsa calumnia, aperiret mysterium. Verum si quis simul legat, quæ ibi præcedunt, & sequuntur, manifesto clarius comperiet, me non de humanarum legum constitutionibus loqui, sed de dogmatibus Philosophorum, vnde hic notatus articulus, satis indicat, suum articulatorem, ex impotentissima inuidia, illum huc traduxisse, ni forte tam stupidus est, vt non intelligat, quod reprehendit.

XX XVIII.

QUID hic nobis obgannit verborum meorum de-
 truncator, ac falsarius, iste Louaniensis articulato-
 r, de cæremonijs, de fide, de operibus, de charitate, ac si e-
 go Ecclesiasticis cæremoniis, & bonis operibus, omnem
 auctoritatem detrahere velim, ego de hoc cæremonia-
 rum genere loquutus sum, quæ pro ornamento Reipubli-
 cæ, ad carnalem, & extrinsecam factorum pompam, &
 ab hominibus humano spiritu, ad hominum gloriam
 sunt repertæ, habentes licet sanctimoniam quandam, sed
 mundanam, & in rebus externis, & visilibus sitam, quæ
 ex gentium ritibus, olim in nostram religionem migra-
 runt, non tam superuacua, quam etiam superstitiosa, &
 inepta, quarum hodie adhuc damnabilis viget consuetu-
 do, nonnunquam cum insigni stultitia, & fœditate con-
 iuncta, qualem hoc anno conspeximus, Gandavi, in
 furiosa illa processione, beati Leuini, eorum patrum,
 quæ turpitudinem summam habet, gratiam & pietatem
 nullam, cuiusmodi insancie plures sunt, etiam in alijs locis,
 conuiuentibus Episcopis, & sacerdotibus, & sub furo
 pietatis, tam turpibus ritibus descædari sanctorum glo-
 riam sustinentibus. O quam execrabile flagitium, eorum
 qui huiusmodi cæremonias excogitauerunt, vix credere
 potuissem, nisi ipse vidissem, fuisse aliquem populum tam
 sceleratum, qui ista confingeret, tam furiosum, qui ista
 ageret: tam stultum, qui istis crederet, tam perfidum,
 qui ad ista conuiueret. Quis huiusmodi non detestetur
 cæremonias? Cæremonias autem ab Ecclesia, & patri-
 bus institutas, non damno, nisi sint qui in illis statuunt
 finem pietatis, & quorum est superstitiosus, licet pius
 affectus, quem vt statim non probo, ita nec omnino
 improbo, sed admoneo. Verum & propriam patriæ cul-
 tum, geri intrinsecus in animo, non in signis & cære-
 moniis exterioribus, quarum multæ repertæ sunt pro-
 pter infirmos, quibus non obligantur perfecti.

Multæ

Multæ etiam ornatus gratia, à magistratibus, & populo
 institutæ, quas etiam in quibusdam rebus conseruandas,
 lætitiæ & concordie causa, arbitratus sum, partim etiam
 commendo, ac receptos inueterata consuetudine hone-
 stos ritus dissolui, non facile ferendum puto, sed meriti ali-
 cuius fiduciam, quantumcunque bona sit intentio, in illis
 collocare non probo. Sic namque persuasit mihi Hie-
 ronymus, super quadragesimum quintum caput Ezechie-
 lis, non tam voluntate, quam boni operis opinione, etiam
 peccari dicens. Deinde Augustinus, Psalm 144. etiam Dei
 laudandi rationem, ex scriptura, non ex nostris bonis in-
 tentionibus petendam ait. Atque hic puto, in sacris literis
 quoties mentio fit de mandatis & iudiciis, nusquam non
 additum, hoc pronomen, mea: quoniam (ut est etiam apud
 Matth.) non liceat hominum præceptis colere Deum, sed
 suis propriis legibus, atque utinam non coleremus Deum
 legibus dæmoniorum, componentes Christum cum Be-
 lial, prætexentes religionem, ubi est abhominatio. Si ex-
 empla queritis, dicite. ô Grudij, Aduatici, Gardunij,
 Brabantij, Flandrij, & qui reliqui estis Gallogermani, quid
 sonant Campanæ vestræ, nonne spurciciarum notis, vo-
 cant vós ad diuinam? Quid modulantur organa vestra,
 nonne etiam canone missæ, sædissimæ quæque libidinum
 cantiunculæ pares vices habent? Cur ista non offendunt
 Magistrorum nostrorum tam pias aures, aut desinant of-
 fendi meis admonitionibus, aut his quoque offendantur,
 quæ sunt atrociora. Denique si quis legat totum hoc ca-
 pitulum, videbit me non impie sentire de cæremoniis, ma-
 xime, quæ à Deo, & lege, aut Ecclesia, & patribus, institu-
 tæ sunt, quibus tantum adest ut detrahiam, quod nec cir-
 cumcisionem quidem fieri, damnare velim. Etiam in ho-
 minibus Christianis, sicut in Nigritis & Iacobinis, modo
 non credant necessariam ad salutem, sed ob id tantum
 suscipiant, ut sint Abraham, & Christo, etiam in hoc signa-
 culo conformiores, nec referre putent ad veritatem sal-
 uationis, illam accipere, aut non accipere, sed quod sicut
 illa

illa non saluat, ita sit sine illa saluatio, cui opinioni citra scandalum adhæret etiã doctissimus ille Cardinalis Nicolaus de Cusa, in libro suo, quẽ de pace fidei inscripsit. Et Ioannes Scotus, tuetur, post passionem Christi, potuisse cæremonialia veteris legis sine peccato obseruari.

XXXIX.

QUIS hic dubitat, hunc tartareum Scholasticum Præceptorem habuisse satanam, illum qui erat Christum tentans in deserto, qui scire cupiens, an Iesus esset Christus, sic ei dolo malo scripturas detruncando proposuit. Scriptum est, inquiens: Quoniam angelis suis mandauit de te, quod in manibus portabunt te, ne offendas ad lapidem pedem tuum. Nihil amplius dixit Diabolus (ut super hoc scribit Hieronymus) nisi Angelis suis mandauit de te, quod in manibus tollent te, ne ad lapidem offendas pedem tuum. Mediam autem partem dimisit, neque dixit, ut custodiant te, in omnibus viis tuis, sciebat enim contra se esse. Eadem arte, hic utitur contra me iste sathanicus articulator, qui ut verus & Catholicus huius propositionis meæ sensus non appareat, ipsius alteram partem dolo malo amputauit. Sic enim habeat mea verba: Cæremoniæ, nequeunt homines promouere ad Deum, apud quem nihil est acceptum præter fidem in Iesum Christum, cum ardenti imitatione illius in charitate, ac firma spe salutis & præmij, sed hoc totum omisit falsarius. Nonne ex his verbis liquido apparet, me loqui, non de nuda & mortua fide, sed de illa, quæ per caritatem operatur. Atque me, ne verbo quidem repugnare dicto Apostoli, per ipsum citato. Sed quid potest esse tam pie, tam recte, tam circumspicte scriptum, quod non videatur impium, iniquum & scandalosum, quando porrigitur per talem aliquem diabulum, qui etiam bene & catholice dicta, ad suum sensum deprauat. Putabat fortassis neminem fore tam oculatum, qui tam manifestam sycophantiam deprehensurus esset. Eat ergo nunc in externas tenebras, mendax truncator,

G & ab-

& abscondat se à facie omnium proborum Theologorum, non enim dignus est, qui numeretur inter Theologos, qui more hæreticorum (vt aiunt sexti synodi patres) scripturas detruncat, & in pœnam legis Cornelie de falsis incidit, quæ constituta est in eum, qui vt verum non appareat, quid celauerit.

XL.

PORRO sequitur alia assertio, sed non nisi per argumentum videtur huc inserta, ac si ad condemnandum aliquem de hæresi, sufficiant probationes, quæ pendent à quasi, & à videtur, cui respondere possem, quod argumentum constructum per videtur, soluitur per verbum non videtur. Est itaq; huius cæcutientis articulatores visio, quod scientiæ capiunt finem in hoc seculo, quam propositione iste articulator ex seipso fabricatam, vnico protinus telo iugulat, atque confodit, citans Hieronymum in prologo bibliæ dicentem: Discamus hic in terris, quarum scientia nobis perseuetet in cœlo: hic me plane victum confiteor, istius Theologastri heberudine, quæ sic citat testimonia, dum vult alios hæresis, & scandali contincere, sed quæ sodoceat me iste Theologaster, quæ nam sint ista discenda hic in terris, quæ nobiscum perseuerent in cœlis? an parua logicalia? an moralia Aristotelis? an formalitates Scoti, an ars veterinaria, & coquinaria? an alchymistica, agricultura histrionica: Certe ego crediderim nos illorum nihil egerē in futuro seculo, nisi sola scientia scripturarum diuinorum. De quibus loquitur Hieronymus in prologo citato. Et in Esaïam inquit: Si iuxta Apostolum Paulum, Christus Dei virtus & Dei sapientia est, & qui nescit scripturas, nescit Dei sapientiam. Ignorantia scripturarum est ignorantia Christi, & habetur 38. d. cap. Si iuxta. Hæc ergo nobis discenda sapientia est, scire Christum & verbum eius, quod solum manet in æternum. Hic certe formidolosus sophista, sua parua logicalia, suppositiones, ampliationes, restrictiones, exponibilia, insolubilia.

lubilia, obligatoria, & eiusmodi contentionum artificia, cum monstrifica illa conflictationum vocabula, ecceitarum, quasalitarum, formalitarum, quidditarum, & reliquos Scholasticarum nugarum casus, pugnantisque voces, nominalium & realium, primarum & secundarum inrentionum, propriarum & impropriadum significatio- num. implicitorum & explicitorum sensuum, cæterasq; in agistorum nostrorum chimeras, si supra conscenderit, se penitus amissurum, non cassa opinione formidat, & anxius dubitat, num sibi conducatur ascensus superum, ubi est regnum pacis, & perpetua quies, quibus nihil magis aduersatur, contentiosis istis sophistis? Et quamuis in declamatione, non illud proprie vertebatur in dubium, an scientiæ & artes in hac vita acquisitæ, nobiscum perseueraturæ sint in futuro seculo, sed illud ventilabatur, multas scientias & artes, in seculo hoc, vicissim & nasci, & interire à memoria hominum, nec aliquid esse firmum sub sole, tamen ausim dicere, etiam nullam scientiã (de humanis loquor) nobiscum perseueraturã in futuro seculo? neq; aliquid illorum, quæ à sensu percepta, & ad intellectum prouecta, studiorum diligentia, & ratiocinandi artificio, a nobis cognita sunt, nisi ulterius ab intellectu ad mentem, & ad eius lumẽ perringant, ubi quasi diuinũ induant intuitum, & idolio careant humano. Et hanc conclusionẽ teneo, & assero, ut rationabilem opinionem & citra omnem impietatem disputabilem, atq; ex eorum numero, quæ solent esse themata conflictationum, de quibus adhuc disputatur inter orthodoxos, ut non statim sit hæreticus, qui de illis dubitat, quum nulla Ecclesiæ autoritas, hactenus veruerit de his dubitare, nec omnes Doctores, circa hæc in eandem opinionem consentiant.

XLI.

Ita tandem profligatis articulis omnibus, Cyclops articulator perorat, planeque triumphat, & scriptura-

rum interpretem agit. atque exponens illud sapientis. Vanitas vanitatum, & omnia vanitas, Scholastico more distinguit, inquit. Oportere intelligere sapientem: interdum loqui ex sua persona, aliquando in persona attoniti, quandoque in persona stultorum, interdum in persona prudentis. Sed ubi possunt hæc discerni, melius norunt pueri, qui student in Donato. siquidem hic articulator distinguit quidem, sed nihil discernit. Et contra Aristotelem suum, qui in calce libri de Physico auditu, inquit: Sapientem non sufficit dicere, nisi dicti rationem assignet, nihil neq; dicit, neq; probat. Verum Hieronymus illud exponens, ait sic intelligendum, ad comparationem creatoris & æternæ maiestatis, omnia dici vanitatem, sicut Apostolus ait: Vanitati creatura subiecta est. Et Psalmista ait: Omnis vivens vanitas, quia solus Deus est immutabilis, & semper idem quod est, & non aliud. Sed illud pari ratione oportebat articulatorem intelligere, distinguereque, me non ubique eandem personam gerere, sed aliquando inquirentis, aliquando disputantis, quandoque monitoris, quandoq; recitatoris persona loqui, istic vero non assertatoris, sed declamatoris, atq; si velit etiam canis vices agere. Similiter etiam putandum est, hunc articulatorem, aliquando loqui in persona parisi, aliquando in persona calumniatoris & sycophantæ, aliquando in persona asini Cumani, nullibi autem per omnem hanc articulationem, in persona docti & probi viri.

X L I I.

NEQVE ego planè damno omnes scientias & artes, sed de illarum vanitate, & incertitudine declamo, & reprehendo illos, qui neglecto verbo Dei, in humanis & mundanis scientiis fiduciam suam collocant, semper discitantes, & nunquam ad scientiam veritatis peruenientes: ostendoque, qui errores, quæ hæreses, quæ mala, ex quavis scientia orta sint, & oriantur, quando non regulantur ad verbum Dei, in quo solo est scientia discretionis, discernens

gubernans verum à falso, iustum ab iniusto, bonum à malo, sine quo omnis scientia vana & errori subiecta est. Proinde declamatio nō iudicat, non dogmatizat, sed quę declamationis conditiones sunt, alia ioco, alia serio, alia false, alia sære dicit: aliquando mea, aliquando aliorū sententia loquitur, quędā vera, quędam falsa; quędā dubia pronunciat, alicubi disputat, alicubi admonet, non ubiq; improbat, aut docet, aut asserit, nec omni loco animi mei sententiam declarat, multa inualida argumenta adducit, vt habeatur, quod improbet, quodq; soluat declamaturus partē diuersam, quę quū nesciat hic articulator discernere, nullā de illis nisi stultam poterit ferre sententiam.

XLIII.

TANDEM vt faciat perfectum circulum, reuertitur ad libri nostri principium, colophonia iniuria, calumnias epistolam præliminarem, in qua iocatus cum amico, dixi me versum in canem, ipse articulator plus quam canis, humanitatis expers, & vitę communis ignarus, qui literas ad amicum scriptas, Cynica petulantia mordere non erubescit, ac veluti rusticus indisciplinatus, canis ignotos omnes adlatrat, sic carpit, calumniatur, damnat, quę non intelligit. At vero canis iste meus nullos adlatrat, nisi malos, nullos mordet nisi noxios, odio persequens facta improba, qui si impotens erat ad benedicendum, causa fuit, quia inter illos agebat, qui nolebant intelligere, vt bene agerent. Quemadmodum & Christus, vt est in Evangelio: non poterat facere miraculum in Nazareth, propter incredulitatem illorum. Non est ergo propterea liber declamationis illius piarum aurium offensiuus, nisi pię aures, intelligantur aures morosorum asinorum. Neque est contumeliosus, siquidem (teste Hieronymo) generalis sermo, ad nullius contumeliam pertinet, & qui citra nomenclaturam notat vitia, malos admonet, bonos commendat. Neque est etiam ille liber famosus, quū habeat inscriptum authoris sui nomen, & titulum, atque

non sine Cæsarei consilij examine, & authoritate publica prodierit, nec quenquam, nisi de quo publica vox, & fama, & notoria historia est, nominatim perstringit. Ceterum, si quispiam sui conscius, aliquid in se dictum arbitretur, ob idq; mihi succenseat, ipse iam de se ipso, quod talis sit, nullo accusante confiteretur, vnde præsumptuosus hic articulator, ignorans quis in iure dicatur libellus famosus, falcem suam ponit in messem alienam, & ultra crepidam iudicans, nescit quid loquatur. Atq; hæc tandem est miserandi articulatoris huius, plusquam asinina peroratio, qui si quid cordis haberet, & probus vir haberi velit, addidisset articulis istis nomen suum, si illos commendatione dignos putabat. Aut prodiisset in publicum, nec mox post terga aggressus esset, sed restitisset in faciem, dum aderam qui responderem.

EX his tandem mihi plane persuadeo, librum declamationis meæ, per Louanienſes Theologos, non fuisse lectum, sed laborem illum aliis quibusdam fuisse distributum, in quorum fidem; forte Theologi aliqui subscripserunt, notatis. Vnde si quid in hac mea Apologia, amarulentius dictum videbitur, sciant me hoc non in Theologicum ordinem dicere, sed in illos ter scelestos sycophantas, qui de ordine Theologico pessime meriti, tam insulas nānias, tam perfidas calumnias, illis suggererunt, atque tam celebrem olim Academiam, tam futilibus articulis, tam frigidissimis argumentis, tā inappositis scripturarum citationibus, earundemque adulterinis applicationibus, & interpretationibus præficere voluerunt auctorem, & eruditis omnibus exponere ludibrio. Ego semper doctis & eruditis viris, quibus sensus est Catholicus corrigendi mea scripta libenter submittam, modo illa legantur cum iudicio, & candore, & si quid admonuerint aut docuerint, libenter audiam, illorumque iudicium pro veneranda authoritate libenter accipiam. Sed si quis æquanimis ferat, istius fecis cicatricosum iudicium, qui inuidio-

si, & nihil scientes, vitiant quæ sana sunt, & deflexis à vero oculis, in improbitate, fraude, dolo, falsificio, mendaciis, malitijs, depravatione, dissimulatione, & impudenti calumnia, spem victoriæ ponunt, & se constituunt censores alienorum laborum, eorumque quorum sunt imperitissimi. Atque horum nebulonum arbitrio (si diis placet) Christiani dicemur aut hæretici, ad horum sententiam exurentur homines, quorum verba, voces & censuras, nihilo pluris ego faciam, quam Demetrius ille, qui dicere solebat, eodem sibi loco voces esse imperitorum, quo & ventre redditos crepitus, quum nihil pene intersit, qua corporis parte, sursû an deorsum turpiter sonet. Qui quod doctrina nequeunt, autoritate exequi contendunt, eo quod quas olim eruditionis meritis, laureas decrevit antiquitas, ipsi mercede & Symposiorum meritis impetrarunt, titulo quidem Doctores & Magistri, literarum conditione miserabiles Sophistæ, contenti ut alij doctrinam, ibi umbram tantum & speciem occupent. Sciant ergo nunc populi, & intelligant nationes. Quales hodie sunt isti Magistri, quibus filios suos erudiendos mittunt discipulos. Væ discipulis, quibus tales contingunt Doctores, qui quodcumque loquuntur: licet videatur sapientia, tamen est stultitia, & iniquitas: cur autem væ, quippe dominus, & Magistros illos, pariter & qui credunt illis discipulos disperdet, iuxta verbum Esaie: Quoniam dominus caput & caudam disperdet.

N V n e ergo vos obtestor, clarissimos Senatores, virosque prudentissimos, in quorum manibus tot nefaria illa calumniatorum cohors, ante hunc conflictum intendit, & obrectatione mei nominis, sparsit in vulgus; & hæreseos nomine obtulit magnatibus, & Cæsari quoque me traduxit pro hæretico. Vosque omnes, quicumque nunc, & in posterum, ista & visuri & lecturi estis: Nolite secundum faciem iudicare, sed rectum iudiciû iudicate. An non

digni & efficaces sint isti articuli, propter quos, ex con-
 spurcatis scholis, sordidi ludimagistri, qui nihil norunt,
 nisi præesse pediculosis pueris, cū aliquot seditiosis Theo-
 sophistis, & funestis monachis, sceptrā supra Cæsarem sibi
 arrogantes, nostram de Vanitate scientiarum, atq; excel-
 lentia verbi Dei declamationem (cui iam subscripserant
 censores, assensus est priuati consilij senatus, & Cæsareo
 diplomate comprobauit) prohibere debuerint, & ne apud
 Louanium distraheretur inhibere: Nolite secundum faci-
 ciem iudicare, sed rectum iudicium iudicate, an digni
 & efficaces sint isti articuli, propter quos, rescindendum
 postulauerint, Cæsarei diplomatis priuilegium, maxima
 priuati consilij (vbi nihil non agi summa cum prudentia
 & deliberatione hætenus putatum est) cum infamia, tum
 iniuria. Non enim ad me solum pertinet hæc calumnia,
 sed etiam ad eos, qui declamationem meam examina-
 runt, qui comprobarunt, qui subscripserunt, qui Cæsa-
 ris sigillum appenderunt, quorum fides, si semel hinc su-
 specta fieri patiatur, reliquorum omnium perpetuo in-
 firmata est: Nolite secundum faciem iudicare, sed rectum
 iudicium iudicate. An digni & efficaces sint isti articuli,
 pro quibus mihi inaudito & indefenso, publica indigen-
 da fuerit palinodia? quum isti Louanienses censores non
 innitantur alio robori, quam falsis interpretationibus,
 malitiosis argumentationibus, impertinentibus allega-
 tionibus, deprauationi, detruncationi, dissimulatione,
 mendacio, improbitati, sycophantiæ, blasphemix, falsi-
 tati, cæterisque calumniarum detestabilibus artibus, qui-
 bus degeneres, & inualidi sophistæ plures turmatim, me
 solum, & vnum clanculum, & post terga aggressi, oppri-
 mere studuerunt. Nolite secundum faciem iudicare, sed
 rectum iudicium iudicate. Num digni & efficaces sunt i-
 sti articuli, propter quos ille minister iustitiæ Cæsar, tam
 graui indignatione contra me cōmotus fuerit, quod sup-
 plicanti mihi pro iustitia, & aures suas occluserit, & oca-
 los suos à supplicatione mea auerterit? Et quum nemo
 regum

regum, vnquam tam inclementes, siue superbas aures, habuisse sciatur, qui seruatorum suorum honestas preces fastidierit, & honestarum personarum, iustas supplicationes, dedignatus fuerit, mihi vni solique hoc à Cæsare sua-pte natura Clementissimo, præter morem suum alieno impulsu contigit: sic pii illi magistri nostri, suis istis articulis, conscclerarunt Cæsaris aures, tantumque venenum illis instillarunt, illi mundo corde monachi, sic Cæsaris aduersum me furorem concitarunt, illi subornati aulici sacrificuli, atque aulicarum conscientiarum instigatores, vt vix duorum reuerendissimorum doctissimorumque Cardinalium fidei instructione, deflagrari Cæsaris ira, & purgari potuerit suspitio, parumque absuerit, vt cuius beneficentiam virtutibus, fidelique obsequio commeruerim, illius iram, & indignationem, seruitiorum præmium, laborumque mercedem habuerim, quemque virtutis, ac literaturæ gratissimum pēsatorem speraueram, virtutum & eruditionis punitorem inuenerim, nec quicquam bonæ spei habiturus sim reliquum, qui mihi tam infensum Cæsaris odium, virtutis & eruditionis meritis peperissem. Verum hæc tragœdia alio loco, & alio stilo, mihi vberius decantanda est. Vos quæso quod ad articulos attinet, nolite secundum faciem iudicare, sed rectum iudicium iudicate. Saluo mihi iure addendi auferendi, corrigendi, emendandi, interpretandi. Quod vt in prophanis causis concedi solet, in sacris maxime concedendum erit.

Vbi ignaui imperant: ibi summa ingenia in occulto iacent.

Princeps qui libenter audit verba mendacii, omnes ministros habet impios.

*Non solum ille reus est, qui falsum de alio praefert, sed etiam is, qui aurem cito criminibus praebe-
t: 11. q. 3.
non solum.*

APOLOGIÆ ADVERSUS

Theologos Louanienses,

Finis.

H E N.



HENRICI CORNE-

LII AGRIPPÆ, AB NETTES-


heym, armata militiæ, Equitis aurati, ac vtriusque iuris
doctoris, Casarea maiestatis à consiliis, & Archiuis, In-
diciarii, Querela super Calumnia, ob editam Declama-
tionem, de Vanitate scientiarum, atque excellentia verbi
Dei, sibi per aliquos sceleratissimos sycophantas, apud
Casaream maiestatem, nefarie ac proditorie intentata.

Ad ornatissimum virum Eustochium Scapulum,

Casarea maiestatis, apud Angliæ

regem Oratorem.

Iustas parit querimonias, iustus dolor.

 I N O N ad tribunal hostium, sed tuto in lo-
co apud æquos iudices, literarum negotium
ageretur (Eustochi vir clarissime) dico apud
viros candidos, qui aliorum conatus non sint
perosi, qui aliorum scripta, iuxta eorum vires, conditio-
nesque venerarentur, ferrentque æquanimiter, aliorum
ingenia, non altioribus invidentes, non paribus importu-
ni, non disparibus & inferioribus infensi, sed quorumvis
labores, in aliquam laudis partem admitterent. Quicquid
sano & recto iudicio prodierit, suis meritis non defrauda-
rent, errata si qua tolerabilia sunt, in optimam partem in-
terpretarentur, quæ vero citra pertinaciam exorbitant, et-
iam citra morositatem castigarent, & meliora substitue-
rent, corrigentes simul & emendantes, in omnibus boni
consulentes, melioraq; docentes, malintq; parcere errori,
quam invidere virtuti, ac non tam culpam punire, quàm vir-
tutē colere velint, leuiter erratis ignoscerent, nec penā in-
figerent,

fligerent, nisi correctio culpam nequeat auertere. Talibus inquam sub iudicibus, atque censoribus, quis non gaudeat pertinaci studio, inhærere literis, edere libros, scribere carmina, disputare problemata, declamare placita, confingere argumenta, atque aliquid semper aliorum æmulatione, aut inuidia dignum agere. Quandoquidem, qui vicerit certamen, æquis iudicibus, meritis illi decernetur gloriæ triumphus, qui vero victus esset, is seipso melior atque doctior factus, pro gloria lucrum reportaret, verum non sic nobiscum agitur (Eustochi) longe aliter res habet. Quisquis hodie studiorum suorum aliquod specimen, licet communi cum fructu, in publicum edere, audet, & iacta semel alea, calchographorum typis excudendum commiserit statim quicquid, id est, à Sycophantibus aliquod, bonarum literarum prorsus imperitis, qui nihilominus tamen scholasticis titulis turgidi, se omnium hominum primos haberi volunt, & exacte omnia nosse, etiam arcana quæque & maxime recondita. Sese non ignorare prædicant, rapitur in iudicium, qui illud quod prodierit (insidiosius pariter & mordaces, & ad singula quæque carpenda proni & ingeniosi) euoluunt, ut inueniant quod calumnientur, sciscitanturque & scrutantur videntes suos infigere queant, si forte scriptori huic, aliquid alicubi, odiosa veritate liberius dictum exciderit, si alicubi hallucinatus fuerit, si vel inconsideratiore sermone, aut iocis, aut salibus, alibi exorbitauerit, si mordaciore aceto, alicuius eorum aures contigerit, si quid (improvisus lapsus errore) minus recte protulerit, mox inflammatis animis, & ad calumniandi pertinaciam obfirmatis, articulos colligunt, & quæcunque odiosissima excerpere queunt, ea seponunt, ea sola producant, & in modum classicæ cantilenæ detonant, tum intellectum diuersum coacto caninæ contentione, iurgiosis contumeliis flagellant, exigua quæque errata exaggerant, sincere & benedicta deprauant, merasque calumnias, ingenti vociferatione, aduersus auctorem illum connectunt, &

quæ.

Quæcunque in scriptis illius, insignia & præclara extiterint, pallenti liuore regunt, nulla bene dictorum ratione habita, quin multa eorum, tunc etiam in contrarium sensum, non ratione, sed violentia torquent. Singula bona, & optima quæque, in quibus scriptor ille præualuerit, vel ob vnius dicti leuissimum errorem reiciunt, atque ob lapsus aliquos humanos, damnant etiam quæ recta sunt, publicamque vtilitatem, & quamcunque amplissimam rerum cognitionem, ob priuatam offensam simul tollunt. Nam facetiarum sales, curiose admodum rimantur, & si qua, siue ludicra, siue per iocum in eos dicta, sibi videantur, ea velut acerrimæ factionis incitamenta crispis naribus suspendunt, audentque ceu errores, & hæreses obii cere, leuissima quæque (& non tam auctoris hallucinatione quam amanuensium incuria com missa) erratorum momenta, tum non tam scrupulosa, quam maligna conscientia, veluti quodam violentissimo turbine, per præcipitia philautiæ suæ, à cursu rectæ rationis abstracti, in concitatissimum iudicium, de illo auctore riuunt, & quicquid eorum auribus displicuerit, dignum iudicant incendio, & palinodias exigunt, aut scriptorem illum, scholasticæ maiestatis reum, graui censura condemnant, magnisque sigillis proscribunt. Speret ergo pro beneuolentia inuidiam, pro laude calumniam, pro præmio persecutionem, quicumque bonatum literarum negotium agens, aliquid docuerit, scripserit, ediderit, necesse est. Neque vero est hæc sola præsentium temporum malitia, ab antiquo æuo semper ita fuit, vt quasi natura ita comparatum videatur: licet hæc crudelitas, aliquando plus, aliquando grassetur minus, pro templorum, locorum, hominumque varietate. Quippe apud Laertium Diogenem legimus, interrogatum à familiaribus quendam philosophum, quidnam studio suo promeruisset, respondisse calumniam. Et diuus ille Plato, quod ipse in epistolis ad Dionysium fatetur, vt inuidiæ cederet, fere omnia scripta sua, non suo, sed Socratis nomine inuulgauit. Apud Romanos

manos etiam aliquando tam viluit eruditio, vt indignum habitum sit iuris Principibus scire literas, ipsamq; docendi munus, velut illiberale & sordidum, non nisi libertinis, & seruis delegatum est, quod idcirco Neronis mater Agrippina, ipsi Senecæ, viro consulari, velut probrium obiecit, tantum erat eruditionis odium, vt qui non oeculasset, qui non dissimulasset, veluti perfidus, & publicus grassator haberetur. Hinc M. Antonius orator, improbabiliter populo orationem suam fore verebatur, si illum vnquam literas didicisse putassent. Sapiebant ergo admodum, stolidi illi Galli, qui (quod sexto commentariorum suorum narrat Cæsar) vt inuidiam præuerterent, animum ab omni literarum eruditione procul submouerunt. Quis enim non malit de ignorantia & silentio gaudere, quàm semper de scientia & doctrina dolere? Quod tã excellens ingenium si se contemptui & odio videat futurum, quod literas sciat, non effugiat, & auersetur illas, detesteturq;? Quis non melius esse putet, sine scientiis, sine literis, secura & otiosa quiete, porrectis pedibus, in vtramuis aurẽ dormire, quàm continuis literarum studiis, & edendis libris, pro alienis vtilitatibus excubando, & vigilando, graue onus inuidiæ subire, & sese vltro in ærumnosum negocium detrudere, magnisq; insidiis & periculorum discriminibus implicari, vnde quum velit sese nequeat extricare? Nemini vnquam inter mortales tã præclara eruditio extulit. Nemini vnquam tam admirabile ingenium fuit, cuius gloriæ malignitas non obstrepuerit, cuius laudem inuidia non suggillauerit. Quotus quisque fuit vnquam insigniter doctus, qui caruerit inuidia, qui edendis studiis suis non sit periclitatus, & multorum odiis & clandestinis detractionibus, non fuerit expositus, & incertorum hostiũ præda factus, nonnunquam iniquissimorum iudicium præmordacibus censuris flagellatus? Nonne tutius fuisset illis literas ignorasse, aut eruditione dissimulasse, aut aurium voluptati studuisse, aut forensibus lucris indulgisse, aut mercenariis laboribus hominum officia demeruisse, nul-

los scribendi licentia irritasse, null'os odiosa veritate offendisse? Quis ista secum animo reputans, non de relinquendis & repudiandis literis concilium inecat? Certe remouit hic scholasticæ tyrannidis metus, à bonarum literarum studiis, non paucos, multosque iam ultra primos limites progressus retraxit, plerosque studiorum licet amantissimos, perseuerantesque ita deterruit, ut ingenii sui cultum dissimularent, & studiorum suorum labores, sine posteritatis lucro, secum emori sinerent. Allos denique licet præstantes in proposito aliquid edendi, sic tamē in angustum contraxit, ut quum sibi statuerent, tum aliis consulerent, nihil in vita edendum, sed post mortem scripta inuulganda, ea potissimum ratione ducti, quia sit licet tunc (aiunt) odiosa scriptura, sit funesta, sit capitalis, sit maleuolorum quorumcunque iaculis stimulis, aculeis, flagellis, sagittis obnoxia, scruant tunc cucullati hypocritæ, & scholastici sycophantæ, qui iudiciorum & censurarum metu terribiles videntur, & scœnum in cornu gerunt, irascantur, damnant, execrantur, fulminent & fulgurent, auricularum credibus formi dolosi inquisitores: quid hoc ad mortuum, qui iam terribilia omnia transgressus, in tuto est, omniumque viuientium calumnias, minas, morsusque facile spernit? Neque adeo tutum est tunc viuere illis, de mortuo illo loqui, quin longe tutissimum sit, huic mortuo, loqui de viuis, quum illic potest superesse qui vindicet, hic in quem vindicetur, iam non est, tum qui extinctos inuitant ad prælium, & defunctos dimicare cogunt, sæpe superantur à mortuis quos viuentes oppressissent. Sunt tamen istis cordatiores quidam homines, quibus aut tantus est veri amor, aut tantum mali odium, tantave gloriæ cupiditas, ut inuidiæ pericula cōtemnentes, nil magis quærant, quam aliquid inuidia dignum agere, ipsamque inuidiam impense desiderate videantur, odium, inuidiam, calumniā, cæterasque malignantium tempestates, fortiter constanterque perferentes, quousque studiorum suorum iter dimensi, profligatis publica eruditione calumniis, superatisque periculis, etiam

iam malum malorum omniū expugnatu difficillimum,
 liorem vicerint. Quos tunc ingens manet gloriæ trium-
 phus, qui in hac vita datur paucissimis. Neque magnus
 ille Erasmus Roterodamus, vir omni eruditione maior,
 hunc hæcenus consequi potuit, tot indies illi suppullu-
 lant sycophantæ, qui Lernæi draconis instar, tot calu-
 mniarum capita progerminant, & scripta illius in peius
 rapiunt, integerrimique viri, inuincibilem eruditionem,
 tanquam scelus & flagitium, obscœna verborum petu-
 lantia impugnant, neq; quicquam ab illo tam recte, tam
 sane, tam sancte, scriptum est, quod illorum non vellicet
 iniquitas, vt quoties ipse sibi videtur, tranquillis vndis, in
 tuto portum adnauigare, toties nouis distrahatur tempe-
 statibus. Tam ægre deuictorum sophistarum ingeniis,
 quiescere solitum est, & in victores semper subactorum
 obluctatur improbitas. Quid hic agendum censes (mi
 Eustochi) quid adfers consilii? Certe mea sententia, aut
 perpetuo in silentio & tenebris delitescere oportebit, aut
 stare necessum est, & fortiter hostilia omnia excipere, aut
 quæcunque edenda sunt, in plurium linguarum voces
 transfusa, vniuerso hominum vulgo exponere, si forte
 clementiam & æquitatem, quam in scholasticis illis cen-
 soribus non referimus, apud indoctam plebem, & inculta
 Barbarorum ingenia consequamur, ac iudice D E O, &
 mundo teste, confundatur calumniantium malignitas,
 aut certe, quod plærisque consultius videtur, nihil in vita
 edere oportebit, sed post mortem innotescere, qui nolit
 se, aut periculo exponere, & mala cuncta perferre, aut
 cum dedecore profugere. Multi enim infœlici audacia,
 hoc intidiæ pelagus plenis velis ingressi, quum procul à
 portu, sæuientibus vndis, aduersis ventis luctantur, & so-
 phisticis flatibus, quibus nequeunt se eximere, ad Syrtis
 aut Charybdes vrgeantur, perterrefacti: poenitet tunc il-
 los, male crediti & sero probati, illius consilii instituto nō
 paruisse: atque tunc, vt ingressu maris illius intrepidi for-
 tesque fuerunt: sic intus quum sunt, modica tempestate
 fracti

fracti, cedunt vndis, & conuersis velis, proximum portum adnauigant, & tuta petunt, victoriamq; simul cum gloria amittunt, & veluti transfugæ & desertores, è iurata malitia, ausi nihil pugnare contra fortiter. Ignotos locorum recessus quærere, & solitudinū inaccessa petere perpetuaq; ignominia in obscuro latere coguntur, nec vlli vnquā postea se prælio offerre, non arma, non expeditionē parare queunt, nisi concitatorum Rabinorum furorem experiri, & crudelitatem inquisitorum (quorum carnifex animus est) subire, & bellum cum fasciculis & flammis gerere velint, qui tunc vel remotis, vel etiam profligatis legodedalis, victoriam carnifici, tanquam doctori omnīū literatissimo daturi sunt. Certe ipse mecum animo sæpe hæsito, cogitabundus, regrediar ne à disertis literis, ad olim non prudenter desertam militiam, vnde mihi insignes honores, & grandia lucra blandiens fortuna largiebatur. Nihil mihi tunc deerat, totus sericatus, auratus, numatus, fortitudo, honor, dignitas, diuitiæ, omnia ex voto contingebant, at quoties deserta militia, ad literas regressus sum, haud vnquam feliciter egi, semperque calumnias, insidias, contemptum, inopiam, omnemque aduersam fortunam expertus sum. Vtrobique fateor, & militia & literis pugnare, grande periculū est, at militia, non solum vicisse, sed & strenue periisse gloriosum est, suasque non minus insignes laudes habet fortis occasus, atq; insignis victoria. Hic vero, quantum cunque strenue quis perierit, ob iniquitatem iudicū, dedecoris plurimum sit laturus, quantumcunque strenue vicerit, perparum gloriæ, nihilq; præter ignobilem prædam, & sordida spolia sit occupaturus. At forte vincere nemo poterit nisi mortuus, atq; vix tunc etiam, adeo calumniandi dementia, ad inferas sedes vsq;, manes & laruas, à quibus rerum natura sua fulminas sustulit, persequente quæ nec potest, sine mortuorum calamitate, esse contenta. Hæc ego si vera esse (mi Eustochi) vt iam olim ex multa lectione & exemplis didici, ita nunc etiam proprio periculo deprehendi,

potissime in ea declamatione , quam nuper , de Vanitate scientiarum , atque excellentia verbi Dei edidi , quæ ubi prodiit, proh Iupiter, quantum & crucibus, & ignibus, expiandum scelus, hic mihi obiicitur, tum per aliquos improbos superstitiososque monachos, & fratres, vulpina sanctitate insignes, & forma monstrosa spectabiles, tum per aliquos scholasticos sycophantas, bonarum literarum osores, sed magnificis titulis doctrinæ umbram, nusquam non ostentantes. Hi clamant, repente terris ingruete cœlum, sylvas, camposque subsidere, montes descendere, misceri omnia, antiquum rediisse chaos, diuina pariter & humana tumultuosa tempestate confundi, renasci hæreses, surgere antichristos, fidei catholicæ ruinam minari, cunctaque simul in perniciem rapi, atque hæc omnia non aliam ob causam, nisi quod orationis libertate, alicubi tacti sunt, quasi mihi, indicta illis cucullomachia, cum illis solis suscepta sit pugna, aut de industria aduersus eos solos, in arenam descenderim, qui communiter aduersus omne hominum genus, declamaui : atque sic declamaui, ut illis ipsis, ad declamandum suas populares conciones, egregia argumenta contulerim, quam perceptam munificentiam, ingrato æstimantes animo, quod in eorum vtilitatem contuli, in meam perniciem vertere conantur, & inde moliuntur vindictam, vnde decuit gratias agere. Oderuntque me propterea nec dignantur agnoscere benefactorem suum, ac si ego ea declamandi æmulatione, eorum quæstui officere velim, qui ipsi non modicum quæstum faciunt oblatrando etiam melioribus. Mirandum profecto, atque admodum mirandum, qua fronte declamationem ad omnes communiter pertinentem, scholastici aliquot sophistæ & laruati hypocritæ, cum reliquis quorum interest, nihil cōmunicantes, soli iudicare, atque damnare præsumunt, priuatis suffragiis usurpantes, quod vniuersorum sententiis est decernendum, mihi; aut declamare, aut saryras scribere, interdicere contendunt, qui sibi ipsis maledicendi, & in quosuis scurrilibus conui-

conuitiis, & insanis debacchationibus, linguam & calum-
num vibrandi, libertatem indulgent, quasi soli hoc priui-
legio fruantur, maiorque illis præ cæteris mortalium, ma-
ledicendi libertas concessa sit, & cui non liceat reluctari,
aut eadē tragula referire. Quomodo ista quadrarēt, que-
ve esset hæc æquitas, si ipsi ob caninam hanc facundiam,
pro doctis, piis, & perfectis christianis haberi volunt, me-
contra ob eandē, tam inclementer in crimē vocant, quod
tamen, si crimen est mihi cum omnibus ipsis commune
est, & à quo nec seipsum quidem, immunes, & alienos esse
deprehendunt, per omnem vitam nihil aliud agentes,
quam quod omnium actus, insidiosa explorationis arte
venantur, atque à pulpitis, à suggestis, veluti impuden-
tix suæ arcibus, omnium hominum vitas & mores, in
reprehensionem rapiunt. Nemini innocentiam tribuunt,
cunctis accusationis iniuriam irrogant. Omnes conuiciis
& contumeliis flagellant omnia commissorum secreta
euomunt, nihil ob metum, neque ob fidem reticentes:
eaque flagitiorum mysteria, & multis incognita crimina
produnt, vt non inique credamus, cuculliones illos, in cir-
cis suis, veluti in quadam sentina flagitiorum, nihil aliud
discere quam scelera, quos quum secessio monastica, me-
iores deberet facere, peiores euadunt hominibus proph-
anis. O quoties noua nupta, rei Veneræ redit instructior
à confessione fraterculi, quam ab amplexu mariti? Quo-
modo enim boni, pii, simplices, casti, pacifici, humiles esse
poterint, qui continuo scelera inquirunt, flagitia exami-
nant, crimina cantillant, suntque asperitate, immodestia,
rabie, cunctis intolerabiles. Qui nullum hominum ge-
nus, siue sacrum, siue prophanum, nō lacerant calumnia,
proscindunt maledicētia, onerant inuidia, grauant detre-
stationibus, & venenatis linguis sauciunt, nullis à satyris
eorū secure viuere licet, nec est qui possit loquacitatis co-
tum retia deuitare, ne mortui quidē ab illis satis tuti sunt,
quin veluti Caspii canes, siue sepulchrales in Hircana, etiā
sepultos arrodendo affligunt; nihil à se actum putantes,

si sæuitiam suam, ab vmbribus & cineribus continuerint. Proinde quantum ad audaciam, impudentiam, iracundiam, furorem, mordacitatem, subsannationem, gestulationem, rictum, hiatum, cachinnos, saltus, ferinosque clamores, tum ad ingerenda conuicia, & proloquenda mendacia, terrificasque comminationes attinet, iam inde populus illos, religioni pariter & horrori habere cœpit, nec est, qui non malit, illos extra viam declinando fugere, quam illis obuiam fieri, vt iam etiam apud vulgus, communi prouerbio receptissimū sit, infaustissimi auspicii esse, obuiare monacho, idque haud secus atque lupo, qui quem prius viderit, illius vocem præcludit, & obmutescere facit. Sic & isti, quantacunque insolenti dicacitate declament, semper mutis auditoribus vti solent, eamque imperitiæ plebis taciturnitatem, sibi vsurpant pro sanctitatis & innocentie testimonio, ac si non habeat mundus, quod de malis illis male loquatur. Dico autem hæc omnia de malis, & peruersis, non de bonis. Sed in his discernendis, plane opus est mysterio, vt probos, pros, castos, humiles, modestos, simplices, veros monachos, & sanctos viros esse cognoscamus, ac iracundie furiis, & inuidie liuore, calumniandique rabie præditos, non homines, sed anthropophagos lupos: nō fratres, sed rabiosos canes: non monachos, sed cucullatos diabolos esse intelligamus. Qui quum monachorum & fratrum nomine censerī volunt, titulum moribus abdicant, professionem operibus pollunt, mentiri virtutem ducentes bonarum literarum loco, fraudē amplectētes, religionem hypocritæ colentes, pietati auaritiā anteferentes, cupiditate laudis & prædæ, alienis virtutibus insidiantes, quorū scelera, & plenos turpitudinis actus, quoniam in declamatione mea alicubi detexi, iccirco fatalis conscientie malignitate confusi declamationem illā (quam multi illorum nec legerūt nec intellexerunt, nec cognouerunt, sed tamen ex inspicione, vel audito tantum nomine, quod cum suis institutis non consentiat) exhorrent, damnant execrantur: atque odio

odio, inuidia, detractione, conuitiis, sycophantiis, ceterisque falsæ linguæ apparatus armati, occultam contra me expeditionem pararunt, non ignari quantum ad nocendum occulta manifestis proniora sunt: itaq; clandestinas amp exati insidias, arcu doli, calumniarum spicula torquent: Atque animos aptant sceleri, fraudique parant se. Disponunt linguas, & verba nocentia condunt. Si forte victoriam quam in Erasmi Moria amiserunt, in hac nostra Vanitate recuperare possent, & quum multo facilius negotii, sit eminus inopinatum, quam cominus prouidum oppugnare: ideo inexpugnabilem bello declamationem, furtim & per insidias adoriuntur, concerpunt, mutilant, lacerant, vt quod virtute nequeunt, promoueant astu, non ignari, plus virum esse, in credita iniquissima calumnia quā in instructissima disputatione, multaque fortia ingenia his artibus ab inualidis sycophantis sæpe prost rata fuisse, plurimumq; cessisse virtutē fraudi, odiosam veritatem, placidis opinionibus & multitudinis errore suffultis. Hinc inuidia in ultionem versa, nefariis perfidæ linguis me opprimere student clanculum, & post terga, perduellionatus, arrogantæ, ambitionis, stultitiæ, impietatisque traduentes, magum, & hæreticum vocantes, idque non modo apud populum & plebem, sed apud reuerendissimos Cardinales, apud honorandos pontifices, apud venerabiles abbates, apud metuendos Cæsares, apud terribiles reges, timendosque principes, quorum moderationem (supra quam maiestati eorum debetur) exasperant, ac pacatissimæ mētis eorum serenitatē, mendaciorum nebulis obtenebrant, eorum clementiam obdetractionum sibilis ad iracundiam concitant, scientes obfusum ira Principis animum, salutarē estimationem subire non posse, quo semel in prauam de me opinionem obfirmato, etiam defensionis viam habeam præclusam. O lex Iulia, o lex Rhemia, o lex Cassia, sed vbi minister legis Cæsar? At non maiestatis reatu peccant, qui tam petulantii impudētia, tam præcipiti audacia, tantorū principum

pum maiestati, contra conscientiam suam, mentiri non
 verentur, & scripta nostra, maligna interpretatione, eo-
 rum auribus, modo quo non debent, inculcant, suam-
 que contumeliam, in maiestatis opprobrium transferunt,
 & innocuos operum meorum labores; & speciosissimas
 doctrinarum sententias, nugaci mendaciorum obtrecta-
 tione, ad odium trahunt, tum nullis æquitatis rationibus
 instructi, sed calumniandi præsidio armati, formidolo-
 sam Cæsaris iram, aduersum me extorquere nisi sunt,
 quo ille me, à proavis, & attavis, de sua, & præcessorum
 suorum maiestate, bene meritum, perinde ac vilissimum
 mancipium releget, & fidele meum obsequium, contem-
 ptu compenset, pro gratia, pœnam decernat, & quem o-
 perum meorum gratissimum pensatorem, & qui benefi-
 centiam pro meritis referat, sperare debeam, illius expe-
 riar iram & indignationem, seruitorum mercedem ha-
 beam, virtutisq; punitorem inueniam. Hæcine in spe re-
 lictis omnibus, secuti sumus Cæsarem, hæcine præmia
 pro laboribus referuntur, hæcine venerandæ literaturæ,
 & gesti muneris, præstitiq; obsequii, stipendia accepturus
 sum, atq; obstrepentibus nebulonū illorum calumniis, et-
 iam supplicandi copia, defensionisq; potestate careant? Nā
 eousq; illorum apud Cæsarem, pmouit calumnia, tantū-
 que apud credulam Cæsaris seueritatem, insidiosa obtre-
 ctatorū ratio valuit, vt nuper ille mihi præter morē suum
 (nescio qua inclementia) & aures suas occluserit, & ocu-
 los suos à supplicatione mea auerterit, quum tamen alio-
 qui mitissimus, etiam non ignoret, quod in eo fastigio
 collocatus, difficiles accusatoribus aures præbere, au-
 tuentium sese voces respuere non debeat, nec infensis au-
 ribus alteram partem recipere, qui antea illas accusatori-
 bus tam procliue patulas præbuerit: nec deceat Principum
 grauitatem, quicquam ex primo impetu, & inconsulta
 persuasione, more imperitæ plebis iudicare, & estimare ve-
 Sed etiam veri ac clementissimi Principes, & quibus pla-
 cabile ingenium est, rerumq; peritia, sycophantarum

rum artibus pelliciuntur in errorem & nonnunquam vsq;
ad virulentiam iracundiæ impelluntur. Hic hic velim, se-
deat medius & iudicet, quicumq; vir probus & integer, &
cuius aures sunt deceptu difficiles. An non æque Cæsa-
reæ maiestatis, atque mei capitis hostes sunt, qui tam in-
sidios consiliis, tam vaftris commentis, tam impudentissi-
mis mendaciis, & compolitis calumniis, generosi & cle-
mentissimi animi æquitatem subruere conantur, & in æ-
quo ponunt, iustum ne iudicium illius, an iniquum exi-
stat, modo sententiam extorqueant sibi fauentem. Quis
iudex vnquam ausus est pronuntiare altera parte inaudi-
ta? Olim ne à tyrannis quidem id tolerari solitum est.
Quis enim pateretur pro iudice, illum qui non dignabitur
cognoscere causam. Adrianus Cæsar, quum olim negas-
set sibi ocium audiendi mulierculam, audiuit, ergo ne
velis imperare, si nolis cognoscere. Nonne (quod Nico-
demus de Christo ait ad Phariseos) lex iudicat homi-
nem, priusquam interrogauerit ab illo & cognouerit quid
faciat? nonne inaudita hæc tyrannis esset? atque tamen ad
hanc tyrannidē, odiose prouocant Cæsarem improbi ali-
quot sophiste, & superstitiosi monachi. Verum ego totam
hanc insimulationis vim abs nebulonum illorum inuidia
profectam, non Cæsaris inconsideratæ credulitati, sed il-
lorum malignitati, imputandum existimo, atque illius
aduersum me indignationem, non iudicii, non delibera-
tionis, non temerariæ opinionis, sed suspicionis impetum
fuisse ducō, cuius animi temperantia, seditiosis calumniā-
tium consiliis, æquitatis iudicium superantibus, quasi si-
nistro rationis ductu, transuersum acta, ad alias sibi alie-
nissimā iracundiam prouecta fuerit, vt quū mihi opē ferre
debeat, cladem irrogaturus fuisset, nisi integerrimus pater
Laur. Cāpegius, apostolicæ sedis legatus, ac illustis prin-
ceps Leodien. duo reuerendissimi cardinales, & æquioris
iudicii principes, illum retinuissent. Atque ego nunc,
præter quod onustum mihi valde est, etiam famæ meæ
crudelis, & honoris mei prodigus, & innocentie meæ

desertor habendus sim, culpamque sceleris alicuius fatari, & grandis flagitii conscius mihi esse videbor, si iniurioso nomine (apud Cæsarem potissime) me censeri sustineam, quamobrem vnum hoc volo sciat Cæsar, me hominem esse apertum, & sine fuce, & extra omnem doli suspitionem, qui in fronte gero animum, qui nec fumum nec oleum venale habeam.

Cuique amor & studium recti, & vetus illa priorum Simplicitas, cui chara fides, pectusq; deorum Præsidio innitens. Qui integer vitæ, criminisq; purus, non feci unquam quod fateri erubescā, ea præditus vitæ & morum integritate, ut in me nihil culpari possit præter fortunam, quodq; aulam nactus malorū fertilem semper fere seruire contigerit ingratis principibus, quia adulationē & mēdacementem obrectationem (publicas aularum pestes) sic semper exhortui, ut nullius gratiā, aut beneuolentiā, blandiendo & adulando contrahere maluerim, q̃ vera dicendo, & æquum & honestum est suadendo, etiam si non nesciam, simq; expertus, quantum odii, sæpe pertinax error, veris monitionib. referre soleat. Hinc me quū varia fors, in diuitias & inopiam, in gratiā & indignationē, in auctoritatem, & exilium, alternis vicibus sæpe traiecit, tum probitas, & seruata Cæsari fides iam prope funditus subuerit, atq; hic non desunt qui protinus me propterea insipientē, improvidum, profusorem, stultumq; subsannant, ipsi nō tam sapientes quam senes, neque tam providi quam auri, qui canicie ornantur extrinsecus, intrinsecus autem intellectum habent puerilem, quorum omnis sapientia est, explere scrinia sanguine pauperum, & assidua augendarū diuitiarum cura, omnia venalia habere, ac non secus quam prostitutz mulierculæ, omnes pauperes cōtemnere, solis diuitibus applaudere, & corruptissimos deuouere animos, hinc non probata causa, indemnes condemnare, & noxiis reis, pœnam cum iniuria remittere, dare veniam cornis, vexare censura columbos, & fraudulentis rapinis, & subdolis collusionibus, suæ argentan-

ginæ egregie mederi. Hanc ipsi providentiam, hanc sapi-
 entiam vocant: probitatem, integritatem, eruditionem,
 stultitiam dicunt. Cum hoc hominum genere nunquam
 mihi bene convenit, his nunquam sapiens, nunquam pru-
 dens fui, qui eiusce artibus rem augere nesciam, his impius
 & stultus sum, vere filij gehennæ, qui dicunt fratri suo
 Raccha, & fatue, dolore pariter & ludibrio ferientes, nec
 minus iniqua, quam ridicula calumnia laceffentes, erudi-
 tionem & doctrinam si qua mihi gloriæ cedere deberet, ob-
 contempta Scholastici cultus latifundia, iniquissima æsti-
 matione, & peruerso iudicio extenuantes, & perditas cum
 iniqua fortuna, tum obseruatam fidem, opes, in vituperiū
 vocantes, scientes, quoniam apud indoctos satrapas & i-
 gnavos proceres, plurimum humilium prudentia sorde-
 scit, & pro stultitia reputatur, ut qui valorem hominis, ex
 veste metiuntur cultum, non animum æstimantes, opesq;
 virtutum meritis anteferentes, ac si vulpina vestis præbeat
 astum, aut cuculla conferat pietatem, & leoninæ exuivæ.
 Cumanis asinis dare possint fortitudinem. Attamen tam
 stultum de me sapientes interea conqueruntur, abs me
 tali stulto, sapientissimos viros fuisse deceptos, neque ve-
 rentur, prudentissimo Cæsareæ Maiestatis priuato confi-
 dio, ubi nihil non agi, summa cum prudentia & delibe-
 ratione censendum est, hanc turpitudinis notam inurere.
 Nam si scandalosus & impius est liber declamationis meæ,
 non solum ad me pertinebit hoc crimen, verum etiam ad
 eos, qui examinarunt, qui subscripserunt, qui ratum ha-
 buerunt, qui comprobarunt. Quomodo enim decorum
 fuerit, illius consilij sapientibus approbasse, quod mihi
 stultum, & impium fuerit scripsisse? Certe ego si impius
 sum, in hoc potissime damnandus sum, quod toties iam,
 contra scripturæ monita confisus sum in principibus, in
 quibus non est salus, quodque inter eos aulicos philoso-
 phari voluerim, ubi nullus honos artibus, nec vlla præmia
 proposita sunt literatis literis. Si insipiens sum, in hoc cer-
 te stultissimus sum, quod feclicitatem meam posui in alic-

na potestate, & sollicitus incertusq; meipſius, illis me credidi, quorum disparem promissis fidem experior, putetque me insipientiæ meæ, quod hactenus non cognoverim, cuiusmodi essent homines illi: quīs cum agerem: quodq; errabundus, illos aliquando laudarim, qui voce populi (quæ vox Dei dicitur) habentur omnium illaudatissimi. Quod vero ad obiectā mihi arrogantiam, & ambitionem attinet, quia aduersus omnes, omnium scientias, & artes declamare præsumpserim, certe non sum tam arrogans, ut omnia me scire præsumā, neq; tam ambitiosus, ut disputē de omnino incognitis, sed illud fateantur oportet, neminē posse de his rebus, aut scribere, aut differere quod penitus ignorat, quantūcunq; etiā in aliis sit eruditus, atq; vnum hoc de me citra iactantiam dicere aūsim, comedisse me de ligno scientiæ boni & mali, etiā vsq; ad nauseam, easq; disciplinarum partes lustrasse, quas nec illis, nec maioribus suis, aspicere vnquā contigit, atq; hoc est illud, in quo scandalizantur, sicut scandalizabantur Pharisei in Christo, dicētes: Vnde huic hæc omnia? Quomodo potest hic homo scire literas quas non didicit? Samaritanus est, dæmonium habet, & in nomine Belzebuth eiicit dæmonia. Nonne similes illis sunt, qui gloriā illius, quod est in me donum Spiritus sancti, auferentes, attribuunt diabolo, dicentes, quod maius sim, & dæmonium habeam, quod me doceat omnia, quib. respondeo verbis magistri mei Christi: Ego dæmonium non habeo, sed est, qui habet & iudicet. Et iam multi calumniatorum meorum dæmones, & diaboli facti sunt, hoc est cruenti & falsi criminatores. De Magia vero quid sentiam multi iugis scriptis aperuit. At obiciūt mihi miracula, quæ principes & populi obstupuerunt, & supra naturæ vires dæmonū opera falsi sunt. Fateor operatū miranda multa, sed citra Dei offensam, citra fidei & religionis iniuriā, & obstupuerūt ea multi, sed homines indocti, & quibus datū non est rerū cognoscere causas. Atque motus omneis & inexorabile fatū. At quis secretorum naturæ curiosus explorator ignorat, herbarū potentia &

lapidū virtutib. non omnib. perinde manifestis, multa per-
fici posse, quæ rudis populus, per insitiā aut malitiam, ac-
cepta referat dæmonibus, potius quam naturæ atq; Deo.
Sed ut non sapiunt aromata suis & asinis, & offendun-
tur splendidiore luce noctuæ, ita neq; amator veterū for-
dium populus, docilem inusitatis rebus & literis animum
præbere sustinet, nec oculos densissimis ignorantie tene-
bris obfufos, lucis radijs admoovere potest. Qui enim sunt
omni potiore literatura, omnisq; archanæ doctrinæ va-
cui & inanes, nec nisi vmbra illius cōplexi, quomodo ob-
fuso ignorantia animo, alienæ doctrinæ splendorem recte
discernere ac diiudicare possent? Quod si syllogismorum
spineta plantassem, si carduos & tribulos scripsissem, & si-
miles habuissent sua labra lactucas, inuenissent forte asini
illi gustu, & magna voluptate totum librum deuorassent.
Nunc verò, quia ea prosecutus sum, quæ ipsi non attige-
runt, amaricati sunt, venter & lingua eorū ad calumnias.
O deplorati ingenij homines, & immedicabili maleuolē-
tiæ morbo consopiti, aduersus eam declamationem ob-
streperantes, cuius vocem & vocabulum nedum intelligunt,
nec satis nouerunt quid declamatio, cuius qualitates non
cognoscunt, non declamationis condiciones sciunt, non
quo quid animo ioco an serio, false an seuerè, dictum sit
perpendunt, non animaduertunt declamationis licentiam
esse, liberioribus verbis & absimilioribus argumentis, rem
promiscuo sermone tractare, nullum periculum veri sta-
tuendi sibi facere, eorū quæ in declamatione siue argumē-
tando, siue persuadendo, siue demonstrando dicuntur, phi-
losophi enim hoc est nō declamatoris, sermonē suum ve-
ritati adstringere, Declamationis autē propriū est, sæpe &
plurimū in ficto argumento, aut falsitatis defensione, aut
veri repugnātia, aut vitij laude, aut virtutis oppugnatione,
ad ingeniorū exercitationē ad excitationem studiosorum
laborare, non ad dissoluendum aut statuendum veritatē;
sed citra pertinaciā proponere quālibet disputandi materiā,
ad vtilitatē legentiū, sicut ait Apost. Omnia q̄ scripta sunt
ad no-

ad nostram vtilitatem scripta sunt, non dicit omnia que scripta sunt, vera sunt, siquidem non minimam partem eruditionis, fabulæ, Apologi, declamationes, disputationes, problemata, opiniones, parabolæ, cæteræq; admodum proficue nugæ, quibus etiamne sacræ quidem carent literæ, citra veritatis regulam sibi vendicant, quæ qui damnare velit & submouere, is literaturam omnem simul tollat, necessum est, sed in his discernendis, pfecto Critico quodam, excussoque iudicio, menteq; acuta & solerti, intelligentia insuper summa, & acri animaduersione opus est, ut cognoscatur qua authoritate, qua forma, author quisque scripserit, quid conetur, quid moliatur, narret an doceat, dehuiat an disputet, improbet an admoneat, quibus vitatur rationibus, ioco an serio dicat, sua an aliorum sententia loquatur, quæ vera, quæ falsa, quæ dubia pronunciat, ubi & quo loco sui animi mentem potissimum declaret. Sunt enim hæc omnia spectanda, ac diligenter scrutandi secretiores sensuum recessus, & pœnitiores sibi orationis accuratius disquirendæ, tum singulis separatim, & collectim vniuersis, in medium propositis, multum considerationis illius tribuendum est, ac omnia diligenter & exacte discernantur, grauissimoque iudicio tanquam trutina pōderentur, ut quid in quaque re, verum, syncerum, cōsentaneum, & consequens sit, perspiciatur, priusquam de illis feratur sententia. Quod in illa declamatione mea, sicut fieri debuit, ita etiam ab illis clarissimis pariter & doctissimis Cæsarei consilij proceribus, factum fuisse dubium nō est, id ipsumque Cæsareæ maiestatis patentes literæ & sigilla testantur, quibus aut fidem non habere, aut insolenter contradicere, non potest non est læsa maiestate temere factum. Desinant ergo maledici sycophantæ, calumniari hanc declamationem, vel impio animo, vel alienata religione à me scriptam fuisse, quando neque proprio ingenio fisus, neque sine examine & sapientum censura, hanc ediderim. Ipsi enim censores retulerunt & subscripserunt, senatus decreuit, & assensus est, Cæsar probauit, & sigillum

lum suum appendit : nonne supra hæc , iudicium sibi
vendere audebunt ? Quis istis scholasticis , theosophistis
& latebriculis monachastris , in Cæsarem sceptrum de-
dit , ut quod ille de consilij sui examine , & signatura
publica , autoritate semel probavit , isti improbare , pro-
hibere , damnareque præsumant ? Maior certe est decla-
mationis illius perverbia , quam quod à leuissimorum a-
liquot Sophistarum , & peruersorum cucullionum , inge-
nio attingi queat. Quin vero nequaquam enerui doctri-
na esse illum virum oportebit , quisquis de illa ferre de-
beat iudicium. Sciant illi Scholastici Magistri , concessas
illis scholarum cathedras , non credita fori tribunalia , li-
ceat duntaxat Magistris illis de cathedra doctinaliter
disputare : verum iudicare , determinare , decidere , ap-
probare , reprobare , admittere , prohibere , damnare , nō eo-
rum officij est , sed Pontificium munus est , non ex argu-
mentis Sophistarum , sed ex traditionibus dependens iu-
risconsultorum. Neque vero ipse Roman. summus Pon-
tifex , neq; Imperator (etiam in rebus fidei & religionis)
quicquam iudicant nec iudicare prætendunt , ceu Theo-
logi , aut Dialectici , sed ut Legisperiti & Iurisconsulti , qui
iccirco non Dialecticam . non Philosophiam , non Theo-
logiam , sed iura omnia in scrinio pectoris sui habere dicū-
tur. Habent enim etiā Iurisconsulti de diuinis rebus suos
titulos , de summa trinitate : de fide Cathol. de Sacramen-
tis , de hæreticis & aliis religionem nostram concernenti-
bus , nec opus est ea à theosophistis emendicare , ac hodie
(si diis placet) ex conspurcatis scholis , protinus in tribu-
nalia , ad iudicandas eruditorum causas , introducentur
sordidi ludimagistri , qui nihil norunt , nisi præesse pedicu-
losis pueris , tum funesti quidam cuculliones , sediciosique
theosophistæ , quibus omnem vim recte sentiendi , opinio-
num prauitas abstulit , quique ingenuis disciplinis , ob i-
gnauiam infesti sunt , isti præiudicabunt Pontificibus &
Cæsaribus , & quod illi probarunt , quod ratum habue-
runt , quod fecerunt , isti audebunt improbare , damnare &
irritum

irritum facere, ac scholastica authoritate indecenter ab-
 tentes, disputandi & conclusionandi (si sic dici queat) li-
 centiam, ad iudicandi, & determinandi transferent po-
 testatem, magnis sigillis, scholastico fastu clamare auden-
 tes, promulgamus, definimus, asserimus, veridice affirma-
 mus, constanter proferimus, censemus, decernimus, de-
 terminamus, declaramus, pronunciamus, iudicamus, da-
 mnamus, condemnamus (sic enim eorum ampullosa ver-
 ba habent) atque dicere & scribere audent, hæc se facere
 tranquilla, & secunda conscientia, superna luce illustratos,
 & supernaturali lumine fretos, ex inuocatione Spiritus
 sancti, quod lumen sæpe in pectoribus illorū, non Spiritus
 sanctus, sed auri sacra fames accendit, quod si illa sua cen-
 soria conciliabula, pro fidei integritate agerent, & non pro
 censu. certe creditam de illis hactenus probitatis, sinceri-
 tatisque opinionem, fraudibus non maculassent, auaritia
 non corrupissent, syllogismos suos in religionis iniu-
 riam, venales non exposuissent. Diuino timori, humanum
 fauorem non prætulissent, verbum Dei peruersis interpre-
 tationibus non adulterassent, ecclesiæ authoritatem, non
 violassent, Reges Christianos, in reprobis sensibus vesanos er-
 rores non protrussissent. Quid multa? Res non eget testi-
 bus, ipsi se in Anglicani diuortij determinatione, magnis
 suis sigillis prodiderunt. O insignes Theologos, qui in
 negotiis fidei, & conscientiæ, feruntur affectibus, flectun-
 tur conuiuijs, obæcantur numo aureo, capiuntur leno-
 cinijs, opinantur ex proprio commodo, & muneribus ab-
 ducuntur à vero. O concessum sorbonicum præclarum,
 ô dignitatem cōcilij admirandam, cui non paueat mens,
 coram illis dicere. quum hodie Theologorum sorbona,
 facta est falsorum commentariorum, & errorum officina,
 & interpretationum, censurarum, determinationum, fla-
 gitiosissimæ nundinæ. Hic nunc cupio mihi dicite ô ma-
 gistri nostri, dicite ô Sorbonici, in Theologia quid valet
 aurum, tam sancta ne est vestra auaritia, vt illi iura leges-
 que nihil officiant, nec vlla impietatis aut irreligiositatis
 note-

notetur labe, nec quicquam turpe sit, quod vobis lucrum
pariat. Quis putasset Theologorum pectora, fauore, i-
ra, odio, auaritia corrumpi, & esse illis etiam contra scri-
pturam syllogismos, si habeant causam acquirendæ pe-
cuniæ, quis ista credidisset, nisi ipse suis factis fidem fe-
cissent: O male astuti, & imprudentis auaritiæ, qui non
potius pro digamia determinastis, quam pro diuortio, si-
quidem olim in vetere lege, mittebatur regibus, plu-
res habere vxores, neque vero minor est autoritas Pon-
tificum & Regum, in Ecclesia, quam olim fuerit in sy-
nagoga. Quin ipse Valentinianus, Christianus Impe-
rator, duas simul duxit vxores, etiam lege sanxit, & pu-
blica constitutione indulgit, vt quicunque vellet duas
simul habere posset vxores, ita si & vos pro rege Anglo-
rum determinassetis, Pontificis auctoritatem ampliaste-
tis, regis libidini obsecunditati essetis, Reginæ dignita-
tem conseruassetis, filiam regis (vt ita loquar) non spu-
rificassetis, atque tam insigni collusione, singularum
partium gratiam inissetis, vndique pecuniam corradisse-
tis, neque minus pestilenti exemplo, atque nunc, no-
men vestrum posteritati commendassetis. O miseros quos
in tam profundam cœcitatē, traxit indigna Theolo-
gis auaritia, & incitiæ comes arrogantia. Quis tam fœ-
dos Magistrorum nostrorum errores aspiciens, tam turpes
illorum fraudes considerans, tam perniciosas & falsissimas
illorum sententias videns, quæ omni rationi, & honestati
repugnant, illis post hac credere, aut illorum censuris
amplius sese submittere velit, aut debeat, quando tali sunt
natura, vt nihil eis sit antiquius, quam dolis, quam frau-
dibus, quam fallacijs, quam calumnijs, doctos quosque
continenter circumuenire, & in errorum & hæresium no-
tas velle trahere? Mirum profecto, quum toties iam, con-
tra Ioannem Picum Mirandulanum comitem, contra Io-
annem Capnionem Iuriconsultum, contra Eras. Roter.
Theologum, contra Iacobum Fabrū Stapulen. Philosophum,
contra alios multos illustres viros, tam infeliciter
quam

quam temere dimicarunt, toties illis suis præcocibus ce-
 turis, contra manifestam veritatem, tam turpiter impege-
 runt, toties de manifestariis sycophantiis, & calumnus cõ-
 uicti sunt, quod hac vulgatissima sua infamia edocti, in
 nullo facti sunt meliores, sapientioresve. Neque ad de-
 ponendum stoliditatem suam, tanta ignominie macula
 adduci potuerunt, quin tot infelicibus congressibus, to-
 ties prostrati, videntur sibi (velut de Antheo fabulantur
 Poetæ) resurgere robustiores, atque (ceu veterani milites,
 instructiores bello facti) post vnam & alteram insaniam,
 adhuc noua moliri facinora, nouasque quotidie excitare
 tragædias, & sponte in peiora prolabentes, vltro sibi malū
 accersire pro bono, dignos se præbentes, qui ab omnibus
 bonis audiant male, qui in aliorum exemplum Pontifici-
 bus dent publicitus poenas, ac pestiferum, fraudis, doli, sy-
 cophantie, calumnie, & nefariorum consiliorum suorum
 sortiantur exitum. Quod si proprii honoris seruandi, quā
 alieni lacessendi cupidiores existerent, amplecterentur et-
 iam ipsi bonas literas, & aliquid ederent illustrius dignū
 encomiis, aut si id non possent, saltem admirandos sub-
 limioris doctrinæ viros, dignis laudibus & beneuolentia
 prosequerentur, & linguas ab indigna illorum obtracta-
 tione cohiberent, quo vel sic, inultam hætenus ignominia
 eluere possent, & a doctissimis quibusque solidam inire
 gratiam. Sed vilis & indocta multitudo, semper humi re-
 pens, nulla habet vestigia quæ sequatur, nisi turpia, nec vl-
 la rerum illustrium cupiditate. ad gloriam excitatur, cu-
 ius ignavia, tam altas egit radices, ita mentibus obæcatis
 adhæsit, vt ad nullas rationes oculos aperiri patiatur, tan-
 taque est insanie suæ obstinata pertinacia, vt semel accen-
 sa ne per vniuersi quidem orbis elleborum extinguī possit.
 Non equidem facile propagata malorum sementis eradi-
 catur, quippe quam est bonorum in mala defluxus facilis,
 tam mali ad bonum transitus difficilis esse contueat. O
 crudelis & impia secta hominum, nihil nisi seipsos, & suorum
 amantium, omnia præter se, & sua contemnentium, &
 damnant-

damnantium, idq; ipsum peruerſe prorsus & nefarie, quæque ipsi didicerunt & norunt, ea omnium prima & potissima censerî volunt, & ad illorum normam, omnia omnium dicta & scripta, veluti ad Lydium lapidē examinanda exigunt, quibus, quæ non congruunt, aut quouis modo ab illis discrepant, siue dissentiunt, hæc aut velut insana, & abiecticia, præ suis auersantur, aut velut scandalosa & impia damnant, atq; execrantur, nullisq; rationibus muniti, sed vanorum titulorū obtentu, tota vi consurgunt in penam, aduersus eos, qui ab illis, vel vnguem latum disceserint. Tunc si qui sunt inter illos, ingenio vasto, feroci, maligno, & ad calumniā planē erecto, qui furente iniqua audacia, scholasticorum titulorum ambitione concitati, suam scabiem illustribus viris adfricare audeant, & eruditorū virorum scripta & dicta, variis dolis, technis, fraudib. præstigiis, continenter circumuenite, & in hæreseos crimen trahere norint: & in politiores literas, & linguas, proceracis contumeliæ ledoria è suggesto, veluti è plaustro euomere, & in Poetas, in Rhetores Cynica petulantia petonare sciant. hos tunc subductis superciliis admirabundi passim extollunt, & diuina loqui p̄dicant, & vice oraculi sermones eorū per aures populi circumlatos spargunt.

Et longum inuulsi collum ceruibus aquant,

Herculis Anthemum procul à tellure tenentis.

Tum etiam qui doctos viros grauius exagitassent, magistratus, & rectoratus, in odium literatorum illis prorogant, & scholarum regno præficiunt, qui tunc præ cæteris consophistis, veluti principes summi, altioribus cathedris sedentes, ius in alios, & superbam dominationem possidentes, cunctas bonas artes, & ingenuas disciplinas, scholis funditus eiiciunt, quo rixosis sophismatibus, incrementa concilient, quorum farcimine inflati, de omnibus copiose sese posse differere putant. Sed vt sunt doctrina vacui, & veluti suos in luto grunientes, inanes eloquio, quicquid proferunt, quicquid scribunt, profundam redolet inertiam. quicquid ratiocinantur, quicquid argumentantur, delira-

mentis consentanea profundunt, & pro rationibus, præscripturis, meras technas, & laqueos connectunt. Quod si forte timidiore, antilogiæ suæ obscuritatem, ad auram, ad lucem, in propatulo exponere, & perspicaciori censura permittere vereantur, aut (quod plurimum illis euenit) non habeant quod respondere queant, tunc aliam viam ingressi, quibus bellum inferre nequeunt, odium infligunt, astum fortitudini præferunt, syllogismorum suorum vires ad calumniandi nequitiam transferunt, clancularijs susurris apud improbos, aut incautos auditores, contra doctos, & probos viros oblatrant, & per insidias, ab obscuro sagittant, & scholasticorum titulorum fastum, atque quem vocant impudentiæ clypeum (cucullam inquam) & hostile propositum, iniquissimumque iudicium in rationis locum transferre, cæcitæ turpissima contendunt. Quumque nihil sciunt, nihil scribunt, nihil edunt, quod iudicari queat, & veluti bruta & muta animalia vitam silentio prætereant, eo silentio tuti, impudentissima temeritate, de aliorum iudicant ingenijs, & supra Aristophanicam loquacitatem in conuiuijs, in collegijs, in priuatis confessionibus, in publicis concionibus, in scholasticis prælectionibus, nullum scriptorum genus non calumniantur, non lacerant, non mordent, non discerpunt, non mutilant, non detruncant, non peruertunt, ac probrosis circumueniunt insidijs, conculcant contumelijs, doctiorumque ingenia perosi, literaturæ meritis insidiantur, eruditissimos quoque persequuntur, virtuti que ignominiam rependere non erubescunt, quasi idem sit calumniari, quod vincere, contemnere, quod antecellere. Sic illi ex præstantium virorum calumnia, & obtreptione, fortiores fiunt, & ex reprehensione alienæ scientiæ, ipsi eruditionis & doctrine opinionem consequuntur, & quem a iis adimunt, in se deriuant honorem. His technis, his artibus: his stratagematibus, apud rude vulgus & imperitam plebem, indoctosque nobiles, & credulos principes, quos nihil negotij est fallere, quos penes nullum est indoctorum, doctorumque discrimen;

men, auctoritatem suam stabiliunt, & eruditorum, sapientumq; nomen, furto & rapina obtinent. Tum etiam dignitatis fastigium, sibi arrogant, & se Magistros & Doctores in diuinitate nuncupari iustinent; quo venerendo nomine, apud simplicem populū, sanctitatis opinione insignes, etiam apud purpuratos atulicos, & auratos principes, venerandi simul & metuendi, effecti, illos tunc persuasionibus suis allectos, & clandestinis incitamentis instructos, seditiosis armant consilijs, subiiciuntq; qui ab oratorijs, à cubiculis, à basilica, à mensa, virus in aures eorū continue instillant, dicta & facta proborum virorum assidue criminantes, quousque optimi cuiusq; virtutem reddant inuisam, mollesque principum animos, nihil tale suspicantes, his delationum & obrectationum artibus, & exquisitis callide dolis subuertant, & in fas atque nefas contra doctos & probos viros inducant, atque ad crudelitatem usque impellant. Neque enim apud credulos principes, fides mendacijs deest, vbi scurris & proditoribz, aliquando gratia redditur, & pessimis quibzq; nebulonibus honores negatumque virtuti culmen, vitio tribuitur, & repulsa prudentia, ignauia honoribus prosequitur, malique sua ex improbitate referunt munera, & qui iam terq; quaterque, verso solo, mutato foro, & (vt vocant) rupta banca, fraudatis creditoribus, fraudi & dolo, alieni eris iniquis diuitias, sibi pararunt. Creantur comites, asciscuntur in consilia regum, præficiuntur gubernandis prouincijs, quasi fideles futuri sint Reipublicæ, qui tam sceleratis perfidiz artibus cumularunt sibi rem priuatam, atque quod ab integræ fidelitatis, & doctrinæ, virorum arbitrio, pendere deberet iudicium, sæpe in iniquissimi cuiuspiam hypocritæ, adulatoris, delatoris, sursurronis, sententia consistit. Hi primas atque postremas aulae partes tenent, hi sunt aures & oculi regum. Nulla illis ianua clauditur, quo minus ingrediantur, nullum tempus tam importunum, quo minus admittantur, nefasq; est principem plus audire, aut videre, aut cognoscere, quā tribus aut quatuor, eiusmodi

sycophantis, commodum videtur. Nullus regum tam rita-
 tura benignus, tam educatione modestus, tam virtutis &
 æquitatis amans, quem illorum consilia non peruertant,
 multa; indigna, tanta maiestate & dicere & agere, & au-
 dere compellant. Hinc totam noctem vigilare, tum pota-
 re, aut ludere alea, aut saltare choros, aut laruis obambu-
 lare conuiuia, tū medium diem dormire, residuum ludere
 pila, aut venari, & cum beluis audacter congregi, aut stultis
 & furiosa hastiludia suscipere, & illorum pueriles victor as
 grauer diiudicare, tum superuacaneis impendiis, pom-
 parū, largitionum, conuiuiorū, ludorum, ac ambitiosarū
 legationum, improbatorum bellorū (aut latius regnandi
 libidine, aut cupiditate vindictæ, aut emulationis dolore)
 susceptorum totius plebis, ciuiumq; substantiam deuora-
 re, hodie regū disciplina est. Verum interesse consilij, ob-
 seruare prudentes, operā dare præceptis sapientiæ, discere
 populum bene regere, & prouincias quorum tutelam sus-
 ceperunt, foeliciter gubernare, sedere ad portas ciuitatis, &
 audire supplices, subleuare oppressos, reddere iura singu-
 lis, hoc paludatis aliquot vulturibus, nonnunquam & Cu-
 manis asinis committitur. His tunc accedunt nobiles isti
 satrapæ, ipsi etiam literarum hostes, qui cum nullis bonis
 artibus, nec honestis disciplinis imbuti sint, ob id doctos,
 & literatos omnes, odiosissime, protrudunt, nec sinunt ea
 regibus suis innotescere, eoq; infestius persequuntur, quod
 veritatem aliquando dicunt, nullo personarum respectu,
 illorumq; ignauia, & crassitudinem, ad lucem exponunt.
 Nullus vnquam priscis temporibus tyrannus extitit tam
 barbarus, tam sæuus, tam ferus, tam truculentus, tã cru-
 delis, quem penes non in honore, veneratione, obseruan-
 tiaq; fuissent bonæ literæ. Olim eruditi & literati viri, in
 aulis Cæsarum & Regum, primas partes tenebant, in ho-
 rum locū successerunt hodie, quidam podagrici ventri-
 cosiq; publicani, & auri spongiæ (finantiarios vocant) qui-
 bus abest omnis veritatis, virtutisq; cognitio. Et vt est in
 Prouerbio: Ignavos ignauis placere. Videmus passim per
 regum

regum aulas instructos, tot famelicos, pedissequos, tot la-
 geros stipatores, tum circummensales parasitos, tot versi-
 pelles histriones, tot noctiuagos scortatores, tot epicureos
 porcos, tot salaces porcos, tot pictos fictosq; nobiles, tot
 suffitos moscho pceres, tot gloriosos thrasones, tot chla-
 mydatos agasones, tot cruciatis caballarios, tot trigalea-
 tos lepores, tot feroces centauros, tot superbos Satrapas,
 tot paludatos vultures, tot laruatos vespertiones, tot Pur-
 puratos aleatores, tot hamatos quæstores, tot poliripha-
 gos fœneratores, tot dimoupros scribas, tot insolentes
 duplatores, tot Arcadicos sacrificulos, tot caudatos elec-
 mosynarios, tot sexagenarios pueros paucissimos specta-
 mus sapientes, & graues viros. Quod si qui forte emerse-
 runt in aula, viri ingenio præditi, qui consilio, prudentia,
 rerum vsu, experientia, & exercitatione Reipublicæ fœli-
 citer præesse sciunt, aut qui viribus & armis, strenuitateq;
 Reipublicæ plurimum prodesse possunt, hos tunc ne su-
 periores euadant, altiusq; in auctoritatem conscendant,
 sub specie beneuolentiæ, ad longinquas regiones in orato-
 res ablegant, aut in fortitudinis suæ præmium, grauiori-
 bus periculis exponunt, quo sic euacuata aula illorū præ-
 sentia, ipsi omnium soli habeantur prudentissimi, si in cō-
 sortium suum nullum admittant, prudentiorem se. Horū
 opera fit, quod in principum aulis, bonæ literæ, nec præ-
 miis pascuntur, nec laudibus inuitantur, sed velut proscritæ,
 & in prostibulum relegatæ videantur. Hinc obscura
 literatorum fors, & fortuna Doctorum virorum sordida,
 nec vllis ad rem augendam, in aula locus est, nisi qui vale-
 dixerint virtuti, & veritati. Nam qui verax est sermone (vt
 ait Propheta) quasi periurus est, & qui iustus est opere, qua-
 si de spina sepe, sic oportet, vt quum fatis exeat aula, qui
 vult esse pius. Sic sordent & vilescunt literæ, vt non solum
 non faueatur literis, sed illudatur, etiam præstat longo
 in aulis regum, aut culinarium, aut venatorem, aut tibici-
 nem, aut vtriculariū, aut cauponarium, aut parasitum, aut
 histrionem, profiteri, quam doctum, quā literatum, quam

eruditum, tam eruditio inuisum, ignorantia probabilem facit. Ipsa enim affinis regibus, domestica nobilibus, inco-
la aulis, omni eruditione potenter praelata, ipsa plena di-
uitiis, cumulata honoribus, sublimata potestate, & omni
deliciarum genere beata, ut quo quis in aula minus sciat,
eo feliciore vita fruatur.

Omibus in aulis tenet insipientia sceptrum,

Illius & sequitur regia turba pedes.

Quis ergo iam (ornatissime Eustochi) non deberet mal-
le renunciare literis, & virtuti, quam eruditus imperitorum
calumnijs, modestus impudentium conuiciis, candidus per-
ditorum sycophantarum insidiis, continuo excarnificari,
& unde venerationem meruisse debuerat, inde poenam, cla-
dem, & exitium perferre? Nihil igitur mea opinione ho-
die felicius (mi Eustochi) quam nihil scire, nihil tutius
quam nihil docere, quando his temporibus, fere nihil scri-
bi potest, quod non offendat aliquos: qui autem nihil do-
cent, aut non nisi minima, & infima sapiunt, ab hoc metu,
ab his periculis, procul absunt. Quippe minimarum re-
rum, magna ruina esse non potest, nec vnquam cadet ex
alto, qui in imo iacet, nam qui quaerit alta, is malum vide-
tur quaerere. Tam gratæ, sed & securioris voluptatis sunt,
paludes rapis, luta iuibus, tenebræ vespertilionibus, quam
alta tecta columbis, & sereni soles aquilis. Hinc apud Lu-
cianum Pythagoras iam per omnia bipedum, & quadru-
pedum genera (suae circulationis metamorphosi) vaga-
tus, se longe suauius vixisse fatetur, quando esset rana, qua-
mum esset Rex & Philosophus. Quæ persuasio, sic huic
ætati mihi congruere videtur, ut nihil neque scire, neque do-
cere, & ceu nihil à bestia differre, hodie felicissimum, atque
tutissimum sit: simulque, & aulicis istis proceribus, atque
Satrapis, qui plurimum improbos, sui que similes
beneficijs prosequuntur, euhuntque
acceptissimum.

HENRICI
CORNELII AGRIPPÆ
 DE BEATISSIMÆ ANNÆ
 MONOGAMIA, AC VNICO PVER-
 perio propositiones abbreviatæ & articulatæ,
 iuxta disceptationem Iacobi Fabri Stapu-
 lensis in libro de tribus & vna,
 intitulato.

**EIVSDEM AGRIP-
 PÆ DEFENSIO PROPOSITIONVM**
*prenarratarū contra quendam Dominicastrum, earun-
 dem impugnatorem, qui sanctissimam Deiparæ vir-
 ginis matrem Annam conatur ostendere*
Polygamam.



ARGENTORATI,
 Impensis LAZARI ZETZNERI.

M. D. CV.

eruditum, tam eruditio inuisum, ignorantia probabilem facit. Ipsa enim affinis regibus, domestica nobilibus, incola aulis, omni eruditione potenter praelata, ipsa plena diuitiis, cumulata honoribus, sublimata potestate, & omni deliciarum genere beata, ut quo quis in aula minus sciat, eo feliciore vita fruatur.

Omibus in aulis tenet insipientia sceptrum,

Illius & sequitur regia turba pedes.

Quis ergo iam (ornatissime Eustochi) non deberet male renunciare literis, & virtuti, quam eruditus imperitorum calumnijs, modestus impudentium conuicijs, candidus perditorum sycophantarum insidijs, continuo excarnificari, & unde venerationem meruisse debuerat, inde poenam, cladem, & exitium persentire? Nihil igitur mea opinione hodie felicius (mi Eustochi) quam nihil scire, nihil tutius quam nihil docere, quando his temporibus, fere nihil scribi potest, quod non offendat aliquos: qui autem nihil docent, aut non nisi minima, & infima sapiunt, ab hoc metu, ab his periculis, procul absunt. Quippe minimarum rerum, magna ruina esse non potest, nec vnquam cadet ex alto, qui in imo iacet, nam qui quaerit alta, is malum videtur quaerere. Tam gratæ, sed & securioris voluptatis sunt, paludes ranis, luta lumbis, tenebræ vespertilionibus, quam alta recta columbis, & sereni soles aquilis. Hinc apud Lucianum Pythagoras iam per omnia bipedum, & quadrupedum genera (suae circulationis metamorphosi hosi) vagatus, se longe summius vixisse fatetur, quando esset rana, quam quum esset Rex & Philosophus. Quæ persuasio, sic huic ætati mihi congruere videtur, ut nihil neque scire, neque docere, & ceu nihil à bestia differre, hodie felicissimum, atque tutissimum sit: simulque, & aulicis istis proceribus, atque Satrapis, qui plurimum improbos, suique similes beneficijs prosequuntur, euhuntque acceptissimum.

HENRICI
 CORNELII AGRIPPÆ
 DE BEATISSIMÆ ANNÆ
 MONOGAMIA, AC VNICO PVER-
 perio propositiones abbreviatæ & articulatæ,
 iuxta disceptationem Iacobi Fabri Stapu-
 lensis in libro de tribus & vna,
 intitulato.

EIVSDEM AGRIP-
 PÆ DEFENSIO PROPOSITIONVM
 prænarratarũ contra quendam Dominicastrum, earun-
 dem impugnatores, qui sanctissimam Deiparæ vir-
 ginis matrem Annam conatur ostendere
Polygamam.



ARGENTORATI,
 Impensis LAZARI ZETZNERI.

M. D. CV.

S
 R
 20
 T
 L
 al
 li
 ill
 v
 cu
 v
 iu
 ri
 b
 lu
 c
 n
 e
 F
 r

SPECTABILI VI-

RO DOMINO IOANNI NYDE-

pontano, Illustrissimi Lotharingorum Ducis, atque ciuitatis Metensis Physico & Consiliario,

Henricus Cornelius Agrip-

pa. S. D.

M

VLTA ac magnæ contentiones olim fuerunt mihi cum theologastris atque monachis ornatissime Doctor, quorum aliquibus modestis expostulationib⁹,

aliis amarulentioribus Apologiis respondi, alios silentio præterii. Et quum essent mihi cum illis priuatæ contentiones, nolui aliquid horum vnquam in publicum edere, ne forte paucorum culpa in multitudinis redundaret ignominiam, verum (vt est in proverbio qui veterem fert iniuriam inuitat nouam) illi patientia atq; silentio meo abusi continuo nouas contra me parabant insidias, nouam hostilitatem, nouum bellum, idque sibi mutuo per manus tradebant accipiebantque. Tandem cum edidissem declamationem illam de Vanitate scientiarum atque excellentia verbi Dei, quam in hoc ipsum scripti, cum vt segniora ingenia ad defendenda bonarum literarum studia excitarem, tum vt fra-

terculis istis concionatoribus arguendorum in
omni exercitii genere vitiorum non frigida
argumenta conferrem. Illi hoc beneficium
meum ingrato pensantes animo secundum
morem suum pariter omnes communem ho-
stilitatem mihi indixerunt, tamq; passim à sug-
gestis, à pulpitis, in priuatis & publicis concio-
nibus, apud promiscuam plebem magnis voci-
ferationibus aduersum me clamabant, irasce-
banturq;, atq; nullum impietatis, nullum ha-
resis, nullum scandali, nullum contumeliæ pro-
brum in me non transferebant. Accedebant il-
lis nonnulli aulici mystæ Burgundiones & Hi-
spani qui me clanculum & post terga magnis
criminationibus credulo Cæsari traducebant
& per insidias proditorie plusquam lybica per-
fidia persequebantur, quo hinc quidem Ler-
næi populi odium, inde vero Aquilini Princi-
pis iracundiam incurrere necessum erat. Sed
gratia domini liberauit me ab ore bestiarum mul-
torum capitem, & ab vnguibus feræ rapacissi-
mæ: & eripuit me de inimicis meis fortissimis,
ab his qui oderunt me & confortati erant super
me in die afflictionis meæ. Nunc igitur cogno-
scens atque expertus hoc improborum sophis-
tarum & cucullionum genus immortales & in-
extinguibiles inimicitias gerere, illasque alte-
rum alteri continuandas per manus tradere,
nostraq; patientia atque silentio insolentiores
euade-

equadere, insuper etiam in munificentiam nostram contumeliosos beneficium pro iniuria reputare, cogitavi consultius esse cum illis aper-
tas gerendas esse inimicitias, quam taciturnita-
tis patientia impietatis suspicionem vna cum
ulteriore offensa contrahere. Hinc quicquid ha-
ctenus cum his monstris mihi negotii fuit postli-
minio reuocare decreui, & sub diuo omnipotenti
oculis palam exponere, ut videant populi, intel-
ligant nationes, cognoscat mundus, cuiusmodi
idola tot seculis pro heroibus atque diis ipsis
coluerit. Itaque post editam proxime Apolo-
giam in Louanienses Theologistas, & quere-
lam in bonarum literarum sycophantas, statui
nunc edere defensionem, quādam inuectiuam
qua olim ante annos quindecim respondi cui-
dam domini castro Claudio Salini conuentus
prædicatorum priori in illa vrbe vestra Metensi
ubi ego illo tempore reipublicæ aduocatum à
consilijs agebam, qui me ob assertam cum Ia-
cobo Fabro stapulensi beatæ Annæ monoga-
miam nos in publicis concionibus suis rabiosis
latratibus laceſſebat, mirisque gesticulationi-
bus, porrectis digitis, iactatis manibus raptim-
que retractis, & collisis dentibus fremendo,
expuendo, calcitrando, saltando, pultan-
do, vicissimque scalpendo caput & rodendo
ungues in nos insaniebat, tandem etiam
calamum in me contorsit. Sed ut lingua ma-
ledi-

ledicentissimus ita manu insulsiſſimus. Quare
acriore inuectiua huic lycaoni respōdi memor
prouerbii: Acri cane occupandum esse lupum.
Sic namque Hieronymus ille vir pius & san-
ctus cui tam improbe oblatratum est ab aduer-
sariis, illos omnes acriore pensatione cōtra ob-
ruebat, nihil enim maledicorum linguam re-
frenat magis quam mordationis alterius lingue
metus. Atque ea est hypocritarum illorum na-
tura, vt quo quisque se illis mitiorem præbet, eo
efferuntur insolentius, eoque arrogātius quos-
que contemnunt, insectantur & velut tyranni-
de quadam persequuntur. Si quis vero imper-
territus illis atrociori sermone resistat, hunc
iam magis metuunt quam oderint. Itaque licet
hæc nostra defensio amarulentior forte sit quā
tuo palato sapere velis, ea tamen mihi visa est,
quæ inter delicatiora edulia vel synapis vel ras-
fani vicem apud te obtinere valeat: & quia nu-
perrime cum apud te essem scire gestiebas hanc
controuersiam, idcirco vnus à me electus es, cui
illam dedicarem, qui pro singulari inter nos a-
micitia quicquid esse meum noueris æquo iu-
dicio sis accepturus. Addidi autem nonnullas e-
pistolas non quod elegantes aut elaboratæ sint,
sed quia ad eandem causam pertineant, ex qui-
bus pariter litem quam habui cum fratre Nico-
lao Sauini olim apud nos ficto titulo hæretico-
rum magistro, percipies. Sed miror cum ille an-
te pau-

te paucos annos ob publicum scelus ciuitate
vestra pulsus & per iusticiarios publice extrusus
& proscriptus fuerit, qua fronte, qua confiden-
tia insanus illa bellua rursus ad vos redierit at-
que impune apud vos degat. Vtinam ciuitas ve-
stra aliquando hos fucos excutiat suis aluicariis,
qui Christi imitatores se profitentes scurras a-
gunt & carnifices. Vale ex Bonna.

Anno M. D. XXXIIII

* *
*

AD LE-

AD LECTOREM.



EREPtium ac christianum est candidus
Lector, sanctorum vitas dignis prosequi
praconis sed mendacia illis consuevere & in-
cōpertas genealogias cōminisci, hoc impio-
rum histrionum opus est. At reperiuntur nunc passim in
istis recentioris aetatis martyrologiis atque sanctorum,
ut vocant, legendis tot prodigiosa mendacia & dignaria
sui deliria, tot superstitiosa phantasmata & gentium
mithologiis non minus fabulosa, quae si legant Iuda, &
Turcae, & pagani an nō putas rideant nos & religionem
suam nostra multo meliorem putent, ut quae multo mi-
nus habeat fabularum? Attamen tales sunt sermones
istorum histrionum cathedralium quos plebs imperita &
superstitiosa vetula oraculi habent loco, qui deficientes
illos antiquitatum notitia suis propriis adinventionibus
confisi, nullam fere cuiusvis martyris aut confessoris le-
gendam incorruptam reliquerunt, cui non aliquid su-
perstitiose admentiti sint, quasi fas sit etiam fabulis &
mendaciis propagare religionem atque omne id liceat in
sacris quicquid humanae leges tolerant in prophanis: ho-
rum dico histrionum opera falsa illa opinio de beata An-
na trigamia in animos populi seminata est & irrigata
quousque sic conualuit, ut difficile eradicetur, ad quam
tamen extirpandam post doctissimum illum Iacobum

Fabrum Stapulensem hac praesenti disputatione
laboravi haud segniter, sed an effecerim
an consecutus sim nunc tui
sit iudicii. Vale.

HEN-



HENRICI CORNE-

LII AGRIPPÆ DE BEATISSIMÆ

Anna monogamia ac vnico puerperio, propositiones ab-

breviata & articulata, iuxta disceptationem la-

cobi Fabri Stapulensis in libro de

de tribus & vna.



V M nuper mihi priuatus quispiam sermo
fuisse de beatæ Annæ solinubio ac vnico
puerperio cum nobili viro Nicolao Roscio
Mediomatricum decurioni, qui tum popula-
ri opinione huic meo sermoni aduersabatur, eaque occa-
sione qui de vtrius sententiæ victoria pronuntiaturi essent
aliquos elegissemus arbitros, euenit vt, me aliquot dies
absente, ac reuerso alios plusculos domi ægrotante, in-
terim negotium hoc euagarit latius, donec tandem per
quæstuarios istos clamatores è suggesto coram populo
ac rudi plebetula ventilatum sit, & contra meam sen-
tentiam actius ac insolentius quam christianas conciones
deceat oblatratum. Rogatus igitur ab amicis aliqua in
hanc rem scriptis designarem, eorum precibus acquie-
scens, sequentes extemporaneos articulos succincte bre-
uiterque congeffi. Quibus si quis contrariis rationibus ac
auctoritatibus validioribus sese opponere velit, occasio-
nem mihi dabit scripta hæc gratioribus studiis dilatan-
di, donec ille oppugnans, ego repugnans, ad commodum
christianæ reipublicæ, vterque optatum finem (cuius
gratia solum licet Christianis contendere) assequamur.
ipsam videlicet quæsitam rei veritatem, eamque cæteris,
qui in ignorantie caligine versantur, salubriter osten-
damus.

I. Qui

I

QUOD dicit fidem nostram vel ecclesiam tenere & esse
rere, beatissimæ virginis genitricem Annam tres ha-
buisse maritos, ac tres peperisse filios, dicit falsum mani-
festum, & qui id publica concione pertinaciter prædicare
ausus est, seducit populum, & adulteratur verbum Dei, ac
in sedē veritatis docet notorium mendacium, nam res
hæc fidei non est, nec ecclesia de hac aliquid vlla sanctio-
ne vel facto determinavit.

II

IACOBUS Fabri stapulensis Parisiorum gymnosophi-
sta, edidit librum de solinubio ac vnico puerperio beata
Annæ, quem de tribus & vna prætitulauit.

III

QUOD publica coram populo concione dicit hunc li-
brum comburendum, & omnia eius exemplaria
oprat esse exusta, hic præsumptuosus est, & falsi iudicii, ac
maledicus detractor, ipsi libro, & eius auctori, vniuersæque
litteratorum reipublicæ, atrocem inferens iniuriam. Et qui
offenditur libro illo indoctus est, & obstinatæ inscitiz.
quia liber ille innititur auctoritate scripturarum & ratio-
ne. Qui autem scandalizatur in auctore, hic nequam est &
hypocrita. quoniam ipse auctor mitis est & humilis corde.
Sed qui contra hunc librum scripturis & rationibus mu-
nitus in arenam condescendere ausus fuerit, hunc ego vi-
rum fortem & robustum iudicabo, & dignum cui doctus
quispiam (pro veritate ipsa elicienda, non pro vana glo-
ria) configendo congrediatur: qui aliter huic libro detra-
xerit, calumniator est, & hostis veritatis.

IIII

IN dubiis, & disputabilibus, & in vtramque partem pro-
babilibus, si popularium curiositas informanda est, id il-
lis prædicandum est, quod credere magis pium est; hoc
est, quod verosimilius est, quod ecclesiasticis probatis
scripturis conformius est, quod plus consonum rationi,
quod

quod mores hominum plus ædificat in imitationem euangelicam.

V.

DICERE Annam solinubam, vnus solæ miraculosæ genituræ puerperâ, hoc pium est, & verisimilimum, hoc vetustissimorum probatissimorumque theologorum scriptis conforme, hoc congrua ratione satis insuper munitum, hoc castæ & euangelicæ viduitatis dignissimum incitamen, ac matronalis continentiæ imitabile exemplum.

VI.

DICERE Annam trinubam, triparamque, iuxta popularem hanc nullo certo auctore historiam, quæ legitur. nam Ioachim & Cleophas, Annæ nubunt & Saio-
mas, subsequenti ordine, primus gignit christiferam, Cleophas gignit alteram, & Salomas tertiam, has duxere viri, Ioseph, Alphæus, Zebedæus. Prima parit Christum, Iacobumque secunda minorem: Et Ioseph iustū, peperit cum Simone Iudam. Tertia maiorem Iacobum, volucremque Ioannem. Hoc ita asserere erroneum est, scandalosum est, impium est.

VII.

ERROREVM est, quia contra historicam veritatem, contra rationes temporum, contra naturæ possibilitatem. Neque illi qui hæc loquuntur vllum dicti sui probatum auctorem adducere queunt, sed tanquam rustica quædam secta, in ludibrium ecclesiæ illud prædicant, cuius nullam rationem aut auctoritatem reddere possunt.

VIII.

SCANDALOSVM est, quia detrahit bonis moribus, detrahit consuetudini legali & obseruantie illius temporis, detrahit honestati parentum Deiparæ genitricis, & dignitati virginis Mariæ.

K

IX. Im.

IX.

IMPIVM est, quia detrahit figuræ, detrahit prophetiæ, detrahit miraculo, detrahit euangelicæ lectioni.

X.

QVI dicunt Cleopham fuisse secundum Annæ virum, ex quo peperit secundam Mariam nuptam Alphæo, hi errant corde. Nam Maria Cleophæ, non ita vocatur à patre, sed à marito, quia fuit vxor Cleophæ fratris vterini Ioseph viri beatissime virginis, qua ratione ipsa sola dicta est soror eius, & nulla alia. Attestantur huic Egesippus, & Eusebius, probatissimi in ecclesia doctores & historiographi, testatur idem textus euangelicus, vt ostendam infra.

XI.

CLEOPHAS & Alphæus idem homo est binomius, sicut alii multi in sacris literis leguntur, vt Raguel qui dicitur Ietro, & Gedeon dicitur Hieroboal, & Ozias Azarias, & Iudas dictus est Thadæus, & Ioseph dictus est Barsabas, sic & Cleophas nominatus est Alphæus, & huic sententiæ etiam sacerastipulatur Hieronymus, & Philo, & ex Egesippo & Eusebio id magis clarum est.

XII.

FILII Cleophæ erant Christo ætate maiores, inter quos Simon Zelotes Christum vndecim annis separabat, testantur hoc Egesippus & Eusebius. Hac itaque temporis vna & partus ratione perspecta, impossibile reperitur hanc Mariam Cleophæ fuisse Annæ secundam filiam.

XIII.

SIMILITER & multo scedius errant, qui dicunt Salome tertium Annæ maritum, qui in ea genuerit tertiam Mariam, hinc vocatam Maria Salomæ cum Salomæ nomen mulieris est, non viri alicuius, nec ipsa Salomæ vnquam cognominata est Maria, nec dicta soror beatæ

vir-

virginis, sed fuit mater filiorum Zebedæi : & attestantur huic Origenes, & Chrysostomus, & ipsa lectio euangelica. Atque hic turpissimus error ex grammaticæ ignorantia prodiit, & satis notorius est, maxime his qui Græca & Hæbraica didicerunt.

XIIII.

IOANNES apostolus Salomæ iunior filius, anno vno vel paulo minus fuit ætate minor Christo, Iacobus autem Ioannis frater, Christo fuit ætate par vel paulo maior, hæc ex Eusebio & Melitone Sardenfi ac ex Hieronymo nota sunt. Ex huius itaque ætatis ratione, impossibile relinquitur apud naturam, Salomæ fuisse tertiam Annæ filiam.

XV.

TO T A itaque illa historia de Annæ trigamia ac tripuerperio, legi, honestati, & possibilitati naturæ repugnat, nam Anna sterilis fuit natura, sterilis fuit insuper ob exactam concipiendi ætatem, ut non potuisset post miraculosum supra naturam partum, naturaliter ex carnis voluptate alias proles suscipere, nec etiam miraculo, cui nulla vnquam alia annunciatio facta est.

XVI.

QU I prædicant Annam trinubam, nullum alium fructum producant, nisi quod corrumpunt mores bonos sermone prauo, & subvertentes castitatem matronalem, dant occasionem viduis abeundi retro post tentationem Sathanæ, quatenus proponunt sibi Annam incontinentiæ & polygamix suæ idolum ac velamen erroris sui, quo oblitz fidei primi mariti, eam irritam faciant nouis nuptiis, superinduentes sibi in hoc damnationem, totumque Apostoli dogma de viduis, sub vmbra Annæ contemptui exponunt.

XVII.

HI S T O R I A illa de Annæ trigamia, ac tribus Mariis Annæ filiabus, repugnat legali obseruatæ illius tem-

poris. nam in tota vetere lege nulla vetula vidua, quæ ex primo marito prolem susceperat, reperitur superinduxisse alias nuptias: nec Iudaicæ legis consuetudo id patiebatur. Similiter legalis consuetudinis obseruantia erat in eadem familia non imponere idem nomen pluribus fratribus vel sororibus, absurdumque fuisset Annam tres filias habuisse vninomines.

XVIII.

QVI beatæ Annæ hanc trigamiæ notam inurunt, eius sanctitati simul ac beatæ virginis honori non parum detrahunt, nam cum omnes ferme & innumeræ viduæ, quæ passim in scriptura leguntur, vno viro contentæ fuerunt, & post illum residuam vitam cælibi sanctimonia produxerunt, quas propterea veras viduas vocat apostolus, solam Annam Deiparæ virginis parentem vere viduam dicere non poterimus, ipsaque virgo superbeata hac materna incontinentia fuerit infelicior, vt quæ ipsa typus sit & summum puellaris virginitatis exemplar, matrem habuerit vidualis incontinentiæ ostentum. Sed absit hæc impietas, & magis pie credamus, quod sicut vnica virgo Maria, velut vnica est totius virginitatis idea, ita & mater eius Anna, ceu vnicum iubar imitabile irrefragabileque exemplum extiterit viduitatis, super omnes viduas matronali castimonia ornata, simul ac Dei gratia præuenta.

Dicere Annam trinubam triparamque detrahit figuræ. Nam sicut ex Adam vnica singularis Eua facta est, ita ex Anna vnica sing'aris Maria, quæ est secunda Eua, producta est. Præterea omnes illæ veteris & nouæ legis sanctæ foeminae, quarum partus diuinitus per angelum annunciatus est, sola illa prole restiterunt beatæ, nullâ alia subsequente, quod identidem etiam de Anna ipsa credendum est, quæ per eiusmodi sub vmbra legis extitit figurata.

Dicere Annam triparam detrahit prophetiæ, quæ est in can-

in canticis Salomonis, quam non absone de beatissima virgine Maria, eiusque genitrice, ac tota triumphantium turba, intelligit ecclesia: Sexaginta sunt reginæ, octoginta concubinæ, & adulescentularum non est numerus, vna est columba mea, perfecta mea, vna est matri suæ, electa genitrici suæ. Hæc prophetia ostendit, beatam virginem vnicam Annæ filiam, nec matrem eius vnquam desiderasse seu elegisse aliam prolem gignendam.


Qui dicit Annam trinubam triparamque detrahit miraculo conceptionis beatissimæ virginis Mariæ, quia ex pluralitate nuptiarum atque partus Annæ, ipse ortus Mariæ virginis fuisse videretur non miraculosus, sed potius ex concupiscentia carnis, si Anna sanctificatum tanto ac tam plusquam beato partu vterum, desiderio nouæ prolis præbuisset nouo secundum carnis voluptatem concubitu temerandum.

Qui dicit Cleopham ac Salome viros Annæ nuptos, expresse repugnat & contradicit lectioni euangelicæ, nam textus euangelicus expresse innuit Cleopham esse virum Mariæ illius, quæ dicta est soror beatæ virginis, qui adhuc in passione Christi viuebat, ita enim habet Græca veritas apud Ioannem: Stabant autem iuxta crucem Iesu mater eius, & soror matris eius Maria vxor Cleophæ, & ita præcise transtulit fidus ac irreprehensus interpret Erasmus Roterodamus, similiter ex Euangelica lectione expresse comperitur, Salome mulierem significare, & non virum.

Hæc hætenus, quæ si cui minus satisfaciunt, legat (sed attente) libellum Iacobi Fabri supra nominatum, & si adhuc obstinatus fuerit, vincat illum priusquam nouum expostulet pugilem.



HENRICI CORNELII
AGRIPPÆ, DEFENSIO PRO-
positionum pranarratarum contra quendam Domini-
castrum illarum impugnatores, qui sanctissimam
deipara virginis matrem Annam co-
natur ostendere poly-
gamam.

 **Q**UONIAM procurante satore malorum operum, damnabiliter insurrexit in famosa Mediomatricum ciuitate vir quadam religiosæ professionis (qualem hoc seculo aliquot cuculliones sibi soli vsurpant) & theologus scholasticus, ob hunc titulum magno supercilio turgens, apud semetipsum sapiens, apud imperitam plebeculam, crassulosque magnates nihil nesciens, qui conclusiones quasdam (vt ipse vocat) extirpatiuas, contra propositiones meas, quas nuper ego de beatissimæ Annæ solinubio ac vnipuerperio, iuxta disceptationem Iacobi Fab. Stapul. in suo libello de tribus & vna prætitulato, breuissimas edidi, coactus ad hoc integritate officii mei, propter nonnullos magniloquos fraterculos, qui apud Mediomatricos sanctissimam Annam multiparam Polygamamque diffamarunt, ipsumque Stapulensem doctissimum integerrimumque virum, me pariter, & quoscunque secum sentientes, simul omnes erroris impietatisque insimulantes. Non possum nunc, neque debeo illis conclusionibus non respondere, ipsamque Christi paræ virginis castissimam parentem, à publico proditæ conugalibus fidei crimine, trigamæque nota, quæ sibi ab huiusmodi Cretensibus præconibus immerito inuitur, non defen-

defendere. Conabor itaque ipsas oppositarum conclusionum machinas elidere penitusque disrumpere, atque Fabrum ipsum, tam veracis sacratissimæque historię reparatorum, meque vna, & ceteros nobiscum probe sentientes, eximere calumniis. Vellem autem quod conclusionarius iste doctor (quod probum disputatorem decet) non sic ex occulto in me sagittaret, ita quod telum ac vulnus sentiens, iaculatorem ignorem, sed illas suas dogmaticas obiectiunculas, quas in secreto aliquot mulierculas docet, imperitosque nobiles, proprio suo quo vocatur nomine prætitulasset, sic namque ipse à calumniandi, tergiuersandique crimine (quapropter nomen suum oculuisse haud iniuria æstimatur) relinqueretur minus suspectus. At ego cognoscerem quæ cum mihi negotium hoc suscipitur, haberemque illi condecens reuerentiam, atque pro dignitate tractarem, nunc autem Andabatarum more pugnare compellor, ac hostem non videns directæ spicula repellere.

Sed nunc tempus est ut videamus quam bellicosus, thrasonicus iste conclusionator assurgat in clypeum, quo turbine torqueat hastam. Itaque quo contextu ipse conclusiones suas contra meas propositiones opponit, eo ordine ad singula (verso ad eum sermone) nunc respondebo.

Primo namque miserrima sermonis balbutie exorditur in hunc modum.

¶ *Cum a. (ut existimamus) nō Teologo theologicè propositæ sint conclusiones quibus responderi expostulat iuxta exiguitates nostras aliquantulum daturi Responsum.*

Præteribo infantissimam sermonis tui barbariem, qua omnes istæ conclusiones tuæ undique scatent. Præteribo orthographiæ tuæ innumera vitia. Præteribo ridiculum exordium, quo in ipso portu mox impingis, & omne quod ad Latinæ linguæ inscitiam, sordidamque structuram attinet, grammaticorum certamini relinquam. Neq;

vero de Latina elegantia certādum est cum barbaro, quā
 potius remittendus est dicendi stilus, tecum disceptaturo.
 Itaque res ipsas duntaxat ex amīnabo. Primum itaque vi-
 deris statim in hoc conclusionum tuarum exordio id mi-
 hi obiicere, quod à Platone aliquando, deinde à Dyonisio
 præceptum legitur, res sacras non nisi à sacris (hoc est
 theologicas à theologis) tractari debere, me vero quem
 non theologum æstimas, idcirco in prophanorum nume-
 ro reputas, ac mox sequentibus verbis tuis, inter stultos
 & insipientes (qui dicunt in corde suo non est Deus) col-
 locas. Ego certe theologi nomen mihi arrogare non au-
 sim. quippe qui non nescio quæ vita, quæ doctrina, quis
 afflatus theologico nomini debeatur, quod qui vere pro-
 fiteri debet, aliquid maius homine præstare possit nec-
 esse est. Sed ne quis me à theologis tam alienum putet,
 ut in prophanorū numero reputarē meruerim, ipsum v-
 nius veri Christi cultus, sacrarumque literarum continua
 attrectatio excusant. Excusant insuper me, publicæ theo-
 logicæ lecturæ meæ, & sacrarum literarum expositiones,
 & libri editi, varique sermones & declamationes. Nam
 anno humanæ salutis millesimo quingentesimonono, æ-
 tatis meæ vicesimosecundo primum in dola Burgundiæ
 publ. lectura sacras literas professus sum, ob quam ab hu-
 ius studii doctoribus in collegium receptus, insuper re-
 gentia & stipendiis donatus sum, anno autem sequenti, in
 Britanniam traiciens apud Ioan. Coletum catholicæ do-
 ctrinæ eruditissimum, integerrimæque vitæ virum, in di-
 ui Pauli epist. desudaui, & quæ nesciui illo docente multa
 didici, quamuis apud Britannos longe aliud, & occultissi-
 mum quoddam tunc agebam negotium. Ex Britannia
 autem recedens, apud Colonienſes meos coram vniuerso
 studio, totoque theologico cœtu, theologica placita (quæ
 vos vocabulo non admodum latino, quodlibeta dicitis)
 haud non theologice declamaui. Exinde à Maximiliano
 Cæsare contra Venetos destinatus, in ipsis Castris, hosti-
 les inter turbas plebemque cruentam, à sacris lectionibus
 non

non destiti, donec per Reuerendissimum Cardinalem sanctæ crucis, in Pisanum concilium receptus, nactusque, si concilium illud prosperasset, egregiam illustrandorum studiorum meorū occasionē, multis scriptis adhuc penes me extantibus, sacris quæstionibus operam dedi. Tandem Papiæ Ticinensi famoso Gymnasio Theologicā cathedrā in publicis scholis ascendi. Porro, apud Taurinū gymnasiū Theologica lectione in publicis scholis sacras literas publice interpretatus sum. Reliquū autē inter diuersa scripta mea, extant de sacris literis tractantia opuscula, de triplici ratione cognoscendi Deū, de homine, de peccato originali, de Sacramento matrimonij, commentaria in Epistolam ad Romanos, commentaria in Trismegistum, placita quædam Theologica & sermones & Epistolæ, & pleraq; alia in quibus tamen non inficior multa posse reperiri, sicut & in aliorum Doctorū libris, quæ possint iuste culpari, quorum censuram non verebor, sit modo eruditus, & candidi animi, qui ad hoc accesserit, quique cognoscere velit, non cupiat calumniari: nec reprehendi verecundabor, siquidē in omnibus non sim assecutus veritatem, humana infirmitate sæpe obstante. Siquidem in arduis voluisse decorum est: ipsaq; veritatis vestigandæ voluntas suam laudem habet. Hæc nunc longiuscule non ad meam iactantiam, sed ideo recitaui, ne quis me vt omnino non Theologum & prophanum iudicet, & falcem meam in alienam messem mittere arguat. Si itaque nunc Theologi sunt, qui (vt Lactantio placet) cum vnus veri Dei cultu, veram sapientiā docent, atq; meam industriam Deus ipse adiuuerit, quod Theologicum aliquid locutus sim, interpretatus sim, scripserim, disceptarim, declamauerim iam non ero à Theologico nomine penitus reiiciendus. Quod si illi solummodo Theologi habendi sunt, qui in scholastica palestra accedente magistrorum nostrorum (sic enim apud eos vocari solent) calculo, magnis contentionibus, amplo fastu, nec immodico symposio, Theologici magistratus coronam ambientes, Scholastici Doctores creati sunt, quem-

admodum lignarij, ferrarij, sutores, & cæteri mechanici opifices, artis suę exercitiũ vsum ac magisteriũ, ab artis illius p̄fectis vel quantumcunq; rudissimis recipere cōpel-
luntur. Certe hac lege, neq; Hieron. neq; August. nec vl-
lus priscorum illorũ sanctorum Doctōrũ Theolōgus fue-
rit: quare nec me inter prophanos numerare necesse erit,
nec sacrilegus ero si absq; scholastico Theolōgię titulo,
Theologici studij fructus in alios diuisero. Tandem con-
cedas mihi vel inuitus oportet, etiam iurisperitos esse in
Ecclesia Chr̄sti sacros Catholicosq; Doctōres, habemus
enim & nostros sanctissimos Canones, atq; sacros de di-
uinis rebus titulos, de summa trinitate, de fide Catho-
lica, de veneratione Sanctorũ, de hæreticis, & aliis fidei
nostram concernentibus, quare vel hoc ipso titulo licebit
mihi de huiusmodi dogmatibus commentari. Cæterum
nunc q̄ tuo more ais me p̄posuisse conclusiones, quibus
responderi expostularim, ego articulos nūcupaui, hoc est,
propositiones, non conclusiones, proposui autem simpli-
citer, nullũ inuitans, nullum expostulans in certamen, sed
liberũ relinquens, qui eis contradicendo occasionem no-
bis dederit assequendę veritatis. Quod cū sic non placeat
tibi contentioso Theosophista, qui p̄ter conclusiones &
corollaria discernere aliud nō nouisti, hanc tuam p̄posi-
tionum mearum extirpatiuam (vt vocas) conclusionem,
plenā sceleris & temeritatis, canino stomacho euouisti,
iuxta exiguitates tuas (vt ais) aliquantulum daturus re-
sponsum, quod non tam simulatę modestię causa, quam
vera abs te dictum est, & eo nomine, quo istę tuę conclu-
siones sunt dignę.

Sed rursus nunc audiamus te Rhetoricantem, & qua
tragica taratantara in campũ istarum conclusionũ tuarum
descendas, spectemus. Sic namq; sermonem connectis,

¶ *Præponere curauimus illud sapientis prouerborum 26. di-
centis responde stulto iuxta stultitiam suam ne sibi sapiens
videatur, & si enim proponenti fatuitatis non ascribam
nomē in sapientia tamen notam non videtur disputaturus
anfugere.*

Respondet tibi Græcanicū illud prouerbium, *Sæpe sane & stultus vir oportune dixit. Gloriare tu in sapientia tua, & in scientia tua appone dolorem, & in multo sensu tuo indignationem tuam, libens permitto tibi, vt apud tuos sis vel octauus sapiens. Ego stultissimus sum viro- rum & sapientia hominum non est mecum, & iuxta Pau- lum libenter stultus sum, & velut insipientem me accipi volo, vt & sicut insipiens dicam plus ego. Nunc autem oro te (ô sapiens) si tibi male oleat stultitia mea, cur pro- positionibus meis, non secundum sapientiam tuam, sed iuxta stultitiam meam, & exiguitatem tuam respon- des. Dicis fortassis, ne ipsi mihi sapiens videar, si hoc tam magnum piaculum est, cur non veritus es aliud il- lud sapientis prouerbium, vbi ait. Noli respondere stul- to secundum stultitiam suam, ne illi similis videaris. Absit ergo à me, vt ego nunc tibi tanquam stulto respon- deam iuxta stultitiam, sed agam tecum tanquam si sis a- liquantulum, licet non nimis sapiens, & iuxta illud Salo- monis prouerbium: Dabo sapienti tibi occasionem, vt ad- datur tibi sapientia. Quod vt melius efficiam, nescio an modo mihi necessarium sit supercilium, nasusq; Theolo- gicus, & obuinctum tot vasciis caput, quodq; magistrorū nostrorum (vt vocatis) glossas, postillas, combiblicatio- nes, resumptiones, reportata, pariter atq; pugnantia inui- cem vocabula, nominalium realium, primarum ac secun- darum intentionū, propriarum & impropriadum signifi- cationū, implicitorum & explicitorum sensuum, & reli- quas scholasticarum nugatum voces scotistarum vel tho- mistarum spiritu aliquando fuerim edoctus, quodque in- super illorum Doctorum, sanctorum, magnorum, subtri- lium, seraphicorum, angelicorum, solennium, probatorū, venerabilium, & cætera sexcenta magnifica nomina a- pud vulgus imperitum, ac aliquot dicaces mulierculas, & harum vocum admirabundos, stupendosque rudes no- biles, iactitare sciam. Sed iam dudum noui hos ingentes montes, non nisi ridiculos mures, vermiculosque parere solitos.*

solitos: Nihil itaq; horum hic mihi necessarium arbitror, nisi tu sis ex illo duræ ceruicis hominum genere, qui non nisi ex suis propriis dogmatibus conuinci volunt.

Nunc ergo reliquum sermonem tuum discutiamus, quem in hæc verba subnectis.

¶ *Qui antea responsuros inuectiuis & denigratiuis aggreditur sermonibus quam apparentibus sollicitatus sit argutiis quod tamen proponentem suis fecisse constat scriptis.*

Et vos illi egregij concionatores (ne dicam conuitiatores) cur me non sollicitastis apparentibus istis argutiis, priusquam in popularibus concionibus vestris, præter Theologicum decorem, tam amarulente & sine causa, in Iacobum Fabrum, & in me vt libri sui assertorem, debachati essetis, nec illud adeo tectis tacitisue nominibus, quin nemo fuerit, qui non intellexerit quos notassetis. Hac iniuria prouocatus ego, coactusq; propositiones illas scripsi, tunc etiam nescius, qui cum de hac re essem disputaturus, quisve illis sese esset oppositurus.

Proinde nunc inuectiuos illos denigratiuosque (vt vocas) sermones subiungens, ais.

¶ *Assiduos enim diuini prædicatores numinis quæstuarios clamatores ac insolentiores oblatratores nominat.*

Abstine hoc à me, vt diuini numinis assiduos prædicatores his coloribus depingam. Ego duntaxat aliquos paucos fraterculos mendicos (tacitis tamen eo loci vestris nominibus modestia mea) qui in temp'o Dei ab aris è sacro suggesto linguæ telo interficitis animas, quæ non moriuntur, & vestra ieiunia venditantes arroditis carnes proximi, illos inquam vos canes nostros. qui in Iacobum Fabrum, & in me oblatrare, mordereque non estis veriti, his titulis expressi. Sed facis tu vt solent mulierculæ, quarum si quam malam quis descripserit, aut laudarit bonam, quicquid hic de vna aut altera dictum est, hoc omnium contumeliæ laudiuæ adscribunt. Sic tua sententia omnes ego diuini numinis præcones offendi, quia vos ignominiosissimos blatero-

eterones notauī, non tamen in quantum diuini numinis
 præcones, sed quatenus inter medias Christianas contio-
 nes, semina ingenti zizania, ipsum Iacobum Fabrum Sta-
 pulensem, & me pariter, caninis latratibus, voce cantillan-
 te, commutato vultu, iactatis brachijs, gesticulante toto
 corpore, in histrionum ac circulatorum morem omnia
 clamoribus miscentes, præter sacerdotalem decorem,
 postergato Euangelio Christi, contra ius & fas, tam ne-
 quiter calumniati estis, vt non auderent similia fecisse Mi-
 mi in scenis, non histriones in scortis, non scurræ in castris,
 quæ fecistis vos scœdissimi Hypocritæ in Christianis con-
 tionibus. Hocce tu vocas diuini numinis præconium,
 quasi totum hoc sit diuini numinis eloquium, quicquid
 vel absurdissimum nequissimumq; cum diuino verbo di-
 catur? Ego solos illos diuini numinis præcones reuereri ac
 venerari didici, qui nos Christianismum non verbo solum
 vel clamore, sed opere, facto, & exemplo erudiunt, illos
 autem (nos inquam) garrulitatis congestores, quid refert
 vocare clamatores. Cæterum autem, quod te vrget, i-
 psū est, quia quæstuarios vocaui. Scio ego auaritiā ve-
 stram tam tenerem & vel cœlo ipso impassibiliorem, vt
 quæcunque conuitia libentius ferre possētis, præterquam
 vbi hæc tangitur. Sed audi & huius vocabuli rationem.
 Ego vos in Euangelium Christi Ecclesiæq; administratio-
 nem, segregatos non esse, non nescio, nisi quod de Pontifi-
 cum indulto, & prædicandi officio, & confessionis audi-
 endæ, & sepulturarum, ac similibus in ecclesia munerum
 exercitio, vos ingeritis quæstus causa. Quod si non pe-
 cunias, sed paupertatem huiusmodi contiones & ministe-
 ria vobis afferrent, iam non tot auxesibus tonaretis in Ec-
 clesiis, populum ipsum tot prodigiosis purgatoriorum fa-
 bulis, tot apparitionum portentis, tot indulgentiarum
 nundinis, tot eleemosynarum monopolijs, & quæstuariis
 legibus, vobis alligantes obnoxium, non vulturum more
 præsentientes diuitum cadauera tanto astu circumueni-
 retis, non secreta illa admissorum confessione plusquam
 phala-

phalaridis tyrannide in rudes populos grassatis, cuius si qui sunt sibi male conscij, hos quo magis arrodendo perplexos redditis, eo maior offa, & vel male partorum portiuncula in os obiicitur, vel si portentosa aliqua fabula egregie palpati sitis mulierculis, vel alia quauis tragœdia minifue terrueritis, eo plus lucri in sinum effunditur. Nā vbi semel fueritis reatum ac turpitudinum conscij, ea occasione quis ignorat vos sæpissime extorquere à confessis, quodcunque libet? sciens illa & expertus loquor, non tamen de omnibus, sed de pluribus, qui cum paupertatem vouerunt, vincuntur auaritia & rapacitate, & elemosynas conuertunt in censum, vt non aliam ob causam sua semel profudisse videantur, quam vt impudenter mendicent aliena, illud præterea dixerim, non posse cogitare me, viam aliquam faciliorem, fallaciorem, callidiorrem, secretiorem, ad quæstum, ad lucrum, ad opes, ad diuitias facile comparandas, quam eiusmodi indultis, hanc ociosam mendicitatem vestram adiunctam, si quis velit abuti. Hæc ad præsens me dicere coegisti, quamuis inter edendum propositiones meas non erat hæc mea intentio sed alludens vocabulo, quæstuarios nuncupaui, quo vos de mendicantium sectis denotarem, videlicet qui quæstū facitis spontanea mendicitate. Quorum tamen ordini sic ego vnice bene volo faueoque, vt cuperem vobis longe melius opulentissimeq; prouisum esse, quam quod cogamini hac humilima mendicatis sorditie, in omnibus diuersorijis, domibus, nauibus, littoribus, itineribus, & (vt breuiter expediam) quibusuis locis sic hominibus obturbare, & præ foribus magno mugitu panē quærere. Quod quam religiosum, quam Catholicum, quā Euangelicum sit, meum non est ad præsens disputare, vos eius rei rationem reddideritis, vel æterno iudicio.

Tandem nunc ad conuitia te conuertens ais.

¶ *Eorum forsā inuidens clamoribus quoniam eum dominus clamore tali non fecit dignum, utpote à quo clariorem & si admodum patrono necessariam abstulit vocem.*

In hoc

In hoc te egregium Theologum præstare arbitraris, quod sub lingua tua posueris laborem & dolorem, ac me tam subtiliter figuraliterque momorderis. Possem & ego his conuitiis conuitia rependere. Sed non inuideo vobis, sicut nec mihi cupio hanc claram vocem, Rhetoricosque clamores, rem apud vos adeo arcanam preciosamque, ut eam fraterculus fraterculo, non nisi me cabalarum more, tacita voce, ac hieroglyphicis notis, per manus tradat, quam me ut indignum prophanumque fas non est cognoscere, vel ideo quod hanc vociferandi artem (meo iudicio histrionum ac circulatorum rhetoricismo haud adeo absimilem, à quibus etiam nec vita nec moribus, sed veste tantum differtis.) Quintilianus & Cicero in suis præceptis non tradiderunt.

Cedunt Grammatici, vincuntur Rhetores, omnis

Turba tacet, nec causidicus, nec preco loquetur.

Tandem valent in clamando (debui dicere declamando) fraterculi, ut ubi semel cœperint partiri digitis causam, & syllogismorum suorum maiores, minores, conclusiones, corollaria, & sequelas explicare, ac vocis contentione vel in re frigidissima utrumque feruescere, vel etiam si opus non est ex semisilentio repente exclamare, gesticulari, saltare: digladiari, ac plureis vultus induere quam Argus habet oculos, non mirum si auditores omnes Niobæ similes fiunt, vel ac si Medusæ caput conspexerint.

Iterum nunc ad oblatrationis vocabulum cespitando subinfers.

¶ *Oblatratibus autem detrahens, quia forte timendum ne in suos minus religiosos obiurgati sint mores.*

Homō ego sum peccator & in multis reprehensibilis, esto tu de nonaginta nouem iustis, qui pœnitentia non indigeas, esto Phariseo illi similis, qui non est sicut ceteri hominum, si modo hæc Phariseorum hypocrisis te promoueat ad salutem. Impone onera grauiā in humeros populi, corrige mores, argue peccata, & carpe etiam mini-

minimā festucā in oculo fratris tui, Esto vel tertius Cato ē
 cœlo demissus morum censor, propter omnia hæc non
 detraham tibi, quod oblatres. Sed oblatrator diceris, quia
 propria & sanissima Christi doctrina, in Christianis con-
 cionibus, impudentissimis conuitiis in probos viros obla-
 trasti, & Euangelium pacis conuertisti in scandalum pro-
 ximi. Quia fraternum charitatem mentiris sub cuculla,
 intus rabidum occultans canem, & postica sanna Theoni-
 no dente genuinum insigere conatus es in noxijs. Quia
 Theologico titulo te traduci posse confidis, cum ab or-
 thodoxa sapientia longe aberrans, pro veritate ipsa quas-
 cunque vel ineptissimas opiniones tibi delegeris, & hoc
 ipso te verum Theologum agere ratus, si illas magno ani-
 mo mordicus retinens, pro illarum incolumitate, Chri-
 stianæ charitatis immemor, irreconciliabile bellum, im-
 mortaleis lires, & inimicitias contentionesq; esse velis. E-
 go vero vt fatear, contentiones inter Doctores interueni-
 re, quandoque necesse est & vtile, si modo seruata Euan-
 gelica modestia pro veritate ipsa inuenienda tuendaque,
 non pro humanis opinionibus configatur. Ideo in præfa-
 tionis propositionum mearum sine, huius sententiæ suis
 verbis commemini, quæ cum non sapiat tuo palato illam
 transiliens exordij tui finem facis in hæc verba.

¶ *Missatamen ista facientes dignum duximus unicam o-
 mnium suarum extirpatiuam in hac verba proponere
 conclusionem.*

Rectius quis illam vocaret turpem confusionem, tam
 futilibus verbis, frigidissimis sententiis, puerilibus argu-
 mentis, illam eructasti, nullo (iuxta propositionum mea-
 rum numerum) seruato ordine, sed hac illacque turbata
 mente profiliens, nusquam tibi cohærens. vt reuera nihili
 fecius facienda sint hæc tua scripta; quam ac si brutum a-
 liquod illa egressisset.

At nunc videamus quo classico edicto, quibus machi-
 nrs, quibus comilitonibus, qua acie, quibus ducibus, in
 hanc

hanc pugnam descendas. Primum siquidem in hunc modum buccinaris.

Personas, & vastis imple mugitibus auras.

§ *Afferens beatissimam Annam solinubam impie sentit asserens autem eandem ex tribus maritis tres concepisse Marias manifestam dicit veritatem in publica concione prædicans vere populum instruit verbum diuinum ædificat & nullatenus scandalizat.*

Est hoc Theologum agere, an ne sycophantam potius, quod primam illam propositionem meam, tam nequiter dissimulas? Prædicastis nuper nequissimi hypocritæ fidem Catholicam, Christianamque Ecclesiam, constanter affirmare, beatissimam Deiparæ virginis matrem Annam fuisse trium filiarum ex tribus maritis puerperā, hoc ego dixi falsum manifestum, mendacium notorium, seducere populum, adulterari verbum Dei, subiungens quoniam res illa fidei non sit, nec ecclesia circa hanc quidpiā determinarit. Dic tu modo, an non etiam prope hæreticum est, illud quod nondum ab ecclesia definitum est, pro definito prædicare, & totis viribus tutari, illiusque contrarium censere impium & hæreticum, quod ab omni fidei, sacramentorum, ecclesiæq; offensa est omnino alienū? Imo quincunq; dicit aliquid esse de fide, quod non est de fide, & qui dicit aliquid esse contra fidem, quod non est contra, is de fide non recte sentit, nec loquitur veritatem, ac hæresi proximus est. Nam in Deuteronomio præcipit Deus, non addetis ad verbum, quod ego loquor vobis, neque minuetis ab eo. Verum tu hanc inuincibilem propositionem meam dolo malo dissimulans opiniunculam tuā, (licet falsissimam) duntaxat mordicus tenes, illā vocans manifestam veritatem, diuini verbi instructionem, ædificium populi, & nullius scandali.

Exinde nescio quo spiritu nequam arreptus, contra decimam propositionem meam (cæteras interceptas exca mente prætereundo) aciem dirigis, & ad illam te paras multis copiis expugnandam.

L

Nulla

*Nulla tibi similem mortalis protulit atas
Ordine qui Martis turmas equitemq; locaret.*

Primum distributis legionibus, ac distinctis alis, scilicet conclusione tua scholastico more prius frustulatim dilcerpta, dextro cornu Hieronymum, sed truncum sibiq; multo dissimilem, his verbis producis.

§ *Hac conclusio pro prima sui parte probatur, ex beatissimo Hieronymo contra eluidium dicente in forma, restat ut Maria, quæ Iacobi minoris scribitur mater vxor fuerit Alphæi quā Mariā Cleophe Ioannes Euangelista à patre nominat.*

O astutissime sycophanta, quis te docuit sanctos patres fallō producere? quis te erudiuit hoc subdolum allegandi genus, ita videlicet tria vel quatuor verba decerpere, quæ pro tua opinione firmanda facere videntur, eaque nuda, cæteris suppressis? Num hoc didicisti ab Aristotele quōpiam in fallaciarum cautelis? Num à propria tua malevolentia, an potius à serpente illo, qui docuit primos parentes scire bonum & malum, vel à diabolo illo, qui tentans Christum in deserto, illi quosdam nonagesimi Psalmi detruncatos versiculos allegauit? Reddamus ergo nunc Hieronymo, quæ Spiritus nequam per te decruncauit, & integram eius sententiam producamus, moxque palam apparebit, hæc dicta tua non nisi bullatas nugas esse. nec omnino aliud præter verborum strepitum, & ut prouerbio dicitur:

Nil intra est oleam, nil extra est in nucē duri.

Verba Hieronymi hæc sunt: Restat conclusio, ut Maria ista, quæ Iacobi minoris scribitur, fuerit vxor Alphæi, & soror Mariæ matris Domini, quam Mariam Cleopha Ioannes Euangelista cognominat, à patre, siue à gentilitate familiæ, aut quacunque alia de causa nomen imponens, si autem hæc tibi alia atque alia videtur, quod alia dicatur Maria Iacobi minoris mater, & hæc Maria Cleopha. Disce scripturæ consuetudinem, eundem hominem diuersis nominibus nuncupari. Et paulo infra ait: Verum in hæc

in hac parte contentiosum funem non traho, alia fuerit Cleopha, alia Maria Iacobi & Ioseptis, dum constat non eandem Mariam Iacobi & Ioseptis esse, quam matrem Domini. Hæc cum legisti cur truncatis multis, illum Hieronymi locum in beatissimæ Annæ contumeliā adduxisti, & sanctum virum hoc ipsum asserere, contra Christianā modestiam tam impudenter mentiris? Quod ipse triplici distinctione tam leuiter transit, etiam de hoc, an eadem sit Maria Cleopha, atque quæ Iacobi & Ioseptis mater, adhuc vacillans, vtrumque tanquam extra propositum suum sub ambiguo relinquens, dicensque se de his non contendere omnino, nisi illud tantum niti, videlicet ostendere Mariam Iacobi & Ioseptis non esse Mariam virginem. Tu vero, qui ex his Hieronymi verbis tuum illud iam superatum mendaciorum aggerem instruxisti satis prodis te hanc conclusionem tuam, non ut probum virum & Theologicum disputatorem decet, amore veritatis inuestigandæ, sed canino odio, & animo aduersandi, mordentique studio, scripsisse. Non tibi proposuisse pro fine honorem sanctissimæ Annæ & virginis Mariæ, sed propriam gloriam, vel ex falsis literis, seu quouis scelere partam. Non veritatem, quæ Deus est, sed creaturam, videlicet humanam victoriam, & illam per fraudem, falsificium & mendacium, ut videlicet apud eos, qui ignorant te falsa allegare, ob Hieronymiani nominis reuerentiam, puteris vera defendere: & licet nihil rectum dixeris, ob tantum testem vicisse crederis.

Quod autem annectis dicens:

¶ Item idem Hieronymus in eodem passu ipsam Dei materteram pradicat, ex quo patet hanc Mariam Cleophe sororem fuisse beatissimæ virginis à Cleopha patre, quod si soror sit, & impium sit somniare beatissimam Annam, quandoque fornicasse dicendum constat hanc secundo fuisse desponsatam marito, & ex consequenti non solinubam forsan dicent respondens hanc Mariam Cleophe à beatissimo Hieronymo sororem dicit beatissimæ virginis

non uterniani, sed more scriptura, qua propinquas sorores appellat hoc manifeste repugnat intentioni eius per hoc nititur ostendere Hieronymus Iacobum non esse filium virginis, si autem hac nomina soror filius & pater improprie acciperentur nihil ex hoc contra eluidium posset inferri; ideo necessario dicendum est; quod hac nomina soror filius & pater proprie accipienda sint:

His dictis tuis satis ostendis te librum Iacobi Fabri Stapulensis de tribus & vna attente non legisse, eo quod has fatiunculas ibidem iam dudum reiectas, dilutas, ac dissolutas; rursus hic ut notias integras & intactas cæca tua malevolentia reproducis. Lege Hieronymum puris oculis, ac libero animo; tum cognosces, quomodo hæc nomina pater, filius, frater, soror, matertera, sunt intelligenda. Nam ipse ait: Restat ut iuxta superiorem expositionem fratres eos intelligas appellatos cognatione non affectu, non gentis priuilegio, non natura. Ad quod præmisit, inquit: Porro cognatione fratres vocantur, qui sunt de vna familia, id est, patria, quas Latini paternitates interpretantur, cum ex vna radice multa gentis turba diffunditur. Simili ratione exponit Hieronymus hæc nomina filius, pater, ubi ait. Ad calcem venio & te cornuta interrogatione concludo, sicque tecum agam, quasi superius nihil egerim; eodemque modo dictos esse fratres Domini, quo Ioseph dictus est pater. Et paulo infra subnectit: Responde mihi, quomodo Iesus sit filius Ioseph, quem constat de Spiritu sancto procreatum. Vere Ioseph pater fuit, quamuis sic hebes dicere non audebis, an putabatur? eodem modo æstimentur & fratres quo æstimatus est & pater. Hac ergo Hieronymiana exponendi formula corroboratus, respondeo tibi. ipsam Mariam Cleopha, sic à Hieronymo dici materteram domini, quemadmodum & beatissimæ virginis soror nuncupata est, videlicet non sanguine, sed affinitate.

Sed longe difficilius negotium nunc mihi incumbit, nam titanas vocas, & magnis gigantum (dico doctorum
tuo

quorum in quibus plusquam in Hieronymo tibi sciolus videris) copius me aggredieris, ac explicatis pilis, & panis aquilis, illis edicis, & gna sequantur.

Atq; animos aptent armis, pugnaq; parent se.

Illosq; pulchro vinculo Hieronymo connectens ais?

¶ Item ne solus videatur contra eum militasse Hieronymus in n edium (se se offert glossa interliniaris super illo Matth. 13. nonne & mater eius dicitur Maria & fratres eius Iacobus et Ioseph ait enim fratres, id est, cognati more scriptura, item super illo Marc. 6. nonne hic est faber filius Maria frater Iacobi ait super verbo frater, id est cognatus. Nec minus offert sese Hugo Cardinalis S. Sabina totius Biblia postillator eximius super illo Ioan. 2. ubi dicitur descendit in Capernaum mater eius & fratres eius ait enim fratres, id est cognati. Itē & postillator super eodē passu dicens: licetur hic fratres eius cognati eius, & ne de cognatis remioribus hac dicta existimentur habet in forma postillator pfatus, dicuntur autē fratres Christi, quia cognati eius Germani. Idē sentit in forma postillator ipse super primo Matthaei respsurus impie haeresi eluidij. Quod si propter duos quos allegat Doctores Egesippū & Eusebiū, quē alius errasse constat, ut post hac ostēdemus nostrū contemnat Hieronymum glossam interliniarē Hugonem Cardinalem & Postillatorem, qui omnes probatissimi Doctores censentur nec Egesippo aut Eusebio apud Theologos minores alios in mediū adducemus secundam probaturi partem, qua talis est Beatissima Dei genitricis Anna mater Marias tres ex tribus concepit maritis pro cuius pbatone multiplices & probati concurrunt Doctores. Primus occurrit Petrus comestor, qui Evangelicam describens historiam beatissimam Annā trinubam asserit in hac verba Anna mortua Ioachim, de quo susceperat virginem Mariā, data est in uxorē Cleopha, à quo susceptam filiā vocatamq; Mariam dedit in uxorē Alpheo, de qua nati sunt quatuor consobrini Domini Iacobus & ceteri sequitur mortuo Cleopha Anna nupsit viro tertio, videlicet Salome, susceptaq; ex eo filiā sicut & ceteras vocavit Mariā, & hanc duxit Zebedaus, habuitq; ex ea filios Iacobū minorē & Ioan-

nem hunc ordinaria subsequitur glossa sub hoc verborum textu sciendum, quod Maria mater Domini Ioachim & Anna filia fuit, qua nupsit Ioseph mortuo autem Ioachim Cleophas eandem Annam accepit uxorem, genuitq; ex ea filiam, quam vocavit Mariam, qua nupsit Alphao, & genuit ex ea filios, &c. subdit autem mortuo Cleopha quidam Salome eandem Annam duxit, & genuit filiam ex ea nomine Mariam, qua nupsit Zebcdæo. Idem sentit Doctor Angelicus super Epistolas Pauli dicens: Anna mater beata virginis primo nupsit Ioachim, ex quo peperit Mariam matrem Domini, quo mortuo nupsit Cleopha, ex quo peperit Mariam Cleopha, & ex hac natus est Iacob. quo mortuo nupsit adhuc tertio, qui dictus est Salome. Idem tenet dominus Anthonius Archiepiscopus Florentinus in forma, cuius textum breuitati studentes omittimus parati, ut libuerit ostendere. Idem & dom. Petrus de natalibus, de Venetiis, Episcopus Equilinus sub hac forma Anna mater gloriose virginis tribus viris successiue nupta fuit, primus fuit Ioachim secundus Cleophas tertius Salome ex primo Mariam virginem genuit ex secundo alteram nomine Mariam, qua nupta Alphao quatuor filios edidit Iacobum, &c. Ex tertio filiam nomine Mariam, qua nupta Zebedeo duos filios parturivit.

Mirum quam efferas cristam, quam a te reboas, de tanta Doctorum tuorum multitudine gloriabundus, il'orumq; farcimine vsq; adeo inflatus, ut periculum sit tibi, ne tanquam Æsopica rana medius disrumpare. At nunc ne tanquam perterritus terga dare videar, illos tuos Doctores, qua decet reuerentia hilari fronte excipiam. Dico igitur primum de Hieronymo, illum pro te nihil efficere, quod iam satis ostensum est, & me illum Egesippo, Eusebioq; in mysticis sacrarum literarum expositionibus longe præferre, sed non in recitandis veterum gestis & historijs. De reliquis autem apud contesophistas tuos probatissimis Doctoribus, quos ex Scholastica Lucana in hanc arenam producis, videlicet glossatores, postillatores, tua sententia Hieronymo pares, Egesip. & Euseb. non minores? nemini dicto viro dubium, illos in hac re penitus exautoratos esse, nec

se, nec plus vocis habere, atque *βαταρχος* & *σερίφικος*, eo quod antiquitatum ignari, & linguarum imperiti, Evangelium sæpe clausis oculis interpretantes, suæ tempestatis protritæ vulgi fabulas secuti sunt. Non tamen inficior esse illos probos viros, & Catholicos Ecclesiæ Doctores, sed ob tenuitatem doctrinæ, eruditionisque inopiam longe infirmiori gradu, atque loco sepositos, & in minori precio habendos, quam Egesippum & Eusebium (quos tu idcirco non habes in precio, quia non didicisti, nec intelligis) quibus in recensendis historiis plus fidei est, quam illorum tuorum recentiorum sexcentis: quorum multa facile contemnit, qui priscorum illorum vetus vinum cum suauitate bibit. Nihil enim de antiquitatum historiis probant recentiores, & ab illarum temporibus remotissimi Doctores. Itaque facile contemno ac refello, quos tu tam magnis mitris producis. Hugonem Cardinalem, Anthonium Archiepiscopum, Petrum de natalibus Episcopum, insuper & Petrum comestorem. & Doctorem Angelicum, quibus (scio) & alios innumeros addere posses, si omnes neotericorum cōcionatorum sordidos commentarios, sermones, summulas, collectanea, reportata, & dictionarios recensueris. Mirorque non modicum, quod vastum illum coarceruatorem Vincentium cum suo speculo, & illum chronicarum supplementorem, illosque vocabulorum latrunculos Mammatrectum, Græcistam, Catholiconem, in hunc exercituum tuum non vocaueris. Sed ne ob tantam Doctorum tuorum congeriem g'orieris, & petulanter insoleras, contra vetustissimas traditiones maiorum, sequentes regulas illis pro vallo ac muro, clypeiue opponam. De his quæ ad historicam veritatem pertinent illis authoribus absque repugnantia credendum est, qui narratorum temporibus, locis, gestis, personis, fuerunt præsentēs, aut vicini, seu memores, vel historiam suam ex antiquioribus probata fide exceperunt. Cum itaque olim sacerdotes essent publici notarij rerum gestarum, originū, an-

nalium, & temporum, quorum scripta publica fide in Bibliothecis & archiuis seruabantur. Quemadmodū de hoc in Esdra legitur, quod controuersia de templo reparando diffiniebantur ex annalibus Persarum seruatis in Bibliothecis. Idem his maxima fides habenda est, qui fuerūt rerum gestarū presentes publici notarij, vel qui ex antiquioribus notarijs hæc publica fide exceperunt. Sicut & hodie publicum & probatum dicitur instrumentum, q̃ à notario per alium posteriorē notarium bona fide traducitur. Ita semper ab antiquo in monarchijs Persarum, Medorū, Assyriorum; Græcorum & Romanorum, præcipue seruatum est. Et in prima ecclesia, ab ipsis Apostolis. eorumq; successoribus, semper aliqui publicę authoritatis notarij deputati sunt, qui publica fide Euangelij ecclesiæq; texerēt historiam. Hæc imitatus Fabianus Papa septē creauit collaterales, qui exinde vocari cœperunt cardinales, quorum singuli præessent septem notariis, qui gesta sanctorū martyrum fideliter scriberent: Fecerunt idem Marcellus Papa, & Syluester primus, quæ describendarum historiarum leges, ritus, & mores, si adusque hæc tempora perdurassent, minus haberetur in Ecclesia inanium fabularum & contentionum. Quare in primos fontes, ad verustissimos scriptores, penes quos est inuiolata veritatis fides, semper recurrendū est. Inter quos est Euseb. vnus omnium præcipuus, qui omnem historiam suam (vt ipse fatetur) ex Clementi Alexandrino, ex Egesippo, ex Irenæo, ex Theophilo, & ex alijs plerisq; publicis & Apostolorum temporis proximis scriptoribus desumpsit: ideoq; sine controuersia in Ecclesiastica historia ab omnibus recipitur. In Chronographia autem, hoc est, de temporibus, quoniā nullus recipitur, nisi quatenus cōcordat cum monarchiarum annalibus, iterum recipitur Eusebius in temporibus Assyriorum, præcipue à Nino vsque ad Sardanapalum, in temporibus autem Persarum reiiicitur, vt in multis ab illorum annalibus demians, reassumit iterum in temporibus, Græcorum Regumque Asiæ & Sirię, in tempo-

temporibus Romanorum, quorum annales fideliter digessit. Contra nunc iunioribus scriptoribus quibus hæc sunt aduenticia, noua, & à vetustate nimis remota, in quibus non perseverant priscae literæ, & scribendi mores, ritus, studia, leges, nisi veterum inuiolata testimonia, validissimæve rationes, bona fide produxerint, illorum fidei non satis tuto acceditur, & dicta illorum inualida sunt, ut à quibus neque argumentum, neque auctoritatis vllum suffragium sumi possit. Similiter qui non secuti doctrinam maiorum, solo auditu, vel per populares errores, & nullo certo auctore apocriphas, vel priuatas opiniones scribunt, nullo modo sunt recipiendi nisi ubi à publica fide non dissentiunt. Qui vero adeo indociles sunt, quod antiquioribus de antiquitate credere nolunt, sed contra antiquiorum traditiones de rebus gestis ac historiis altercando, quæ sibi videntur placentve vtcunque pertinaciter defendunt, hi eadem facilitate contemnendi sunt qua contendunt. Et ex horum numero sunt plerique iuniores, historiarum & linguarum ignari, quorum commentaria super Bibliam cum legimus, ipsa sacra scriptura illorum futilibus quæstiunculis ac impiis litigiis, tam dubia & incerta redditur, ut illorum commentis etiam ipsa (quæ ut ait Paulus ad Hebræos manifesta est) Christi genealogia, irrisioni pateat Iudæis. Cuiusmodi insolentes sophistæ, cum ipsi regiones & loca quæ diuinæ literæ commemorant ex Cosmographia non didicerunt, gentiumque ritum, origenes, instituta, & cultum ex historiarum scriptoribus nō cognoscunt: rerum autem naturalium (quarum maxima copia in prophetis atque hinc inde in sacris literis mentio est, & ex quarum proprietate sæpe mysterii intellectus dependet) cognitione penitus careant, sola dialectica freti se satis eruditos putant, si de quauis re syllogismum in barbara aut baroco cōnectere sciant. Quod superest linguarum ignari, sacra vocabula ex sordido aliquo vocabulario requirunt, hinc cæcutiunt, balbutiunt, impingunt, collabuntur, sæpissime.

Delphinum ylis appingunt, fluctibus aprum.

Atque omnibus eruditis viris se præbent ridendos atque despiciendos. Admirandum tamen est, atque vix credibile quantas mendaciorum nebulas eiusmodi nebulones sæpe inducant, quantas fabulas imperito vulgo credulisq; mulierculis persuadeant, si modo illis argutarum coloribus sic pulchre adornatis accesserit simulata religionis lenocinium, fictæq; sanctitatis artificium: quo nos tam sancta specie, tam simplici cultu, tam humili apparatu, deludunt, ac si non possint malefacere. Hypocritæ, sepulchra dealbata, serpentesque, genimina viperarum, fermentum in massa, vel messis habens colorem, terfi calices, lupi sub vestibus ouium, senes Susannæ, Beli sacerdotes, dum modo in habitu, in forma, in incessu, in voce, in oratione, in lectione, in sermone, in taciturnitate, in gestu, in ceremoniis, se plusquam sanctos ostentant. Sic enim etiam integri doctores ac timorata conscientia viri, ab his falsis fratribus, diabolis incarnatis, sub specie angelorum lucis sæpe eluduntur. Quod ita aliquando contigisse constat Augustino sanctissimo veritatis amatori, cui similis quispiam veterator, superstitiosam illam fabulam de duobus spurinis (altero in vitam redeunte altero decedente) tanta cum fiducia persuasit, ut ipse grauissimus pater & acerrimus mendaciorum hostis, hanc fabulam ut rem suo ipsius tempore gestam, pro vera narraret historia. Quam tamen Lucianus ethnicus multis annis antequam Augustinus nasceretur lepidissimo dialogo recitando derisit. Quicunque ergo falso de more suo delirantes fabulas & errores adinueniendo quæstus & lucricausa (peculiari multorum cucullionum morbo) corrumpunt publicam & priuatam fidem, certe hi non nisi nequissimi sunt. Eiusmodi namque nebulonibus debemus. Legendas quasdam sanctorum, ut Christophori, Georgii, Bartholomæi, Bernardi, Barbaræ, Annæ, undecim mille virginum, & quorundam aliorum, in quibus longe plus est fabularum quam christianismi. Tum hymnos

hymnos quosdam & cantica & pleraque officiola, quæ nemo pius vir & eruditus legat sine nausea & dolore. Atque utinam tantum oculi esset ecclesiæ prælatis de hisce rebus aliquando salubriter disponere. Reliqui autem quicumque (alias venerandi doctores) qui inter exponendum sacras literas historiarum incuriosi, ubi aliquid incidit, suæ tempestatis secuti sunt fabulas, quas vel tales à pueritia imbiberunt vel apud alios alicubi lectas tanquam pedarii fenatores pedaria sententia confirmarunt. Illos ego, sicut in illis nullatenus duxi recipiendos, ita nec in aliis contemnendos censeo. Quia institutum eorum est sapienuer interpretari fidei mysteria, & de pietate in Deum proximumque rationem reddere, non personarum, aut temporum, aut locorum, aut gestorum historiam docere. Non docebit ergo tam rigidos in illos esse censores, atque adeo Areopagitas, ut non liceat illis etiam vel septies septem ineptias condonare, modo absit pertinax contentio, libidoque rixandi contra rectius sentientes: sintque parati meliora semper sequi, si quis adferat. Hæc modo tibi reddita sint, pro nostro Egesippo & Eusebio, ad tuos glossatores, postillatores, comestores, ceterosque tuos scholasticos doctores, quos tam magnis calceis ac herculeis cothurnis indutos conduxisti, nisi forte ex illo pertinaci sophistarum genere sis, qui nullas rationes, nullas leges, nullas regulas, nullosque autores recipiunt, nisi quatenus faciunt pro se.

Sed nunc ad ulteriora procedamus, ipsamque molinariam beluam rursus audiamus sua verba rudentem. Itamque subiungis, dicens.

¶ At ubi tanta allegantis fuerit pertinacia ut horum auctoritati credere noluerit super his probatum Romana ecclesiæ ritum in medium adducimus tres maras ad præsens usque tenentis non ab improbis ut præsumptuose fateor mota doctoribus sed à viris sanctis scientia & moribus plurimum approbatis.

Non te pudet sanctissimam Christi ecclesiam, fidei matrem,

trem, doctricem veritatis, facere magistratam erroris, eo quod plerique scholastici doctores in legendis veterum historiis negligentes, & sacrarum linguarum ignari, contrariæ auctoritatis nescii, aliquid sibi sic esse persuadeant ut à suis contemporaneis audierunt declamari, vel cani in ridiculoso aliquo officio, ab imperitissimo quouis ludimagistro, futili ritmo composito? Cuiusmodi quidem multa tolerat ecclesia, quæ tamen ipsa neque sanxit, neque approbavit, quorum usus etiam quantumcunque illorum doctorum virorum consensu introductus, ac longo tempore toleratus sit, contra maiorum scripta nihil habet momenti. Non ergo ritum ecclesiæ, quæ est sine ruga & macula, ego offendi, nec eius ordinationem impugno sed tu qui illam clypeum facis erroris: atque id ecclesiæ ritum ordinationemque vocas, quod ecclesia ipsa neque cognovit neque probavit, Dic quæso ô technologue, quis est iste probatus Romanæ ecclesiæ ritus, quem in mediam aciem productum tantopere ostentas? quis i lud quod tu ecclesiæ ritum vocas approbavit, tuine scholastici doctores? Certe non quicquid commentatores, glossatores, interlineatores, postillatores, comestores, & eius generis doctorculi, è suo cerebro congerunt, is protinus ecclesiastica auctoritate probatus ritus est. Nam ecclesiasticam auctoritatem August. (scribens Ianuario) plenaria concilia & vniuersalis ecclesiæ traditiones appellat Profer ergo nunc, qui sunt isti (quos dicis) viri sancti, scientia & moribus plurimum approbati, num propheta? num apostoli? num euangelistæ? num vetustissimi aliqui sanctarum historiarum sancti scriptores? num synodus aliqua, aut generale concilium? num ecclesiastico canonicoque decreto aliqui summorum pontificum, qui comprobarint Annæ Cleophræ & Salomæ secundo & tertio nupsisse, atque ex illis maritis duas illas filias beatiss. virginis (ut ais vterinas sorores) concepisse & peperisse? Non certe, sed glossatores, interlineatores, postillatores, comestores, catholicones, & eius generis fraterculi, quos qui sequuntur, decipiuntur ab his

ab his qui fuerunt decepti. Nam qui vetustarum literarum sacrarum que linguarum sunt ignari, illas opiniones sequuntur, quæ in publicum vsum quouis modo irrepserunt, quos cum alii innumeri eiusdem farinae homines sequuti sunt & quotidie miserè sequuntur, idcirco tu eiusmodi vñtatas opiniunculas, ecclesiasticæ tribuis auctoritati. Ad quod tibi facile respondeo, permultum interesse, inter diuturnam consuetudinem, & vsum ecclesiæ aliquid tolerantem, & inter ecclesiæ auctoritatem aliquid certa definitione determinantem: multumque interest inter veteres historiarum sanctos scriptores aliquid suorum vel vicinorum temporum narrantes, & inter recentiores scholasticos doctores aliquid suo cerebro opinantes, frigidissimisque coniecturis contendentes. At tu nunc mihi vel vnam profer synodum, seu quoduis minus synodo pontificium decretum, in quo sit hæc tua opinio approbata. Scio quia obicies mihi ecclesiasticum officiolum, illud scilicet ecclesiæ ritu n vocans. Resilio rursus, & illud inefficax neque autentificum dico. Quoniam ecclesiastica officia de integritate ecclesiæ substantiaque comprobantur non esse; sed pro cuiusque temporis, loci, personæ, diocesis, antistitis, & vulgi etiam deuotione irrepserunt, quorum insuper p ura à mulierculis, multa à laicis, alia à quibusque ludimagistris & cucullionibus, secundum proprium sensum, absque ecclesiastica scientia sunt composita. O quanta canuntur & leguntur in ecclesiæ officiolis, quæ omnino sunt vana ficta, & falsa, vt locustas ex ouibus, saxeum pastorem, ouem in prædonis ventre balantem, rediuitum ex mortuis asinum, & alia innumera; vt vix sit vlla martyris aut virginis legenda, cui non pie aliquid admentitum sit, vel à vaftris pessimisque nebulonibus, vel à quæstuariis fraterculis: quibus studium est, ex incauta simpliciū affectione lucrum capere, quoties ab huiusmodi, aut anus quædam delira lachrymatur, aut alius quispiam pavidus inhorrescat. At nunquid hæc omnia approbavit ecclesia? non certe. Quamobrem quas
vetustis-

vetustissimi sacri scriptores diuinitus corroborati nobis commendant historias, eis indubitata fides habenda est. Iuniorum vero contraria commenta, non nisi caute & cum iudicio ecclesiæ recipienda sunt. Accedit ad hæc quæ dicta sunt de officiis, quod pleraque leguntur in illis quorum ecclesia tenet creditque oppositum, e quorum numero est illud de assumptione beatissimæ virginis, quia multi nostrorum dubitant vtrum assumpta sit simul cum corpore an abierit relicto corpore. & infra: veruntamen quid horum verius censeatur ambigimus. Hæc in hodiernum diem canuntur, quæ tamen decreto atque determinationi Romanæ ecclesiæ repugnant. Simile huic canitur in diuinæ apparitionis celebritate ex quadam Gregorii Homilia. Pastoribus in Iudæa angelus apparuit, quia Iudæis tanquam ratione vtentibus, rationale animal, id est, angelus prædicare debuit: tamen ecclesia id neque probat neque recipit, & omnis schola vestra tenet & asserit huius platonici dogmatis oppositum, videlicet angelum animal rationale non esse, iuxta illud euangelium: Spiritus carnem & ossa non habet. Insuper ecclesiasticum officium multa continet incerta & dubia, quale est illud, quot fuerint magi illi qui Christo infanthulo obtulerunt munera. Quamuis mea Colonia cum visitato officio tres solum nominatim numerat, prædicat, & colit, veruntamen circa hæc & horum similia nihil reprehendo, nisi illa per antiquioris scripturæ testimonia euidentioraque argumenta refellantur. Sed illud dico, apocrypha & incerta, & quæ contra antiquorum scripta, & doctrinam maiorum, præter ecclesiæ definitionem introducta sunt, sibi ritum ecclesiæ villo tempore præscribere non posse, nec ecclesia illa tolerando prohibet de illis veritatem inquirere: quinimo licet omnibus citra vllum periculum (modo cum oratione & auctoritate id fiat) aliter sentire, loqui, & scribere, quia non sunt hæc de fide & moribus.

Rursus nunc dicis.

addu-

¶ Adducis inquam sanctissimum & infalsibilem euangelii textum Iohannis 19. dicentis stabat iuxta crucem Iesus mater eius & soror matris eius Maria Cleophe & Maria Magdalena in quo beatissimus Iohannes Mariam Cleophe sororem beatissimam virginis Maria appellat.

Et cum videres me dicturum sororem ibi dici cognitione non natura, continuo subiungis.

¶ Nec valet dicere quod soror improprie accipiatut sicut Geneseos accidere videtur quandoque historia dicere Abrahamo Saray dic obsecro quod soror mea sis quoniam si tali glossa tauillandus sit sacratissimi euangelii textus eodem contextu, calumniator similis concludere posset hoc nomen mater in eodem passu eadem ratione improprie dici & ex hoc inferre beatissimam Dei genitricem Iohanni nullatenus commendatam sed alienam & sic omnes euangelicos aquinoca nominum acceptione prauertere sensus.

Credo hoc argumentum non nisi à scholastico technologo fieri potuisse, tantum habet acuminis, quinimo adeo iuas sapit auriculas, vt ab asino egressum non dubitem. Sed gratias tibi agit immanis ille hæreticus Eluidius, qui ex tuo argumento atque his quæ paulo superius dixisti, corroboratus, assertorem inuenit; qui diceret, hæc nomina, soror, filius, pater frater, mater, proprie, & non improprie accipi debere: vt fratres domini proprie & vere intelligantur beatissimæ virginis filii, etiam ipse Iohannes, cui virgo beata matris nomine commendata fuit. Quod vt falsum est & impium, sic & tua expositio in hac dictione soror falsa est ac absurda. Non in verbis scripturarum (vt ait Hieronymus super epistolam ad Galathas) est euangelium, sed in sensu: non in superficie, sed in medulla. Et Hilarius ait: intelligentia dictorum ex causis est assumenda dicendi, quia non sermoni res, sed rei est sermo subiectus. Et ideo bene dixit Ocham. in dialogo suo maxime in secunda parte, quod in verbis ambiguus & multiplicibus non est recurrendum ad communem

nem intelligentiam, sed potius ad intentionem loquentium, & ibidem multis rationibus falsificat hanc communem propositionem, qua dicitur? Verba non ex opinionibus singulorum, sed ex communi usu accipienda sunt. Sed dices forsan in diuersis locis posse hæc nomina diuersimode accipi, sed iuxta se posita, & (vt tu loqueris in eodem passu) eadem significationis forma ac locutionis sensu simul exponenda fore. Ast illud rursus absurdum est argumentum. Nam apud Matthæum legitur vnico contextu: Nonne mater eius dicitur Maria, & fratres eius Iacobus & Simon & Iudas? aliter tamen ibi dicitur mater, aliter fratres. Et apud Lucam legitur: Et dixit mater eius ad illum, fili cur fecisti nobis sic, ecce pater tuus & ego dolentes quærebatimus te. Et ait ad illos, quid me quærebatis? nesciebatis, quia in his quæ patris mei sunt oportet me esse. En quomodo in illo vnico continuo contextu, diuersimode accipiuntur hæc voces, mater, filius, pater. Sed vbi possunt hæc discerni, vbi scriptura his vtatur proprie, & vbi improprie. Tu ne doctor es in theologia, & hæc ignoras? Sude, stude, & disce iam doctor & senex, quæ iamdudum iunior scire debueras discipulus, tum fateare tibi iniuriam factam, quod hucusque habitus sis Theologus, arque ea ignores, quæ de diuinarum literarum locutionibus à sanctissimis doctoribus memoriarum commendata sunt. Lege Augustinum in libris de doctrina christiana, & in opere de locutionibus, & docebit te. Disce scripturæ absconditos sensus intelligere, non è scholasticis summulis, cantionibus, postillis, dictionariis, & ex huius generis Iuridicis collectaneis, aut è sordidis quibusdam & pridie natis auctoribus, sed ex seipsa semetipsum declarante, vbi locum obscurum aliorum collatio elucidat, tum ex veterum commentariis, & prisceis illis interpretibus, qui proxime biberunt de fontibus. Horum purissima aqua, tuis feculentis lacunis obmissis, tibi bibenda est, vt scias discernere sensus scripturarum, nisi palatum & linguam tanta bili habeas infectam, vt bonæ literæ

re tibi non sapiant id quod sunt, sed quod vitiatum organum secum circumfert.

Insuper nunc Thomistarum more qui soletis singulis quibusque argumentis hæreticum proclamare, contumeliose subnectis quæ sequuntur, & te victorie triumphum reportaturum arbitraris, dicens.

¶ Non valet inquam dicere illud impium nimis erroneum falsum damnabile & ab omni fideli alienum christiano videlicet quod Maria dicta sit Cleophe non à patre sed à marito quia fuit uxor ipsius Cleophe ut ex euangelio ostendere se iactat proponens asserendo euangelii beatissimi Iohannis emendandum quin loco huius Maria Cleophe ait uxor Cleophe apponendum cum litera Græca ut ait sic teneat. Sed sane contra temerariam huius assertionem militat omnes præfati doctores militat inquam Hieronymus in eodem passu militat & præfata glossa interliniaris & Hugonis cardinalis super passu Iohannis allegato dicentes Maria Cleophe, id est filia. Sed dic quæso an non ab uniuersali ecclesia approbata est Hieronymiana translatio non potes id negare forsitan diceres approbata sane sed vitiatæ. Quod autem vitiatæ sit nos negamus admissæ tamen non concessæ eam in aliquibus vitiatam in hoc tamen nullatenus cum eam approbet, habet enim ipse Hieronymus in epistolis. Quod beatissimus Iohannes hæc Mariam Cleophe nominat in euangelio à patre nullibi autem eam nominat Mariam Cleophe in euangelio nisi in præsentis passu igitur ubi Maria Cleophe non uxor apponitur non est vitiatæ Hieronymi translatio quin imo per eundem approbata de hoc tamen alias quin id fideli prætereundum non venit silentio ex hiis aperte concluditur quam excecæ dixerit proponens negantes Annam solinubam nullum probatum adduxisse testimonium, dic iterum quæro an non probatum tibi videtur euangelium an non probatus inditio tuo censendus est Hieronymus an non probatus Petrus comestor supremum inter historiographos nostros tenens gradum an non probata glossa ordinaria an non probata interliniaris an non probatus doctor angelicus quem apostolica sedes plusquam

M

Salu

Salomonem nominat an non probati Hugo cardinalis postulator dominus Antonius Archiepiscopus Florentinus dominus Petrus de Venetiis episcopus equilinus diligentem igitur ori tuo appone custodiam ne temere condemnes qua hætenus te non vidisse comprobare nec erroneum dixeris quod tanti approbant doctores.

*Frangere miser calamum vigilataq; prælia dele,
Qui facis in parua sublimia carmina cella.*

Non emendo ego euangelium, sed ex suo fonte repetens illud cum eruditissimis doctoribus declaro, nam Ioannes Græce scripsit in hæc verba, Μαρία ἡ τῆ κλωπῆ, vbi articulus ἡ, indicat hanc non filiam fuisse, sed uxorem, quo apud illos in vsu est mulieres non à parentibus, sed à maritis cognominare. Qui mos etiam apud Latinos obseruatus est, licet articulo non vtantur, sicut ex illorum scriptis pene innumera nobis patent exempla, vt cum legimus apud Valerium & alios, Ceciliam Metelli, Terentiam Ciceronis, Portiam Bruti, Corneliam Pompeii, Cleopatram Ptolomæi, Helenam Menelai, & eiusmodi. Atque ne vltra sit tibi cauillandi locus, audi sacram scripturam seipsam declarantem: optima enim exponendi ratio est, vbi locus obscurus alterius collatione illustratur. Audi inquam ipsum Cleopham hanc Mariam non filiam sed uxorem suam vocantem, ita namque Cleophas ipse ait apud Lucam: Mulieres quædam ex nostris, terruerunt nos, quæ ante lucem fuerunt ad monumentum, & non inuento corpore eius, venerunt dicentes, se etiam visionem angelorum vidisse. Ad quæ præmisit euangelista sic inquires: Subsecutæ autem mulieres quæ cum eo venerant de Galilæa, viderunt monumentum, & quemadmodum positum erat corpus eius. Et paulo infra: Erat autem Maria Magdalenzæ, & Iohanna, & Maria mater Iacobi, & cæteræ quæ cum eis erant, & dicebant ad apostolos hæc. Et sequitur. Petrus autem surgens cucurrit ad monumentum. Et mox iterum. Etece duo ex illis ibant ipso die in castellum.

lum. Et quæ sequuntur. Tandem ait: & respondens vnus cui nomen Cleophas. & reliqua. En aperi oculos tuos & respice, lege euangelium & contemplare, confer scripturas & pondera narrationis seriem, ipsa tibi huius rei nodum explicat difficultatis. Comperies namque Mariam matrem Iacobi vxorem Cleopha scriptura in hunc modum semetipsam exponente. Quod si non potes capere, recurre ad Eusebium, qui in ecclesiastica sua historia libro tertio, hæc tibi ad vnguem declarabit, & longe quidem dilucidius & verius, quam Petrus ille comestor (qui vt ais inter historiographos vestros supremum tenet gradum) quem Eusebius ipse vltra omnem comparisonem ita superat, vt nulla sit huius futilis excerptoris, ad hunc sanctum virum ac publicum ecclesiasticum scriptorem vel minima proportio. Qui teste Hieronymo Constantini Augusti auctoritate suffutus, ex ipsis Græcorum & Romanorum archiuis, ac veteribus publicisque monumentis, historiam suam martyrologiumque collegit, cuius rei gratia, clauis scripturarum, & custos noui testamenti vocari meruit. Rursus tandem redis in idipsum q̃ supra reiecimus, videlicet, Hieronymum falso inculcans cum reliqua doctorum tuorum caterua, intra quorum hortulos, cum tute sis ficulneus theologus, ac per omnem ætatem tuam in eiusmodi sophisticis sterquiliniis computrueris, nullos vis esse illis sublimiores, nedum pares. Porro ad vulgatam illam euangeliorum traductionem, veluti ad sacram ancoram confugis, illic fortiter in hærens, eo mendacio stipatus, quo hanc Hieronymi esse, & ab vniuersali ecclesia approbatam, tam impudenter asseueras, de his tamen alias polliceris.

Nescio quid tecum graue cornicaris inepte.

Verum ego traductionem hanc Hieronymi esse constanter nego, nam ipsæ Hieronymi præfationes testantur hanc suam non esse, multaue hinc inde in epistolis suis repræhëdit Hieronymus, & nominatim corrigit, quæ tamen in hac habentur editione. Quæ cuius sit hucus-

que nemo nouit, tu tamen illam non modo Hieronymi esse asseueras, sed & ab vniuersali ecclesia approbatā pertinaciter contendis. At tu mihi vel vnum profer ecclesiæ decretum, in quo sit hæc editio comprobata, non poteris ostendere. Sed dicere potes, quod publico vsu in Latina ecclesia sit recepta. Fatebor ego, non tamen sic recepta est, vt nihil omnino liceat ex Hebræorum Græcorumque fontibus emendare. Sed facis tu tuo more qui aliud nihil habes in pretio, nisi quod ipse didiceris, nec vllam illorum Græcæ aut Hebraicæ veritatis auctoritate iacturam fieri velis. Ne quid videaris ignorare, hinc tuos scholasticos doctorculos tanto strepitu attollis, & singulos probatos nominatim enumerando præconisas, quasi non sint probati & in ecclesia recepti doctores Egesippus & Eusebius, & multo magis recepti quam tui. Sed facis tu per quam strenue qui me admones, quanto verfer in periculo, ac si fulgur ex vitro immineat, ad mouendamque custodiam hortaris, reddamque tibi pro hac clementia tua, dum dabitur occasio, multas condignas grates gratias. Neq; vero me præterit, quam plenum periculi sit, pugnare cum tanto fratre, cui cuculla pro clypeo est, lingua pro sica, verba sunt iacula, in super qui habes ad apertum mare magnum, ac tot Pyratikas classes contra me producere potes, behemoth, & leuiathan, & cete grandia, reptiliaque quorum non est numerus. Præterea cui adsunt ad hanc pugnam, tot subsidiarii milites, tot rostrati stipatores, innumeri loripedes, lignipedes, nudipedes, funigeri, restiferi, saccogeri, atrati, nigritæ, grifones, albichlamydes, multipelles, versicolores, rhetiarii, barbigeri beguardi, lollardi, & vt in carmine dicam,

*Totq; feces hominum, quorum vita vsibus obstat,
Vel crux, vel flagrum, vel spes frustrata, famesue, &
Paupertatis onus, & quos non iusta nouerca
Compulerit, & quos genuit natura sinistros,
Et miseri pueri quorum fraudata iuuentus,
Et quibus infandum crimen, ociumq; voluptas.*

Atque

Atque id genus aliorum turba satellitum, quorum omnium agmen iungit simulata sanctitas, cucullataque religio, atque his longe præstantior valida mendicitas. Neque enim ullum opere prætium facere potero, contra te hominem eiusmodi vallatum exercitu. Ideoque in sicco manendum mihi persuadeo, & id longe quidem à litore, ne tanti periculi incuriosus tuorum fluctuum lubricitate mersus, vel tot tãtorumq; hostiũ prælio circumuentus, corripiar, forte in tui ordinis prædicatorũ hæreticorũ inquisitores, vel vt Græcis proverbio est, ἐς νόπαρας.

Iam ad reliquas ineptias tuas properemus, ais enim.

¶ *At quin duorum solummodo contra tantos quos allegamus non solum in medium adducit auctoritatem sed & græue nobis imponit scandalum utpote dicens quod asserentes Annam trinubam bonis detrahunt moribus, detrahunt legali consuetudini illius temporis detrahunt honestati deipara virginis & dignitati virginis Maria detrahunt figura detrahunt prophetia, detrahunt miraculo, detrahunt euangelica lectioni.*

Quæ dixit confiteor, & quæ scripsi in propositionibus meis, scio & memini, & tua verba teneo. Ad omnia autem quæ discepto, præsuppono historicam veritatem, his videlicet autoribus corroboratus, quorum paucitas in infinitum pene superat tuorum pluralitatem. At quoniam occurrebat non satis esse Christiano catholicas historias docere nudas, nisi ad illas simul & vitæ rationes iuxta id quod est optimum accommodet, atque componat, idcirco illas ego adieci. Sed tu in illis scandalizatus es, sicut & multi in Christo scandalizati sunt, & abierunt retro, dicentes, vnde huic hæc omnia? Et multi adhuc scandalizantur in nouissimo, qui vna hora laborauit, & tantum accepit, quantum qui portauerunt pondus diei & ætus. Quod si tu probus vir esses, & candidus disputator, & non ex iis pigris asinis, qui se carpendæ aliorum industriæ natos putant, debuisses propositiones

meas suo certo ordine dispositas, seruata eadem iuxta illarum numerum serie, vnā post aliam reuincere, & non hic illicque particulas aliquas perperam decerpere, & (vt dicunt camelum saltantem) sulque deque prosilire: & quæ bene dicta sunt clausis oculis præterire.

Nunc tandem contradicere paratus, ita subiungis.

¶ *His responsuri dicimus primo dicentes Annam trinu-
bam bonis non deprehunt moribus qui imo apud intelligen-
tem bonos fouent mores nec adhuc facit inualida quam ad-
ducit ratio dicens nos pro omni fructu bonos corrumpere mo-
res sermone prauo castitatem subuertere matronalem dare
occafionem viduis abeundi retro post temptationem Satha-
na hæc enim omnia tanquam absurda & à nobis penitus in-
somnia negamus ubi autem allegat si Anna nupsit & ca-
tere huius tempestatis vidua nubere possint. Respondemus
quod nesciens ipse aut faber suus à quo hæc omnia accepit,
unde nec gloriari habet diuinarum differentiam legum ista
proponit.*

Quos vocas tu hic intelligentes, num eos qui tuo mo-
re contra historicam veritatem scripturam ipsam tan-
quam ceream ad quoduislibet persuadendum flectere
sciunt? tum ita vos magnam rem fecisse putabitis, si per-
peram interpretatis sacris literis, adulteratis veris histo-
riis, nihilominus his superstitiosis mendaciis vestris, ta-
men bonos (vt ais) foueatis mores, quasi veritas ad id non
possit sufficere, nisi vestris fulciretur mendaciis. At quo-
modo tandem bonos fouebis mores, tu qui lingua blas-
phema, calamo sacrilego, sanctissimæ Annæ continen-
tiam nouis nuptiis violas, sanctificatum eius vterum pol-
luis, castissimæ viduitatis honestatem tollis sanctissimos
historiographos Egesippum & Eusebium disciplinato
ore mendacii arguis, sacrarumque scripturarum fidem
calumniaris, euangelium sycophantizando peruertis,
beatissimi Hieronymi scripta dolo malo detruncasti, am-
putasti, abscidisti, surripuisti, abstulisti, celasti occultasti.

Viros

Viros innocentes ac probos christianos amarulentis detractationibus, conuitiis, iniuriis, contumeliis, falsisque insimulationibus, ignominiosis famicidiis, turpissimis prodicionibus, pro impiis ac scandalosis populo ac plebi publice detulisti. Hisce exemplis editis, bonos fouetis mores? Sed modo ad rem redeo. Dicere Annam solinubam atque vniparam non est somnium, non absurdum, non inualidum, sed veritas cognita, per sanctissimos scriptores, vt euangelium, tuæ autem opiniones quæcunque quæ in apostolicis literis & in euangelio scriptæ non sunt, possunt somnia esse, absurdæ esse, inualidæ esse: atque illas velle adeo ratas haberi, ac si in euangelio apostolicisque literis scriptæ sint, potest scandalosum esse, impium esse, etiam quandoque hæreticum esse. Huius generis est hæc (quam tantopere tuendam pertinaciter tenes) tua opinio, quod Anna sterilis vetula, post sanctificatum vterum, & tanto miraculo conceptam sine originali macula deiparam virginem, nouis studuerit nuptiis, reique veneræ indulgens alias genuerit in peccato filias. Quia multi hæc non tam stulte quam inepte opinantur. Quod autem ais me omnia hæc à Fabro accepisse. Ego hoc ingenue fateor, debeoque illi pro hoc munere perpetuas gratias, ex sua siquidem doctrina illustrata mihi mens est, quia hanc veritatem cognoui. Atque vtinam suus aliquando fuisset, vel etiam nunc esse possem præsentaneus discipulus, non diffiderem me ab illo longe plura maioraque accepturum. Ideoque te in propositionum mearum calce ad illum remisi prius vincendum, ad quem adhuc te iterum atque iterum remitto, quia in tota hac tua furilium verborum congerie, nedum illum vel in vno scriptorum suorum apice loco mouisti. Interim nunc Faber & ego, amabo vt ais nescientes, audiemus te docentem (sicut dicitur, sus Mineruam) diuinarum differentiam legum, quam tu nunc magna inutilium verborum farragine ita subinfers.

¶ Apertum est enim Annam sub antiquo testamento & sub priori militasse lege in qua quidem lege matrimonium debita conseruatum honestate virginali prapollebat castitati & à fortiori vidualique imperfectioris extitit dignitatis & hoc facile est videre ex doctoribus beatissimus enim Hieronymus id in epistola contra eluidium asserit dicens inter sanctos veteris & noui testamenti cogor facere distantiam quia pro contradictione temporum alia eos oportuit subiaccere sententia & alia nos quam diu enim illa lux permansit cre-scite & multiplicabimini & replete terram & maledicta sterilisque non facit semen in Israel nubebant omnes & nubebantur & derelictis parentibus fiebat una caro quando vero illa vox insonuit tempus breuiatum est reliquum est ut & qui uxores habent sic sint quasi non habeant adhaerentes Deo vnus cum eo efficimur spiritus hac ille. Idem contra Iouinianum apertius id approbat in hac verba quomodo Abraham placuit in coniugio sic nunc virgines placent in perpetua castitate seruiuit ille legi & tempori suo. Et B. Augustinus in libro de bono coniugali dixisse meminit. Non impar meritum continente in Iohanne qui nullas expertus est nuptias & in Abraham qui filios generauit hoc ille hoc etiam manifestis ostenditur exemplis filia etenim Iepte iudicis Israel à patre immolanda duobus mensibus suam deflexit virginitatem beatissima etiam genitrix virgo etsi pudicissima esset nullum tamen Antea. Si beatissimis Augustino & Thoma credimus perpetua virginitatis emisit votum quam diuinam super hoc accepisset reuelationem. Ait enim doctor sanctus in 3. parte quia videbatur esse lege prohibitum non dare operam ad relinquendum semen super terram. Ideo non simpliciter vouit virginitatem Dei genitrix sed sub conditione si Deo placeret postquam autem innotuit ei hoc esse Deo acceptum absolute nouit hac ille. Cum autem castissima & tota virginea fuerit Dei genitrix non solum conditionaliter sed absolute castitatem nouisset virginalem sicut nunc uouent uirgines virginitas in antiqua lege matrimoniali simpliciter derasset castitati veluti hoc tempore igitur argumen-

tum nullum, nec ex consequenti beatissima Anna matrimonium incontinentia ascribendum, venit sicuti insagaciter asserit, sed perfectioni vita & obedientiali legis observationi sicuti facile est deducere. Si enim continentia matrimonialis Abrahæ, quem constat simul habuisse duas uxores, quem etiam constat veteranum mortua Sara alteri nupsisse equiparanda sit virginitati ipsius Ioannis, ut beatissimi Hieronymus, Augustinus & Thomas asserunt nulli dubium, quin & continentia matrimonialis beatissima Anna eidem equiparanda sit. Quod si equiparanda fuerit talis eius castitas virginitati ipsius Iohannis à fortiori preferenda viduitati Anna, de qua meminit Lucas eiusdem 2. ac viduitate ipsius Iudith ex his aperte concludimus Annam legi scripta seruientē exemplar incontinentia viduis huiusce tempestatis non dedisse, quin legi scripta illa in matrimonio, seruiebat hac autem legi gratia & Euangelica in continentia viduali habent subservire, sicuti & virgines in continentia virginali, quod in lege scripta alicui non licebat ex his facile est concludere nos in hoc bonis non detrachere moribus, sed potius eos fouere & legalem manutenere obedientiam castitatem non subvertere matrimonialem non dare occasionem viduis huius temporis nec Apostolicum dogma de viduis pervertere cum illa & nostra sub duabus militarint legibus in proposito omnino distinctis, unde allegatum improprie, imo contra legum intentionem trahitur exemplar, quamobrem argumentum penitus nullum.

Ego matrimonium carnis in antiqua lege, præpolluisse castitati virginali constanter nego, idque nunc multis argumentis contendere possem, nisi apud quoscunque eruditissimos Doctores hæc mea sententia recepta esset. Tamen aliqua tibi veteris legis exempla producam, quibus facile liceat videre virginitatem, castitatemque semper pluris habitam quam nuptias: ad quod primo sese offert Iesus filius Naue, virgo, innuptus, qui ob inuiolatam castitatem, ducatum obtinuit populi Israelitici, ut solus ipse educeret illum de Ægypto, & introduceret in

terram promissionis, quam Moyses nuptus non meruit
 intrare. Ipse etiam Helias Propheta, qui igneo curru coe-
 lum ascendit, virgo erat: & Heliseus super quem requie-
 vit spiritus Helię duplus: virgo permanlit, iidemq; omniũ
 soli in veteri lege mortuos suscitavunt. Virgines perman-
 serunt multi filij Prophetarum. Sacerdotis etiam soror si
 moriebatur virgo, ob hoc solum digna habebatur, cuius
 funus sacerdotali præsencia decoraretur, si vero nupta
 fuerat, vt aliena habita, legis decreto funus eius conte-
 mnebatur: ipseque templi aditus, ad quem nulli præter-
 quam sacerdotibus patebat accessus, ipsi Iacobo Adel-
 photeo Pontificum decreto permittitur, nulla alia de
 causa, n si recepta apud eos eius castimoniz & virginita-
 tis fide. Accedit huic Iohannes Baptista insignis castita-
 tis, præcursor Domini, & plusquam Propheta, quo in-
 ter natos mulierum maior non surrexit. Post hunc est
 alter Ioannes Apostolus & Euangelista, quorum castita-
 tis meritum tu audaculus, tuorum Doctorum peruerso
 intellectu, audes cum Abraham multicubijs commuta-
 re. Disce sanamente Doctores intelligere, non calumniari,
 quod scriptum est. Disce vel à tuis consophistis, di-
 stinguere inter meritum congrui, & meritum condigni,
 qui scis distinguere inter castitatem habitualement & actua-
 lem. Concedam nunc tibi à tuo Petro Lombardo, quod
 continentiam, quam Iohannes habuit actu, hanc Abra-
 ham habere potuerit in solo habitu. Concedam etiam
 par aliquod & æquale meritum, sed impariter par, & dif-
 ferenter æquale. Non enim per omnia par meritum ha-
 bet virtus ociosa in solo habitu cum illa, quæ est in actu
 proprio & reali, quæ in suo subiecto iam sit non ociosa,
 non ficta, non imaginaria, sed operans, & vera. Virtus
 enim cum dicitur mereri, dictum accipitur, quia per a-
 ctum virtutis meretur actum inquam, non tam interio-
 rem in anima, quam exterior, qui per corpus redun-
 dat. Quod si tu Doctores illos (Augustinum dico &
 Hieronymum) quos tu ex quarto sententiarum in
 hoc

hoc album produxisti, nudos in suis proprijs voluminibus legisses, videre potueras illos à tuo pollutissimo sensu penitus dissentire. Quinimo ipse Hieronymus in toto illo contra Iouinianum primo volumine, nihil magis niritur ostendere, quam in vtroque testamento castitatem ipsam continentiamque fuisse nuptiarum operi prælatam, ac falsum esse, quod tu conaris astruere, carnale matrimonium in veteri lege virginalem castitatem præcelluisse. Atque hanc ait Augustinus Iouinianum hæresim fuisse, quod sacrarum virginum meritum æquarit pudicitæ coniugali. Quod autem adducis cum Iouiniano hæretico, exemplum defletæ virginitatis filix leptæ, adhuc cum Hieronymo tibi respondeo: Exemplum illud pro te nihil efficere, sed & contra te, atque scripturam id inducere non vt tu, & Iouinianus hæreticus facitis in virginitatis opprobrium, sed vt vel paternum temerarii voti errorem notaret, parentisue fidem, præferret ei, quæ cæsa sit lugens: ostendatve hac sorte virginitatem ipsam electissimum Deo acceptissimumque sacrificium.

Verum quod ais, beatissimam Dei genitricem castitatem simpliciter non nouisse, non miror hoc à Thomisticis, ac prædicatorij ordinis aliquibus fraterculis, ita firmiter teneri. Quippe qui soletis opinionum vestrarum tam pertinaces esse, vt multi vestrum etiam immaculatam diuæ virginis conceptionem, iam ab Romana Ecclesia in generali concilio definitam, in hunc vsq; diem ausu temerario adhuc pertinaciter impugnent. Verum ego Doctorem sanctum contra me citatum, cum suis opinionibus, in re proposita sicut nec in multis aliis, non cogor recipere, nec propter hoc errare me necesse est, si aliquid secus senserit thomistica Theologia. Scio ego Christum ex virgine nasci voluisse, tamē sine matrimonio nasci nō voluisse. Scio Deiparā virginem perpetuā castitatem elegisse, tamen matrimonium Ioseph non respuisse. Sacramentum namq; hoc tam magnum est, vt operatio eius paucis dunta-

duntaxat exceptis, quibus voluit Deus notas facere diuitias gloriæ Sacramenti huius, omnes penitus lateat. Dico autem hoc non in occidente litera, non in nuptiis carnis, sed Spiritus Christi & Ecclesiæ, sicut ille reuelauit. Sed prope est, ut quadam temporis plenitudine apertius manifestetur, & impleatur, quod ipse dixit: Habeo alias oues, quæ non sunt ex hoc ouili, quas oportet me prius adducere. Sed de his nullum nobis certamen est, nisi quod tu me eo prouocasti. Alteram ergo partem nunc discutiamus, ostendendo etiam hanc sequelam tuam falsam esse, quam tu ab antecedente propositione tua talem inferre conatus es, ut (à fortiori locum inuocando) ostenderes etiam polygamiam, viduali continentia prælatam, fuerintque legis obseruantiores polygamæ, quam monogamæ, quod à nullo vnquam vel semidocto dictum est, sed & à Hieronymo pluribus in locis improbatum, & ab ipso Augustino in libro de bono coniugali, & ab Ambrosio in libro de officijs, multipliciter reuictum. Quod si etiam staret illa sententia, quod in veteri lege matrimonium præcelluerit virginitatem, fuerintque nuptæ fœliciores viduis, nunquam tamen ex hoc inferre poteris, polygas fuisse monogamis viduis laudatiores. Quod si dixeris matrimoniū in lege illa tam ineuitabiliter, quasi Diomedea necessitate præceptum fuisse, quæro ego tibi, ad quid ergo Iosua, Helias, Helisæus, Hieremias, Daniel, Ioannes Baptista, Iacobus iustus, atque Christus, hoc præceptum non adimpleuerunt? Esto nunc, sit qualitercunque præceptum, dico ego polygamiam nusquam præceptam reperiri, sed & alicubi in lege prohibitam, sicut & alicubi præceptam castitatem. Nam sacerdotalis vidua iubetur sedere in domo patris sui, nec nosse secundas nuptias, & Hieremiæ sanctificato in utero præcipitur vxorem nunquam accipere. Itaque sicut in hac lege matrimonium ascribi potest obseruationi legali, sic multinubia, quas nulla excusat necessitas, ascribi possent incontinentiæ, præsertim in mulieribus, quæ iam vetulæ viduæ

ex pri-

ex primo marito fecundata prolem pepererunt. Nec me commouent Abrahami repetita nuptia, vel tota illa Lo-
uiniana multicuborum caterua, quandoquidem illis ex-
emplis posses etiam vel meretrices extollere, si modo in
ea lege omnia licuerint mulieribus, quae viris. Sed da mihi
vel vnum sacerdotem bigamum si potes, vel vnā anum
viduam in tota sacra scriptura, quae ex primo marito fec-
cundata secundas repetierit nuptias. Hanc si dare potes,
victum me fatebor, quod si non potes, cur vnicae Annae
sterili vetulae, & sanctissimae viduae, illud contribuīs, quod
nullo certo authore comprobare potes, ac illi minime vi-
detur conuenire? Sed exponis mihi laudatam Abrahami
continentiam, etiam licet fuerit polygamus: Sed non vi-
des praelatum illi Isaac monogamum, cuius partus solus
Domini reuelatio est, qui solus inter Patriarchas Christi
typum praeferre meretur, cuius vnica vxor Rebecca, sola
inter foeminas veteris legis, nec vlla alia dominum per se-
ipsam cōsuluit, ipsaq; sola dicta est **עלמה** non **בחולה**
ob nimiam castitatem. Non minus extollitur ipse Iob, qui
vnica vxore contentus, percussit foedus cum oculis suis
ne cogitaret quidem de virgine, cuius vxor etiam (si apo-
cryphis aliqua fides est) inter insignis pietatis illustres fœ-
minas numeratur, eo quod se capillis suis (magno in fœ-
mina ornamento) priuauit, vt in omnium rerum inopia
languenti viro panem mercaretur, tuncque illum, quem
non fortunae omnis amissio, non domus incendium, non
mors filiorum, non bonorum omnium ruina, non morbi
vis, potuerant infringere, dilectae coniugis moestitia adeo
affecit, vt vir ille simplex, rectus iustus, timens Deum, re-
cedens à malo, & alioqui omnium, qui vsquam fuerint
patientissimus, diem quo genitus est demum execratus
sit. Extollit scriptura continentiam Iudith, & Annae filiae
Phanuelis, atque viduae Sareptanae, nullam vsquam quan-
tumcunque fecundam continentemue laudat polyga-
mam. Ideirco & si nulla nos cogeret certae historiae fides,
pie tamen credendum esset, beatissimam Dei genitricis
matrem

matrem Annam quotquot vnquam vſpſiam fuerint futuraque ſint viduas continentia monogamia caſtitutiſque ſanctitate præcellere, potius quam hac tua niſquam laudata polygamia fecunditate. Reſtat ergo vos bonis deſcribere moribus, qui peruerſo ordine polygamas præfertis monogamis, nec vllam inſuper vos manutenere jęgalem obedientiam, cum in tota lege nulla polygamia reperiatur præcepta, niſi forte vbi ob proliſ defectum frateri iubetur ſuſcitare ſemen fratris. I nunc & diſtingue inter vtriuſque legis propoſitum, vt non pervertas dogma Apoſtoli, non des noſtrę tempeſtatis viduis occaſionem incontinentia: vt hæc ſubtiliter diſputas apud ſciolos: Ita prædices ad populum: & quod audit ſchola, audiat & Eccleſia: Quod ſi non expedit populo inculcare ſubtilitates ſcholasticas, certe tacere expedit, & (vt ait Hieronymus) neſcire viduas bigamia indulgentiam. Conſtat autem ex his ſermonibus ac e mentita illa Annæ hiſtoria, iam multas deprauatas eſſe, & retro abiſſe poſt ſathanam, ſuoſque errores contra Apoſtolicum dogma tueri, cuius erroris maxima cauſa eſtis vos fabularum talium Magiſtri, qui eas ſedulius ac conſtantius prædicatis quam Euangelium.

At nunc iterum te pauliſpet audiamus garrientem.

¶ Quoniam autem ſecundo allegat opinionem noſtram legali repugnare obſervantia illius temporis dicens, quod nulla vidua qua ex primo marito prolem ſuſceperat repperitur ſuperinduxiſſe alias nuptias, nec conſuetudo legis id patiebatuſ ſimiliter vt aſſerit legalis obſervantia erat in eadem familia non imponere nomen. Idem pluribus fratribus, vel ſororibus abſurdumque fuiſſet Annam tres filias habuiſſe uninominas. Reſpondetur primo præſatum allegantem in hoc ſe nullatenus oſtendiſſe virum logicum nec ex conſequenti Theologum & perfectum & ſpeculatiuum quin in vita Logica non viſum eſt vnā negatiuā & qua eſt de facto nulla vidua qua ex primo marito prolem ſuſceperat repperitur ſuperinduxiſſe alias nuptias hanc concluderet affirmatiuā & qua eſt de

est de posse ergo superinducere secundas repugnat legi dic quaso an ista consequentia sit valida nullus repertus est qui industria sua humana ascenderit campanile huius ciuitatis ergo ascendere campanile huius ciuitatis repugnat industria humana certe consequentia inualida & inanis est hac & ideo penitus nulla. At ne logica solummodo videamur satisfacere fundamento suo sane penitus claudicanti. Petatur quot in antiqua lege repperiet mulieres qua castitatem conseruariint vidualem astimamus duas nec ampliores Iudith, videlicet & Annam de qua beatus Lucas 2. meminit has autem non constat non habuisse semen etiam masculinū & ideo ubi habuerint facile est etiam secundum legem cognoscere eas potuisse in viduitate permansisse. Constat etiam multas etiam sanctissimas iterato nupsisse, ut est Abigael de qua presumendum est eam ut puta fertilem sobole non caruisse, & ideo argumentum inualidum. Dicimus 3. has Annam videlicet, & Iudith Spiritu sancto mouente in viduitate permansisse & in mysterium beatissimam autem Annā propter fructum ex secundis & tertiis nuptiis subsecutū conuenientissime nupsisse qui quidem fructus prapollat castitati viduarum ceterarum. Melius est enim Ecclesia habuisse Iohannem Iacobos duos Simonem & Iudā Apostolos quam viduitatē Anna & cum consiliariis Domini nemo exstiterit ideo contra consilium domini hac argumenta nulla. Super hac ostendimus matrimoniale castitatem etiam sine actuali fructus consecutione ceteros prapollere igitur argumentum inualidum.

Cum tu in ista tui futili sequela ridendus sis ab omnibus Dialecticis, mihi hoc loci Dialectices ignorantia obliis, quam adeo vis esse necessariam, ut absq; illa neminem dicas perfectum speculatiuumque Theologum: nefasque sit illum de Christianis loqui literis, qui sese Dialecticis nugis prius totum non expleuerit. O impudentissime sophista, an non vereris mansuetissimam illam immaculati agni (dico Iesu Christi) doctrinam, quantumuis repugnantem ad Logicum rixandi artificium, & humanæ sapientiæ regulas pertrahere, atque sacratissimæ Theo-

Theologiæ abyssum logicis tendiculis taliter commensurare, quod nullus possit esse Theologus, qui Logicas præceptiunculas non didicerit? Dic mihi ô perditissime hominum, quid commercij Christo & Aristoteli? quid Logicis argutijs cum diuinæ sapientiæ mysterijs? Christus illa docet non Aristoteles, gratia non ratiocinatio, afflatus nō syllogismus: non à Logicis consequentijs nomen habet Theologus, sed à diuinis oraculis. Hinc Ambrosius in Epistolam ad Collossenses: Omnis ratio supernæ scientiæ vel terrenæ creaturæ in eo est, qui est caput earum & author, vt qui hunc nouit nihil ultra quærat. Quia hic est perfecta virtus & sapientia, quicquid alibi quæritur hic perfecte inuenitur. Tantum quoque abest à culpa ignorare logicam, vt qui sciuerit, nisi illam data opera prius neglexerit, verus Theologus esse non poterit, in quem qui cupit euadere, oportet instructum esse ad pietatem, non ad disputationem: parere scripturis, non obsequi syllogismis, ignorare Aristotelem, & scire Christum. In ipsis Theologiæ gymnasijs taceat Dialectica, fileant syllogismi, mustent sophismata: piscatoribus creditur non Dialecticis. Omnem vim inuentorum suorum in Dialectica hæretici disputantes ponunt. Et infra: Non in Dialectica placuit Deo saluare populum suum, sed in simplicitate fidei, 37. distinct. Omnem Ciniphe & ranas quibus Ægyptij sunt percussi, vanam Dialecticorum garrulitatem & sophistica argumenta intelligit Origines. 37. distinct. legimus Dialecticorum tendicula sunt quædam phantasmata & vmbræ, quæ cito resoluuntur. 37. dist. vino. Qui Dialectica arte diebus ac noctibus torquetur in obscuritate mentis graditur. Ibidem: Nonne Dialectica ars diaboli? Hieronym. in Epistol. ad Ephes. cap. 4 Fides autem est sperandarum substantia rerum argumentum non apparentium Hebr. 9. Sed quod est istud nouum hominum (ne dicam hæreticorum) genus, qui (vt inquit Paulus) non propter bonam voluntatem, sed propter contentionem Christum prædicant, qui euacuantes crucem Christi,

sti, la

sti sacratissimam Theologiam, quæ nullam sub artem cadere potest, persuasibilibus humanæ sapientiæ verbis ac logicis regulis astringunt. Quæ ea quæ nisi sola fide creduntur, suis syllogismis sese inuenire ac demonstrare posse præsumunt. Qui monitricos casus excogitantes, nouasque chimeras quotidie aduenientes, Deo & omni creaturæ illudunt: Qui pudicam matronam rapiunt in cœnobium meretricum, ac prostibulum hæreticorum. Vere tu ex illis es, sed omnis qui sophisticè loquitur, odibilis est: non illi data est à Domino gratia. Omni enim sapientia defraudatus est. Neque tamen me lætet constituendæ bonæ consequentiæ ratio, qui in eo artificio quondam apud Colonienſes Sophistas non modico temporis dispendio, ad lauream vsque magisteriumque defudaui, longe quidem melius tunc facturus, si pro Scholasticis illis nugis, bonis literis laborem illum tempusque impendissem. Sed tu tanquam oculis glaucomate vitiatis, pectoreq; venefico eo colore decimam septimam meam propositionem hoc loco effingis, quo illam non in se, sed in vitiatis oculis tuis aspexisti.

Hinc propositio mea apud te male est, quia oculus tuus nequam est, ideo in innoxia positione mea inuenisti venenum, quia pectus tuum sic cogitat, iudicans iuxta adinventiones suas. Nunc ergo absterge trabem oculorum tuorum collirio candoris, interpone specillos veritatis, purga pectus tuum fumigio ex epate piscis, ne te suffocet dæmonium Amosdeus. Ego in hac propositione mea nullum syllogismum, nullum enthymema, nullam sequelam, & consequentiam, qualem tu mihi imponis formaui, sed copulatiue dixi: Quia in tota vetere lege nulla vetula vidua, quæ ex primo marito prolem suscepit, reperitur superinduxisse alias nuptias, nec iudaicæ legis consuetudo id patiebatur. Nulla hic est illatio, nulla consequentia expressa, sed vna hypothetica copulatiua, à qua valet argumentum, quod Annæ triagamia repugnet legali obseruantia. Sed (vt prouer-

bio dicitur) Balbi non nisi balbos intelligunt, ideo quoniam hæc iuxta sophisticam tuam instructionem eisdem expressis vocibus barbaro hiatu dicta non sunt, ideo tibi digna visa sunt, in quæ nasi tui stylum luderet: Sed & ne præter ista benedixisset tibi blandiaris, audi Hieronymum illum irreprehensum Theologum hoc more, quem tu carpis, argumentantem: ita enim inquit: Nos ut hæc quæ scripta sunt non negamus, ita ea, quæ non sunt scripta renuimus. Sic ergo Annam sterilem & vetulam, ex Ioachim sterili & sene viro, Mariam virginem diuinitus illis per angelum annunciatam miraculose concepisse & peperisse credo, quia in Evangelicis literis sic scriptum legitur. Annam autem secundis & tertiis nuptiis desponsatam aliis maritis, atque ex illorum copula alias suscepisse filias, hoc quoniam in probatis canonicis scripturis non reperio, idcirco nego. Præterea cum tale quid nullam vetulam viduam fecisse in scriptura vspiciam constat, nec illiusmodi aliquod de beatissima Anna temere præsumere debeo. Sicut enim quodcumque in sacris literis legitur negare non possumus: ita quod in illis non continetur, & ratione naturalis non docet, temere asserere non debemus. Temerarium enim est, & impium de sacris literis aliquid velle definire, quod in illis non legitur, nec de illis vlla ratione probatur. Sed dic quæso, quid operatorum censes istam distinctionem tuam inter esse de facto, & esse posse? Quod si esse possit, quod nunquam fuit, ideo ne inferes beatissimam Annam fecisse, quod nullam vetulam viduam vnquam fecisse scriptura testatur, idque beatissimæ Annæ imputabis, quod etiam in Ethnicis mulieribus, ab ipsis Ethnicis vituperatum est. Portia illa iunior cum laudaretur apud eam quædam bene morata mulier, quæ secundum habebat maritum, respondit, felicem ac pudicam matronam nunquam præter semel nubere. Possem te infinitis pene exemplis docere polygamiam etiam apud Ethnicos reprobam, & monogamas semper habuisse inter matronas summam laudem atq; decus, ut Le-

lia Duellij, Portia Bruti, Valeria Seruij, ac innumeratæ aliz laudatissimæ Monogamæ: Solebant quondam apud Romanos muliebri fortunæ sacra fieri, sed nō nisi per solas monogamas licebat. Flaminicæ etiam nō nisi vnius meriti eligebatur vxor: sicut & Flamen nō nisi vnius vxoris vir admittebatur ad sacerdotium. Et in Christi Ecclesia Paulus ait: Sit Episcopus vnius vxoris vir. Diacones sint vnius vxoris viri, 1. Timoth. 3. Insuper nunc disce non à pediculosiss ac sordidis sophistis, sed à splendidis Iurisperitis, quorum scientia sola vel potissima est scientia discretionis inter verum & falsum, iustum & iniquum, quæ omnes alias scientias habet moderare, & illis vel frenum iniicere, quæ sola dat authoritatem loquendi, tacendiq; præceptum. quæ sola est scientiarum omnium regina, in qua vnius orthodoxæ fidei tutissimus portus, apud quam securissimum in dubiis refugium, certissimumq; veritatis præsidium, & vbi incorrupta seruatur Christi hereditas, qua sola stat & regitur Christiana Ecclesia, & Euangelica schola. Hinc firmiter præcipit canō, ne aliquod volumen, vel quibuscunque liber (licet etiam maximorum sanctissimorumque Theologorum fuerit editio) recipiatur, nisi sanctorum conciliorum, canonum & decretorum, summique Pontificis authoritate. Ab hac inquam scientia disce, ab huiusque Doctoribus, etiam ex non actibus induci consuetudinem, eamque etiam vel à solis mulieribus, quando videlicet populus tolerat, atque ille nō actus actum aliquem tacite includit, sicut nō nubere, includit continere, non imponere idem nomen pluribus fratribus vel sororibus, includit nomina indere diuersa. Quod tu nunc quæris mihi, quot mulieres vetulæ viduæ ex primo marito fecundatæ continuerint. Dico ego omnes. facit namq; pro me iuris præsumptio, nisi tu probes contrarium, ostēdasq; illas multas etiam sanctissimas vetulas viduas & matres, quas apud te constat iterato nupsisse. quarum si vel vnam produxeris, herbam tibi dabo. Sed quoniam hoc non potes, ne exemplo carere videaris,

illotis pedibus ac sordidis manibus, cæcisque oculis, scripturam ingressus, vnam Abigalem edueis bimaritam, de qua licet non constet, tamen tua sententia præsumendum sit, eam vt fertilem sobole non caruisse. Sed aliud est cum tuo erratico cerebro præsumere, aliud certo scripturæ testimonio constare. Nos Abigalem speciosam & facundam mulierem post mortem viri sui Nabal nupsisse Dauid, & illi filium peperisse nomine Daniele legimus, sed prolem habuisse ex Nabal stolido & pessimo viro non legimus, nec credimus, nec insuper vetulam legimus, sed pulchra forma speciosam. Sed quid est, quod tu tam audacter præsumis de Iudith, atq; Anna filia Phanuelis, dicens: Non constat non habuisse semen etiā masculinum, num idcirco constat tibi habuisse, quia non constat non habuisse? Ego de Anna Phanuelis filia vtrum filium habeat nec ne, me apud nullum authorem legisse scio. Commendatur quod vidua fuit vsque ad annos lxxxiiij. Luc. ij. De Iudith autem dicere ausim illam semen masculinum nō habuisse. Quod ea coniectura sequor, quia puellam suam Abram reliquerit hæredem, vt legitur in historiz eius fine, quam si tu aliquando legisses, iam non prætulisses polygamas monogamis. Sic namque legitur ibidem: Benedixerunt eam omnes vna voce dicentes: Tu gloria Hierusalem, tu læticia Israel, tu honorificentia populi nostri. Quia fecisti viriliter & confortatum est cor tuum. Eo quod castitatem amaueris, & post virum tuum alterum nescieris, ideo & manus Domini confortauit te, & ideo eris benedicta in æternum, Hoc eanticum de Iudith dici poterit, sed tua sententia de beatissima Anna dici non poterit, cum illi omnium maxime conueniat. Verum quod ais Annam prophetissam atque Iudith Spiritu sancto mouente continuisse, sed Annam diuæ virginis matrem conuenientissime nupsisse ob progenitorum ex se Apostolorum excellentiam, certe hoc argumento etiā quosque fornicarios incestuososq; & sacrilegos ceterosq; sceleratos concubitus tueri posses, si modo

modo proles egregia subsequuta illos excusaret collaudaretque. Siccine monialis illa conuenientissime incestum commisit, quia produxit tria illa lumina vestra, magistrum sententiarum, magistrum historiarum & compilatorem decretorum? Adeo tu Theologus hoc loci proficisti adiutorio logicę, quod nihil melioribus argumentis hæresi tuę patrocinari nouisti, præstabat etiam hæc obtulisse. Et cum consiliarius Domini nemo (ut ais) exstiterit, tamen ad veros Theologos pertinet, pia curiositate ex his, quę in sacris libris scripta sunt, diuini consilij voluntatem & mysteria scrutari? ideo dixerim: si Dei consilium fuisset beatissimam Annam (quam absque Spiritus sancti instinctu nihil horum facturam fuisse credendum est) iterato nupturam fuisse, non nesciret hoc Ecclesia, nec opus esset ad hoc persuadendum, istis tuis de Cleopha & Salome notoriis mendacijs, frigidissimisque tuis Sophisticis ratiunculis.

Non minus futilia sunt, quę modo subiungis, dicens:

¶ *Tertio allegat opinionem nostram ut diximus legali contrahere obseruantia quoniam legalis consuetudinis erat non imponere idem nomen pluribus fratribus aut sororibus, & ideo inconuenienter eas tres beatissima Anna uno appellauit nomine. Ad hoc responsuri assumptum simpliciter negamus. Quod si forsitan dixerit proponens nullum legimus id fecisse 9. consuetudinis est hoc non agere hanc verus negat Theologus speculatiuus similiter & artista hac enim consequentia nullius est roboris nullum legimus, quem occideris Barrabas ergo Barrabas nullum occidit, & ex hoc patet, quod ex argumento suo sibi contingat emolumentum Theologice nihilominus dicimus, quod & si antea mortalium nullus idem nomen duabus aut tribus imposuisset filiabus nihil tamen culpa presumptionis aut dedecoris Anna ascribendum esse, si id nomen suis tribus imposuerit. Sicuti nihil culpa presumptionis aut dedecoris ascribendum venit Apostolis in hoc, quod præter obseruationes seniorum non lotis manibus manducabant ut*

sacrum docet Euangelium Matt. 15. & ideo hoc argumentum est potius scribarum & Phariseorum Apostolos propterea redarguentium quam uirorum proborum. Nunquid petimus aliquid dedecori ascribendum est Thobie proprium nomen suo imponenti filio. Cum id non egerit Adam, Seth, Noe, Abraham, Isaac, Iacob, David, Salomon, Ezechias, ceterique antiqui patres. Nunquid praterea arguendus venit quia legalem & paternam fregerit consuetudinem certe nullatenus, quod si non nec Anna item videmus plures in presentiarum uterinos fratres eodem vocitatos nomine, quod quaso inconuenientia illis, aut eorum parentibus propterea accidit, Certe nihil sic nec Anna si tres filias appellauit Marias propterea nomen hoc Maria diuinitus est Anna reuelatum denuntiaturumque ab Angelo Deipara virginem hoc nomine vocitandam hanc obrem nulli dubium, quia hac diuinum amorem pra oculis habens aliquid deuotionis ac reuerentiae in hoc diuinitus reuelato nomine acceperit videmus autem ut plurimum edocet experientia parentes baptista, Iohannem aut Petrum reuerituros multiplicibus filiis praefatorum nomina imposuisse unde non mirum si beatissima Anna Maria nomen reueritura sequentibus id imposuerit filiabus. quid quaso ascribendum fidei si gloriosam honoraturus Mariam eius nomen duabus aut tribus imposuerit filiabus nihil sane. Sic nec beatissima Anna unde argumentum hoc puerile admodum est & nullis dignum responsis.

Nullum hic audio Theologum nec aliquid Theologice dicentem, sed perditissimum sophistam, tam ridicula & impenitentia obgannientem: nunc occidentem Barabam, nunc illotis manibus manducantes Apostolos, nunc Tobiam filio nomen imponentem tum presentium temporum experientiam inculcantem, & his reliqua te non minus absurde addiuinantem, ac si praesens omnia cognouisses. Sed cur ex tot Iudaeorum genealogijs & familijs non adducis aliquos fratres vel sorores vni nomines. Sed laudo te, quod memineris reprobatos Phariseos, eo quod redarguerent Apostolos; quia contra seniorum traditiones po-

nes comederent illotis manibus, dicente Christo: Quod iurat per os non polluere hominem, verum illud recolēs. Cur tu cum similibus exigitis à Christiano, vt sæpe non modico valetudinis discrimine abstineat carnibus vel lactiniis, & illum habes pro hæretico, qui causa quauis compulsus quocunque die quocunque cibo vescens, gratias agit Deo. Ac de interdictis cibis canum more collatando configis cum populo, ac Christianos homines ob huiusmodi aliquas præteritas ceremoniolas, seu constitutionunculas, in media illa confessionum tyrannide, tanquã asinarum molæ reos condemnas, atq; vel in capitis periculum vocas: Sed erravi hic extra propositum, & tibi bilem moui, nunc rursus demulcebo te. Fateor (non tamen à te compulsus) istud argumentum meum non adeo validum esse, quia non tam ex veris, quam verisimilibus medium sumpsi, ita vel à tuis theosophistis ac concionatoribus edoctus, qui dum sanctorum aliquem laudant, tanta augmenta inducunt, vt omnes reliquos excellere videatur: ac de virtute aliqua loquuti, eam omnibus præponunt.

Si autem vel de minimo quouis vitio leuissimoque peccatulo dicturi sunt, adeo illud vituperant, vt persuadeant nullum illo scelestius, interim non semper vera, sed quæuis etiam verisimilia assumentes. Sic & ego hic feci, atq; ista non pro necessario argumento, sed pro coniectura induxi, vt ostenderem non tam argumenta, quam coniecturas omnes sententiæ meæ fauere.

Sed nunc rursus confusionem tuam (conclusionem dicere debui) audiamus obstrepentem.

¶ Quarto asserit tenentes beatissimam Annam trinubam honori beatissima virginis detrahere ac sanctitati beatissima Anna hinc satisfacturi respondemus. Quod sanctitati beatissima Anna propter virorum multiplicitem propterea nõ detrahimus, sed eam magis commendamus veluti satis deductum est, quo autem filiarum multiplicitas in dedecus

N 4

beatif-

beatissima virginis non cadat offensuri. Annotandum indicamus hæc dedecus quam beatissimam virginem pati asserit proponens, euenit aut propter matris quam concludere videtur incontinentiam, aut propter eius fecunditatem non primum quin propterea incontinens dicenda non venit sicut nec Abrahamus, qui simul habuit duas uxores qui inquam mortua Sara, & si grādauius alteri nihilominus nup̄ sit sed potius dicenda venit beatissima Anna ex multinobio antiqua obediens legi ac subseruiens, ut volunt beatissimi Ieronymus & Augustinus & hoc satis aperte deductum est aut hanc sororum pluralitatem dicit proponens in virginis dedecus cedere propter maternam fecunditatem, & hoc nimis absurdum ab omnibus esse comprobatur. Quis enim sapientiam dixerit virum aut mulierem dedecus pati si duas habuerit sorores legitimis procreatas thoro ac nuptiis debita castitati celebratis sorores dixerim omnium virtute pollentes quales fuere Maria Cleopha & Maria Salome sane nullus. Quod si minus perfecte fuissent ymo & peccatrices quod tamen falsum iudicamus, quid Deipara virginis decoris propterea ascribendum foret quid quero dedecoris Christus patitur qui à turpissimis processit parentibus an supremus eius propterea diminuendus sit honos quia à Iuda incestuoso à David adulteri & homicida à Salomone templorum Idolatricorum constructore ab Acham Manasse Ezechia & ceteris ydolatriis & perniciosis peccatoribus à Thamar incestuosa & in Bivio sedente à Raab & Ruth gentilibus. A Bersabea adultera processit certe nullus à fortiori nullum dedecus propterea inuadit virginem ab omni alienam contagio si castas pudicas sanctas humiles habeat sorores quin imo his eius decoratur cognatio ex quo clarissime argumentum contra allegantem potius cedit, quam in nos qui clarā eius sustinemus parentelam.

Multa hic inutilium verborum cumulo iactas, & cetera temeritate aerem diuerberas, ipsis propositionibus meis octaua & decima octaua, contra quas conaris omnino

inactis, dicens satis iam per te diductum esse beatissimæ Annæ ob virorum multitudinem non detrahi. Si id modo satis per te diductum est, abunde satis per me tibi responsum est. Itaque cum tu hoc loci altius non incedis quam in superioribus quo me remittis, nec mihi opus est te supra quam in superioribus reuincere, atque hoc loci cum tuis nudis verbis pugnare. Sed heus tu, quam pie dicis te beatissimam Annam magis commendare, cum illam conaris ostendere trigamam. Nec dici vis te illi in aliquo detrahere, cui tam venerandam monogamiæ continentiam niteris auferre. Quod autem honestati sanctissimæ virginis Mariæ detrahatur, qua ratione hoc ego in decima octaua propositione mea exposui, tu tacendo dissimulas, & ut egregium sycophantam decet, magno futilium verborum strepitu, ac ineptissima quadam distinctiuncula, fingis ratiunculam quam, ut tibi videtur, impugnare valeas. Ego iterum dico tibi, plus honorant sanctissimam virginem, qui pro matris suæ viduali continentia dimicant, quam qui conficta matris trigamia, illi vel omnium sanctissimas sorores nepotes cognatosque commentuntur.

Non sic impie non sic, non ex hoc decoratur diuæ virginis cognatio, quo claram illi commentitus sis parentellam, nec multo absimiliorem illa, qualem Eluidius hæreticus olim commentitus est Christo. Non est theologus, ne probus quidem Christianus, qui quantum cunq; officiosis mendatiis ac prodigiosis fabulis sanctorum laudes decorat, sed qui ad sacras & veras historias, etiam vitæ morum ac fidei rationes accommodat. Veritas historica negat Annam illis maritis nupsisse, negat Annam illas filias peperisse. Accedit ad hoc sanctissimæ viduitatis institutio, qua decebat matrem illam cuius filia prænuntiata est castissima virginitatis idea fuisse vidualis continentię sanctissimum castissimumque exemplar. Potius igitur audiendi sunt, qui pro beatissimæ Annæ continentia monogamiaque decertant, quam qui secus agunt. Sed quid

dicis tu multinubium esse de obedientia legali, atque ita velle Hieronymum & Augustinum, idque per te aperte satis diductum. O miserabilem & cæcam tuam pertinaciam. O sanctorum patrum nequam tuam calumniam, O nephariam tuam insolentiam. Citasti in superioribus verba Hieronymi contra Eluidium & contra Iouinianum, insuper & quædam dicta Augustini, vt ais in libro de bono coniugali, quorum tamen ipse auctor est in libro de virginibus, ex eo ipso satis monstrans, te illos doctores in suis voluminibus non legisse. Veruntamen quantum ibi profeceris, eo loci satis tibi onustum est. At nunc iterum sed multo scædus spuis in gloriam sanctorum illorum, suntque posteriora peiora prioribus: nec solum non credis veritati, sed & addis infidelitati blasphemiam. Forte quia inueniet diabolus domum tuam ornatam, vacantem, & securam, ideo ingressus adhuc habitat ibi, & de sepultis cineribus rediuiua commouet incendia.

Cæterum nunc multis similitudinibus accinctus, tanquam asinus λεωντῆς amictus, contra decimam nonam propositionem meam insolescis dicens:

¶ Quinto allegat dicentes beatissimam Annam trinubiam detrabere figura quoniam sicut ex Adam unica singularis facta est Eua ita ex Anna una singularis Maria quæ est secunda Eua producta & ad hoc dicendum primo quia hæc est improba nimis est absurda figura appropriatio neque puto aliquem probatum doctorem sensisse sed fabrum suum id somniasse dic quæso ubi autentice legisti Adam qui viret Annam mulierem præfigurasse sane figura hæc est præter communem & ordinatam ipsarum figurarum seriem an non fœmina fœminarum opera figuratum designare solent & viri subsequentium operationes virorum. An non Iudith gloriosa Olifernis interemptrix virginem diabolum superantem præfigurat non hominem. An non Hester populum reconciliatura Iudaicum virginem designat humanum Deo reconcilians genus. An non fortis ille Samson ordinata figurarum serie Philisteos & vita & morte deuincens Christum
repra-

representare solet non mulierem. An non David Goliath occisurus verum Christum designauit non mulierem. An non magis teste Augustino Adam dormiens in Paradiso à quo processit Eua Saluatorem nostrum in cruce dormientem designat à quo processit ecclesia & ecclesiastica septem sacramenta Abusua sane figura appropriatio & nihil ad allegatum efficiens propositum. Dicimus secundo quod & si Adam in productione Eua beatissimam figuratiue designasset Annam non tamen ex hoc inferendum putamus quod ceteras non genuerit Marias. Clarum enim est quod Iudith unicum occidit virum utputa Olofernem non tamen iuxta figura appropriationem concludendum est beatissimam quam prefigurauit virginem unicum deuicisse demonem aut solos tartareos superasse principes quin etiam malos & obstinatos deuicerit blasphematores de Iuliano legimus. Præterea Hester solum Israeliticum qui sub potenti Assueri imperio debebat reconciliauit populum non tamen ex hoc deduci putamus beatissimam virginem solum Israeliticum Deo reconciliasse genus quin infinitam gentium multitudinem suis reconciliauit precibus Samson & David in occasione Golyad solos deuincere Phylisteos non tamen ex hoc concludendum est Christum solos superasse demones quin etiam luce clarius perfidam sacerdotum Pilati mundique deuicerit, malitiam sic & Adam Euam produciens Annam designasset à qua beatissima processit uirgo non tamen ex hoc deducendum est hanc solam genuisse cum figurato figura in omnibus respondere non habeat alias figura non esset sed rei figurata veritas:

Heu mihi quam acriter hic dimicas, quam grauiissima figurarum talenta contra me exoneras. Hei mihi quo me vortam, quo euadam?

*Vltra saeuomatas fugere hinc libet & glaciale
Oceanum.*

Sed ipse tu ab hac perplexitate me liberas cum fatearis, non esse necesse figuram figurato in omnibus respondere.

dere. Sed quomodo dicis tu Iudithem præfigurare virginem, non hominem, an tuo sensu virgines non sunt homines? Deinde ubi legisti tu Christum in cruce dormientem: Forte est aliquis sanus intelligendi modus, quem docet illa subtilissima dialectica, sine qua dicis nullum esse theologum perfectum & speculativum. At modo ad rem ipsam redeamus. Apud omnes receptum est, Euam præuaricatricem non modo ecclesiam, sed & ipsam signare Mariam, quæ hinc dicitur secunda Eua, vera mater viventium. Quod ergo inconueniens, si Adam figuret Annam, quandoquidem sicut vnica Eua ex Adam manu Dei formata est, sic vnica virgo Maria ex Anna diuino miraculo nata est. Quid mirum nunc si Adam figuret Annam, si mas fœminam quandoquidem longe ab similiores similitudines scriptura indicat: neque necessarium sit similitudines omnes sibi consentire & respondere pro qualibet sui parte. Nonne lapis angularis, & serpens ille æneus, figurant Christum: Quod remotissime similitudines sunt in canticis, quæ beatissimam virginem figurant & ecclesiam: Figuratur Marcum leo, bos Lucam, Ioannem aquila, sic tu & tui similes forte figurati estis in equo Balaam, videlicet asino, sed humana voce loquenti. Sed dices fortè apud nullum doctorum tuorum talem figuram reperiri ubi sexus fiat confusio, sed Fabrū hanc de Adam & Anna præter vsu doctorum talem excogitasse, quod facere nobis minime liceat. At nunc arrige aures portitor Balaam, & docebo te nihil per nos tentatum, quod itidem non consueuerit apud alios. Audi quendam scholasticum doctorem, sed & virum bonis literis eruditum (licet alicubi in quibusdam à Fabro dissentiat) Marcum grandiuallum, qui Mariam illam pudicissimam Martæ ac Lazari sororem, ad Moysen ipsum figuraliter refert, ac totum illud euangelicum de suscitatione Lazari, lachrymis ac fremitu Christi, precibus Mariæ, refert ad contrafactas tabulas, iram domini, & preces Moysæ. Figuratur alicubi Christus per aquilam, tu nunc si potes da aquilam marem, Opponis mihi

mihi Iudithen & Hesterem feminas feminam virginem præfigurare, at Hester etiam ecclesiam figurat cuius magna pars mares sunt, quemadmodum regina vasti iudæicam notat synagogam, ni forte figura plus debeat consonantiæ vocabulorum quam rerum. Iudithen autem castitatis exemplum, castitatis suæ remunerator, non solum feminis, sed & viris imitabilem dedit, quare & illius figuratio à masculo sexu si occasio sit non abhorrebit. Nunc ergo dico tibi, sicut ad omnes vitæ actiones cōuenit theologo figuram aliquam seu exemplum è diuinis literis venari: Ita vnumquodq; exemplum, pro temporum rerum ac personarum diuersitate ad quæ accommodatur, aliam atque aliam conueniet induere figuram. Nam ipsa scripturarum veritas variis in rebus varie relucet. Quod autem conaris dicere, quod stante figura illa qua Adam notat Annam, Euaque Mariam virginem, tamen vnitatem Eux ex Adam, non debere figurare vnigenituram. Mariæ virginis ex Anna. Certe hac tua cauilla etiam negare posses vnitatem ecclesiæ, quæ hac eadem figura denotatur. Quod cum de ecclesia non poteris, nec de Maria virgine poteris. Ea enim est diuæ virginis colligantia cum ecclesia vt quicquid in sacris literis de ecclesia dicatur etiam in ipsa miro modo quadret.

Quod autem his dictis tuis subnectis inquires.

¶ Dicimus tertio teste hieronimo argumentum à mystico sensu acceptum nullius esse roboris aut momenti & nihil ex eo apud doctos aut in scola formaliter concludendum hanc obrem si id tacuisset doctorem & formaliores argumentatorem se ostendisset.

Facis tuo more, quod velis omnia ad tuum nutum exponi, & scripturas ac argumenta non nisi pro tuo libito induci. Nec probas quod assequi nequeas, omniaque illa taceri velis, quæ cum tuo scholastico instituto pugnare videntur. Esto igitur nunc quod Hieronymus sic alicubi dixerit, quod me tamen apud Hieronymum aliquando legisse non recordor. Fatebor huius argumenti non semper
ma-

magnam vim esse, nisi ad persuadendum, minimam autem eius efficaciam esse, in illis argutis sophistis, qui hoc adeo ludunt, ut ad omnem rem quam iam antea præcogitatam secum animo adferunt persuadendam, vel ineptissimam aliquam figuram, vel ridiculosum apologum affingunt: cuiusmodi sunt, subtilis ille termocinator Iordanus, qui deceptis vocabulo pellium, ex Midianitarum tentoriis quorum meminit Abactis, pellem fecit Bartholomæi excoriati. Et magnus ille scholasticæ historiæ magister, qui ex pullis struthionis vitro inclusis, educit passionem Christi. Sed sunt istis longe subtilioris stulticiæ doctores, ut qui circuli quadraturam (eo quod scientia eius non existente scibile sit) componunt cum fide Christi: & diuinæ triadis mysterium, figurant in verbo activo, passiuo, & impersonali. Certe eiusmodi figuræ, & tuorum sophistarum fictiones, nullius roboris sunt aut momenti, sed tam frigidae & absurdæ ut nedum nihil probare, sed ne leuiter aliquid persuadere valeant, nisi alia accesserint testimonia, & nulla sit contradictio. Rursus, ualeat sæpiissime à figura argumentum, quando scilicet ex sacris libris & diuinis literis ad piam sanctamque vitam figura elicitur suis circumstantiis, personarum, temporum, locorum, modi, numeri, occasionis, præcedentium, & subsequentium, ipsarumque scripturarum collatione, sibi undique constans, & persimilis, talis reuera efficacissimum præstat veritatis argumentum. Nullum enim sic arte componi mendacium potest, ut undique sibi constet: neque tamen continuo mendacium est, quod præter singularum circumstantiarum similitudinē exponitur. Nam sæpiissime multa cadunt in figuram, non ut significant, sed ut constet historia. Rursus multa sunt in sacris literis, quæ si absque figurato sensu per rudem verborum corticem apprehenderis, non sint nisi noxia, cuiusmodi sunt diuinita tunica emere gladium, non uesci fermento phariseorum, lauare in uino stolam suam, & in sanguine uux pallium suum. Sunt & peritiosiores sensus nisi figuræ remedium

medium succurrat, ut illud: qui se castrauerunt propter regnum Dei, & illud: carbones igneos congeres super caput eius. & illud: si oculus tuus scandalizauerit te eiice illum foras, & alia multa, quæ huc adducenda forent, nisi tu cuius stomacho non sapiunt hæc scripturæ arcana mysteria, tanquam res arbitrarias, somniisque similimas, fastidires respueresque, ut in schola tua nihil formaliter concludentes. Propterea forte, si Origenes, Ambrosius, Hieronymus, Bernardus, ipse etiam Paulus Apostolus, de hoc argumentandi genere tacuissent, ac pro scripturarum allegoriis, syllogismos in datisi vel darapti producerent, doctiores & formaliores essent; & in schola tua magis haberentur in manibus.

Sed rursus nunc ad extrinsecam tuam reuertamur, & quam strenue posteriorem propositionis meæ partem redarguis audiamus. Ita namque insurgens inquis.

¶ Sexto allegat omnes sanctas mulieres quarum partus diuinitus annuntiatus est contentas illa prole fuisse nec alteram superadduxisse quod & facere debuit Anna. Ad hoc facile respondere est: Constat enim Samuelem diuinitus prænunciatum fuisse nec tamen eo ablactato proba eius desit concipere mater quin imo post eum tres filios & duas peperit filias ut regalis testatur historia & quoniam tres pro sui fulcramento nobis potest obicere fæminas Saram Abrahe uxorem Mannue Sansanis genitricem hac enim postquam domino reuelante singulos conceperunt filios post hac concipere desierunt sic & de Anna dicendum hanc negamus consequentiam & hanc negarent philosophi quoniam in arte deficit negamus iterato propter dissimilitudinem. Constat enim de Sara quod ei vetustate consumpta desierant muliebria ut ex Genesi patet. Apertum est ex euangelio Elizabeth & Zachariam processisse in dieb. suis Iudicum liber enucleat uxorem Mannue naturam sterilem esse unde non mirum si post hoc non conceperint & si ex scriptura deducendum non putemus easdem post hac continuasse quinimo probabilitas magis in contrarium cedat nec enim estimandus est Abraham geni-

genito Isaac Saram non cognouisse qui ea mortua alteram adduxit uxorem unde cum hac sterilitas in beatissima non concludatur Anna argumentum hoc contra nos nihil efficit.

Iterum te non pudet in sacris literis tam audacter adiuinare, etiam mendacia. Constat ex Regum historia Samuelem non prænunciatum, sed multip. icibus precibus, lachrymis & votis per matrem suam postulatum, cui sic adoranti benedixit Heli sacerdos. Vade in pace & Deus Israel det tibi petitionem tuam quam rogasti eum. Postquam benedictionem concepit & peperit Samuel, quo ablactato & oblato in templum domini, iterum benedixit Heli patri & matri eius, dicens: Reddat tibi dominus semen de muliere hae pro foenore quod commodasti domino. Postquam benedictionem nec antea iterum concepit adhuc, & peperit tres filios & duas filias. Hæc sunt quæ de Samuelis ortu regalis narrat historia, de prænuntiatione autem nihil, sed est hoc loci per te malitiose conficta & e mentita. Quod autem tu negas meam ut vocas consequentiam, quoniam hanc negaturi sint philosophi & artistæ. Certe ego parum facio quid artistæ & philosophi tecum de hac sensuri sint, modo illam non inticiantur veri theologi, cum quibus malim ego in consequentiarum artificio deficere, quam cum tui comparibus scholasticis sophistis (qui vobis plusquam homines videmini) argutissime colligere. Scio enim quoniam nec Apostoli quidem pacem vobiscum habituri sint, si oportuerit disputare: ut qui ipsi non satis magistraliter, seu parum dialectice fidei mysteria diuiserunt, definieruntque. Nam datam à Paulo fidei definitionem carpitis, tum quod spei conueniat, tum quod tantum loquatur de futuris. Similiter charitatis diuisionem ad Corinthios pungitis, quia Thomistico Scotidoque artificio infusam ab acquisitione non secernit, nec distinguit inter creatam & increatam. Ita non pudet vos sacrilegos sophistas, adoranda magis quam explicanda fidei mysteria, tam sordidis formalitas

malitatum, quiditatum, ecceitatum, quasalitatum, & similia portentorum monstrosis vocabulis, simulat Aristotelis, Auerrois, Porphyrii, & huiusmodi impiorum sententiis, conspurcare, omnemque christianæ theologiæ maiestatem, ad prophanas ethnicorum argutias, tanquam ad Critolai regulam adigere. Sed modo ad dicta tua reuertamur. Fateris Saraam Abraham sterilem & vetulam cui iam defecerint muliebria, sed spurco ore illam post Isaac genitum ab Abrahamo adhuc cognitam effutiris. Fateris etiam Samsonis matrem fuisse natura sterilem, Elizabeth etiam & Zachariam Ioannis parentes processisse in diebus suis, atque ideo non mirum videri debere si post annunciatos partus non conceperint. Dices insuper quod in beatissima Anna talis sterilitas non concludatur, adeo te illuminauit logica ipsa, quod præ nimio fulgore suo oculos tuos in sacris literis penitus caligare fecerit & cæcutire. Quod si tu omissis tuorum scholasticorum putidis commentis, corollariis, & conclusionibus, bonos auctores & necessarios theologo literas aliquando vel inuitus introspexisse, didicisses ex Matthæi euangelistæ historia beatissimam Annam dum Mariam virginem conciperet, non modo fuisse natura sterilem, sed etiam exactæ ætatis (vt cui iam muliebria defecerint) vetulam. At cur spretus à pontifice Ioachim? cur oblatio eius repudiata, nisi quia exactum erat tempus quo Anna iuxta naturam parere potuisset? nec solum iam natura, sed etiam ætate inhabilem. Quod etiam ex eo scire deberes, quia Elizabeth Annæ neptis, ex Esmeri sorore natu minore, iam senex erat, cum annuntiaretur beatissimæ virgini, quod filium Dei conciperet, dicente ad illam angelo (vt est apud Lucam) Ecce cognata tua & ipsa concepit filium in senectute sua.

Nec istis argumentis tuis pluris facienda sunt illa quæ hunc contra Salomonis cantica per me adducta opponis, inquires:

¶ *Septimo contra nos allegat prophetiam Salomonis can-*

ticorum sexto dicentis sexaginta sunt regine & octoginta concubine & adolescentularum non est numerus una est columba mea perfecta una est matris sue electa genitricis sue. Ac dicendum est primo prophetiam hanc secundum litteralem sensum non representasse beatissimam Annam nec eandem unicam habuisse filiam glossa enim interliniaria eam exponit de fidelibus & super lyuna habet interlinearis una simplicitate & ideo ex hoc non elicitur singularitas Postillator autem literaliter exponens ait per unam qua dicitur columba & sponsa intelligitur tabernaculum in Ierusalem ubi erat Archa quia praeter ceteris ciuitatibus & locis erat ad cultum Dei electa matris sue ecclesia triumphantis Hugo autem cardinalis exponit de ecclesia dicens una est columba mea una quidem licet plures persona. Idem una unitate fidei & hoc beatissimus corroborat Hieronymus in prologo Biblia dicens Salomon pacificus ecclesiam iungit & Christum sanctorumque nuptiarum canit dulce ephitalium. Nec aliquem probatum aestimamus doctorem qui hanc somnauerit prophetia appropriationem nisi forsitan suus Faber nec tamen ut deduximus secundum litteralem sensum qui solus dat pro opposito efficaciam argumento & ex his deduximus allegantem prophetiam hanc ad hoc propositum rudi nimis fabricasse peritia & nihil ad praesens. Secundo dicendum quod & si de Anna intelligenda esset nihil tamen contra nos est dicere quod sis una genitricis sue ubi enim una dicitur intelligendum est eam esse unicam Anna ex primo eius marito videlicet Ioa-chim vel una dicenda venit propter virtutis excellentiam & sublimitatis praeminentiam sicuti secundi regum vigesimotertio Absar frater Ioab nominatus in tribus dicitur.

Quid hic dicis quæso, an nulla scriptura possit aut debeat aliter applicari quam sonat sensus literalis, & glossa interlinearis, ac postillatores recitant? Quod est illud tuum argumentum? quæ est hæc tua sequela? glossa interlinearis ita exponit, ergo non licet quauis ratione aliter exponere: Postillator quispiam vel Hugo cardinalis sic applicant, ergo non licebit aliter applicare quam fecerint

illi. Talia ne argumenta formant qui veram didicerunt logicam? Siccine ratiocinatur perfecti & speculatiui theologi? adeo profecisti in Parisiorum sorbona? O perditissime sophista, euolue cuncta tua parua logicalia, exponibilia, insolubilia, obligatoria, omnesque sophisticos de modis exponendi & respondendi libellos, si forte posses aliquo syllogismo in baroco vel baralipton hanc tuam seqnelam saluare. Ego possem tibi innumeras ferme sacrarum literarum auctoritates producere, quas sanctissimi doctores longe aliter applicant quam litera habet & communis scholasticorum vsus, non tamen aliter quam spiritus sanctus intendat. Fecerunt hoc Apostoli, fecerunt Euangelistæ, facit & ipsa ecclesia. Allegat Paulus Atheniensis aræ inscriptionem longe aliter quam esset, allegat Matthæus Hieremiam de triginta argenteis longe aliter quam ille scripserit, allegat ex Zacharia illud: percutiam pastorem, secus quam Propheta intendit, idem & illud propheticum: Nazaretis vocabitur, quod tamen in prophetis nusquam comperitur. Exorditur Marcus euangelium suum, sicut scriptum est in Esaia Propheta: Ecce ego mittam angelum meum, quod tamen Esaïas neque scripsit neque intendit. Narrat apud Lucam Stephanus historiam de descensu Iacob in Ægyptum, sed longe alius sensus est aliaque intentio apud Genesin. Rursus an non ecclesiasticus vsus euangelium de Maria sorore Marthæ applicat beatissimæ virgini? nunquid etiam sanctis confessoribus applicat verba ecclesiastici de Christo: ecce sacerdos magnus? & quod scriptum est de Enoch: qui placuit Deo? & quod de Noë, qui inuentus est iustus? &, in tempore iracundiæ factus est reconciliatio? & quod de Abrahamo: non est inuentus similis illi qui conseruaret legem excelsi? & quod de Isaac: benedictionem omnium gentium dedit illi dominus, & testamentum suum confirmauit super caput Iacob? & quod de Mose: dilectus Deo & hominibus? Sic & cantica Salomonis multi Christo tribuunt & ecclesiæ, quidam alii animæ coniunctioni &

verbi Dei, alii beatissimæ virgini Mariæ, inter quos est nō
 spernendus doctor Alanus. Multiplices enim sensus ex-
 ponendi sacras scripturas in ecclesia recepti sunt, & ve-
 tustissima consuetudine frequentati, in quibus modo ne-
 rō retorqueat sacræ scripturæ expositionem ad id quod
 contrariatur fidei & ecclesiæ. Vnicuique in suo sensu a-
 bundare licet, magis autem libere in his quæ nondum
 sunt per ecclesiam determinata, aut quorum nihil interest
 ad fidem vtrum sint vel non sint, sic, vel aliter teneantur.
 In his enim teste Gregorio Nazianzeno, in libro contra
 Eunomianos, cui titulus est *περὶ διαλέξεως*. Vt obtinere non
 est inutile, ita peccare sine periculo. Quamobrem si ego
 cum Iacobo Stapulensi hoc Salomonis canticum, præter
 interlinearem glossam, & Hugonis aliorumque postillas,
 ad beatissimam Mariam virginem retulerim, nihil in hoc
 feci quod tu iuste queas reprehendere, qui es omnis bonæ
 eruditionis expertus: nec veros theologos, neque Bibliam
 ipsam perlegisse comprobaris, nisi fortassis ut canis è nilo.
 Sed tantummodo in tuorum consophistarum putidis &
 marcidis excerptis, ac Bianicis reportatis, vsque in hanc
 tuam senectam inueteratus dierum malorum, tanquam
βοῦς κύριος nutritus es. Porro quam nobis condonare
 rentis improprietatē in verbo soror, tu tibi præscribere co-
 naris in dictione vna, dicens hanc intelligendam esse ut
 dicatur vna duntaxat ex primo Annæ marito, vel propter
 virtutis excellentiam, vel ob sublimitatis præeminētiā.
 Hoc tibi videtur doctum & formalem argumentato-
 rem esse, sic scilicet aliqua molli & effeminata improprii-
 starum formula, & æquiocationis alicuius puerili distin-
 ctionuncula summis labris nata, tortuosaque argutia aliquo
 resilire, & elabi vel in foueam quam fecisti, ut recte in te
 lusum sit prouerbum, turdus ipse sibi malum cacat.

At nunc iterum ineptias tuas paulisper audiamus. Ais
 enim:

¶ Octauo contra nos allegat miraculum dicens quod ex
 pluralitate nuptiarum conceptus Maria non videretur mi-
 racu-

*raculosus sed potius ex concupiscentia carnis. Respondemus hoc simpliciter negando dicimus enim de beatissima Anna si post hac viginti habuisset liberos hoc non attribuendum concupiscentia sicuti nec quispiam concupiscentia attribue-
re debet conceptus multiplices & diuersos Anna Samuelis post ablaetatum Samuelem si enim quispiam mulierem aut pragnantem aut parturientem videat an de tali iudicare potest ipsam ex concupiscentia aut parturiisse aut concepisse & non ex amore filiorum procreandorum sane nequaquam. Quod si fecerit temerarie indicat nec diurnam euitat offensa temerarium iudicium prohibentem si autem de honesta qualibet non liceat hanc concupiscentiam iudicare muliere à fortiori non de Anna pudicissima igitur argumen-
tum nullum dicimus 2. conceptum beatissima virginis miraculosum nedum ex parentum conditione sed ex angelica denunciatione ac diuina nominis impositione dicimus 3. quod & miraculosus fuit ex parentum sterilitate. Quod si arguatur si Anna secundo concepit igitur non fuit sterilis. Ad hoc respondemus quod & si Anna simpliciter non fuit sterilis stat tamen Ioachim & Annam simul coniunctos steriles fuisse. Nonne videre est in presentiarum hominem ad vnam accedere non potuisse qui tamen ad alteram accedens ex ea concepit nedum ipse sed & mulier ex altero. Nunquid videre est mulierem qua & si cognita à proprio viro non conceperit à secundo tamen concepisse visa est. Sic & in presentiarum dicere conuenit & si Anna ex secundo & tertio naturaliter conceperit hoc tamen non derogat miraculo. Quin si facunditas naturalis secundas & tertias decorauit nuptias nihil tamen obest quin primas visa coniunctorum sterilitate supernaturalis adornauerit facunditas.*

Pulchre certe & magistraliter hic distinguis inter desiderium filiorum procreandorum & concupiscentiam. Sed longe magis magistrale est & ita magistrale vt intellectum meum penitus effugiat, quod videlicet dicis, hominem ad mulierem accedentem ex ea concipere. Certe hoc miraculum iam omnia miracula facile obfuscaret, quod

vir conciperet ex fœmina, si modo etiam pareret. Forte talem aliquem partum, qualem apud Horatium ficulneus ille hortorum Deus, magno cum Canidiæ & Saganæ timore fugaque olim emisit. Vere iam impletum est quod in præfatuncula conclusionis tuæ pollicitus es, te secundum exiguitates tuas aliquantulum daturum respõsum, & iuxta Sapientis prouerbium, stulto iuxta stultitiam responsurum. Tam stulte hic respondisti, vt nihil hoc dici posset stultius. Nunc autem iterum dico tibi, nequaquam credibile est Annam postquam legi, voto, & angelico mandato satisfecerat, ipsamque deiparam virginem ex utero suo per beatam sine originalis maculæ iniquatione tam ingenti miraculo peperisset, vnquam nouam desiderasse prolem, quinimo fuisset ingratißima, si tali prole, cuius inter hominum genituras nulla vnquam fuit nec futura esset dignior, non fuisset cõtenta. Quin & Ioachim etiam, vel quicumque alii, vere fuissent præsumptuosissimi & sceleratissimi, si sanctificarum tanto partu vterum, violare ac polluere præsumpsissent. Semel admonuit eam angelus quod conciperet, filiam dicens non fias: nec alias illam admonuisse legitur, nec aliud miraculum pro alia filia gignenda factum legitur. Non credimus ergo Annam gignendam aliam filiam concupiuisse, nec aliud vnquam attentasse, vterumque suum tantæ virginis sine originalis maculæ partu, nunquam desiderata alia & in originali culpa prole infecta præbuisse temerandum. Nunc ergo dic mihi quæso primum, num beatissima virgo sine originali macula concepta duntaxat vel nata sit: neque enim vsque adeo thomistica theologia te captiuauit opinor, vt hoc negaueris. Dic rursus num aliæ illæ filiæ, quas tu Annæ contribuis, ab originali culpa fuerint præseruatæ: dicere illud non audebis. Nam vos thomasti, etiam diuæ virgini Mariæ: hunc honorem, quod scilicet sine peccato originali prodierit, non nisi inuiti & timore fasciculorum (quibus mea ætate hanc ob rem plures prædicatorii ordinis thomistici doctores tam in Florentia

Italia,

Italiæ, quam in Bernaheluetiorum Romanorum pontificum sententia absumpti sunt) conceditis. Quomodo ergo nunc affirmabis, quod Anna, quæ concepit peperitve sine peccato filiam, iam tentauerit alias filias gignere in peccato, ne fortè id efficere potuerit, illa tua ridenda distinctiuncula, inter desiderium procreandæ prolis & concupiscentiam. Non minus ridendus imo & contemnendus es in sequentibus, vbi non minus detrahis pariturientis Annæ miraculo, dicens Annam sterilem non fuisse simpliciter, sed (vt tuorum scholasticorum more loqui liceat) secundum quid duntaxat, & reatiue cum Ioachim coniuncta, cum cæteris autem secundo & tertio maritis, fuisse natura fecundam. O scelestissimi sophistæ excidendam candenti ferro linguam, per quam diabolus ipse contra sanctissimam Annam adeoprehenditur blasphemasse. Quid enim dicere potuisti impudentius? atque interim gloriaris te beatissimæ Annæ non detrahere, sed te illam commendare. Si hæc tua blasphemiam diuinam euitatura sit offensam, ipsaque sanctissima Anna pro hac eius contumelia tibi vel parum propitia futura sit, plusquam miraculum erit.

Iterum nunc quædam, quæ superius fœtente stomacho eructasti, hic quasi anacephaleose quadam obliuendo resumis, ac pro insana lingua tua eandem cantilenam repetis. Quia loqui nesciens, & tacendi impotens, alia contra hunc locum argumenta non habes. Dicis itaque:

¶ Item nono allegat argumento quia dicentes Cleopham fuisse secundum Anna virum ex quo peperit Mariam Alpheo iunctam errant corde nam Maria Cleophe vt obloquitur testib. Egesippo & Eusebio non ita vocatur à patre sed à marito quia fuit uxor Cleophe. Ad hoc dicimus sufficienter nos respondisse vbi non solummodo duos sicuti effecit ipse sed multo plures antea adduximus doctores sufficientiores pro infringenda allegatorum ab ipsa phantasia. Non soli contra eos militant doctores, sed & sacer vt pradiuimus euangelii textus Iohannis deci-

monono dicentis. Erant iuxta crucem Iesu mater eius & soror matris eius Maria Cleophe.

At ego pro meis illis duobus doctoribus, ac euangelicala litera, contra tuorum glossemata & postillas, ac contra totam illam tuam, omnemque theosophistarum tuorum, non equestrem sed asininam phalangem dimicando tuis propulsis, illos meos illæfos victoresque reduxi.

Tu autem nunc magna sesquipedalium verborum pompa, tanquam claudiano tonitru exclamas.

Nec valet dicere illud damnabile & nimis absurdum dictum quod ipse proponens euangelium excecate nimis correcturus asserit non Mariam Cleophe sed uxorem Cleophe apponendum in Græco non Maria sed uxor habeatur. Non valet dixerim illud presumptuosum asserere quin si sic falsum euangelium nostrum Romana similiter & omnes latine errant ecclesia iam fidei nostra falsum subiicitur & sic inani & falsidica est scriptura nostra sacra & ex consequenti fides nostra nullius roboris ac momenti esse comprobatur. Quis quæro hoc te docuit nisi forsan unicum à somniatoribus propositum verbum. Ipsa videlicet Græca quam prædicis assertioque ut asseris habent stabant iuxta crucem Iesu mater eius & soror matris eius uxor Cleophe ex his negare volens Cleopham beatissime maritum extitisse Anna. Dic rogo an patius credendum sit scriptura Græca qua suos in præsentiarum fautores habet hæreticos à Romana diuisos ecclesia quæ quidem ut perniciosam suam foveant hæresim suos vitare non cessant doctores. Negantes enim processionem spiritus sancti à patre & filio dicunt Anastasium suum non dixisse in simbolo spiritus sanctus à patre & filio non factus nec genitus sed procedens se à patre per filium quod est contra sacrorum approbationem consiliorum & catholice determinationem ecclesia. Quin potius credendum sit sacris doctoribus nostris & Hieronymiane translationi ab ecclesia probatis forsan dices translationem hanc vitiatam hoc in præsentiarum utpote blasphemum non negare non possumus

ubi

vbi autem vitiatum in alio ostenderis, quod tamen non credimus non tamen in hoc passu ut pramissimus beatissimus ille Hieronymus hanc pro hac parte in suis corroborat Epistolis. Nec solus contra te in hoc militat Hieronymus. Si enim & Augustinum legeris super Iohannem in lib. 3. de consensu Evangelistarum. Inuenies eundem dixisse in textu Iohannis Mariam Cleophe non uxorem, nec minus militat glossa interlinearis Hugo Cardinalis & ceteri solempnes, quos ostendemus Doctores. Constat igitur tam absurda doctorum solempnium negatio propter unius scilicet Erasmi in inpraesentiarum uiuentis assertionem nec auditu dignam his sane potius credendum, quam vni & ex consequenti allegantis asserta veluti fidei scandalosa neganda, & eodem contextu videtur falsum esse, quod subiungit dicens Cleopham eundem hominem huiusmodi fuisse.

Non erat vsque huc satis tot copias tuas fudisse; tot munimenta tua subuertisse, tot sustulisse insidias. Quod nunc restat expugnandum longe horribilius est.

Centauri in foribus stabulant, scyllaeque bifformes

Disponunt enses, & scuta latentia condunt.

Totus hic in rabiem versus vocas nos damnabiles, absurdos, excæcos, præsumptuosos, blasphemos, scandalosos, somniatores, auditu indignos, fidei Euangelij ac scripturæ falsarios. Nec hoc tibi satis est, nisi ipsum etiam Erasmus Roterodamum (cuius hodie Christiana Ecclesia in sacris literis doctiorem parem uel non habet alterum) graphice momorderis, tuæque impuritatis sordibus aspergas, vocans eum vnum à somniatoribus, atque assertionem eius auditu indignam. Denique omnes Græcæ scripturæ fautores thomistico more hæreticorum fautores dicis, & hæreticos. Manhu, quid hic audio, quam horrenda criminum nomina in hoc album vocas? quo te rapit pestilens furor, & obsessæ mentis insania?

Ignescunt ira, & durus dolor ossibus ardet.

Quis te fascinauit spiritus nequam? Vbi Theologici

nominis modestiam, vbi sacerdotalis religionis continen-
tiam, vbi fraternum cucullę titulum reliquisti? Abiecasti o-
mnia retrorsum, & totus iam transformatus es in sacrum
porcum, pessimumq; monstrum:

Pallor in ore sedet, macies in corpore toto,

Nusquam recta acies, liuent rubigine dentes

Pectora felle virent, lingua est suffusa veneno.

Certe elleboro tibi opus est, ac simul experto quouis
medico, qui anticyro aliquo poculo cerebro medeatur,
nunc ergo resipisce parumper, & discere quæ olim scire de-
bueras, redi ad auriculas, & audi quæ dicturus sum, ac re-
uoca in mentem, quæ iam superius dicta sunt. Nullus
noster est, qui corrigat Euangelium, sed id ipsum ex suo
fonte, ex illa sua lingua, in qua scriptum est, repetendo de-
claramus. Dicimus itaque illud, quod in Latino codice
legitur, Maria Cleophæ, dici non filiam Cleophæ, sed v-
xorem, quod ita esse, ex Græco articulo facile discernitur,
vt superius ostendi: Et hanc ob rem Erasmus in sua tra-
ctatione addidit vxor, ne quis vulgari hoc errore deco-
ptus, hanc Mariam non vxorem, sed filiam Cleophæ ar-
bitrari posset, quod ille in super firmissimis inuincibilibus-
que rationibus ostendit, quas ego huc libenter adducere,
nisi tu me (sicut facis in istarum conclusionum tuarum
finali clausula) redarguturus sis, quia illæ in meo non cre-
uerint capite. Quod autem ais me dixisse textum Euan-
gelicum habere non Maria Cleophæ, sed vxor Cleophæ,
mentiris in caput tuum vilissime nequam. Textus Euan-
gelicus sic habet *Μαρία ἡ Κλωπᾶ*. quod Erasmus ipse,
quem citavi transtulit, Maria vxor Cleophæ. Quod autē
Græcas literas non probas, facis quidem tuo more & in-
stituto, qui non libenter laudas ea, quæ non didicisti, &
tanquam hircus ille Æsopicus, facile contemnis, quod as-
sequi non poteris. At cum tu exarmatū & elingue pecus,
vix semilatinas voces effutire quæas, Theologico confidēs
supercilio, Græcas literas iudicare condemnareq; præsu-
mis, cū tamen nemo potest esse perfectæ doctrinæ Theo-
logus

logus sine cognitione linguarum, ad minus trium, Hebraicæ, Græcæ, & Latinæ: eo quod his omnis sacra mysticaq; scriptura prodita est, In qua etiam Chaldæa lingua suam partem habet, & Arabica. Quare illarum cognitionem ad sacros codices tam intelligendos, quam restituendos, August. ipse in lib. de doctrina Christiana necessarias pronunciat; ipsiq; summorum Pontificum decretis, sacrisq; canonibus cautum est, non de sophismatibus ac Logicis reticulis discendis docendisue, sed de traditione linguarum: & ut veteris test. veritas ab Hebræis, noui fides ex Græcorum literis petatur, sine quarum peritia, si quis veram Theologicarum rerum cognitionem promittit, tota aberrat via. Ad illas namque confugiunt Hieron. August. Amb. Hilar. & quique splendidissimi Latini Doctores. Nec sufficit dicere iam omnia in Latinam linguam traducta esse, eamq; translationem sufficere: nam habet vnaquæq; lingua sibi peculiare quoddam locutionis idioma, quod integre in aliam linguam sic transfundi non potest ut eandem energiam vimq; obtineat. Fatetur hoc Hieronymus plerisque in locis, ut in Prologo super Ecclesiasticum, & in præfatione chroniconum Eusebij, ac in Epistola de optimo genere interpretandi Fatetur idem August. de vera religione, cuius verba canonisata sunt in decretis 38. distinct. in canone, qui incipit: Ea locutio. Et ut te exemplo aliquo admoneam, unde nam prouenit insignis ille lapsus Hilarij & Ambrosij in dictione **מִשְׁכָּן** & Cypriani in nomine **אֵל**, nisi quod Hebraice nesciuerunt? Quod manifestarijs ac pudendis erratis lapsi sunt, magnus ille Nicolaus de Lyra, & ille diligentissimus Theologus Thomas Aquinas, & simul etiam ipse tuus Hugo quamuis Cardinalis vocatus sit, & alij innumeri, quod suis locis annotauit Erasmus, nisi quia linguas ignorarunt vulgatæ huic translationi confisi? Quapropter coguntur sic cæcutire & impingere, ac pro Christiana veritate sæpe mera portenta docere. O utinam mihi aliquando ea fuisset loci, temporis, & præceptorum oportunitas, sacras illas linguas perdiscendi.

Nam

Nam Hebræam linguam aliquando leuiter agnoui, Græcam parum attigi, postea fortunarum mearum iniquitate ab iis literis distractus, multa rursus amisi: & licet quod superest adhuc multum me iuuat, tamen non pudebit me (si daretur ocium) rursus Græcum Grammaticulum fieri potius, quam tuæ farinæ vel primi nominis Theologū. Sed quid est, quod ais non esse credendum Græcorū codicibus, vtpotā à Romana Ecclesia diuisis. Quod si propterea in eorum literis tam ingens periculum est, quia aliqui eorum ab aliquibus Latinæ Ecclesiæ opinionibus vel fide descuerunt, vt de processione spiritus sancti, de vocabulo hypostaseos, de ceremonijs consecrandi, de potestate Papæ, & sacerdotum paupertate, ac spontaneæ mendacitatis quæstu. Certe longe plūs periculi est in Ethnicis illis vestris diis, quibus tantum authoritatis tribuitis, Aristoteli, Porphyrio, Auerroi, in quorum logomachiis dies noctesque sic occupamini, vt nec veteris, nec noui instrumenti literas interim vacet legere; cum tamen illi vni nihil vnquam cum Christo fuerit commercij alter pernitiosissimus exstiterit Christi hostis, ac religionem Christianam, quantum in se fuit impiis & sacrilegis contra Christum libris conscriptis penitus subuertere conatus sit. Tertius etiam quot hæresium occasionem dederit, nullus literarum scrutator ignorat. Denique nunc collige in vnum, quotquot sunt, in quibus Græci à Romana Ecclesia dissentiant, nihil in omnibus reperies, quod ipsi ex vitiatissimorum suorum doctorum libris, aut ex sacræ Bibliæ adulteratis exemplaribus tueatur: sola est expositionis varietas, quæ illos à nostra sententia separauit. Sunt & aliz permultæ causæ, quæ illos à Romana ecclesia separarunt, quas hic enumerare non est opus, non tamen à fidelium corpore, vt putrida membra rescicati sunt, sed tolerantur interim intra ecclesiam, si quando nostris rationibus reuicti, vel nos illis in aliquo concedentes, in vnā eandem sententiam ritumque vniamur. Sed, vt reuertar vnde digressus sum, da mihi si potes vel vnum probatum auctore,

qui

qui deprehenderit noui testam. Græcos codices, vel in vno loco falsatos fuisse, aut qui asserat nostros Latinos: illorum codicibus esse emendatiores, nullum certe reperies. Vnde ergo tibi Agasoni hæc de Græcorum codicibus censorsia virgula? Quis tibi Epicureo porco super illos sceptrum commisit? quis dedit tibi subulco illos ex Christiunorum Bibliothecis eiicere, & de illis sententiam dicere, quæ nec intelligis, nec vnquam didicisti? Sed inuenisti tu glossam interlinearem, absque his linguis perfectam, ex qua omnia potes haurire, quæ Eusebium, omnesque reliquos vincat authores, quia à semilatinis recepta est fraterculis. In cæteris autem refugis ad vulgatam illam Euangeliorum editionem, quam tu Hieronymianam vocas, sed ipse Hieronymus hanc suam esse negat. Quod autem contra Erasmus Roterodamum, ut capra contra leonem insolescis, illum paulo superius vnicum (ut ais) à somniatoribus, & Græce scripturæ hæreticum fautorem insinuans, nunc illum nominatim appellans, assertionem translationis suæ auditu non dignam, & veluti fidei scandalosam proclamando calumniaris, totum hoc iam satis dilutum est: & si opus esset pro Erasmica translatione profuse copioseque contenderem, nisi phœbeo lumini splendorem addere viderer, cum vir ille (quem ut rediuium Hieronymum, sancta Romana sedes, cum toto Cardinalium Pontificumque cœtu, & recipit & veneratur) defensorem alio seipso non egeat. Cuius nomen, ita nunc est doctrinæ excellentiæque nomen, ut nihil sit quod ad eius illustrationem addi possit ipso lucidius. Caue ergo ne tua coniectura magis sit hæretica, & auditu non digna, quam verius, ut ais Erasmi assertio.

Porto quod nunc eodē contextu ais? falsum esse Cleopham hominem binomium fuisse, cur hoc non aliqua saltem argutiuncula persuadere conaris, cum tamen ego sine authoribus non sum locutus? sed te lupi videre priores, ideo vox fugit, nec habes quo buccam adaperias. Itaque cum tu hanc positionem meam nullo modo enervare studes,

des, nec mihi hic opus est circa illam diutius insistere, sed in declarationibus meis (si occasio erit) illam latius exponendo sufficientissime probabo.

Rursus nunc insania tua paulisper fruamur, qua istis tuis ineptijs subnectis dicens.

Item & quia dictum confirmat ex filiorum Cleophae atate asserens omnes atate Christi maiores inter quos Simon Zelotes Christum undecim annis superabat ut testantur Eusebius & Egesippus. Respondemus imprimis Eusebium diuersa ymo & contraria censisse, & in vno passu reuocasse, quod in altero dixerat, & ideo allegationem hanc nihil contra nos effecisse ymo pro nobis igitur argumentum nullum. Respondemus secundo omnes nostros; quos allegamus Doctores in contrarium sentire ymo & Euangelium saltem implicite, & ob hoc opinioniones duorum in hoc paruipendendas.

Hic iterum hæres cornibus tanquam hircus in vestibus, nec habes quod opponas mihi responsum, præter hanc vitiosissimam ac puerilem suasiunculam, dicendo: Eusebium aliquando diuersa, aliquando contraria sensisse, aliquando in vno passu (sic enim Latine loqueris) reuocasse, quod alicubi dixerit in alio, & ideo nullam esse Eusebio fidem, ideo allegationem hanc nihil contra te, igitur pro te, igitur argumentum nullum. Dic quæso an non Hieronimus an non Augustinus & innumeri alij excellentissimi Doctores, sibi sæpe dissimilia, sæpe contraria scripserunt, sæpe ab una opinione sese in aliam reuocarunt, sæpe palinodias cecinerunt? num propterea respuendi sunt, & circa reliqua doctrinæ suæ vacillare dicentur? Sic hebes dicere non audebis. At cur non eo modo recipis Eusebium quo ceteros? Ipse tuus Thomas Aquinas, periculosam istam opinionem suam, non dico de rerum creaturarum necessitate, sed de adoratione crucis, & imaginum veneratione aliquando reuocauit, si Capreolo creditur. Ille namque accerrimus Thomæ defensor, cum hanc opinionem tueri excusare nequit.

quidet, afferit Thomã deinde aliter sensisse. An propterea
 tu nunc sancti Doctoris bene dicta abiecturus es retror-
 sum? Est insuper Thomas ipse sibi multis in locis mutuo
 contrarius, & a seipso diuersus, & in multis, vt qui nunc v-
 nã nunc aliam sequitur opinionem: nam in primo sententi-
 arũ, de modo essendi in loco substantiarũ separatarum,
 diuersa sentit ab his, quæ in quarto sententiarũ, & in tertia
 parte summæ tenet, vbi tractat de descensu animæ Christi.
 Item de genitis ex putrefactione, in primo sententiarũ se-
 quitur opinionẽ commentatoris, quam in septimo meta-
 physice te alibi reprobat. Sic de materia cœli, aliter sentit
 in secundo scientiarũ, aliter in secundo cœli, & in summa.
 Item de anima Christi, aliter sentit in scripto, aliter in sum-
 ma, sic & de multis alijs, quæ nimis prolixum esset recita-
 re. Nunc ergo & istos cespites tuos circumcidamus. Esto
 quod Euseb. alicubi errauerit, aliqua aliter, & aliter diuersis
 in locis recitauerit vel docuerit, aliqua etiam reuocauerit,
 certe illa, quæ ad hoc præsens propositum ex Eusebio per
 me citata sunt, neq; reuocauit ynquam, neq; alicubi aliter
 ea descripsit. Nec est alius quispiam præclarus doctor, qui
 circa hæc illum corripiat. Et quoniã in superioribus do-
 cui te (vt dicitur asinum sub freno currere) videlicet, qui-
 bus historiarum scriptoribus fides adhibenda sit, dabo tibi
 hoc loci aliam quandam regulam qua discas, cui sententiæ
 accedendum est, quando excellens aliquis Doctor, eisdem
 de rebus diuersa & contraria scripserit. Ea nunc talis erit,
 videlicet: Hinc dicto firmitus credendum esse, quod cum
 certi alicuius & antiquioris authoris testimonio, vel cum
 validiori ratione, & in proprio ac accommodato rei lo-
 co dictum est, contra quæ sine certo & antiquo aliquo
 Doctore, sine valida ratione, præter historię intentionem,
 extra proprium rei locum, seu propositum, vt ali-
 cubi inter commentandum ad dictionis aut propositionis
 alicuius consonantiam, iuxta propriam seu vulgarem
 extemporaneamue opinionem dicta sunt, hæc inuali-
 diora sunt, & alijs longe posthabenda. Quod itaque
 Simon

Simon Cleophæ filius vñdecim annis maior fuerit Christo, ex Egesippo primum, tum ex Eusebio in Ecclesiastica historia, & in Chronico sine contradictione notum, & receptum est: nam Martyr effectus est anno decimo Traiani centum & viginti annorum. Natus itaque est Simon iste circa annum illum, quo virgo beata in templum oblata est, quo tempore vixit adhuc Annæ maritus Ioachim, vt ex Matthæo manifestum est. Nec me multum commouet, quod illos tuos Scholasticos Doctores, & Aristotelicos Theologos fastu efferens, meos vt ais duos duntaxat paruipendas. Scio enim quoniam te.

Defendit numerus, iunctaq; umbone phalanges.

Magna inter molles concordia.

Scio quoniam imperitorum multitudine & barbaratumba me superas, veritatem autem ac fide nō superas, nedum æquiparas. Scio hunc morem esse apud vos fratriculos, qualem plerumq; apud istos reliquiarum institores videmus, qui hac specie adornati, quod quosdam peculiare vobis faciatis patronos, vel quod vestri ordinis, siue sectæ, siue instituti fuerint; quadam superbia, abusione: & vana gloria, adeo pro illorum laudibus decertatis. Quod cum illos conamini nimium celebres efficere, & cæteris omnibus præferre, non veremini alios quosque Christianissimos simulatque eruditissimos Doctores deprimere, & vel laceßere, interim gloriabundi & iactantes, vos esse vel sanctos Thomistas, vel subtiles Scotistas, vel inuictos Albertistas, vel constantes Occanistas, quasi non satis sit esse Catholicæ eruditos Christianos, cum tamen ipsa fidei Catholicæ doctrina, non pendeat ab illorum doctorum tuorum dissonis, & sibi inuicem repugnantibus opinionibus, sed à Christo & veritate. Itaque cum iam in superioribus illis tuis scholasticis Doctoribus sufficienter responsum est, nolo hic superfluous esse. Sed quid aistis Euangelium saltem implicate negare filios Cleophæ Christo ætate maiores? Proh impietas. Scriptura sacra manifesta est, testimonium Dei lucidum est, sapientiam præstant

stans paruulis. Non ergo qui implicant, non qui plicant, non qui replicant, ac suis sophisticis inuolucris ac stultis quæstiunculis animos, simplicium per omnem vitam aberrare compellunt, hi Christiani Doctores sunt, sed qui explicant, & elucidant sacram scripturam, à tenebris humanarum opinionum, & illam à scholasticarum ratiuncularum sorditie purgant. Tu igitur si potes explica, vbi nam ego Euangelio in hoc aduersatus sim, & victoriam habe. Sed quid ego tecum, dico te tardo, languido, exarmato, & emasculato pecude de tam manifestis rebus tam prolixè contendam? Quin ad illa, quæ subiungis me conuertam vincenda,

Ais insuper:

Decimo allegat nos multo scædus errare dicentes Salome tertium Anna maritum, qui in ea tertiam genuit Mariam, & hoc ex duobus ostendit primo quam Salome eo teste nomen est originis, ut voluit Orig. Chrysost. Hieron. non est autem consuetudinis ut asserit nomina mulierum viris appropriare aut è contra. Ad hoc responsuri confitemur præfatos Doctores dicentes Salome nomē cuiusdam mulieris fuisse, sed cum subinfert non esse consuetudinis nomina eadem esse virorum & mulierum hoc simpliciter negamus. In lingua enim sua materna vir nomen Petri sortitus vocatur Pietre similiter & mulier in lingua Gallica vir nominatus Claudius appellatur Claude similiter & mulier. Quod si & maternum & Gallicū spernit Ydomia hoc ab Euangelio nullatenus alienum esse ostendimus, in quo Iohanna nomen idem viri & mulieris esse comprobatur. Quod sit nomen viri ostendit Lucas tertio generationem Christi texens cum ait qui fuit Iohanna. Quod etiam sit nomen mulieris manifestat idem Lucas 8. cap. dicens, Erās duodecim cum illo sequitur & mulieres aliquæ, quæ erant curate à spiritibus malignis & infirmitatibus Maria quæ vocatur Magdalena & Iohanna vxor Cuze procuratoris Herodis. Ex hoc luce clarius patet. Idem nomen Iohanna viri & mulieris esse, quod si ita res se habeat, quare & Salome nomen viri & mulieris esse nō poterit. Sane nulla huius videtur

P esse

esseratio, sed potius videtur faber suus inuacuum super has laborasse consuetudine dicens consuetudines non esse virorum nomina mulieribus appropriare cum id ex sacro reprobetur Evangelii,

Tam cæcus es simul & peruersus, ut cum vel dictorum meorum non memineris, vel illa redarguere impotens sis, nequiter dissimulando fingis hoc loci sermonē, quem impugnes. Sed te fallit opinio: nam ego in decimatertia propositionum mearum dixi, Salome nomen esse mulieris: & quod ita habet Græca veritas, apud Marcum dicentem: καὶ Μαρία Ἰακώβου ἡ μικρὰ ἑ ἰωσήμῃτηρ καὶ Σαλώμῃ. Hæc capite decimoquinto leguntur. Sequenti autem capite aud eundem sic legitur: καὶ διαζυγομένης τῆς σαββάτου, Μαρία ἡ Μαγδαλινὴ, καὶ Μαρία Ἰακώβου καὶ Σαλώμῃ, ἡ ὀνόματι ἀρώμενη, his namq; in scripturis Σαλώμῃ nomen fœmineum est, & nominatiuus Græcus, quod vel pueri ipsi in ludo literario non ignorant, nisi tu malis nouam fingere Logicam, quam veram sequi Grammaticam. Accedunt ad hoc citati per me Doctores, Origenes, & Chrysostomus, quos cum negare non audeas, tamen non sine sycophantismo admittis. Ais enim illos dicentes, quoniam Salome nomen fuerit cuiusdam mulieris, quasi de alia quauis locuti sint muliere, cum eidem Doctores loquantur expresse de illa Euangelicâ Salome, matre filiorum Zebedei, quod manifeste patet apud Origenem in trigesima quinta, & apud Chrysostomum in vigesima octaua homilijs super Matthæum. Verum quia tu hic ad iungis Hieronymum, prætereundum non est, nam ego illum in hoc album non vocaui, neq; tu hæc apud Hieronymum legisti. sed apud tuum Petrum de natalibus, qui in suo sanctorum cathalogo, lib. nono cap. nonagesimo primo, sic ait: Salome discipula Christi fuit, quæ tempore dominicæ passionis, cum reliquis sanctis fœminis ad crucem astitit, & circa eius sepulturam sollicita fuit, de qua Theophilus & Chrysost. dicunt, quod hæc fuit mater filiorum Zebedæi, quod Origenes simul opinatur. Et circa finem ibidem ait. Et Hierony. in suo cathalogo tradit

tradit eam mulierem fuisse. Quod si nunc tibi aliqua fiducia est in tuo Petro de natalibus, cur illum non recipis in hoc capite, ubi cum autoritate & ratione loquitur, potius quam capitulo de Anna, ubi sine scriptura, sine patribus, sine canonibus, sine autoritate, sine ullis rationibus, nudis verbis incedens, à seipso dissimilis, ac omnino ambiguus, vulgarē fabulā decantat. Sed tu exæcatus malevolentia, ac tuæ hæresis pertinacia obstinat⁹, cū te videas hac nihil perficere, alia me aggredieris via, fingens, quinimo mentiens, dictū à me, atq; à Fabro ipso, consuetudinis nō esse virorum nomina mulieribus appropriare.

Nec tibi plus cordis, sed minus oris adesti

Quod si tu probus vir esses, non deberes nobis imponere, quæ neq; diximus, neq; scripsimus. Condescendam tamen etiā ad hanc sententiam, & dicam, apud nullum regulatū idioma, reperiri eadem viris mulieribusq; nomina contributa. Ideoq; illud futile tuū argumentum, à barbaris linguis. ac illo tuo plusq; barbaro (vtputa nullius integritatis, & iam pluries aliarum gentium cōfuso ac refuso) gallico sermone, nullius esse roboris. Nec minus futile est illud tuū argumentū de illo Hebraico nomine Iohana, q̄ tu eius linguz ac Grammaticæ omnino inscius, sub eadem terminatione, declinationeque, & viro & mulieri commune dicis, nescius, quod ille filius **ישע** exprimitur **ירחב** in masculino genere, illa vero vxor **קוצ** in fœmineo genere **ירחבה**. Si viri nomen est, **שלמה**, quod nos cum Græcis dicimus Salomō, mulieris autē nomen, **שלמי**: vel **שלמית**: quod dicimus Salome, quæ quoniā ignoras, debueras consuluisse librū illum de nominibus Hebraicis, qui Hieronymo inscribitur, ubi Salomō pacificus, Salome pacifica exponitur. Non ergo in vacuum laborauimus Faber & ego, sed tu sine omni fronte portentosus bijanus, discipulus Behemoth, ac Leuiathan, qui tam futuli ac subdola argutiuncula, ac nomine Iohanna, quod flectere, & declinare nedum didicisti, hæc effutire non verecundaris.

Non minus inepta sunt, quæ mox sequuntur, dū ait:

Secundo id nititur probare ex atatis propinquitate asserit enim beatissimum Iohannem vno anno & minus iuniorem Christo Iacobum autem maiore atate parem & pro probatione in medium affert Eusebium militem Sardanensem & beatissimum Hieronymum relinquens ex eius atatis argutia impossibile esse apud naturam Salome fuisse filiam tertiam Anna. Ad hoc respondemus dicentes hoc esse simpliciter falsum ymmo contra determinationem Doctorum, quos in medium adducit milito etenim Sardanensis suo teste fabro notat beatissimum Iohannem à seculo migrasse anno atatis sua nonagesimonono, ex Eusebio autem quem beatissimus interpretatus est Hieronymus colligitur eundem beatissimum Iohannem migrasse anno Christi 102. ex quibus manifestissime infertur beatissimum Iohannem Christo non anno vno minore natu, sed tribus & amplius. Idem est concludere ex beatissimo Hieronymo ait enim Hieronymus suo fabro teste beatissimum Iohannem decessisse anno 68. post passionem Christi. Christus autem passus est anno 33. atatis sua completo & 34. inchoato, de quo iam fluxerant menses tres, ubi autem annis 34. ut supra numeratis addideris annos 68. quibus superuixit Iohannes annum 102. sicuti enumeravit Eusebius repperies & ideo aperte constat Eusebium & Hieronymum recte conuenisse & aperte contra suum fabrum in hac re tortuose nimis fabricantem conclusisse, qui ait Iohannem anno Christi 100. migrasse. Quod quidē apud intelligentes est insomniabile ymo & sibi ipsi prefatus contradicit faber ait enim ex Hieronymo constat Iohannem decessisse anno 68. post passionē Christi. Ait in quā Iohannem obiisse 99. atatis sua anno ait Christum vno anno maiorem natu ipso Iohanna. Rogo hos computa annos super digitis tuis vel da eos computandos etiā vetula. Aperte in hac computatione non solum centum, sed centum cum vno annumerabis annos sic & illa. Nonne 32. super 68. efficiunt centum super quo est superaddendus annus veluti faber asserit, quo Christus atate superauit Iohannem igitur aperte constat quod excacare sibi ipsi suus contradixerit fa-

rit faber, aperte inquam constat quod Christus non uno anno solum, sed pluribus eo natu maior fuerit ex his concluditur nulla ex dicto nostro temporalis impossibilitas, concluditur inquam nulla proponentis ratio, qua evidenti inicitur falso ymo qui sibi ipsi apud contemplantes contradicit ex his conuincitur quod nulla suis dictis fides est adhibenda, & quod dicentes beatissimam Annam tres genuisse Marias turpi non errant corde, sed probatam à sanctis doctoribus Ecclesiastica assertionem manu tenent veritatem fidelem in suis predicationibus non scandalizant populum sed adificiant.

Tam consonat cum doctorum calculis hæc tua supputatio, quam asinus cum lyra, vt minimum dubium videatur, te illam ab aliqua delyra vetula accepisse, quam idcirco tanti facis, vt & nobis consultum velis, illam sequamur calculandi magistram:

Non audet stygius Pluto tentare, quod audet.

Effrenæ monachus, plenaq; fraudis annus.

Scis quam intelligo, cui tu à secretis es, & illa tibi. Sed noli irasci, quinimo (relicta tua hac circea vetula, quæ te Luciani & Apulei instar, in asinum, sed non aureum transformauit) nobis auriculas tuas parumper accommoda, & implebimus illas, non vetulæ alicuius anilibus fabulis, sed dogmate fidei & veritatis, ac docebimus te recte calculare, & annos currentes à completis discernere. Præfuit Romanorum monarchiæ Octavianus Augustus Cæsar, annis quatuor de sexaginta, cuius imperij currente anno quadragesimo secundo, prima ascriptione census, Cirino tunc Sirix præsidente, natus est Christus. In Bethlehem Iudææ oppido, qui annus hinc dictus est primus currens annorum Christi. Quod si modo de hac annorū summa, quibus Octavianus imperio potitus est, illos quadraginta duos annos detrahas, remanebunt anni Christi completi quatuor & decem, vel currentes decem & quinque, si subtraxeris annos natiuitatem eius præcedentes quadraginta & vnum, quibus si nunc addide-

ris annorum Tiberij decem & octo, quo decimo octavo anno currente passus est Christus, resultant anni ætatis Christi completi triginta duo, intrante eo & iam agente tricesimum tertium. Errasti ergo cum vetula tua, vbi ais, Christum passum anno ætatis suæ tricesimo tertio completo, & tricesimum quartum iam tribus mensibus ingresso. Poteras hæc rectius didicisse, si pro vetula tua consulisses illum historiarum Magistrum, cui quidem soletis vos doctorculi permultum fidei habere. Is siquidem vbi loquitur de Christi baptismo, fatetur Christum à Ioanne Baptista baptizatum anno Tiberij currente decimo quinto, ac Christo tunc intrante annum tricesimum tredecim duntaxat diebus. Tandem singulis annalibus Christi digestis, concludit illum vixisse triginta duos annos integros, & tot menses diesque, quot desuper fluxerunt à reuolutione diei nataliciæ ad passionem. His simili supputatione consonant, Beda de temporibus, & Orosius, & illi Chronographus Girlandus, & alij plures, tam sancti veteres, quam recentiores Scholastici Doctores. His itaque triginta duobus Christi annis completis, si superaddideris annos octo & sexaginta, quorum ultimo currente assumptus est Ioannes, erunt anni centum, qui est annus Traiani primus. A quibus si rursus subduxeris annos nonaginta nouem, qui sunt anni ætatis Ioannis usque ad eius assumptionem. relinquitur, Christum esse anno vno ætate maiorem Ioanne. Quod si rursus à nonaginta nouem illis annis dempseris sexaginta octo annos, quibus superfuit Ioannes post passionem Christi, relinquetur similiter Ioannes duntaxat vno anno minor Christo. Non secus comperies ex Eusebio in Ecclesiastica historia, vbi hoc cum rationibus & authoribus confirmat, atque idem in sua Chronographia, si modo diligenter introspecteris. Sed te lusciosum & indoctum Mercurium, decepit mendosa Parisiensis impressio, vbi circa tertium Traiani annorum numerum, de Ioannis assumptione legisti, illum adusque Traiani tempora superfuisse, tamen
non

non legitur illum ad hunc vsq; annum exstitisse. Tum vetusta, cæteraque Romana ac Veneta correctæ exemplaria, circa primum Traiani annum hæc habent. Ex hoc modico Typographi errore, frigida hæc coniectura vsus, asserere ausus es, Ioannem migrasse anno Christi centesimo secundo, ad quem deinceps reliquam tuam anilem ac falsam supputationem tanta magniloquentia agglutinaſti. O cæcæ & obstinatę mentis homuncule, quid tandem te arbitraris effecisse, si modo etiam probasses Iohannem Christo vel triennio vel paulo pluris ætate minorem, quem si etiam septennio & ad decennium vsq; minorem Christo probares, nedum esse poterit beatissimæ Annæ ex tertio marito nepos.

Porro nunc restat videre qua canina facundia tandem hanc conclusionum tuarum chimeram absoluis. Sic namque exspiras.

Et hæc sunt qua nobis dicenda videntur pro salubri trium sororum honore sustinendo qua omni cum honore proposita sunt.

Quomodo erit honori Mariæ Cleophæ ac Salomæ, q̃ in sanctissimæ Annæ & Deiparæ virginis vergit ignominiam? Absit hoc. Quis dicat illis sanctis fœminis honori esse, quod diabolico mendacio per te, tanquam diuæ virginis Mariæ vterinæ sorores, & beatissimæ Annæ carnalēs filiæ prædicantur, non secus quam olim suadente diabolo Eluidius ille hæreticus, sanctos illos Apostolos, qui Domini fratres dicebantur, pro Ioseph iusti & Mariæ virginis proprijs filijs, in vtrorumque simul ac Christi insignam infamiam collaudauit? At tu illi haud adeo absimilis es pestifer diabolus, qui hæc impias de sanctissima Anna fabulas, populos doces in sede veritatis, ac Christianam plebem, pro qua mortuus est Christus, ludificando seducis in falsas opiniones, verbum Dei offerens demonibus, & cum tantæ impietatis doctrinam miseris populis introducis, te ipsum pium me impium vocas. Deum

testor, non tam iratus ista loquor, quam commiseratione animarum illarum, quos tu decipere conaris.

Eat nunc Christianus populus, & vos pauperum Christi alat eleemosynis, suisque impinguet patrimonijs, suisque laboribus vos saginet ociosos, qui pro diuino verbo seminatis pestilentes fabulas, innocentes ac probos viros insuper calumnia, conuitiis, ac iniuria proscinditis. Deberent utique vobis talibus hypocritis, baculis ac lapidibus potius obturbare. Eat iterum dico Christianus populus, & excretur Turcas, quod imagines Christi & sanctorum conspurcare dicuntur, cum interim tu cucullate religionis cato, ac scholasticæ Theologiæ mercenarius Doctor cum tui similibus vitiligratores cretensesque præcones, Christum ipsum, eiusque matrem, ac auiam, cæteros electissimos sanctos, multo fœdius blasphemando conspurcatis quam illi. Quin potius in vos concitatis animis, in quos inquam Christianæ sinceritatis conspurcatores, pietatis inuersores, nouarum hæresium, contentionum, dissentionū, schismatum authores, fasciculos, ignē, gladiū conuertant, vsq; post excidiū, quemadmodū in triumpho Capnionis non male cecinit Huttenus.

*Ite omnes,, conferte struem, componite fasces,
Ferte picem, miscete faces, date sulphura ciues:
Dominici fratres morbosam exurite gentem,
Vrite qui fuerat, qui sacrum armare veneno
Edocuit Christi corpus, mortisq; medelam
Exitij causam facere. & fomenta salutis
Credita perpetua, in crudelem vertere cadem,
Num male nota cano? male nota. Sed occidit illo
Septimus Henricus gladio, mixtamq; perenni
Cum vita interitum mensis accepit eisdem
E manibus Pauline tuis. Non hoc scelus aiunt
Nostrum est, qui multis retro successimus annis.
At vester cocus ille fuit, qui miscuit artis
Condimenta noua. Semel, inquis, fecimus illud,
Bernæ negat, scelerisq; affert monumenta secundi.*

*Tempore iam nostro. Tum vos vssisse sopito
 Vulnera lessero, & sanctum voluisse videri,
 Francisci fratres iactent ne scilicet ultra
 Autori concessa suo hac insignia soli,
 Fert eadem simulata Deum responsa, iocoq;
 Mentite Maria, per vosque infecta veneno
 Sacramenta palam monstrat, scelerata Vigandi
 Vox habita ad populum, diroque asserta libello.
 Deinde remansa labris, conceptam in crimine matrem
 Num vetus historia est? Quod galla Lutetia narrat
 Vnius est anni, quoddam de plebe cadauer
 Restituisse animas, vestrasq; ut crederet arteis
 Decepisse rudem populum, pœnasq; dedisse,
 Vestra hac sunt, & adhuc multo his grauiora supersunt.
 Vestra hac sunt, ideo dignas ne effugite flammæ.
 Non venia locus est, non est locus, vrite flamma.
 Vrite sophistas, plenos errore cucullos
 Dedecora ausuros, penis abolere secundis
 Tot scelerum autores, dignos necis, vrite flamma,
 Dominici fratres, morbosam exurite gentem.*

Et hæc sunt quibus tibi ostendere oportuit quam nihi-
 li meas propositiones læsisti, & quam frustra ex tam in-
 firmis & futilibus argumentis, & in hanc rem inanibus
 auctoribus, totam hanc tuam extirpatriam (vt falso vo-
 cas) conclusionem deduxisti, quam ita tandem vocari pa-
 terer si modo me vel in vno apice vicisses.

Quod autem subiungis dicens:

*Quia tamen de doctoribus à proponente allegatus non-
 dum plane certi sumus petimus vt proponens iste auctori-
 tes Eusebii & Egesippi in originalibus ostendat denunciante
 nos paratos esse doctores à nobis allegatos in originalibus o-
 stendere.*

Quod de illis doctorum meorum dictis nedum certus
 es, non aliunde tibi euenit, nisi quia doctores illos ante
 hac minime legisti, & vt prouerbio dicitur, vix à limine

agnouisti: quorum libros etiam si vel modo tibi corā pro-
 ducerem, adhuc doctorum loca ubi hæc requirenda sunt,
 nisi alio monstrante, nescio an sciueris discernere. Itaque
 ex tua inscitia contra me insolescis, quod auctores illos ex
 suis originalib. tam capitulatim, articulatim & verbatim
 non citavi, quemadmodum tu & tui similes doctorculi
 soletis. Qui cum vestræ ignorantie mutuo conscii estis, &
 ob morū, vitæq; , ac citatarum per vos scripturarum sen-
 tentiæ dissimilitudinem, auctoritati vestræ diffiditis, ti-
 mentes quod idcirco vobis non credatur, tanquā rustica
 quædam secta, vestris infantissimis compilatis, ac sordi-
 dis excerptis contenti, cum ipsi nihil scitis, quam aliorum
 exemplis uti, tam capitulatim, atq; articulatim, meorum
 Bartholistarum more in singulis verbis & interpunctio-
 nibus occupati, testimonia citatis, ac proprii ingenii mise-
 ria, huiusmodi allegationum congerie. Vos iactantes, do-
 ctrinæ nomen vobis temere arrogatis cum interim nec in
 sapientia vestra prodestis ecclesiæ, nec in prudentia vestra
 consulitis hominibus, sed in cognitione vestra Christum
 negligitis, & in scientia vestra iniuriamini proximo, con-
 uertentes veritatem. Deo in mendacium, & hominibus
 in iniustitiā, donec reuelabitur super vos ira Dei de cœlis,
 tradens nos in reprobos sensus, dignos errore. Qui calu-
 mniamini veritatem, eiusque doctores semel perpetuo
 odio persequi proposuistis. Fecerunt hoc quondā Cel-
 sus contra Christum, Iulianus apostata contra euange-
 lium, Diotrophes contra Ioannem Euang. Apolophanes
 contra Dionysium Arcopagitam, Ischyas contra Atha-
 nasium, Ioannes Antiochenus contra Cyrillum Alexan-
 drinum, Franciscus Marionis ac Guarro Britannus con-
 tra beatissimum Bernardum. Fecerunt hoc nostris tēpori-
 bus, quidā titularis Episcopus fraterculus (cuius ineptias
 aliquādo legi nomen ad præsens nō occurrit) cōtra Ioannē
 Picum comitē Mirandulanū, atq; Iacobus Hogstratus
 ordinis prædicatorum hæreticorum inquisitor Colonien.
 contra vtriusq; iuris eruditissimum quondā præceptorem
 meum

meum Petrum Rauennatem. Idemque fraterculus, cum Arnoldo Tungaro, aliisque Colonienſibus coniuratis calumniatoribus, contra integerrimum doctiſſimumque virum Ioannem Capnionem Phorcenſem, maxima & vbi que terrarum vulgata, perpetuaque eorum infamia nequiſſime inſultarunt. Ipſe etiam Vigandus prædicatorum hæreſis a; ud Bernenſes initium atq; fomes. Idē ipſe prædicatorii ordinis fraterculus ac thomiſticus doct̃or, cōtra inſignem vtriuſq; iuris doct̃orem Sebastianū Brant. nunc Argentoracenſis ciuitatis cancellarium, & à conſiliis primarium, ſimul ac contra pleroſque alios inſignes doct̃ores, malus male aliſit. Ipſe etiam Sylueſter Prieratis, licet Pontificii Romani palatii magiſter, eiufdem prædicatorii ordinis fratricellus, doct̃orque thomiſticus, aduerſus pugnatiſſimum theologum Martin. Luth. Wittenbergenſem Auguſtinianum, non ſine inſcitix ſuæ nota inuectus eſt. At ipſe etiam Ioan. Eckius, licet vir eruditus, ac ſcholatiſce doct̃us contra eundem Luth. atque contra Andream Carloſt. archidiaconum, non abſque nigro calculo inſæliciter pugnavit. Nec deſunt inuidi ac peſtilentes detractores, qui tecū calumnientur Eraſ. Rot. atq; Iacob. Fabrum Stapulenſem, quē Pariſienſes quidā theologiſtæ, eo quod ineptā hanc noui Teſt. traductionē, q̃ tu & tui ſimiles homunculi Sophiſtæ Hieronymo intitulatis, ipſe Faber adductis argumētis Illam Hieronymi eſſe negaſſet, hæreſeos damnare voluerunt, ſeipſos interim non ſine totius Sorbonæ ignominia, imperitiæ ac malignitatis infamia perpetuo & vbiq; denigrantes. Quid de meipſo dicā, qui in re literaria non ſum dignus vt horum calciamenti corrigiā ſoluam, attamē dū olim iunior in dola Burgūdiæ exponerē librum Ioan. Capnionis de verbo mirifico, quidam Ioan. Catelineti Franciſcanorum prouincialis offenſus vocabulo Cabalæ, cū alias me nec ipſe, nec ſuorū aliquis legentem audiſſet, nec vidifſet vnquam, nec conferre auſus, poſſet me in aliquo redarguere, æſtuante rabie offenſus, longe abinde per centum leucas, vſque in Ganda Flan-

Flandriæ, coram Illustrissima Principe Margareta Cæsaris Maximiliani filia, totaque curia, in publicis concionibus nequissime ac perditissime calumniatus est, quæ res illi tandem male vortit, atque ut vixit, ita paulo post mortuus est, vix nomine superstite. Scripsimus ad eum paucissima quædam, quibus cum eo exposulauimus, sed peius periturus erat, nisi iam malus male periisset, pluraque scripturus, si quis manes eius reuocare voluisset. At nunc surrexit in me alius diabolicus frater (pene nomen elocutus eram) qui me colaphizet, & hunc hilariter excipio, confusus in spe innocentiae meæ. quia non confundar. Scio denique morem hunc esse ab antiquo, videlicet optimos quosque & doctissimos, à deterioribus pati opprobria, ut probati manifesti fiant, & veraces agnoscantur. Postremo nunc ais.

At ne in his qua proposuit scriptis humanum sibi captiuare velit fauorem significamus eum propterea nulla aut tenui laude dignum quoniam qua proposuit in suo non creuerunt capite sed omnia à quodam Petri Fabri libello accepit ubi autem aliqua ex se addiderit memoratu digna nunc virum appreciabimur.

Ab sit à me tam impium sacrilegium, ut mihi aliorum laborum fraude, laudem & fauorem quæram. limitari bonos doctores mihi licere arbitror, furari non est animus, ideo ego me illas meas propositiones, iuxta disceptationes Iacobi Fabri stapul. scripsisse, in ipsarum propositionum mearum principio atque fine ingenue fassus sum. Neque enim vlla ambitione commotus, nec meæ commendationis causa, sed vestris iniuriis in publicis popularibus concionibus vestris prouocatus & coactus veni ad scribendum propositiones illas, ne tanquam sacrilegus, de ipsius Iacobi Fabri ingenio doctrinaque sterilis & ingratus, optimam suam famam tacendi sibi surripere videret, si contra calumniatores suos in se innocente & absente defendendo silerem: tum etiam ne tanquam propriæ famæ prodigus indefensa causa mea ex innocente reus iudicer,

cer, quatenus meo silentio illam tueri neglexero. Sed tu
 vesanæ mentis caligine cæcatus nec propositionum mea-
 rum principii finisque dum hæc scriberes meministi, nec
 ipsius Fabri libellum vnquam vel præ foribus attente le-
 gisti, quod ex eo satis notum est, quod ais me omnia quo-
 dam Petri Fabri libello accepisse, cum tamen ego tibi au-
 ctorem illius nominatim cirauerim, Iacobum Fabrū Sta-
 pulensem Parisiacum, quem certe ipsa Parisiaca Sorbona,
 cæteraque eius ciuitatis scholastica theatra non adeo i-
 gnorant vel supprimunt. Quin & tu nuper inde reuersus
 mercenarius doctorculus, illum etiam saltem nominete-
 nus nouisse debeas. Nunc autem si quid tibi residuum est
 sani cordis, si quid adhuc cerebri habes, & christiani ho-
 minis consilium non respuis, ingredere Agonem pœni-
 tentiæ, in sacco, cinere, & lachrymis. Insiste orationi, vigi-
 liis, & ieiuniis fortiter inhære (grande enim scelus necessa-
 riam habet grandem satisfactionem) si quando remittat-
 ur tibi hæc blasphemia & impietas, qua contra sanctissi-
 mam Annam, tanto spurcissimorum verborum orio mili-
 tasti. Cogitasti & locutus es mala, iniquitatem in excelsis
 locutus es, posuisti in cælum os tuum, & lingua tua per-
 transit super terra. Det tibi dominus, vt melius videas, re-
 ctius iudices, & à proborum virorum calumniis abstineas,
 sed & admonerem te, si modo adsit tibi christiana pietas,
 eruditioque & doctrina non desit, vt huius tam impiæ o-
 pinionis tuæ caneres palinodiam, ac te ex mendaci ser-
 mone ad verum traduceres. Verum ignosce mihi si auda-
 cter te admoneo, nihil enim facere possum magis chri-
 stianum, nisi hortari te, vt agas pœnitentiam, quousque
 Dei misericordiam impetres. Quod si ideo me tibi inimi-
 cum existimes vera salutariaque suadentem, & in dictis
 meis scandalizatus sis, abi retro, & qua dementia hanc
 tuam calumniam incepisti prosequere, modo prestantio-
 ra scribas quam hactenus. Quod si tunc acutissima tua
 tela ferre nequero, tunc ego me duntaxat vtriusque iuris
 doctorem artium & medic. initiatum, atque humano
 san-

sanguine consecratum militem, & vt tu ais non theologum, tum quod ego fateor, laicum vxoratum, qui tantos theologicos solidos cibos gustare non valeo, abs te tam magno, pingui, crasso, dilatato, ac apud vulgus probatissimo theologo, victum fateri nō erubescam: Imo tunc herbam tibi dabo, & imponam super altare tuum vitulos. Tandem inuito te & diabolo agnoscetur & appræciabitur ipsa veritas & falsitas vel nullo impugnante seipsa cadet. En vidistis nunc cādidi lectores, qualis coruus quale ouum peperit. Quod si in hunc terfcelestum ca'umniatorem quid acrius scripsi, mordaciusue inuectus sum, ignoscite, nam fecit hoc læsa humana patientia, & veritatis patrociniū: ipseque beatiss. Hierony. vir pius & iustus, circa huiusmodi sibi sæpissime non temperat, quin in aduersarios acriter incandescat, insultet, inuehatur, etiam nominibus non parcens à quibus tamen ego huc vsq; abstinui: atque sic respondi, quasi nulli responderim, nullum tetigerim, nisi qui tacti sunt. Sint sui ipsius accusatores, & prodant semetipsos, quod si fecerint vel rursus institerint, ac ignem gladio foderint, tunc non tam volens, quam eocactus faciant vt omnia hæc soluto silentio erumpant in plurium Linguarum patentissimas voces, vt cognoscantur qui operati sunt mala, ac pro illorum iniquitate nullus patiatur innoxius. Demum ego meam iniuriam patienter feram, impietatem contra sanctissimam Annam ferre non possum: nec quisquam certe mea sententia ferre debet, qui pius Christianus esse velit.

H E N.



HENRICI CORNE-

LII AGRIPPÆ AB NETTES-

hey m armatæ militiæ equitis Aurati &

V.I.ac Medicinæ Doctoris.

TABVLA ABBREVIATA

Commentariorum in artem breuem Raymundi Lullij.

ORNATISSIMO VIRO LL.

DOCTORI ADOLPHO ROBO-

reo Agrippinensi Canonico ad Gradus

Maria virginis, Henricus Cor-

nelius Agrippa. S.D.

SCRIPSI olim commentaria in artem breuem Raymundi Lullii, doctor-eximie, hæc tandem in tabulam quandam tanquam fasciculum, contraxi, quæ memoratu facilis, cuncta commentaria subinde animo reduceret: hanc tabulam tuæ humanitati dedicatam, pro xeniolo offerendam decreui, ratus exiguum hoc munusculum, non ex suo valore, sed ex mittentis animo sis æstimaturus. Quin & collata hac tabula, cum ipsis commentariis, videbis te pari æstimatione habitum, quo is cui ipsa nostra commẽtariola olim dedicauimus, quæ vna cum hac tabula etiam ad te mittimus, Vale.

T A B V-

TABVLA ABBREVIATA COMMENTARIORVM ARTIS

inuentiuꝝ Henrici Cornelii

Agnippꝝ.

	B	<i>Deus</i>
	C	<i>Angelus</i>
	D	<i>Cælum</i>
	E	<i>Homo</i>
<i>Subiecta</i>	F	<i>Imaginatiua</i>
	G	<i>Sensitiua</i>
	H	<i>Vegetatiua</i>
	I	<i>Elementatiua</i>
	K	<i>Instrumentatiua</i>

	<i>Pater</i>	
<i>Deus</i>	<i>Filius</i>	<i>non conuertuntur</i>
	<i>Spiritus sanctus</i>	
	<i>Bonus</i>	
<i>Angelus</i>	<i>Malus</i>	
	<i>Immobile empyreū agens per attractum</i>	
<i>Cælum</i>	<i>Mobile agens per influxum</i>	
	<i>Anima rationalis</i>	<i>esse</i>
<i>Homo</i>	<i>habet</i>	<i>uiuere</i>
	<i>Corpus humanum</i>	<i>sentire</i>
		<i>intelligere</i>
<i>Imaginatiuū habens</i>	<i>Esse</i>	
	<i>Viuere</i>	
	<i>Sentire extrinsecus & intrinsecus</i>	
<i>Sensitiuum, habens</i>	<i>Esse,</i>	
	<i>Viuere,</i>	
	<i>Sentire extrinsecum.</i>	

*Vegetatiuum, habens**Esse
Viuere.**Simplex**Elementatiuum**habens solū esse substantiale.**Compositum**Naturale**Instrumentatiuum sine
accidens,**habens esse in alio.**Morale.**Quantitas**Qualitas**Relatio**Actio**Accidens naturale**Passio**Habitus**Situs**Tempus**Locus.**Discreta**Magnitudinem**Multitudinem**Quantitas,**secundum**Diurnitatem**Continua**Operationem.**Habitus & dispositio.**Naturalis potentia vel impotentia.**Qualitas.**Passio vel passibilis qualitas.**Forma & circa eam constans figura.**Contraria & contrarietates.**Superlacionem**ex natura verbi**Relatio secundum**Suppositionem**Æquiparantiam**ex natura rei**Applicationem.**Intensa.**Q**In-*

	<i>Intrinseca</i>	
<i>Actio & passio</i>		<i>Extensa</i>
	<i>Extrinseca</i>	
<i>Tempus.</i>		<i>Remissa.</i>
<i>Locus</i>	<i>Variantur quantitate.</i>	
<i>Situs</i>	<i>Intrinsecus.</i>	
<i>Habitus</i>		
	<i>Extrinsecus</i>	B Bonitas
	<i>Virtutes</i>	C Magnitudo
<i>Accidens morale</i>		D Duratio
	<i>Vitia.</i>	E Potestas
		F Sapientia
<i>Predicata absoluta.</i>		G Appetitus
		H Virtus
		I Veritas
		L Gloria
	<i>Permanens</i>	
<i>Bonitas</i>		
	<i>Fluens</i>	
	<i>Virtutis</i>	
<i>Magnitudo</i>	<i>Molis</i>	
	<i>Actionis</i>	
	<i>Æterna</i>	
<i>Duratio</i>	<i>Æuiterna</i>	
	<i>Temporalis.</i>	
	<i>Essendi & existendi</i>	<i>Naturalis</i>
<i>Potestas</i>		
	<i>Agendi & patiendi</i>	<i>Voluntaria</i>
	<i>Intellectualis</i>	<i>Sapientia</i>
	<i>Rationalis</i>	<i>Scientia</i>
<i>Cognitio</i>	<i>Sensitiva</i>	<i>Ars</i>
	<i>Instinctus</i>	<i>Fides</i>
	<i>Natura</i>	<i>Opinio.</i>

App.

	<i>Rationalis ut voluntas</i>	<i>Concupiscibilis</i>	<i>anima</i> <i>Passiones</i>
<i>Appetitus</i>	<i>Sensitiuus</i>		
	<i>Insensibilis.</i>	<i>Irafcibilis.</i>	

	<i>Intellectualis ut sapientia, scientia, prudentia</i>
	<i>Mortalis ut iustitia, fortitudo, temperantia (q̄q;</i>
	<i>Theologica ut fides, spes, charitas, gratia dona</i>
<i>Virtus</i>	<i>Animalis & sensitiua, motiua, vitalis, vegetalis</i>
	<i>Elementalis qua naturalis dicitur</i>
	<i>Cœlestis qua vocatur occulta</i>
	<i>Operationum & potentiarum secundum actionem</i>
	<i>& passionem.</i>

<i>Veritas</i>	<i>Orationis</i>	<i>secundum actum sibi usum</i>
	<i>Rei</i>	<i>secundum habitum</i>
		<i>Consummationis</i>

<i>Gloria</i>		<i>in fine</i>
---------------	--	----------------

<i>Essentia</i>	<i>Quietis</i>
-----------------	----------------

		<i>Simplex Substantialis</i>
	<i>Rei</i>	<i>Cōposita. Continuitatis</i>
<i>Vnitas</i>	<i>Rationis</i>	<i>Accidentalis</i>
	<i>Identitatis.</i>	

<i>Perfectio</i>	<i>Simplex</i>
	<i>secundum modum essendi</i>
	<i>secundum mensuram conditionis</i>

<i>Respectus</i>	<i>B</i>	<i>Differentia</i>
	<i>C</i>	<i>Concordantia</i>
	<i>D</i>	<i>Oppositio</i>
	<i>E</i>	<i>Principium</i>
	<i>F</i>	<i>Medium</i>
	<i>G</i>	<i>Finis</i>
	<i>H</i>	<i>Majoritas</i>
	<i>I</i>	<i>Æqualitas</i>
	<i>K</i>	<i>Minoritas.</i>

	<i>Expressis intentionibus</i>	<i>Essentialis</i> <i>Realis</i> <i>Accidentalís.</i>
<i>Differentia</i>		
	<i>Ex secundis intentionibus</i>	<i>Genere</i> <i>Specie</i> <i>Numero:</i>
	<i>Per similem modum collige concordantia.</i>	<i>A consilio</i> <i>Proprie ut A casu</i> <i>aquinoca secundum assi-</i> <i>milationem</i>
	<i>Signifi-</i>	<i>Compara-</i>
	<i>cata. dum usum di-</i>	<i>tiue secun-</i>
	<i>cendi.</i>	<i>Analogiam.</i>
<i>Nominis</i>		<i>Similitudi-</i>
<i>in</i>		<i>nem.</i>
		<i>translate per Oppositio-</i> <i>nem.</i>
<i>plexi.</i>	<i>Modum si-</i>	<i>Varias suppositiones</i>
	<i>gnificandi.</i>	<i>Varia accidentia gram-</i> <i>maticalia.</i>
		<i>Incom-</i>

Divisio.
Incom-

Totum essentiale, integrale, acciden-
tale in partes secundum esse & mo-
dum essendi.

Genus in species.

Superius in inferiora.

Genus in differentias oppositas vel
subiectas.

Rei. Totum secundum partes in tempore,
in. modo, quantitate.

Causa in effectus & econtra.

Subiectum in accidentia & econtra.

Virtus in operationes.

Substantia in suas potentias.

Absolutum in comparata.

Per variam attributionem.

Subiectum & predicatum,

Patientem & agentem.

Vltra patientem.

Complexi siue orationis. Modum subiecti & predicati.

Modum actionis & passionis.

Secundum variam attributionem,
expositionem & variam applica-
tionem.

Simili modo accipe collectionem,

Unionis collectorum

Partium in toto.

Mixtorum in mixto.

Continuorum in continuo.

Discretorum in discreto.

Materia & forma in uno supposito.

Aliquorum in uno tertio.

*In medio iungenti, participantis vel di-
uidenti.*

In termino concurrenti.

Consondantia.

Aequalium inter se.

Proportionum inter se.

*Effectuum, in causa & econtra secun-
dum omne genus causarum.*

Similitudinis & exempli

Coniunctionis & contingentie.

*Cognitione & agnatione vel affini-
tate.*

Vt forma cum subiecto.

*Vt ars vel instrumentum cum subiecta
materia.*

*Vt alicuius essentia vel de essentia
eius.*

Ex bis

Ex his similiter quare differentias suo modo.

Mediata.

Contrarietas

Immediata.

Contradictio, secundum idem, ad idem, similiter, in eodem tempore,

Privatiua

Oppositio

Localis

Relatiua, ut superius de accidente relationis.

Versatur pracedens triangulus inter intellectualem & sensuale.

Essentiale.

Essentialis

Accidentalis

Formalis

lis.

Coeffentiale,

Exemplaris.

vel idealis.

Intrinseca

Obiectiua.

Materialis Propinqua

Subiectiua.

Per se.

Remota.

Substantialis.

Efficiens

Antecedens Principalis.

Causale

Extrinsece.

Coniuncta Accidentalis,

Instrumentalis.

Vltimus

Occasio.

Finalis

Subordinat.

Per acci-

Fortuna

Impulsiuus

dens.

Casus

	Genus.	
	Vniuersal.	
	Species.	
Principium.	Natura.	
	Tempore	Mensura
	Ordinale. Definitione	Determinationis
	Cognitione	Coniunctionis
	Priuatium.	Forma
	Accidētale siue instrumētale.	Materia
	Generati	Doctrina
	Corrupti	Figura
Motus	Augmenta	Motus
	Diminuti.	Continētis.
	Oiginale. Alterationis.	
	Positium. Localis.	
	Prinatū.	
		Natura
	Coniunctionis	Situ
		Loco
	Mensurationis	Substantiale
		Accidentale.
	Extrimitatum	
	Operationis	
	Instrumentale.	
	Adhæssonis	
	Participationis	
	Comprehensionis	
Medium	Vnionis	
	Negationis	secundum locum
	Transitionis	secundum speciem
	Positium	secundum quietem
	Priuatium	
	Destructiūm	
	Constructiūm	

Extre-

	<i>Substantialis</i>	
	<i>Accidentalis</i>	
	<i>Secundū essentiam</i>	
<i>Extremitatū.</i>	<i>Secundum tempus</i>	<i>sive ante sive post</i>
	<i>Secundum locum</i>	
	<i>Qualitatem</i>	
<i>Corruptionis</i>	<i>Quantitatem,</i>	
<i>Defectionis</i>	<i>Esse</i>	
<i>Desitionis</i>	<i>Operari</i>	<i>secundum varias circum-</i>
	<i>Pati</i>	<i>stantias.</i>
	<i>Perfectionis quam superius distinxiimus.</i>	
	<i>Naturaliter</i>	
<i>Priuationis</i>	<i>Moraliter</i>	
	<i>Artificialiter</i>	
<i>Maioritas,</i>	<i>Variantur secundum genera quantitatis</i>	
<i>Æqualitas</i>	<i>& magnitudinis, de quibus supra, & iste</i>	
	<i>Triangulus versatur inter substantiam</i>	
<i>Minoritas.</i>	<i>& accidens.</i>	

Q s Divisio

	Diuisiones		
	Essentialia		
	Substantialia		
	Accidentalialia		Secundū se.
	Genera		
	Species		
	Differentias		Respectiue.
	Propria		
	Accidentia		
	Proprias passiones		Cōparatiue.
	Actus		
Multiplicā- tur subiecta, pradicata, et respectus ar- tis, etiā ter- mini extra- nei per	Operationes		
	Passiones		
	Virtutes		
	Potentias		
	Partes		
	Principia		
	Causas		
	Effectus		
	Similia		
	Conuenientia		
	Opposita		
	Priora		
	Posteriora		
	Exempla		
	Respectus		
	Extranca		
	Complexione varia		
	Varia pradicatione		
	Varia separatione & coniunctione.		
		Considerā- do hac om- nia diuer- simode	Secundū in- esse vel non inesse.
			Secundū se vel aliter se habere.

Quaestiones

B Vtrum
C Quid
D De quo
E Quare
F Quantum
G Quale
H Quando
I Vbi
K Quomodo & cum quo
Necesse

Possibile vel impossibile
Contingens.

Vtrum

Prima intentionis
Enitas ut si est.
Secunda intentionis.
Essentiale, ut quid est in se, quid est in alio.

Quid rei

Qualitercunque explicas.

Quid nominis

Essentialiter,

Accidentaliter.

Quid personale ut quis per omnes casus.

Pars in toto & è contra.

Inferius in superiori & è contra.

Quid

QVID.

Quid contentiuū, *Forma quæuis in materia.*
ut quid habet *Potentia in virtute.*
in se sine, *Locatum in loco.*
Acti- *Causa in effectu & è contra,*
& huiusmodi plura.

Operatiuum

Passi-

ue.
Primitiuum ut à quo
Materiale.

Conuersiue.

Effectiue.

De quo

Constitutiuæ.

Compositiue.

Deriuatiue.

Possessiue ut cuius.

Originaliter.

Formaliter

Finaliter ut propter quid

Quare

Positiue.

Illatiue seu consequutiue

Magnitudinis

Multitudinis, ut quot

Ordinis, ut quotus

Multiplicitatis, ut quotuplex.

Distributionis, ut quotiens.

Quantum

Rei

Propositionis

Accidentis cuiusq; intensi, extensi vel
remissi

Continuum

Discretum.

Essen-

Quale

Essentialiter
 Coessentialiter
 Accidentaliter
 Conuertibiliter
 Proprie
 Appropriate.

Quomodo multiplicatur per regulas

C
 D
 K

Repletium

Diffinitium

Vbi Occupatium

Multiplicatur

C
 D
 K

Contentiuū vt in quo

per regulas

Quarens principium

motus vt unde.

Essendi.

Quomodo

Operandi

Essentialiter

Primario.

Attributionis

Accidentaliter

Secundario.

Instrumentale

Cum quo

Medij vt per quid

Conuenientie vt cui.

Est pars per modum

Differentia

Proprij.

Est pars & in parte per modum

Actionis

Passionis.

Sunt partes in toto & è cōtra & hoc

Constitutiuæ

Compositiuæ.

Perfectionis

Totum transmittit similitudinem
 suam & suarum partium extra se
 secundum modum

Finis.

Multi-

Quomodo & cū quo.

	Multiplicatione.
	Collectione.
	Similitudine.
Termini extra-	Vicinitate.
nei inueni-	Oppositione.
untur.	Ex propriis communibusque principis rerum.
	A parte subiecti.
	A parte predicati.
Mixtio figura-	A parte modi aut cuiusq ³ horum mixtim.
rum.	Terminorum artis inter se.
	Terminorum artis cum extraneis.
	Terminorum extraneorum inter se.
	In una figura.
	In diuersis & pluribus.
Ex natura præ-	Vniuoca
dicati.	Communis.
	Denominatiua
	Simpliciter
	Ex hypothesi
	Genus
	Species
Secundū attri-	Naturalis siue neces-
butionem.	saria.
	Contingens siue acci-
	dentalis.
	Differentia
	Proprium
	Remota siue impossibilis.

	<i>Directa</i>	
<i>Secundū ra-</i>	<i>Indirecta.</i>	
<i>tionem pra-</i>	<i>Æqualis</i>	
<i>edicationis.</i>	<i>Mediata.</i>	
	<i>Absoluta</i>	
	<i>Comparatiua:</i>	
<i>Secundum</i>	<i>Vera</i>	<i>Secundum conuenientiā</i>
<i>qualitatem</i>		<i>orationis cum re</i>
<i>predicatio-</i>		<i>Secundum Affirmati.</i>
<i>nis:</i>	<i>Falsa</i>	<i>qualitatē. Negatiua.</i>
		<i>Vniuersal:</i>
		<i>Secundum Particula:</i>
		<i>quātitatē. Indefinit.</i>
	<i>Secundū inesse.</i>	<i>Reduplica</i>
		<i>Exceptiue</i>
<i>Secundum</i>	<i>Secundum modū</i>	<i>Separatiue</i>
<i>modum pra-</i>	<i>terminorum.</i>	<i>Comparati</i>
<i>edicationis.</i>		<i>Varie ex-</i>
	<i>Secundū modum</i>	<i>ponibiles.</i>
	<i>propositionis dici</i>	
	<i>poteſt, ut quod</i>	
	<i>de ea dici poteſt.</i>	

	<i>Ex genere & differentia</i>	<i>Proprie proprium.</i>
	<i>Ex genere proprio siue sit</i>	<i>Accidens</i>
	<i>Ex partibus.</i>	<i>proprium,</i>
	<i>A causa secundum quodlibet</i>	<i>Actuales</i>
	<i>genus Causa</i>	<i>Aptitudi-</i>
	<i>Per effectum & operationes</i>	<i>nales.</i>
	<i>Per potentiam vel obiectum</i>	<i>Potentiales.</i>
<i>Diffinitio</i>	<i>Per potentiam & actum</i>	
	<i>Per esse & essentiam</i>	
	<i>Per respectum & relationem</i>	<i>& è contr.</i>
	<i>Ex fine rei</i>	<i>C</i>
	<i>Per distantiam extremorum</i>	<i>D</i>
	<i>Per abnegationem oppositi</i>	<i>E</i>
	<i>Per species reliquarum figura</i>	<i>F</i>
	<i>Q. ex</i>	<i>G</i>
		<i>H</i>
		<i>I</i>
		<i>K</i>

	<i>Syllogismus</i>
	<i>Enthymema</i>
<i>Argumentum vel est</i>	<i>Inductio</i>
	<i>Exemplum</i>
	<i>Argumentatio perfecta.</i>

	<i>Antecedens</i>
<i>Medium argumenti vel est</i>	<i>Consequens</i>
	<i>Extraneum.</i>

Diuisione & partitione
Diffinitione & inter-
pretatione.

Coniugatis

Genere

Specie

Similitudine

Differentibus

Contrariis

Intrinseca

A.

Coniunctis

Repugnantibus

Antecedentibus & con-
sequentibus.

Causa efficiente

Effectu

Maiori

Minori

Paribus

Attributis persona

Oracula

Autoritates

Confessata

Vulgi opinio

Secta

Pacta

Extrins-

ca Ab.

Sententia

Iudicium

Vsus

Leges

Attributis negotiorum

Ante rem.

Cum re.

Post rem.

Nomen

Natura

Fortuna

Studium

Victus

Habitus

Casus

Affectus.

Quid nam

Cur

Quib. auxilijs

Vbi

Quomodo

Quando

& huiusmodi.

R

Auto-

*Loci acci-
dentales*

*Ad exordien-
dum & mo-
nendum ani-
mos utiles*

*Ad confutan-
dū seruientes*

*Authoritate
Relatione
Facilitate
Dissimilitudine
Consilio
Exaggerando
Non-vulgari
Comparatione
Consequentia
Demonstratione
Conuersione
Vifortuna
Tolerantia
Deploratione
Conuertentia
Humanitate
Commendatione
Vtilitate
Confessione
Exclamatione
Admiratione
Aggressionē
Intermissione
Promissione. Et eiusmodi
Attenuatione
Admonitione
Retorsione, Illusione,
Contemptione,
Suspicionē,*

Sola

<i>Solutio qua- stionum.</i>	<i>Figura A.</i>	<i>Directe</i>
	<i>Figura T.</i>	
	<i>Figura duplex</i>	
	<i>Figura multiplex</i>	<i>Indirecte</i>
	<i>Subiecta</i>	
<i> Applicatio q- stionis ad in- ueniendū ve- ritatem solu- tionis consistit in his :</i>	<i>Regula</i>	
	<i>Prima figura</i>	<i>Argumentā- do per varia media & di- uersa loca.</i>
	<i>Secunda figura</i>	
	<i>Tertia figura</i>	
	<i>Quarta figura</i>	
	<i>Tabula magna</i>	
	<i>Euacuatio tertia figura</i>	
	<i>Multiplicatio quarta fig.</i>	
	<i>Mixtio Principiorum & regularum</i>	
	<i>Diffinitiones principiorum</i>	
	<i>Species triangulorum</i>	
	<i>Regula quaestionum</i>	
	<i>Species regularum.</i>	
	<i>Nouem subiecta.</i>	
	<i>Termini extranei.</i>	

	Soluendo Verborum fallacias & ostend- edo fal- sitatem.	Sententiarū	Per defe- ctum	Forma	
				Materia	
	Ostendendo di- uersitatem			Distinctione	Et huius- modi
				Coniunctione	
				Comparisonem	
				Constructione	
				Subiectorum	
				Principiorum	
				Mediorum	Et huius- modi.
				Causarum	
				Secundum aliter inesse	
				Secundum aliter referrī	
				Falsus	
				Male dictus	
				Negatione auctoritatis	
				Destructione rationis	
				Per potiore[m] aliam rationem	
				Per rationem & autoritatē oppositā	
				Per sequelam inconuenientis	
				Excipiendo aliquod spirituale	
				Ratione differentia	
				Similitudinis	
				Causationis	
				Effectiōnis	
				Respectu, Separatione, Coharentia	
				Contraria applicatione & hu- iusmodi.	

Dissolutio argumentorum.

		<i>Magnis</i>	
	<i>Attentos</i>	<i>Novis</i>	<i>Ex ipsa re subiecta</i>
	<i>quia de</i>	<i>Inusitatis</i>	<i>Non vulgari</i>
	<i>rebus</i>	<i>Cohortatione</i>	<i>Non commune</i>
		<i>fit</i>	<i>Non nimis prolixum</i>
<i>Exordium</i>		<i>A nostra</i>	<i>Non superfluum</i>
<i>facit</i>	<i>Beneuo-</i>	<i>Ab auditorum</i>	
	<i>los</i>	<i>Ab aduersarii</i>	
		<i>A re ipsa</i>	
		<i>A contemplatione breui</i>	
		<i>Dociles Diuisione breui</i>	
		<i>Hac omnia sunt occulte per insinuationem.</i>	
		<i>Nullo cursu</i>	
		<i>Nullis ambagibus</i>	
	<i>Breuis</i>	<i>Sine repetitione</i>	
		<i>Sine reduplicatione</i>	
		<i>Solis necessariis</i>	
<i>Narratio siue rei</i>		<i>Propriis & usitatis verbis</i>	
<i>siue negotii Clara</i>		<i>Debita accommodata pronun-</i>	
		<i>tiatione.</i>	
<i>Credibilis</i>		<i>Verisimilis</i>	
		<i>Debitis circumstantiis</i>	

<i>Dissolutio argumentorum.</i>	<i>Soluendo Verborum</i>	<i>Forma</i>	
	<i>fallacias</i>	<i>Materia</i>	
	<i>& ostendēdo falsitatem.</i>	<i>Per defectum</i>	<i>Distinctione</i>
	<i>Sententiarū</i>		<i>Coniunctione</i>
			<i>Comparatione</i>
			<i>Constructione</i>
		<i>Subiectorum</i>	
		<i>Principiorum</i>	
		<i>Mediorum</i>	
		<i>Causarum</i>	
	<i>Ostendendo diuersitatem</i>	<i>Secundum aliter inesse</i>	<i>Et huiusmodi.</i>
		<i>Secundum aliter referri</i>	
		<i>Falsus</i>	
		<i>Male dictus</i>	
		<i>Negatione auctoritatis</i>	
		<i>Destructione rationis</i>	
		<i>Per potiore aliam rationem</i>	
		<i>Per rationem & autoritatē oppositā</i>	
		<i>Per sequelam inconuenientis</i>	
		<i>Excipiendo aliquod spirituale</i>	
	<i>Improbatione argumenti & destructione loci ut quia</i>	<i>Ratione differentia</i>	
		<i>Similitudinis</i>	
		<i>Causationis</i>	
		<i>Effectiōis</i>	
		<i>Respectu, Separatione, Coharentia</i>	
		<i>Contraria applicatione & huiusmodi.</i>	

		<i>Magnis</i>	
	<i>Attentos</i>	<i>Novis</i>	<i>Ex ipsa re subiecta</i>
	<i>quia de</i>	<i>Inusitatis</i>	<i>Non vulgari</i>
	<i>rebus</i>	<i>Cohortatione</i>	<i>Non commune</i>
		<i>fit</i>	<i>Non nimis prolixum</i>
<i>Exordium</i>		<i>A nostra</i>	<i>Non superfluum</i>
<i>facit</i>	<i>Beneuo-</i>	<i>Ab auditorum</i>	
	<i>los</i>	<i>Ab aduersarii</i>	
		<i>A re ipsa</i>	
		<i>A contemplatione breui</i>	
	<i>Dociles</i>	<i>Diuisione breui</i>	
	<i>Hac omnia sunt occulte per insinuationem.</i>		
		<i>Nulla cursu</i>	
		<i>Nullis ambagibus</i>	
	<i>Breuis</i>	<i>Sine repetitione</i>	
		<i>Sine reduplicatione</i>	
		<i>Solis necessariis</i>	
<i>Narratio siue rei</i>		<i>Propriis & vsitatis verbis</i>	
<i>siue negotii Clara</i>		<i>Debita accommodata pronun-</i>	
		<i>tiatione.</i>	
<i>Credibilis</i>		<i>Verisimilis</i>	
		<i>Debitis circumstantiis</i>	

	<i>Absoluta</i>	
<i>Diuisio siue enu-</i>	<i>Pauca</i>	
<i>meratio</i>	<i>Subdistribuenda</i>	
	<i>Ordinata</i>	
<i>Sermocina-</i>	<i>Confirmatio</i>	<i>Plane</i>
<i>tua</i>		
<i>Diductio</i>		<i>Diuisiue</i>
<i>Augumenta-</i>	<i>Confutatio</i>	<i>Per extra-</i>
<i>tua</i>		<i>neum.</i>
	<i>Potissima aliqua ratione</i>	
<i>Conclusio</i>	<i>Enumerationem breui</i>	
	<i>Amplificatione ad diuersos fines.</i>	

Commentariorum Henrici Cornelii Agrippæ, in artem breuem Raymundi Lullii
Finis.

Q. mag. alchem. & medic.

